






Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.360










Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.0.366





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.366






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL. 2.6.366

2. 6. 366

2 M. 6



XXXIV  
Maced.





# COMMENTATIONES

D V Æ

ECCLESIASTICÆ POLEMICÆ

Alteræ.

*Pro Sancto Vincentio Lirinensi, & Sancto Hilario Arelatenſi,  
& Monasterio Lirina.*

Alteræ

*Pro Sancto Auguſtino, & Aurelio, & Patribus  
Africanis.*

AVCTORE P. Fr.

FRANCISCO

A SANCTO AVGVSTINO

MACEDO

Lufitano Minoris Obſervantiæ

LECTORE SVI ORDINIS IVBILATO

*Publico Patavino;*

VENETO CIVE.



VERONÆ M.DC.LXXIV.

Ex Typographia Noua Rubeana.



COMMENTATIONES

D V A

ECCESTASTICAE POLEMICAE

Altera

The Sancto Vincentis Litterae, & Sancto Hilario (revelatae)  
& Monacho Litterae

Altera

The Sancto Augustino, & Aurelio, & Paulino

Altera

AVCTORE P. F.

FRANCISCO

A SANCTO AVGVSTINO


M A C E D O

Lugano Minoris Opulentia

LECTORE SUI ORDINIS INEILITO

Publico Patrono

V E N E T O C I N E



VERONA MDCCLXXIV

In Typographia Nova Republicana





ILLVSTRISSIMO . AC . REVERENDISSIMO D. D.

FRANCISCO

MARIA PHÆBEO

PRÆLATO DOMESTICO

Pontificio : vtriusque Signaturæ Referendario : Con-  
sultori Congregationis Consistorialis , & Sacræ  
Visitationis, Sacrorum Rituum, Congrega-  
tionis super statu Regularium, & su-  
per Indulgentijs, & Reliquijs, &  
Sanctissimæ Vniuersalis  
Inquisitionis ;

Canonico Sancti Petri, Abbati Sancti Seueri : Commendatario  
Sancti Spiritus ; Archiepiscopo Tarsensi .



Conferenti mihi sæpè ,  
ac diu , Illustrissime, &  
Reuerendissime Phæ-  
bei , præclaras animi  
Tui dotes cum Illustri-  
bus Familiæ Tuæ He-  
roibus, illud videri so-  
let, tantum à Te splendoris maiores Tuos

¶

2

acce-



accepisse, quantum ij Tibi claritudinis  
tribuerunt. Adeò ex æquo certant virtu-  
tes propriæ Tuæ cum Prosapiæ ornamen-  
tis, vt cum hæc meritis reddita esse con-  
stet, tum illis hæc debita videantur. Ita-  
que nec ornamenta melius collocari, nec  
merita sublimius ascendere potuerunt.  
Illud mirabile effecisti, vt commune ef-  
fatum: *Qui genus iactat suum, aliena laudat, à verita-*  
*te deficeret.* Etenim omnia nobilissimæ  
stirpis Tuæ lumina, quæ summa sunt,  
Tuarum opera virtutum, propria reddi-  
disti; quæcūque ij, & Paludati, & Togatifo-  
ris, & domi præclare gesserunt: ea omnia  
vnu tu Togatus in Romana Curia gra-  
uissimis functus muneribus partim reap-  
se præstas, partim animi magnitudine re-  
præsentas. Nec Maiorum tantum, sed  
etiam Patriæ, qua nulla est vel antiquior,  
vel nobilior, vel ornatior, vel opulen-  
tior, vel ciuium dignitate præstantior.  
Equis ignorat istam urbem florem, ac  
geminam esse Italiæ, Cereris, & Bacchi,



Pomona, & Amalthæa domicilium, ob  
cæli delicias amabilem; ob aeris tempe-  
riem, salubrem; ob ingeniorum acumi-  
na mirabilem; armorum palæstram; Do-  
ctrinarum Lycæum; Amorem Princi-  
pum, qui tanquam proci honorarij eam  
in sponsam toties petierunt, & pro ha-  
benda decertarunt; præsidium Religio-  
nis, ac propterea Romanæ Sedi gratissi-  
mam; in cuius demum clientelam spon-  
te sua voluit deuenire; vt clauibus illis  
subijceretur, quæ Cælo imperant; pro-  
pè quod esse debuit, cum esset Europæ  
Paradisus. Huius Tu, Illustrissime Phæbei,  
imaginem præ te ferre soles propter indo-  
lis suauitatem, ingenij subtilitatem, iu-  
dicii maturitatem, benignitatem erga  
omnes, magnificentiam, splendorem-  
que dignitatis, insignem litteraturam,  
præstantem doctrinam, peritiam rerum  
sacrarum; quibus Tu dotibus de tota Ec-  
clesiastica Republica optimè meruisti:  
Patriæ existimationem auxisti, genti-  
lium



lium insignium decora exornasti. Quid-  
quid clarissimæ Patriæ Tuæ natura conti-  
git, id Tu omne virtute libera expressi-  
sti: quas illa amœnitates, & vtilitates ge-  
nio feraci protulit, eas Tu felici ingenio  
repræsentasti, & ad salutem publicam  
contulisti. Beata Patria, quæ te sui simi-  
lem genuit: Tu fortunatus, qui, cum  
in ea natus esses, qua nulla est præstan-  
tior, eius votis, ac expectationi respon-  
disti. Nescio, vtri magis gloriandum  
sit, Matri ne, quod talem Filium tulit,  
quem omnes ei aliæ Ciuitates inuident;  
an Filio, cui nemo non alienus de Patria  
gratulatur? Fuerint Græci Heroes, qui  
Superis gratias agerent, quod Athenis  
nati essent, propter vrbis celebritatem.  
Eam Tu nactus es Patriam, Illustrissimæ  
Phœbei, vt propterea Deo à Te haben-  
dæ sint gratiæ, quod in ea natales ha-  
bueris. At quos natales? nomini Tuo  
congruentes, planè Phœbeos, & Solares.  
Phœbeios, inquam, non plebeios; So-  
lares,



lares; non vulgares; lucidissimos, splendidi-  
dissimos, fulgentissimos. Et quæ sum-  
ma genealogicæ lucis laus est, antiquis-  
simos. Illa est nobilissima Familia, quæ  
ob antiquitatem, fumosam habet origi-  
nem. Nobilitas magis fumo, quàm luce  
comendatur. Rutilat, cum fumea nube  
involuitur; & duplicat Solem. Atque ut  
hic & in Oriente, & in Occidente rutilat;  
ita Sol Nobilitatis Tuæ & in ortu, & in  
occasu splendescit. Sunt enim, qui in  
Hispania cunabula Genis Tuæ ponant.  
Sunt qui in Italia: dissensione felici, quæ,  
dum loca disungit, utrumque Solem con-  
iungit, & Orientem Italicum, & Occi-  
dentem Hispanicum. Vna stirps, tua  
utrumque Solem continet, & perpetuum  
agit diem; nè qua parte obscuritatem  
admittat. Illud tamen constare videtur  
Stirpem Tuam clarissimam ad Orientem  
in Italia: Romæ natam, ad Occidentem  
Hispaniæ commigrasse, more Solari, qui  
ab Ortū in Occasum tendit: obliquo

fane



sane cursu, quasi semper ad orientem se-  
reuocet, illumque respiciat. Et quidem  
maiorum Tuorum radios Genealogica,  
quam subijcio, historia explicabit. Tuos  
operæ pretium erit colligere. Macte Fœ-  
bei omnes dotes, tum quæ natura insunt,  
tùm quæ arte comparantur, collegisti,  
& verum Solem germanus Phœbus re-  
præsentasti, vt congeminitis luminibus  
solus Sol esses. Et quidem alij Soles stir-  
pis Tuæ si cum alijs comparentur, Soles  
sunt: si tecum conferantur, soles esse desi-  
nunt, & stellæ fiunt. Decorum tibi est  
ita nasci, & ita adolescere, vt possis ob-  
struere illorum luminibus, qui Te præ-  
cesserunt. Luxerunt ante Te alij, sed Te  
nato eluxerunt. Non modò obtudisti  
Maiorum radios splendore vberissimo, sed  
etiam præstrinxisti. Ijs præditus es virtu-  
tibus, vt si Maiores splendidos non habe-  
res, quales Tullius non habuit, ijs prælu-  
cere posses, vt à Te splenderent; eos  
tamen nactus es Maiores, vt cum ipsi per-  
fe



se splendeant, ijs pariter collucere, &  
augere lucem potueris, reddendo iis cu-  
mulatè lumina, quæ donarunt. Antece-  
dant illi Te annis, non meritis, Maiores  
ætate, & gradu, sed minores virtute,  
ac dignitate. Vnus Tu plura honorum  
insignia gestas, quàm olim spolia Trium-  
phatores, sorte meliori, cum hi spoliarent  
alienos, vt se ornarent; tu merueris or-  
namenta, quibus ornares Tuos, & alie-  
nos. Tua virtus Phæbeæ similis radios  
vnde quaque diffundit. Omnia signa  
virtutis prodit; & nunquam in illis va-  
rijs, ac diuersis occupationum motibus  
à linea honestatis recedit. Hanc Tu  
Eclipticam tenes, at citrà Eclipsim;  
defectum non pateris, & ex integro micas,  
non luce, aut vicissitudinaria, aut se-  
dentaria, sed perpetua, vigili, vaga, & in  
omnem partem mobili, dum lucidum or-  
bem circumfers, & illustras Orbem. Hoc  
vno Soli dissimilis, quòd vices Ortus,  
& Occasus nescis; semper meridies



Tuus liquet, nec ullis obtenebrari potest  
nubibus vel inuidiæ, vel fortunæ. Ro-  
mæ in Vrbe capite Orbis à teneris effulsi-  
sti: Quinque Pontificibus acceptus, à  
quibus quasi ex contentione ornatus; ho-  
noribus sequentibus merita, gradatim ad  
culmen ascendisti, exclusa fortuna: Tot  
ij sunt, vt quemquam alium possent  
obruere multitudine, ac pondere. At Tu  
omnium capax fers, & sustines nume-  
rum, & molem. Eos alibi commemo-  
ro, nunc illud sumo; ad eos præstandos  
opus fore centenis oculis, centenis ma-  
nibus; Tu tamen omnes vno intuitu, plus-  
quam Argus, vna manu, plusquam Gyges,  
comprehendis, & administras. Munus  
insigne Commendatarij varium, & mul-  
tiplex, quo nihil est occupatius, diffici-  
lius, impeditius, tanta facilitate, ac feli-  
citate geris, vt Intelligentia, quæ Cælum  
mouet, esse videaris. Ibi Notocomium,  
ibi Xenodochium, ibi Orphanotrophium,  
ibi Gynæceum, ibi Ordo, ibi Coenobium,  
ibi



ibi Ecclesia; ibi omnes Reipublicæ partes continentur. Cuncta rectè, ac ritè administras, & administrando auges, & locupletas. Auxisti redditus, amplificasti fabricam, beasti miseros, ornasti Religiosos, omnes in officio continuisti; satis est hoc munus ad destinandum virum, & prudentem, & validum, Herculi sacro parem. Sed pro Tua amplitudine exiguum, & leue apparet. Itaque alia, & penè omnia sacrarum Congregationum munia obis, ceu singulis natus fueris; factus ad res Diuinas, sacris operaris, & pensa Ecclesiastica ad D. Petri Religiosè soluis, & piam mentem Canonicis functionibus exerces. Vbique frequens, ac præsens imple Curiam, & quasi in pluribus locis vnus ipse sis, in nullo vnquam desideraris, specie quadam obiecta miraculi, certè omnibus admirabilis. Vales doctrina, eruditione Sacra, Profana, varia. Libros pulcherrimos Sacrarum Disciplinarum refertos in lucem edis, quæ



docti opera suspiciunt, pii venerantur. Litteras amas, & proferis, quibus proficis Christianæ Reipublicæ. Doctrinam morum exemplis confirmas. Viua lex recti, iusti & æqui norma, idea virtutis videris. Insuper Te Mæcenatem probas, ac exhibes, Doctorum hominum præsidium, & decus: ultra Mæcenatem sapiens, & nobilis. Solaris miseros, egen-tes subleuas, oppressos recreas, lapsos erigis, consternatos confirmas, afflic-ctos protegis, calamitosus subuenis, in-felices beas. Nec in oculo sunt virtu-testuæ: eminent, lucent, coruscant, & Solem te esse testantur. Omnes in te lumina, ac in fastigio summam efficiunt ex omnium numeris collectam. Id mira-bile, quod excellis modestia quadam sin-gulari, quæ reliquarum radios in te splen-dentium conatur obtundere umbra pudoris obducta. Verum & hoc Solis est umbram reddere & ex ea noscitari. Laudari, efferri, metuere: imo & vetas.

Quod



Quod ego ipse sum expertus , qui cum  
vellem effigiem tuam in uestibulo huius-  
ce operis præfigere , non modo eam de-  
negasti , sed etiam stemma subtraxisti ;  
iratus mihi quòd id tentarim . Tan-  
ta est moderatio tua , vt timeam ne  
quòd hanc Arborem tuam Genealo-  
gicam , quam extorsi à tuis , huic  
Epistolæ dedicatoriæ attexuerim ,  
mihi stomacheris . Nec vanus est  
timor : cum ex quo id inaudisti ,  
multis per te , per que alios amicos  
egeris , vt à proposito desisterem .  
Vicit tamen obstinatio mea modera-  
tionem tuam ; libertate sum vsus con-  
sueti . Scribo meo sensu , non alie-  
no . Multum me tibi debere fateor ;  
sine me hoc specimen grati animi  
exhibere . Etenim si minus , quàm  
pro eo ac debeo te commendaue-  
ro , ingratus esse videbor . Hæc  
est mea & vnica , & propria vir-  
tus . Præterea calamus , quem solum  
mihi



mihi fortuna è tot naufragijs reliquit ,  
iuris mei est vti eo pro meo arbitrio vo-  
lo: cum præsertim in te laudando ratio  
mihi habenda sit posteritatis, quæ Maio-  
rum nobilitate alitur , & Reipublicæ  
Christianæ , quæ magnorum virorum  
exemplis ad virtutem accenditur. Vno  
verbo. Scribo æternitati, non tibi. Impe-  
ra modestiæ tuæ ne mihi homini grato  
noceat: nam ego & officio, & obsequio  
meo imperare non possum quin suas par-  
tes exequantur. Quod attinet ad dedica-  
tionem operis non dubito, quin tibi con-  
gruat, teque deceat cum in rebus sacris,  
& Ecclesiasticis versetur, quarum tu es  
peritissimus, cum præsertim illud rem  
contineat innocentiae, fidei, & gloriæ  
Sanctorum Lirinensium, tum existima-  
tionis Augustini & Patrum Africano-  
rum, & inuiolatæ Ecclesiæ Catholicæ  
communione. Quæ argumenta digna  
sunt singulari tua pietate, religione, ac  
fide, cum præsertim hoc ipsum opus pro-  
batum



batum antea sit Eminentissimo, ac Reue-  
rendissimo Domino Cardinali Albizzio,  
quem copiosissimè eruditum, & solidis-  
simè doctum, & acerrimum Sedis Apo-  
stolicæ vindicem nouimus, qui mihi  
etiam per litteras significauit placuisse  
alijs in Re Ecclesiastica versatissimis, qui  
Romæ vtrunque in omni litteratura pa-  
ginam faciunt Viris, quorum ego præiu-  
dicijs fretus animos sumpsi ad hoc tibi  
opus dedicandum, & tuum mihi patroci-  
nium affirmandum.

Seruus Obsequentissimus  
Fr. Franciscus à S. Augustino Macedo.

Baronius antea in Epistola sua ad R. E.  
venerabilissimo Dom. no Cardinali Albano  
quoniam copiosissime eruditum & doctum  
fuit doctrina & acumen Sedis Apo-  
stolice vindexem nominus, cui mihi  
etiam per litteras significavit placuisse  
aliquid de Ecclesiastica veritate, cum  
Romae vivande in omni litteraria pa-  
giam faceret. Vixi quoniam ego prius  
dictis fectis an mos sumptu ad hoc ubi  
opus dedicandum, & tamen mihi parci-  
tium assumendum.

Scilicet Opus  
de Franciscana & Augustina Mente.



S C H E M A  
GENEALOGICVM

Stirpis Phœbeæ Vrbeuetanæ

A V C T O R E

*Comite Ioanne Baptista Castelmagio.*



SCHEMA  
GENEALOGICVM

Scipis Phoebe Virbentana

ANCTORE

Comite Iohanne Baptista Casselmannio.





Vnde de mandato Olympie Mai-  
 dalchina Pamphilie S. Marti-  
 ni Principisse, Innocentij X.  
 Cognata, Roma Urbem vete-  
 rem me contuliffem, ut de no-  
 bilitate auia Maidalchini Car-  
 dinalis eiusdem familie fra-  
 tris, cui Maltensem Crucem  
 Innocentius destinauerat (erat ea Hortensia Phæbea)  
 diligenter inquirerem, & Cartophylacij publici instru-  
 menta recognoscerem, reperi multa historiarum mo-  
 numenta, tum Ciuitatis, tum Ciuium idoneis au-  
 thoribus, Alphonsò Ceccarello, Cypriano Manenti,  
 Monaldo Monaldensi, quæquidem fauebant claritu-  
 dini stirpis Phæbea ea, pro meo in te, Illustrissime  
 Domine, officio, duxi opera pretium exhibere.

P Rimum omnium occurrit Octavianus, Pater  
 Petri, Auus Theodorici, à quo stabiliri, &  
 ornari cœpta Vrbeueteri Phæbea domus iam pri-  
 dem ibi constituta, quàm Manenti, A & Monal-  
 densis, B inter primarias enumerant, secundum  
 Micenelli vetustissimam, & clarissimam, &  
 quamuis non antea nominetur à Manente, C  
 & extra Consulares familias ponatur, nihil ei  
 de nobilitate detrahitur, cum hic Consularis  
 syllabus confectus sit multò ante quàm Theo-  
 doricus, aut Iacobus germanus frater, Urbem

A  
 Storie dell'an-  
 no 1578.

B  
 Comment. del  
 Anno 1573.

C  
 Manen. 1109.  
 lib. 1. pag. 40.

A 2 vete-



*A*  
Ceccarel. 8.  
Febru. 1322.  
2. p. 46.

*B*  
Monaldi.com-  
ment. all'anno  
1322. l. 9 p. 11.  
22.

veterem Roma migrarent, anno videlicet 1250. quemadmodum nec reperitur inter nobiles familias suspectas populo, & à magistratibus exclusas septem virorum decreto, *A* quippe quod Phæbea gens grata semper extitit populo, & publicæ administrationis particeps fuit. Habebat Romæ Octavianus, *B* anno M. CC. oriundus, vt ferunt, ab Hispania, sed fama obseura est, cum omnino compertum sit, Romæ cunabula posuisse, Vbi eius antiquæ familiæ monimenta adhuc in Capitolio extant, nempe antiquo, incisoque lapide consignata memoria Phæbei olim Sabinorum Ducis, cui Callij in Senonica Umbria Ciuitate originem ambiguam Conradum Aesinum, Anniumque Viterbiensem conatos astringere, Vghellius commemorat in Ital. sacr. tom. 2. in Episcopis Calliensibus. Et vnde Urbem veterem translata familia.

Petrus Octauiani Filius, Theodoricum Duce[m], & Iacobum Potestatem (nomina sunt Honestatum) procreauit, vt habetur in arbore Genealogica familiæ, delineata in carta pergamenæ, expressis nominibus, quæ ibi leguntur, fugientibus præ vetustate litteris, quemadmodum etiam perspicuè apparent Angeli, & Thomæ Angeluzzi nomina, qui vixere anno MCCCC. extat etiam descripta in eadem charta linea minorum ab Angelo vsque ad Petrum, & Nicolaum Pauli iunioris Auum, à quo huiusmodi arborem accepi. Verum quoniam familiæ claritudo manifestius apparebit ex contracta cum primoribus Vrbevetanis necessitudine, & munerum administratione, oportere arbitror præmittere notitiam



notitiam Regiminis huius Urbis, vt constet qui  
 publicos in ea gesserunt honores, eos clarissimos  
 extitisse, cum præsertim summa fuerit Ciuium  
 ambitio, contendente sæpè cum nobilitate, ple-  
 be, & dignitates ad se trahente, & ipsamet no-  
 bilitate in factiones diuisa sicuti in Romana  
 olim Ciuitate accidisse legimus. Iam inde ab an-  
 no DCCCCLXX. sancitum, vt duo Con-  
 sules liberam Ciuitatem tanquam capita Magi-  
 stratus, siuè Baliae ( sic vocari placuit ) guber-  
 narent: sed non diu tenuit eà forma Reipublicæ,  
 nam cum interuenisset mors gloriosa & Petri Pa-  
 renzi Urbis Rectoris, & Christianæ Fidei propu-  
 gnatoris, propterea occisi opera Theobaldi, &  
 Gotifredi, qui vico Ronciglioni præerant, hæ-  
 resimque fouebant, statutum fuit anno M. CL.  
 XXXIX. vt in locum Rectoris annui Magi-  
 stratus duo crearentur, vnus Potestas, alter  
 Capitaneus ex ordine nobilium, penes quos  
 Reipublicæ administratio esset. Postea anno  
 M. CC. XX. vsque ad M. CCC. occupata vi,  
 & armis Monaldensium Vrbe, ab iisdem in di-  
 uersas partes distractis, non tam est administra-  
 ta, quàm lacerata Respublica, secto quippe in  
 factiones populo, vti quisque suo Principi ad-  
 hærebat, ita mutuis se vulneribus concidebant  
 quod miserabiliter deplorat D Cecarellus: nihil-  
 ominus perseuerabant Potestas, & Capitaneus  
 à dominantibus electi, additis septem Consuli-  
 bus, qui eorundem arbitrio moderabantur  
 Rempublicam. Donec tandem excusso, Ponti-  
 ficum opera, & præsidio, Monaldensium iugo,  
 annuus fuit magistratus electus cum duplici  
 mu-

A  
 Ser. Ioan. del-  
 la Pieue lib. del  
 Riform. fol. 22  
 1322. Monald.  
 1330 lib 9 p.  
 82. lib. 10 pag.  
 88.  
 Ser. Arpino an.  
 1379 1380.  
 Ser. Antonio  
 1384.  
 Monal. 1019. l.  
 1. p. 18. 1037  
 l. 2. p. 179.

B  
 Cecarel. l. 2.  
 p. 21.  
 Manent. lib. 2.  
 p. 22.

C  
 Ceccar. l. 2 p.  
 81.

D  
 Ibid. l. 2. p.  
 34.



*A*  
Idem ibid.

*B*  
Lib. Ref. Ser.  
Restaur. 1307.  
P. 82.

*C*  
Lib. Refor. de  
Ser. Restaur.  
1310. 1313.

*D*  
Ceccarel. 19.  
Aug. p. 38. 39

*E*  
Cecc. 1322. p.  
45.

munere Potestatis, & Capitanei: is Bonifacius VIII. Pontifex fuit, liberata *A* Ciuitate, exclusis administratione Monaldensibus, & alijs, qui violentius imperitabant, exceptis tamen Petro Monaldo, & Vanne Masseo Monaldensibus *B* alijsque pacis, & tranquillitatis amantibus, inter quos fuere Phæbei ex optimatibus, quod factionis, & tumultus expertes erant. His minime Populus intercedebat, immò suffragabatur, ideoque *C* Consules creati, & honores adipisci, & Rempubicam gerere soliti. Itaque anno 1313. electi sunt sexdecim sapientes, quaterni pro regionibus Urbis, ut in Senatum venirent, & in rebelles ferrent sententiam. Haud multo post tamen Monaldenses, ad Rempubicam admissi, eam moderatè, ac iustè administrarunt. Anno deinde M. CCC. XV. *D* sapientes sexaginta constituti, *libra maioris* appellati, peculij publici augendi causa. Sed nouis exurgentibus turbis Anno MCCCXXII. habito, & optimatum, & popularium consilio, designati quatuor ex nobilibus, & totidem ex alijs, quorum partes essent tranquillitati, & quieti publicè inuigilare. Procedente die nobiles animosiores *E* facti, quod populi suffragia indepti essent, pleræque familiarum nobilium sunt restituta. Verum, ne promiscue, & tumultuose honores vindicarent, consilium Balie decreuit, ut nobiles discernentur à plebeis, & de illorum nobilitate inquireretur, cui si quatuor testimonia facerent fidem, ijs suffragio populari ad gubernandum opus non esset; sic quædam familiarum exclusæ, quædam admittæ, ne omnes irruerent, & Ciues opprimerent, quo



7  
 quò circa prudenter sancitum Anno MCCC-  
 XXX. vt Consulatui *A* adiungerentur quadra-  
 ginta optimates, & quadraginta populares.  
 Idplanè tenuit *B* vsq; ad Annum MCCCXXXI.  
 quò Ermanus Monaldensis defensor, & caput  
 Reipublicæ institutus, in qua is deinde Anno  
 MCCCXXXIIII. Principatum gessit arbitrio  
 suo, Magistratus eligens, remouensque; eo fato  
 functo Anno *C* MCCCXXXVII. penes Mo-  
 naldenses Dominatio stetit, non tamen apud  
 eos, qui à *Cernara*, (quorum Ermanus erat)  
 dicti, sed apud illos, qui *Viperæ* vocabantur.  
 Hi, quòd astu *Ceruaren*ses ab administratione  
 Ciuitatis amouerant, *Malcorini*; alij *Beffati* nun-  
 cupati. Anno demum MCCCXXXIV. recu-  
 perata *D* libertas, designato tamen vexillifero  
 Duceue (Confalonarium vocant) Angelo Van-  
 no Montanaro è Monaldensibus, & statuto, vt  
 regimen *E* Ciuitatis, creatis septem Magistra-  
 tibus (Dominos dicebant), instauraretur. Bre-  
 uis ea dignitas fuit, Benedicto Monaldensi oc-  
 cupante Principatum, & prius dominium auer-  
 tente, cuius ille temeritatis paulò post Magi-  
 stratu deiectus, & Vrbe expulsus, pœnas luit  
 Anno MCCCXXXVI. *F* fuspecto ei Conra-  
 do, quem populus, per Annum, protectorem,  
 ac defensorem elegit; quò breui mortuo, subro-  
 gatus Comes Guido Soanensis, & ac eo vix decur-  
 so, Urbis dominium, & regimen Perusinae  
 ditioni obnoxium esse cœpit, Anno videlicet  
 MCCCXXXVIII. Quoniam verò eo interual-  
 lo Optimates publicos vsurpauerant honores,  
 decretum vt Ciuitas statui populari restituere-  
 tur.

*A*  
 Lib. ref. ser.  
 Celle 8. febr.

1312.  
 Cccc. l. 2. p.  
 149. & 150.

*B*  
 Lib. ref. d. ser.  
 Celle 18. Maij  
 1330.

*C*  
 Ceccarel. l. 3.  
 p. 52.

*D*  
 Idem l. 3. p. 53

*E*  
 Idem l. 3. p. 61.

*F*  
 Idem l. 3. p. 66

*G*  
 Idem lib. 3.  
 pag. 65.



tur, ac ne ullus deinceps Nobilium, priuilegio  
 populi gauderet, neue cuiquam illorum liceret  
 Senatum ingredi: additum, vt qui septem Ma-  
 gistratus, siue Domini dicebantur, *Primores* ob  
 vitandam inuidiam nominis vocarentur: Con-  
 silium *A* autem Balia ex ducentis Ciuibus coa-  
 lescebat pari auctoritate, ac ea, qua Consules,  
 & Quadraginta Viri potiti fuerant. Vixere in  
 summa pace Ciues, donec Anno MCCCLI.  
 Optimates *B* violentia vsi, in Concilium se in-  
 truserunt, eaque porta ad dominium patefacta,  
 Benedictus Monaldensis de Vipera Principatum  
 occupauit. Exinde coeperunt dici Bessati, Mus-  
 fati, & Malcorini, Melcorini. Nec diuturna fuit  
*C* Benedicti felicitas, Anno quippe MCCCLII.  
 vicinus Vicipraefectus ei dominatum extorsit,  
 ac deinceps a Populo Dominus Urbis appella-  
 tus, gessit Rempublicam. Haec varietas Prin-  
 cipum ansam dedit firmo, & constanti Prin-  
 cipatui, Anno quippe MCCCLIV. Cardinalis  
 Aegidius Albornozius Vicarius, & Legatus In-  
 nocentij VI. Papae Urbem ei obnoxiam fecit, &  
 volentem Populum in Pontificiam ditionem  
 transtulit, ac demum vnanimi consensu Ciuium  
 Innocentius Dominus declaratus, & Cardinalis  
 Aegidius, honoris causa eodem nomine appella-  
 tus, *D* regimen obtinuit. Is optima administra-  
 tione Reipublice effecit, vt ea salubre consilium  
 caperet dedendi se Summo Pontifici, ac in pote-  
 state Ecclesiae manendi, idq; voto, & gratulatio-  
 nepublica testatum. Itaque, illo mortuo, de eo  
 missi ad Papam *E* Martinum V. Legati. Per-  
 seueravit tamen regimen septem Dominorum  
 vsque

*A*  
 Ceca. l. 3. p. 67

*B*  
 Idem l. 3. p. 70

*C*  
 Idem l. 3. p. 18

*D*  
 Lib. rif. scr. Re-  
 staur. 24. Iul.  
 1554.

*E*  
 Ceccar. p. 81. l.  
 13. p. 83. l. 30.



9  
vsque ad Annum MCCCCLXXIX. nonnullis intercurrentibus, velut in Mari recens pacato, turbinibus, donec eo ipso anno, tota Respublica ex integro, Pontifici sese tradidit. *A* istum erat Urbanus VI. & quidem tranquilla, prout erat voluntaria, ea deditio foret, si tempora turbulenta permitterent. Horum vicissitudo perturbauit statum. Etenim Clemens VII. Antipapa, vti Ecclesiam inuaserat, ita Ecclesiasticam ditionem diuiserat, cuius illustris erat portio Vrbeuetana. Igitur artibus, & opera *B* Berardi, & Ranaldi Monaldensium, quos consueti Imperij dulcedo inescabat, & Ioannæ Reginae Neapolitanæ Clementis VII. fautricis opes, & copiæ animabant, turbata quies, ipsos in Urbem immittente Cardinali à Pileo Rauennate Legato Clementiano, & in eosdem dominium transferente. Verùm breui tempestas detonuit secuta cæde Ranaldi Anno MCCCXC. & deditio Arcis Comitis Montorij, eoque effectum, vt rediret ad verum Dominum Romanum Pontificem Bonifacium IX. cui publicum, ac æternum fidelitatis sacramentum dictum; annuentibus Luca, & Conrado Monaldensibus, qui tunc administrabant Rempubicam. Anno MCCCCLXXXIX. habuit quaternos Consiliarios binos factionis Muffatæ, binos Melcorinæ, & Governatorem Reipublicæ Nobilem quemdam Perusinum.

Ineunte Anno MCCCC. qui *C* tunc præerat *Idem lib. 1. p. 100.* Vrbi Ioannes Tomacellus Vicarius, & Nepos Pontificis Bonifacij IX. coacto Concilio Ciuium, creauit quatuor Conseruatores pro numero

*B* *mero*

*A*  
Ceccarel. l. 1. p. 84.  
Idem p. 85.

*B*  
Idem lib. 1. p. 91.

*C*  
Idem lib. 1. p. 100.



mero regionum, quibus nomen inditum Vexil-  
larij, vulgo Confalonerij, seu capitis regionis,  
& quia vna earum infrequens erat, contractus  
est numerus, *A* & ad ternos redijt. Hic rerum  
status tranquille habuit sub Domino Bonifacio,  
donec Anno MCCCCXIII. à Ladislao Rege  
Neapolitano acerrimo Pontificis hoste turbatus  
est, qui vsurpato per vim Vrbis Dominatu spe-  
ciem liberatis obtenderat. Verum *B* eo paulo  
post mortuo, populus Comiti Sfortiæ Principa-  
tum detulit, qui nimium brevis exstitit, quo-  
niam eodem anno Cardinalis a S. Eustachio Le-  
gatus, & Vicarius Ioannis Papæ XXII. recupe-  
rauit dominium, & Ecclesiæ restituit, suum  
tamen tenuit cursum vetus administratio vicissi-  
tudini rerum capitumque obnoxia. Etenim an-  
no MCCCCXVI. Braccius *C* à Montone, Forte  
brachium dictus, Ciuitatem armis oppressit, &  
Principatum vsurpauit: ab eo electi duo Con-  
seruatores Muffati, & alij duo Melcorini, quo-  
rum opera administrata Resp. vsq; ad annum  
MCCCCXX. *D* quo ad Ecclesiam rursus re-  
dire placuit. Præerat ei Martinus V. Pontifex,  
qui Conseruatoribus mutatis moderatorem, &  
Prætozem Vrbis instituit Augustinum *E* Colum-  
nam, sed populo tumultante ob dissensionem op-  
timatum, & popularium munus conseruatorum  
ambientium, sortibus commissa electio, ita vt  
nomina Candidatorum in urnam mitterentur, &  
inde extraherentur: hac ratione, vt si primus  
esset Muffatus, secundus Melcorinus existeret.  
Quaternos sortiri placuit, qui dies septem vicif-  
sim præessent, quæ forma regiminis durauit ad  
Annum

*Cec. lib. 3. p. 107.*

*Id. lib. 3. p. 113.*

*Idem lib. 3. p. 117.*

*D*  
*Lib. 1. form.*  
*ser Bart Me-*  
*gliorizi ser.*  
*Fab da Nar-*  
*ni 1416.*

*E*  
*Cec. lib. 3. p.*  
*118.*



II  
 annum vsq; MCCCCXXVI. <sup>A</sup> Interim Optima  
 res subirati vi agebant; & turbas in Vrbe excita-  
 bant, quod agre ferrent illam æqualitatem (con-  
 fusionem dicebant) Optimatum, & popularium  
 sublato plebis, & nobilitatis discrimine; quare  
 anno MCCCCXXX. denuo sancitum <sup>B</sup> vt in-  
 posterum quatuor Conseruatores, sortito elige-  
 rentur, duo primi ex optimatibus, duo reliqui  
 ex popularibus, quorum nulla esset permixtio,  
 sed intra suum quisque gradum contineretur,  
 intra quem senex iuniorem præcederet. Verum  
 ne hac quidem ratione quies parta <sup>C</sup>, nam se-  
 quens annus MCCCCXXXI. nouis dissensio-  
 nibus, & tumultibus perturbari cepit, atque  
 adeo nouum gubernandi modum excogitari  
 oportuit, videlicet addendi alios quatuor Con-  
 seruatores ex secundo gradu popularium, qui  
 extrahendi erant ex vrna diuersa omnino ab al-  
 tera primi gradus optimatum. Sed malè coibant  
 male facta Reipublicæ vulnèra. Recruduerunt  
 igitur anno MCCCCXXXVII. Eugenio IV.  
 Pontifice, cum <sup>D</sup> Gentilis Petri Antonij Mo-  
 naldensis filius, antea dictus della Sala, vrbis re-  
 gimen vsurpauit, ac vt protector factionis Mel-  
 corinæ Vrnæ totam eius nominum impleuit  
 ineunte anno MCCCCXL. imminuto numero  
 Conseruatorum, quos binos tantum esse iulit,  
 sed breue fuit dominium, nam quarto post anno,  
 Ciuitas Ecclesiæ, Nicolao V. Pontifice, occasio-  
 ne cædis Henrici fratris Gentilis, dum hic Vrbe  
 aberat restituta, ac proinde anno <sup>E</sup> MCCCC-  
 LX. instauratus Magistratus sex Conseruatorum  
 ex auctoritate Pij II., tunc præsentis confirma-

<sup>A</sup>  
 Lib. ref. Ser.  
 Julian Melch.  
 d. Anagn. p.  
 110.

<sup>B</sup>  
 Cecc. lib. 3. p.  
 114.

<sup>C</sup>  
 Idem lib. 3. p.  
 114.

Id. ibid.

<sup>D</sup>  
 Idem lib. 3. p.  
 119. 120.

<sup>E</sup>  
 Idem lib. 4.  
 pag. 147. 148.

B 2 tus



<sup>A</sup>  
Ceccarell. lib.  
4. pag. 147.  
148.

<sup>B</sup>  
Idem lib. 4.  
p. 145. 148.

<sup>C</sup>  
Idem l. 4. p.  
148. 151.

<sup>D</sup>  
Lib. refor. Ser.  
Iacobi moncl.  
1488.  
Cecc. lib. 4. p.  
154.

tus anno MCCCCLXV. decretum, vt seni op-  
timates, totidem <sup>A</sup> populares essent, ea lege, vt  
mutuo præcederent iuxta conditiones, & merita  
familiarium, quæ initio fuerant in sortes conie-  
ctæ. Decretum primum vt Illustres constituer-  
rentur, & inter eos insignes aliquot Iuris Con-  
sulti; secundum, vt nobiles sine titulo, tandem  
Ciues seruatō gradu, & antiquitate stirpium  
admitterentur. Id coeptum exerceri mense Sep-  
tembri, & Octobri eius anni, <sup>B</sup> continuatumque  
deinceps vsque ad annum MCCCCLXXXII.  
quo numerus sex ad quatuor redactus. Hinc  
nouæ turbæ exortæ, <sup>C</sup> quod abundante numero  
eorum quierant in secundo gradu necesse fuit  
eos ad tertium reducere, propterea reditum ad  
priscum numerum sex conseruatorum <sup>D</sup> anno  
MCCCCLXXXVIII. seruatō graduum ordine,  
idque obseruatum vsque ad annum MDLIV.  
cū redactus est numerus Conseruatorum ad  
quatuor. Ac vt æqualiter diuiderentur, vt qui  
primi gradus essent manerent in secundo, &  
qui secundi in tertio Anno MCCCCLV., quem  
modum sortiendi Paulus Raynutius, sedandi  
tumultus causa de mandato Pontificis Vrbeue-  
teri Commissarius institutus approbavit. Ve-  
rū non sustulit turbas, imō maiores excitauit:  
quare anno post MDLVII. reformanda vrna  
fuit, & proinde ad caput redijt sex Conserua-  
torum intra ordinem graduum, idque tenuit ad  
annum MCCCCLXII. cū tentatum fuit re-  
stituere numerum quatuor, ita vt singuli diui-  
derentur per regiones, sortitō tamen, ea lege,  
vt singuli præcederent per quindecim dies du-  
rante



rante bimestri magistratu; sed exarcebat eo sunt  
 Titulares, & Nobiles, qui apud Pontificem con-  
 questi, effecerunt vt Commissarius super eo mit-  
 teretur D. Lucius Saxeus postea Cardinalis, qui  
 sustulit modum sortiendi nouum, reducens  
 illum ad antiquum sex Conseruatorum, seruato  
 ordine, & distinctione graduum. Ita continua-  
 tum A vsque ad finem anni MDLXIV. quò im-  
 petratum fuit mense Decembri diploma à Pio  
 IV. cuius vigore electus est Magistratus vnus  
 Vexillarij, seu Confalonerij ex numero Titula-  
 rium, & B Nobilium, & quatuor Conseruato-  
 res iuxta gradus Familiarum, idque inchoatum  
 anno MDLXV. vti scribit Monaldensis in suis  
 Commentarijs hisce verbis. *Iussit Pius finiri sor-  
 tes singulis lustris, & eligi Confalonerium, & Con-  
 seruatores, qui praeederent pro aetate, essentque è  
 Ciuibus, sicut tamen vt Confalonerius praeederet Con-  
 seruatoribus, ac eligeretur ex numero titularium  
 Comitum Doctorum Capitaneorum, & aliorum Op-  
 timatum.* Quod quidem pergit Monaldensis  
 commemorare, sed id nocuit potius, quàm pro-  
 fecit; oportuit quippe interdum eligi in Con-  
 seruatores vnum ex familia nobili cum detri-  
 mento dignitatis, & gradus, vel illum prætere-  
 re dignitate vacuum. Quoquo modo id fuerit, di-  
 ploma Pij IV. obseruatum fuit, ac etiam nunc  
 obseruatur, quamquam anno MDLXXIII. re-  
 nouata vrna, quæstio mota est inter Ciues, qui-  
 busdam contendentibus, vt inter Conseruatores  
 non haberetur ratio solius ætatis, sed etiam con-  
 ditionis, & gradus familiarum, & qui pares es-  
 sent, hi præederent iuxta tempus ætatis, nihil-  
 ominus.

A  
 Cecc. lib. 4. p.  
 198. 199

B  
 Monald. lib. 9.  
 p. 188.



Manen. 1199.

l. 2. p. 37.

Monal. l. 10. p. 195.

ominus tamen **A** præscriptum Pij Pontificis receptum est à Ciuitate summa cum pace propter suauem administrationem Ecclesiæ, quæ tanto felicior fuit sub dominio Pontificis, quanto antea infelicior fuerat sub illa fucata libertate, quæ vicissitudine rerum publicarum turbis, & tumultibus se reddit obnoxiam, & ambitioni litat.

**V**lt ra hosce Magistratus, fruebantur Optimates Camerariatu Reipublice, idest Gazophylacio, siue Præfectura communis ærarij, cui præerant iam inde à tempore Martini V., qui Ciuitati restituit potestatem fabricandi, tum quo ad munus publicè ædificandi, tum quo ad speciale Xenodochij S. Mariæ à Stella nuncupati. Itaque

Manen. l. 4. p. 25.

Monal. l. 14.

p. 150. anni

1421.

Anno MCCCCXXI **B** sanxit Consilium delegationem oneris annui vni nobili cum administratione fabricæ, qui Supraantis nomine præesset, & alteri præfecturam Xenodochij cum titulo Rectoris, quæ duo munia in vfu fuerunt cum Ciuitas proprio arbitrio regebatur. Siquidem initio fabricæ S. Mariæ anno MCCCCLXIV.

Ceccarel. l. 2.

p. 28 anni

1290.

designatus **C** fuit Præfectus Monaldus Ciuis Beltrami Monaldensis filius, & cum iacta sunt fundamenta à Nicolao IV. electus fuit Præfectus Conradus Ermanus eiusdem Ciuis filius, & postea alteri Nobiles Primates vrbis, inter quos fuere plerique à Theodorico descendentes, quorum seriem commodum deducemus.

Manen. 1256.

l. 2. p. 121. &

1248. p. 113.

Theodoricus **D** filius Iacobi Potestatis ille quidem est, quem Teobaldum, falso tamen, dicit prius historicus laudatus à Manenti, & Monaldensi, siquidem in illa serie **E** annorum non mu-

Monal. 1256.

12. 48. lib. 10.

p. 93. a 1.

me-



merantur alij filij Petri, & Octauiani, quàm Po-  
 testas, & Capitaneus, cum constet Theodori-  
 cum, & Iacobum, eos honores gessisse, uti ha-  
 betur ex arbore Genealogica: ex qua item li-  
 quet eundem Theodoricum iam tum Urbem  
 ueterem habitasse, & apparet in vetusta in-  
 scriptione Gothicis litteris vncialibus exarata  
 in fronte pergulae Ecclesiae S. Georgij Martyris  
 in fundo familiae tuae Phoebeae, quorum maior  
 natu, idest Io. Paulus Archipresbyter illius Ca-  
 thedralis eo me visendi gratia deduxit, quae in-  
 scriptio, & si temporis iniuria exesa sit extant  
 in ea tamen haec lineae, *Theodoricus Fabens, &  
 Gentilina Monaldensis vxor, anno MCCLXII.* quae  
 quidem Ecclesia, vel ex integra, vel maximam  
 partem videtur esse constructa à Theodorico  
 supra rudera prisca templi vicini monasterio S.  
 Georgij, cuius *A* meminit S. Gregorius Magnus.  
 nec verò illa est, ut vulgò creditur, quae sita erat  
 inter Ecclesiam Sanctissimae Trinitatis, & Dei-  
 param S. Laurentij *B* apud S. Gorium siue  
 Georgium, siquidem ibi non fuit instaurata Ec-  
 clesia, & Monasterium S. Georgij, sed S. Gre-  
 gorij, quae aedificia erecta, & fabricata sunt à  
 Gregorio VII. Papa anno M. CLXXXIII. in  
 memoriam S. Gregorij, sui cognominis. Aucto-  
 re Manenti, cuius haec sunt verba: *Gregorius  
 VII. ornauit Urbem ueterem insigni Monasterio  
 sui nominis, idest S. Gregorij, non autem Geor-  
 gj.* Constat verò eo tempore vixisse Theodori-  
 cum ex Poemate *D* Romae edito anno MDC-  
 XXVI., opera haeredum Zannetti, quod est  
 huiusmodi

*A*  
 S. Greg. Mag.  
 regest. Epistol.  
 l. 1. ind. 9. ep.

*B*  
 Monald. l. 11.  
 p. 109, 1145.

*C*  
 Manen. 1087.  
 p. 30.

*D*  
 Bottifang in  
 poem. Sanctif.  
 Corp. cath.

14 octau. 1. p.  
 189.



Poi ch' hebbe Urbano il susseguente giorno  
 Con parco cibo il debil sen placato,  
 A' Santi piè, col fatto usato intorno  
 S'atterra humil l'altero Maestrato  
 Di fiorito drappel superbo adorno,  
 De' più pregiati del souran Senato,  
 Fra quei più d'altro, d'anni, e gradi onusto  
 Febeo sì disse in bel sembiante augusto.

Idest latine

Proxima iamque dies medium peruenerat orbem;  
 Urbano modicoque cibo, potuque refeito,  
 Mos ut erat, parco, cum nobile cernitur agmen  
 Undique collectum properare, insignibus Urbis  
 Ac proprijs fulgens de more afferre parabat  
 Oscula sancta pedum; stant lumina clara Senatus,  
 Atque Magistratus opulenta in veste micantes:  
 Quos inter canis, & honoribus auctior extas  
 Fabens specie angusta, facieque micanti.

Urbem tum veterem incolebat Urbanus IV. de  
 quo canit Poeta, causa miraculi Sanctissimæ  
 Eucharistiæ patrati ad S. Christinæ Vulsinij An-  
 no MCCLXIV., quod fuit origo celeberrimæ  
 annuæ pompæ, quæ habetur die Corporis B  
 Christi, uti tradunt S. Antoninus, Ceccarellus, &  
 Raynaldus in annalibus, vbi ponitur constitu-  
 tio. *Transiturus B de hoc mundo*, quo fermè tempo-  
 re promota, non tamen absoluta fabrica Eccle-  
 siæ S. Dominici expensis Monaldensium, inter  
 quos Theodoricus censebatur, in ea quippe  
 Sarcophagum sibi, & posteris posuit, & fron-  
 tem si minus fabricauit, certè oculum, siue fene-  
 stram ocularem sumptibus suis aperuit, ab hinc  
 annis decem demolitum, quod ruinam minaba-  
 tur

<sup>A</sup>  
 S. Anton hist.  
 tit. 4. c. 1. § 1.  
 Cecc. 1264. l. 1.  
 p. 28.  
 Raynal. annal.  
 tom. 14. 1264.  
 num. 26. 27.

<sup>B</sup>  
 Bullar Rom.  
 tom. 1. Urb.  
 IV. const. San-  
 ctiss. pag. 118.  
 Cecc. l. 2. p. 28.



tur, quemadmodum graues senes, Religiosi que  
 mihi confirmarunt, asserentes extare in ea fene-  
 stra orbiculari ex marmorato candidissimo Stem-  
 ma Phœbeum, cum characteribus eiusdem notę  
 ac illi qui in Sarcophago sunt incisi, idque ego  
 meis oculis vidi, cum eò me transtulissem, quod  
 ipsum Stemma cum *Apice* Gothicis expressum,  
 notis visitur etiam in dextero latere eiusdem Ec-  
 lesiæ S. Dominici. Quoquo modo ista se habe-  
 ant, constat Theodoricum externus cum esset,  
 non potuisse non esse Nobilissimum, quando  
 cum Familia Monaldensi, & alijs primarijs  
 eius Urbis affinitatem contraxit: quam sangui-  
 nis claritudinem in primis testantur honores  
 Capitanei, & Potestatis quos gessit idem ipse  
 Theodoricus, & Iacobus *A* eiusdem frater, qui-  
 que, auctore Manenti, decreto publici consilij,  
 solis personis illustribus tum indigenis, tum in-  
 quilinis conferri poterant. Addit Monaldensis,  
 tanti eos Magistratus fuisse, vt ambirentur à  
 Principibus totius Italię Viris, qui se ijs ornari  
 existimabant: cuiusmodi fuerunt Tibaldus Prę-  
 fectus Vici, Pepo Farnesius, Pandulfus, & Ioan-  
 nes Sabelli, Napoleo, Bertoldus, Gentilis, & Ca-  
 rolus Vrsini, S. Bonauentura *B* iam Cardinalis,  
 Viscardus Vgolini à Prouincia, nepos Caroli  
 Regis, Ioannes, Iacobus, Stephanus Colum-  
 nenses, Comes Pandulphus Anguillaræ, Adi-  
 nolfus, & Petrus Caietani, & Duces Fafuccius,  
 Guido Ranerij, Robertus Medices, Comes Al-  
 dobrandinus, Guiliehnus à S. Flora, Napoleo,  
 Bertoldus, Matheus Vrsini, Raynutius Farnesius,  
 & Comes à Soanna, & Io. Sabelli. Inter hos igitur  
 Principes familię numeratur Phœbeus iam

C tum

Manent. 1199.  
l. 2. p. 87.

Monal. l. 10.

p. 92. 93. 94.

95.

Manentit. 1. l.  
2. p. 8. ad 2; 8



Patrit. de rub.  
hist. de dirept.  
Vrb Romæ  
part. 2.

Lib. reformat.  
& Cameriat.  
an. 1285. 1288

tum à Theodorico, & fratre ijs honoribus obren-  
tis. Hic est ille Theodoricus, qui Capitaneus ex-  
stitit Vrbeuetanæ Reip. vti constat ex tractatu  
Genealogico Anni MCCLVI. missus quippe fuit  
Anno MCCLXI. publico nomine, cum turma  
equitum Dux Subsidiarius Florentinis, qui Gi-  
bellinos vrbe expulerant, quemadmodum nar-  
rat Patritius de Rubeis *A* in sua de direptione  
Vrbis Romæ historia par. 2. cui inferit narratio-  
nem de vicissitudine regiminis Florent. Reipu-  
blicæ, quam scripserat Franciscus Patritius Fr.  
Nicolai de Rubeis Cardinalis, vbi sic *Ciues com-  
muni nomine miserunt legatos Vrbem veterem pro  
suppetijs, & in primis petierunt duos optimates, alte-  
rum in Potestatem Civitatis, alterum in Ducem bel-  
li; missi sunt centum equites cum Ermanno Monaldo  
Potestate, & Phabeo Nobili Duce.* Hic inquam Phoe-  
beus fuit Theodoricus, a quo anno MCCLXII.  
ædificari cepit Ecclesia S. Georgij prope Vrbem,  
& a quo anno MCCLIV. Urbanus IV. publico  
nomine exceptus. Ab eodem, quemadmodum  
constat ex libris, *B* quos vocant Reformanze, & ex  
tribus alijs Camerariatus, & publicis tabularij  
instrumentis descenderunt duo Blasij, & duo Ia-  
cobi, non enim fuit vnus tantum Blasius, & vnus  
Iacobus, vt existimat Castelmagius, quoniam  
Iacobi Potestatis germanus Fr. Theodoricus  
Capitaneus filius Petri ab Octauiano geniti Bla-  
sium genuit alterius Iacobi Parentem, à quo  
Bartholomæus, & secundus Blasius procreati  
fuerunt, quem constat ex vetustis, ac publicis  
administrationum tabulis anno 1285. fuisse Gen-  
tilis Vrsini Nepotis Nicolai III. Summi Pontifi-  
cis Potestatis Vrbis veteris Assessorem, & An-  
no



no 1288. ad Urbem oratorem à Publico Ciuitatis delegatum, quare genealogia ita à summo ad imum videtur deducenda.

1 Octavianus ex antiqua genealogica familia arbore, atque ex Manenti, & Monaldensi apparet Auus Theodorici, & Iacobi, Pater Petri.

2 Petrus ex eorumdem Testimonio fuit Octavianus filius Pater Theodorici, & Iacobi.

3 Theodoricus germanus Fr. Iacobi Potestatis, is est, quem Capitaneum publici, Urbis ueteris ducem subsidiarium Florentinorum, & Magistratus Principem Urbano IV. Pontifice prælibauimus ex Gentilina Monaldensi Genitor Blasij.

4 Blasius Theodorici filius ex antiqua arbore, atque ex publicis administrationibus æris publici ostenditur Pater secundi Iacobi.

5 Iacobus Blasij filius, Fr. Bartholomæi, & secundi Blasij Pater, ex præfatis testimonijs euincitur.

6 Blasius Theodorici Vxorem duxit Sulpitiam Neri è Græca familia prisca, & primaria Urbis, ac de numero Consularium, atque adeo à regimine exclusarum in Concilio congregato die 8. Febr. anno MCCXXII. quin & Neris fuerat Capitaneus Ciuitatis; ex hoc matrimonio Blasij, & Sulpitiæ, nati Petrus, & Angelus dictus Angeluccius, & Tutius.

Petrus Blasij filius Fr. Angelucci extat insertus in vetusta arbore Genealogica coniux Bindæ à Baschi, Paulus ab eò genitus adijcitur.

Paulus filius Petri duxit Lauram Vgolini Comitis Montis martis. Testatur id instrumentum dotale, quod extat apud Io. Baptistam.

Lib. istrom.  
Ser. restaur.  
15. Nouembr.  
1307.  
Ceccl. l. 2. p. 47.  
Monald. l. 9.  
ann. 1283.  
1284.

Lib. instr. Ser.  
Nanne de Pi.  
tigh. an. 1354.



Magrini, cuius exemplum exhibitum mihi fuit ab Equite Hectore Montis martis, ctsi in antiqua arbore genealogica nullum eius rei indicium sit, ex ea tamen constat Angelum, & Thomam dictum Thomasutium fuisse filios Angelucij fratris Petri appellatos ab Angeluccio Domini Blasij, siue Tuccij à Meo, cuius rei testimonium reddunt tabulæ reformatæ, & alia instrumenta Cartophylacij publici.

**A**  
Ex instr. rog.  
per Simeonem  
Cecc. & simili  
rog per Gaspa  
rem Biasiolum  
anno 1460 exi  
sten. in Archiu.  
Vrbis veteris.

**B**  
Art. Ser. Cinal.  
car. 21. Monal.  
l. 14. p. 118. lib.  
instr. ser lucio  
lario 7. Maij  
1406.  
Cecc. l. 1. p. 10.  
lib. rif. 1376.  
1389. lib. rif.  
1394. 1407.  
lib. rif. 1398  
1490. allibrat.  
1389. 1390.

**C**  
Lib. rif. 1387.  
lib. rif. 1393.  
1398. 1408.  
lib. rif. 1410.

7 Angelus dicti Angelucci, vel Tuccij à Meo Frat. Minoris Aui, cuius à Meo ipse Angelus, & Thomas Fr. vti dictum est, apparent scripti heredes, habuit uxores duas, prima fuit Victoria Domini Iacobi à Leonardo, cuius agnatio dicta tum Mancini, postea cognominata est Lactantij; ex hac suscepit Seraphinum, & Coronnam, quæ nupsit Vgolino Iusti a Varne Massei Monaldi, qui Anno MCCCCXXXII. gessit Capitaneatum inter Camertes, fuitque vnus ex relegatis factionis Muffatæ à Cardinale S. Eustachij Vicario Ioannis XIII., altera fuit Cæcilia Bartholomæi Georgij à Bisenzo, quæ stirps prisca est in Etruria, & inter primarias memoratur à Ceccarello, quæ cum Monaldenses necessitudinem contraxerunt. Hic verò Angelus vnus fuit è septem Dominis præfidentibus, Magistratus, & Camerarius fabricæ S. Mariæ, & primus Conseruator, quæ proxima septem Dominis dignitas erat: apparuit autem ex mutuis pecunijs priuatis ab eodem acceptis Reipublicæ nomine fuisse eum copiosissimum, & splendidissimum Ciuem, suscepit filium ex vxore Cecilia à Bisenzo Michaellem Angelum. Thomas C F. Iacobi ex Patre Angelo fuit vnus ex numero septem



septem Dominorum, Camerarius fabricæ S. Mariæ, genitor Petri, qui iuramentum fidelitatis præstitit Pontifici Martino V. Idem Camerarius fuit fabricæ, Vxorem Angelinam Catalani Petri Monaldensis filiam accepit. Decessit nulla prole relicta.

8. Seraphinus Angelidictus, Angelus Angelucij, siue Tutij à Meo Duci Braccio Montano, obnoxium se, & Martino Papæ V. fecit, ut compertum habetur formula hac: *Seraphinus Angelus de Phabets. Hic collatis B in Rempublicam pecunijs claruit, & honoris causa spectabilis vir*, inscribi in publicis tabulis solet, alias Pater Patriæ dictus. Duxit in Matrimonium Girondam Lamberti Petriab Vgolino, quorum mentionem facit Monaldensis, hodieque appellantur nobiles, & quorum stirpe fuit Cardinalis huius nominis, & qui in viuis est Marchio Vincentius. Ex ea sustulit Angelum Octavianum, Petrum Paulum. Huius Seraphini Frater extitit ex patre tantum Angelus vocatus Angelus Tuccij à Meo, siue Seraphini fratris natu maioris, idque apparet ex instrumento cessionis factæ Cherubino filio a Patribus Dominicanis, in qua expressè habetur *Cherubinus Michaelis Angeli Seraphini*, Michael verò c Angelus Conseruatoris nomine, fabricam murorum d Urbis curauit, & Comitatus, Confalonarius, e seu Vexillarius regionis Posterulæ. Ex Vxore f Felicianâ, nati sunt ei liberi Cherubinus, Felix, Dominicus. Cherubinus primus conseruator, g & Rector fuit Nosocomij. Huius Coniux h Pandulfa Claraualensis Tudertina, quæ familia inter nobilissimas ponitur a Ceccarello, utpote quam Monaldenses

sibi

Lib. istr. Ser. Filippi de sing. 15. sept. 1436.

B  
Lib. rif. 1419.  
lib. rif. 1410.  
lib. rif. 5. No-  
uemb. 1438.  
Monald. Com-  
mentar. lib. 3.  
p. 122. 1394.

C  
Lib. instr. Ser.  
Nafil. Roncen.  
11. Octo. 1437.

D  
Lib. rif. 1457.  
1460. 1468.  
1474.

E  
Lib. rif. 1461.

F  
Lib. rif. 1462.

G  
Lib. rif. 1487.  
1495. 1502.

H  
Lib. rif. 1504.



fibi adsciuerunt. Ex eo matrimonio habuit Or-  
 sellam, quæ nupsit *A* Tradito Marabottino, &  
 Bartholomeum Confalonarium Regionis S. Lu-  
 uenalis, & *B* Conseruatorem. Ex altera Con-  
 iuge *C* Lucretia Ioannis Francisci Benincasæ  
 Nobilis, & antiquæ prosapiæ ex materno san-  
 guine Monaldensis filia Francisci Monaldensis  
 suscepit Petrum coniugem *D* Septimie Gieronie  
 Marabottinæ, quæ ei peperit Bartholomeum  
 Leandrum, & Sulpitiam nuptam Finauro Pa-  
 latij, & Lauram Monacham in S. Pauli, quæ scri-  
 bitur hæres prædictorum fratrum. Fuit alter Fr.  
 Cherubini filius Michaelis Angeli, filius Came-  
 rarius *E* fabricæ, secundus Conseruator, *F* ac  
 huius Felicis filius fuit secundus Thomas Con-  
 seruator *G* secundi loci, quem locum, & si  
 à maioribus pro eodem haberetur ac primus,  
 nam etiam tertius nobilium erat, tamen quia  
 primus erat proprius Dominorum, & titulatō-  
 rum, secundus, & tertius nobilium ante tres  
 alios Ciuium, eum sortitus, ceu inferiorem recu-  
 sauit: quemadmodum fecit Felix eius filius, re-  
 nunciando loco secundo; qui Felix genuit An-  
 gelum Ducem in Gallia aduersus Vgonottos  
 sub signis Vespasiani Marabottini Polemarchi,  
 ei verò Angelo Aureliæ Hieronymi Magalotti  
 filius fuit Marius, qui Victoriam Baptistæ Sara-  
 cinelli in matrimonium duxit. Tercius filius Michaelis Angeli *H* numeratur  
 Dominicus Conseruator primus, & vnus nobi-  
 lium electorum pro executione Bullæ Pontificiæ  
 late super solutione Camere Apostolicæ, idem  
 Præfectus extitit Camere Pontis, Julij S. Mariæ  
 Fabricæ Camerarius, & Nosocomij Rector. *K* 4  
 Duas

*A*  
 Ceccar. l. 3. p. 4

*E*  
 Lib. rif. 1533.

*C*  
 Lib. rif. 1542.

*D*  
 Ceccar. l. 3. p. 4  
 P. 138.

*E*  
 Lib. rif. 1483.  
 1489.

*F*  
 Lib. rif. 1478.  
 1512.

*G*  
 Lib. rif. 1528.  
 1540. 1541.

*A*  
 Lib. rif. 1494.  
 1500. 1502.  
 1507.  
 Lib. rif. 1494.  
 1500. 1502.  
 1507.

*B*  
 Lib. rif. 7. Mar-  
 tij. 1507.

*C*  
 Lib. rif. 1505.  
 1506.

*D*  
 Lib. rif. 1515.  
 1518. lib. rif.  
 1503.



Duas Vxores habuit. Primam Franciscam <sup>A</sup> Lac-  
tantij de Lactantijs, ex qua suscepit Franciscum,  
Angelum, Nicolaum, & Gabrielem, alteram  
Dominicam Sigismundi, Nicolai Jacobi Saraci-  
nelli. Franciscus primus filius Dominici, fun-  
ctus est munere Camerarij, <sup>B</sup> & Conseruatoris <sup>C</sup>  
Matrimonium contraxit cum Francisca Paganini  
<sup>D</sup> Marabottini, ex qua sustulit Dominicum, &  
Vincentiam coniugem Hieronymi Magonij,  
Clarissimi IC. Compilatoris Decisionum Rotæ  
Florentinæ, & Lucensis. Dominico verò eius  
fratri nupsit Geneura Simoncelli, quæ illum <sup>E</sup>  
auxit, Francisco, Hieronymo, & Fulvia, quæ  
fuit Vxor Vincentij Phœbei, Iulij Equitis Cur-  
tij Magalotti, & Cintia Curtij Saracinelli  
Vxore. <sup>F</sup>  
Franciscus prædicti Dominici Vxorem duxit  
Rosanam Iulij Adueduti, ex qua genuit Victo-  
riam, quæ fuit coniux Hieronymi Polydori.  
Primi Dominici Michaelis <sup>A</sup> Angeli natu se-  
cundus Angelus filius fuit, idemque fabricæ Ca-  
merarij, & secundus Conseruator, <sup>G</sup> numeratus  
inter eos Nobiles, qui Romæ <sup>H</sup> defenderunt  
causam communem Civitatis in lite Castello-  
rum montanorum, & inter Consiliarios <sup>I</sup> depu-  
tatos correctioni Statutorum pro fabrica S. Ma-  
rie. Habuit in matrimonio Hieronymam <sup>O</sup> Fran-  
cischini Mariani Saracinelli, ex qua suscepit  
Petrum Nicolaum <sup>K</sup>, & Bernardinam, quæ nup-  
sit Pompeo Marij Alberici, Faustina, <sup>L</sup> & Pe-  
pam Saracinelli. Petrus Angeli duxit Vxorem  
Iuliam Lemni Marabottini, quæ decessit sine pro-  
le, & Nicolaus eius Fr. coniugem habuit Lauram  
<sup>M</sup> Gianotti Simonelli. Fuit Conseruator, <sup>N</sup> &

VIRUS

<sup>A</sup>  
InterSer. Prop.  
Aut. pub. l. 144.  
Martij 1532.  
<sup>B</sup>  
Lib. rif. 29 De-  
cemb. 1638.  
<sup>C</sup>  
Lib. rif. 1555.  
<sup>D</sup>  
Lib. instr. Ser.  
Patric. Rayn.  
15. April. 1558.  
<sup>E</sup>  
Lib. instr. Ser.  
Ioan Belan.  
timei 20. Iun.  
1545.  
<sup>F</sup>  
Lib. rif. 1530.  
1531.  
<sup>G</sup>  
Lib. rif. 1523.  
1524 1530.  
1539.  
<sup>H</sup>  
Lib. rif. 27.  
April. 1524.  
Lib. rif. 2524.  
<sup>I</sup>  
Lib. rif. 21. De-  
cemb. 1530.  
<sup>K</sup>  
Lib. instr. Ser.  
Cristoph. 1529  
fol. 438.  
<sup>L</sup>  
Lib. instr. Ser.  
Io: Baptista  
Timei 15. Feb.  
1545.  
<sup>M</sup>  
Lib. instr. Ser.  
Angeli Paga-  
nelli 1566.  
<sup>N</sup>  
Lib. rif. 1527.  
1539.



vnus nobilium quindecim, qui electi sunt ad redi-  
 gendam in ditionem Ciuitatis Vrbeuetanæ Ci-  
 uitellam Agliani. Ex Laura <sup>A</sup>nati sunt Angelus,  
 & Hortensia secunda coniux Capitanei Sforzæ  
 Maidalchini, Patris Marchionis Andreæ, Aui  
 Cardinalis eius nominis, & Cælia collocata  
 Duranti Duranti, nepoti Episcopi Vrbeuetani,  
 & post eum Hæctori Montis martis Comiti  
 Titignani. <sup>B</sup>  
 Angelus Nicolai Confalonarium Cegit: vxor-  
 em duxit Faustina <sup>D</sup>Iacobi Phæbei, ex qua  
 Hieronymum, qui Confalonarius item fuit, fi-  
 lium habuit, Huic nupsit Rosana <sup>E</sup>Ludouici  
 Micinelli, quæ peperit Angelum nunc viuen-  
 tem. Quartus filius Dominici Michaelis Angeli  
 fuit Gabriel, qui procreauit Paulum Petrum, &  
 Siluium, qui duo Capitanei fuerunt. Paulus Pe-  
 trus, ex Angela Vrsina Valschiensi coniuge su-  
 scepit Cassandram, quæ locata fuit Almonti  
 Ioannis Bernardini Atti è Nobili stirpe Tuderti  
 inter primarias numerata, cuius affinitate,  
 gauisi sunt Monaldenses, <sup>F</sup>& Gabrielem, qui ge-  
 nuit Catherinam Vxorem Sinibaldi Sinibaldi  
 Nobilis Romani, ex quâ item stirpe exijt Pe-  
 trus Potestas Ciuitatis Anno MCCXXX., &  
 MCCXXXIX. <sup>G</sup>  
 Siluius item Capitaneus, fuit destinatus Con-  
 falonerius inter eos, quos instituit Pius IV. anno  
 MDLXIII. & sortitus illud munus MDLXVI.  
 Duas habuit Vxores, <sup>H</sup> primam Aureliam Che-  
 rubini Marabottini, ex qua sustulit Paulum Pe-  
 trum; secundam Calurniam Particappam Nobi-  
 lem Romanam, quæ Marij Mater fuit.  
 Paulus Petrus duxit turmam equitum expe-  
 dito-

Lib. rif. 1500.  
fol. 146.

Lib. inf. Ser.  
Dominic. Fa-  
brini 19 Sep-  
tembr. 1578.

Lib. inf. Ser.  
Dominic. Lucr  
15. Nouembr.  
1589.

Lib. Boffolus  
Nouem. 1613.

Lib. inf. Ser.  
Barol. Sannit.  
17. Iul. 1637.  
30. Iul. 1639.

Eccl. l. 1. p. 10.

Monald. l. 3 p.  
93. Manent. an.  
1230. p. 108.

1239. p. 111.

lib. Boffol. 12.  
Augusti 1566.  
1576. 1583.



ditorum, cum Papa Clemens VIII. Ferrariam postliminio occupandam contendit. Hoc munus Ducis Foris, Domi Confalonerium *A* egit. Habuit coniugem Lauiniam Iosephi Guidonij ex Illustri, & Prisca Profapia, quæ ei Marium creauit, postea ornatum Confalonerij *B* dignitate, qui hodie in viuis est. *VI*  
 9. Petrus Paulus Seraphini, vltra Camera-riati *C* officium in Regione Posterulæ, munus gessit Pacieri, *D* & primi Conseruatoris, *E* cuius Magistratus, *F* tanta id temporis claritas erat, vt auctore Monaldensi sortiti eum fuerint ex familia Monaldensi Laurentius da Pier, Vincentius Canis Melontæ, Nicolaus Pompeij à Balneo, Lucas Gentilis à Ceruara, Cæsar Neronis Canis, Paulus Petrus Berardi à Ceruara, Antonius di Pier, Vincentius Canis, Camillus Lucæ, Tertius à Ceruara, Hector Io: Pauli à Lubriano, & in inscriptione apparet *H* *Petrus Paulus Nobilis vir*. Petrus Paulus Seraphini designauit eum Ciuitas inter eos Nobiles, quibus demandata est cura annonæ, cum Pius II. in Urbem venit. In Matrimonium duxit Aemiliam Vgolini *I* Bonuccij ex antiquo Principatu S: Cassiani, quæ illum auxit duobus filiis Petro, & Theodorico, obiit Anno MCCCCXLII.  
 Fr. huius Petri Pauli, fuit Octavianus Camerarius fabricæ. *K* Primus Consiliarius. *L* Rector Nosocomij publici, *M* à quo procreati sunt Talianus, Piera, Vincentius, & Pacificus Camerarius fabricæ S. Mariæ, *N* eidemque Præfectus, & secundus Conseruator. *O* Rector Nosocomij, *P* & Potestas. *Q* Montis Falerij, qui, dum obiret munus, in depopulatione eiusdem Urbis,

-atom

D

quam

*A*  
 lib. Boffol.  
 1566. 1576.  
 1585.  
*B*  
 lib. Boffol.  
 1648. 1655.  
*C*  
 lib. rif. 1450.  
*D*  
 lib. rif. 1462.  
*E*  
 lib. rif. 1460.  
*F*  
 lib. rif. 1450.  
 1456.  
*G*  
 lib. s. p. 183.  
*H*  
 lib. rif. ser.  
 Agab. Cane.  
 Commen.  
 1552.  
*I*  
 lib. rif. 10.  
 Sept. 1460.  
 fol. 226. 277.  
*K*  
 lib. rif. 1446.  
*L*  
 lib. rif. 28.  
 Octob. 1451.  
 1468. 1473.  
*M*  
 lib. rif. 1465.  
*N*  
 lib. rif. 25.  
 Iun. 1508.  
*O*  
 lib. rif. 1489.  
*P*  
 lib. rif. 1494.  
 1502. 1511.  
*Q*  
 lib. rif. 1501.  
 1502. 1510.



quam Heluëtij anno MDIII. diripuerunt, reliquum  
 filium Ginesium. Vincentius verò Octauiani,  
 primus Potestas Ficullis, post transactionem  
 factam inter Statum Vrbeuetanum, & Ficule-  
 lium opere, & sententia Cardinalis S. Marci  
 Patriarchæ Aquileiæ depositi, propterea à Sisto  
 IV. id ægrè ferente. electus: idem Vincentius  
 fuit Camerarius, *A* fabricæ, primus, *B* & secun-  
 dus Conseruator, *C* Orator ad Alexandrum VI.  
 cum Rex Gallorum Carolus VIII. in Italiam  
 venit, vnus item eorum, qui pro *D* reformatione  
 Statutorum municipalium Urbis Veteris desi-  
 gnati fuerunt, vt legitur in præmio libri Typis  
 mandato, *E* Filios habuit ex Bianciflore Iannu-  
 zia, Vincentium, & Seraphinum, Finum vocat-  
 um, Cæsarem, & Octauianum, Astorem, Po-  
 liticam nuptam Fabiano Aurelio, & Gironnam  
 coniugem Alexandri Palatii, mox Guidonis  
 Guidonij. *A* Seraphino genita Bianciflora, à  
 Cæsare Aurelia, nupta postea Bonauenturæ Vaf-  
 chienfi: ex Octauiano, & Iacomina Missina vxo-  
 re natui Paulus, qui de Lauinia Sensata genuit  
 Bianciflorem, locatam Modesto Mancino. *F*  
 Octauianus alterum Vincentium filium ha-  
 buit Confalonerium Regionis *G* S. Pacis sic ap-  
 pellatur caput Regionis ante Diploma Pij IV.  
 post illud Confalonerium egit, caput *H* Magi-  
 stratus, & Rectorem publici Xenodochij. *I* Is  
 ex Victoria genuit Lucianum, & Franciscum,  
 qui ex Catharina Phœbea, Vincentium procrea-  
 uit patrem Francisci, coniugis Hyppolitæ de  
 Albericis, à qua nati sunt Paulus Antonius,  
 Octauianus, Vincentius, & Hieronyma.  
*K* Theodoricus Petri Pauli Seraphini, Ca-  
 mera-



mcrariatum fabricæ gessit, *A* Conseruator *B* se-  
 cundus. Exprimitur hoc modo Spectabilis Vir  
 Theodoricus Phœbeus. Præterea Consiliarius,  
 & *C* Orator ad Pontificem Alexandrum VI. &  
 Carolum VIII. *D* Regem Galliar, & ad Cæsa-  
 rem *E* Borgiam Ducem Valentinum, Ecclesiæ  
 Polemarchum, eiusdem Alexandri VI. filium.  
 Duxit *F* in matrimonium Gentilescam Ludouici  
 Baldansæ, *G* quæ Familia censetur inter Nobi-  
 les Vrbeuetanas. *H* Hæc ei peperit Thomam,  
 Ludouicum, Georgium, Iacobam Vxorem Pier-  
 Vincentij Palazzij, & Orsellam Vxorem Iacobi  
 Buccij Millini, decessit 21. Iulij anno MDIV.  
 Huius Theodorici fr. fuit, qui vocari solet  
 Petrus Theodorici maior natu: egit Conserua-  
 torem, *I* Pacierem, Oratorem *K* ad Pontifi-  
 cem, tum Clementem VII. inuenitur descriptus  
 inter Authores Sodalitatis S. Hieronymi. Vxo-  
 rem duxit *L* Hieronymam Oddi ab Oddis stirpis  
 Nobilis Perulinæ, quæ nupta fuit primùm Fran-  
 cisco Raineri ex Dominis Baschi, ex qua ei nati  
 sunt Io. Paulus, Appollonius, & Liuia Vxor  
 Capitanei Nencij Saracinelli. Apollonius  
 Conseruator ex Angela *M* Hieronymi Partialef-  
 chi, habuit Vincentium, Ianum, Pompilium,  
 Ioannem Paulum, Iacobum, & Hyppolitam,  
 quæ nupsit Seuerino Millino Seniori.  
 Vincentius Apollonij, Camerarius, *N* Con-  
 falonerius, ex Hieronyma Bisenzi *O* sustulit An-  
 gelum, qui ex Fulua Dominici Phœbei creauit  
 alterum Vincentium Confalonerium, *P* Came-  
 rarium fabricæ, Rectorem Nosocomij, *Q* ex quo,  
 & ex Artemia Iosephi Micinelli, natus est Io.  
 Baptista Vincentius, qui mortuo Comite Castel-

lib. rif. 1471.

1503.

lib. rif. 1478.

1495.

lib. rif. 1501.

1500. 1501.

lib. rif. 1493.

1500. 1501.

1507.

lib. rif. 1495.

1503.

lib. intr. Ser.

Bentiuog.

1504.

Cipr. Man.

lib 4. p. 3.

1401.

lib. rif. 1493.

1509. 1512.

1514. 1521.

1523. 1528.

1530. 1576.

lib. rif. 1508.

lib. contr.

1510.

lib. rif. 1593.

lib. rif. 1543.

lib. rif. 1564.

lib. Boffol.

1627 1633.

lib. rif. 1639.

1640.



magio Auctore, Confalonieri munus gessit.   
 Ianus Apollonij, Confalonerius fuit, & sine   
 liberis & decessit.   
 II Ludovicus Theodorici habuit in matri-   
 monio Domiliam Ceccarelli Cartari, ex qua   
 suscepit Phœbeum, Stephanum, Franciscum,   
 & Baldanzam, primi Conseruatoris munus ges-   
 sit ante Bullam Pij IV. & recensitus inter Nobi-   
 les Depositarios Montis Christi. c Phœbeo ob-   
 tigit Camerariatus fabricæ. Eius Coniux   
 fuit Lucretia Vincentij Pillei à Guilhemeschi,   
 ex qua procreauit Domiliam breui extinctam,   
 Stephanus Confalonerius fuit, cui Argea   
 Sensati Sensati peperit Pompeium, qui Barba-   
 ram Gabrielis Phœbei Vxorem habuit, ex qua   
 genuit Stephanum celebrem Iuriconsultum, &   
 Phœbeum, quem Fulvia Vincentij Phœbei auxit   
 filijs Stephano, & Antonio, qui hodie infantes   
 sunt.   
 12 Franciscus Ludouici Vxorem habuit Cæ-   
 ciliam Io. Pauli Phœbei Sororem vterinam Gio-   
 lini Cartari Senatoris Romani, Patris Caroli   
 Aduocati Consistorialis, ex qua sustulit Baldan-   
 zam, Theodoricum, Dominicum, qui Presby-   
 ter est mortuus, Petrum Paulum, Iosephum, &   
 alterum Baldanzam, qui acerba sunt morte per-   
 empti. Franciscus, & celebris Nosocomij Re-   
 ctor exstitit.   
 13 Petrus Paulus Francisci, Coniux fuit Lu-   
 cretiæ Io. Baptiste Longonis ex illustri Prosa-   
 pia Comensi, qui diu habitauit Brixia, & causa   
 patratu homicidij, Petilianum in Hetruria se-   
 transtulit, ex ea nati sunt ei liberi Io. Paulus,   
 Carolus, Franciscus Maria, Io. Baptista, Do-   
 mini-



minicus, Catharina, Sulpitia & Virginia. Fuit Auditor generalis Bononiae Cardinalis Legati Bernardini Spadae, vnde Romam vocatus ab Urbano VIII. Pontifice tantum sui desiderium Bononiae reliquit, ob raras animi dotes, celsam indolem, acce ingenium, maturumque iudicium, & felicem sui muneris administrationem, vt Academici eius Urbis, omnium scientiarum Matris, & omnium doctrinarum Palaestra discedentem illum, multis sint Poematij, ac Elogijs prosequuti, quorum nonnulla, hodieque extant, Typis mandata Bononiae à Bonaccio anno MDCXXIX. Eorum aliquod specimen operæ pretium erit exhibere.

*Frena Felsina il pianto,  
Ch' à le tue giuste voglie  
Fia pronto il tuo Febei, nè ti si toglie;  
Ben da te si dilunga,  
Mà di sua sfera à l' alto grado s'erge,  
Onde d'almi fauor  
A tua Magion, più caldi influssi aggiunga;  
Già rauuiando i cuori,  
Così tu'l fai, più suole  
Quanto è sublime più scaldare il Sole.  
Vanne pur nuouo Febo  
Ad albergar frà più felici Muse,  
Cho se fu Roma antico  
Di Muse albergo, e nel suo sen le Chian  
Merito di Parnaso il Nume antico:  
Hor con felice sorte  
A nuouo, e maggior Febo apre le porte,  
Tale che nel suo contento, e nel suo riso  
Non è Parnaso più, mà Paradiso.*

Hoc



Hoc est Latine  
 Desine maroris pia Felsina, desine fletus;  
 Quamquam etenim tuus ille, tuus decedit ab oris  
 Phæbus, non ille tamen te deserit, immo  
 Altius euehitur, maiori luce beabit,  
 Felsina te, Civesque tuos, tibi largitus inde  
 Dividet influxus, ardoribus addet amorem.  
 Scis etenim Solem feruentius urere, & calso  
 Cum ciet axe rotas, radiosque immitteat ab alto.  
 I Phæbee, novos splendoribus adde nitores,  
 Inter & Urbanos Sedem tibi quare penates,  
 Est Roma te digna domus, tibi carmina Muse  
 Parnasso meliore canent, quas Numen amicum  
 Sedibus exciuit Patrijs, meliusque locavit  
 Expansos ubi Roma sinus, & aperta tenebat  
 Brachia, nunc eadem Phæbeo in corde recepto,  
 Ceu Phæbo meliore hilaris se iactat, & Astris  
 Par caput attollit, Parnassum irridet, & undas  
 Castalias, habitat media Paradisus in Vrbe.

Alterum esto Epigramma.

**E**xhilarat Cali lampas clarissima Mundum,  
 Phæbeumque inbar gaudia mille refert:  
 Quod si fortè fugit, gratissima lumina condit,  
 Hei mihi languescunt omnia, mæsta iacent.  
 Tu Phæbee tuum, dum subtrahis ore nitorem,  
 Nostro, heu quas lachrymas Felsina clara iacit.  
 At Petre Paule, Petrum magna si ponis in Vrbe,  
 Fac Paulus nostris hæreat usque plagis.  
 Et si Romuleis persistas corpore terris  
 Mens tua Felsinea vivat, ouerique solo.

Petrus Paulus, defuncta Vxore Lucretia, vitæ  
 institutum mutavit, & ab Urbano VIII. Cubi-  
 cularius honorarius, & Sancti Officij Romani  
 Af-



Assessor *A* creatus fuit, postea Episcopus Bal-  
neoregij consecratus. *B* Obijt 3. Augusti anni  
MDC. L., humatus in ea Ecclesia Cathedrali in  
eodem, quod sibi aperuerat, cum in viuis esset,  
Sarcophago, propè Aram Maximam pro se, &  
successoribus Episcopis constituto, erecto iam  
antea in ea Vrbe Seminario, siue Collegio Scho-  
lasticorum, & Gynæceo puellarum orbarum. Ex  
liberis, Sulpitia in Monasterio decessit, in quo  
educationis causa collocata fuerat, quod à S.  
Ludouico dicitur. Catharina infans erepta est.  
Virginia nupsit Octauiano Simoncelli Comiti  
Castelli S. Petri, Pronepoti Papæ Iulij III. Io.  
Paulus Archipresbyterum agit in ea Ecclesia  
Cathedrali. Carolus gubernat Ciuitatem Pie-  
uis, fuit prius Confalonarius. *D* Huic, ex Iu-  
ditta Cœli natus est Iulius Theodoricus, &  
Georgius Laurentius, qui extinctus est in infan-  
tia. Hactenus Comes Io. Baptista Castelm-  
gius. Cui ego auctarium hoc adscribo. *A* bulli  
Franciscus Maria ab Urbano VIII. Magister  
Ceremoniarum *E* creatus, ac inter Correctores  
Breuiarij, Missalis Pontificalis, & Ceremonialis  
Romani numeratus, Consultor, & Vicefere-  
tarius Congregationis Ceremonialis institutus,  
ab Innocentio X. à Secretis Congregationis Ri-  
tuum renunciatus, & mortuo D. Ingolo *F* Se-  
cretario, ei subrogatus est in officio Congrega-  
tionis Ceremonialis, Canonicatu S. Petri in  
Vaticano donatus, litteris, quas vocant in for-  
ma *G* breuis *H* ornatus Referendariatu vnius,  
& alterius Signaturæ, quo tamen *I* abstinuit,  
etsi postea iubente Alexandro VII. repetitis lit-  
teris, acceptauit, habitu Prælati assumpto, *K*  
ab

*A*  
1633. 1634.  
1635.

*B*  
Vghellus Ital.  
Sacr. p. 569.  
n. 47. & Bull.  
Urbani VIII.  
exped. 16. Iul.  
1633.

*C*  
Inst. de S. Ni-  
col. anni 1636.  
in Bappar.

*D*  
lib. Boffol 2.  
Decemb. 1645  
1650.

*E*  
litt. inf. B. Urb.  
VIII. 10. Dec.  
1637.

*F*  
litt. inf. Inn X.  
15. Iul. 1654.  
& Alex. VII.  
die 9. Iulij  
1655.

*G*  
litt. inf. B. ex-  
pedit ab Alex  
8. Iun. 1655.

*H*  
litt. inf. B. pro  
cop. a non pro  
Innocent X.  
die 22. Iulij  
1654.

*I*  
litt. inf. B.  
Alex. VII. 12.  
Aprilis 1655.

*K*  
litt. inf. B. de  
cep. poss. die  
6. Dec. 1662.



ab eodem Prælatus domesticus, intimus, Con-  
 sultor Congregationis Consistorialis, & Sacrae  
 Visitationis, & Commendatarius S. Spiritus,  
 Consultor Congregationis Sacrorum Rituum,  
 & Archiepiscopus Tharsi, & Assistens institu-  
 tus. Clemens IX. B. s. mem. eum Prælatum do-  
 mesticum elegit, Consultorem Congregatio-  
 num super statu Regularium, & super Indul-  
 gentijs, & Reliquijs Sanctissimæ vniuersalis In-  
 quisitionis creauit, nunc etiam à Sanctiss. Cle-  
 mente Papa X. Domino Nostro, auctus est do-  
 mestica Prælatura, & insigni Abbatia iurisdic-  
 tionali, olim sub inuocatione Sanctiss. Salua-  
 toris, nunc S. Seueri extra, & prope Vrbe muer-  
 terem, post obitum Cardinalis Antonij Barba-  
 rini Commendatarij.  
 Io. Baptista eius frater Consalonerius extitit,  
 & post obita munera Auditoris generalis Lega-  
 tionis Romanæ, & Bononiæ, translatus est ad  
 illud Auditoris Legationis Hispanicæ sub Cle-  
 mente IX. in qua dignitate confirmatus est à  
 Domino Nostro Clemente X.  
 Iulius Theodoricus, fil. vnicus Caroli viuens,  
 designatus Consalonerius anno MDCLXX. &  
 electus anno MDCLXXI. mense Octobri, & ad  
 præsens Camerarius fabricæ S. Mariæ, habet in  
 matrimonio Mariam Virginiam Cartariam,  
 filiam Aduocati huiusce nominis, Consistoria-  
 lis, nunc eius Collegij Decani, impetrata dis-  
 pensatione super propinquitate, ab Alexandro  
 VII. Ex ea filios habet Annam Iuditham, Lu-  
 cretiam Margaritam, Paluzzium, Petrum Paus-  
 lum, & Gasparem Ludouicum.





# P R Æ F A T I O

## A D L E C T O R E M .



Vuat nunc præfari  
longiùs, cùm antea  
egerim breuiùs. Mo-  
uent me, Lector,  
mores, & tempora.  
Seruiebant quon-  
dam Auditores Oratoribus, Lectores Scri-  
ptoribus: hodie Oratores Auditoribus,  
Scriptores Lectoribus seruiunt. Tantum  
quisque vel Orator, vel Scriptor valet,  
quantum vult vulgus Auditorum. Ad  
huius se nutum, & Oratores, & Scripto-  
res fingunt. Vulgus autem artem non  
nouit; propterea spernit: gustu ducitur,  
cui litatur à doctis, vt plausum, & utilita-  
tem capient. Dicitur, scribitur popula-

\*

riter.



riter. Si quis concionator speciosus, vocalis, comptus, venustus suggestum ascendat, gestum penè mimicum agat, exerat brachia, manus ostendet, corrigat digitos, corpus frangat, numerosè dicat, frequenter exclamet, pulpitem feriat; is summus habetur. Si quis scriptor locos, & testimonia vndecunque colligat, & inducta farragine cumulum efficiat; hunc vulgus admiratur, & suspicit. Linquamus Oratores; ad Scriptores veniamus. Vastam eruditionem affectant, & acervatim Auctores ponunt: numeri, & molirationem habent; non methodi, & dispositionis: satis est ijs, si multa colligant, & in medium afferant; & si sint scopæ dissolutæ, non curant. In rutis, cæsisque versantur: dummodo antiquarios se ostendant, sibi satisfaciunt; litterarios, & ruderarios præstant. Latomorum instar cædunt lapidicinas præscorum monumentorum, & efferunt lapides, & acervos struunt; quos cum videt vulgus, stu-

pet



pet in cumulo, nec structuram requirit.  
Arena sine calce. Quo nihil facilius.  
Etenim quid magis obuium, quam inue-  
nire obiecta, eaque apprehendere, & e  
loco in locum mutare, & nihil de suo po-  
nere. Aliena sunt inuenta, solus labor il-  
lorum est. Baiulos agunt, non Auctores;  
in dorso studium est, non in cerebro. At-  
lanteos humeros habere se probant. Por-  
tant orbes, sed non movent sphaeras; nam  
hoc intelligentiarum est, illud operarum;  
& tamen populus miratur naftos, & vali-  
dos humeros, quos videt, negligit Intel-  
ligentiarum motus, quæ illum latent.  
Nobiles esse scriptotes non inficior, imò  
& libenter fateor. Nam vti nobiles genus  
cum iactant suum, aliena laudant, ita  
ijdem genus scribendi produnt suum,  
aliena promunt; venditant doctrinam  
aliunde acceptam, non propriam: vox  
quidem vox Iacob est, manus autem sunt  
Esau. Scribunt penna propria voces alie-  
nas. Videas calamis exarantes litteras;



extant pennæ, latent tamen sub pennis  
manus eorum, arguentes raptum esse,  
quod exarant. Forma carent. Aduo-  
cant pigmenta, & fucos inducunt; &  
quia non possunt inuecta proportionē  
partium, & suauī colore addito pul-  
cram scriptionem reddere, eam induunt  
vestibus eruditionis hinc inde adscitis,  
& multis ornamentis suffarcinant; vt,  
quæ pulcra esse nequit, opulenta vi-  
deatur. Verum falluntur; dum  
enim vnus, & alter eruditionis pan-  
nus assuitur, pannosa, & mendica  
scriptura, imò & emendicata appa-  
ret. Currunt per omnes Ecclesiastici or-  
bis plagas, & fiunt plagiarij famosi.  
Nec in tanta vastitate plagarum Zonas  
inueniunt, quæ Methodica fibula  
stringant, & nectant, quæ scribunt.  
Oderunt quippe ordinem, & nexum.  
Hinc odium in Scholasticos scripto-  
res, quibus obganniunt, & obsistunt,  
quod seruant Methodum; quam pati

non



non possunt. Fluxi, laxi, discincti, alijs  
pressis, densis, altè cinctis succensent.  
Horum vituperatio, magna illorum  
occupatio est. Ignorantiam ijs rerum  
Ecclesiasticarum, imperitiam sacro-  
rum Canonum obijciunt: nonitatem  
in excogitandis, licentiam in agitan-  
dis, leuitatem in probandis, libertatem  
in decidendis questionibus exprobrant.  
Rebus addicti seruiunt factis: historia-  
rum sequaces, euentuum tenaces, causas  
negligunt, rationes non curant; non iu-  
ris, sed loci, & temporis rationem ha-  
bent. Incubant inuentis, partis fruun-  
tur. Ratiocinari super ijs, quæ euenerunt,  
piaculo tribuunt. Scripturas Sacras, ea-  
rum versiones, & sensus contemnunt.  
Humaniores litteras auersantur: Rhe-  
toricos reos loquentiæ, Poetas com-  
pertos fictionis putant: notitiam profa-  
næ historiæ vitio dant: ac ne Sacræ qui-  
dem studia placent, sola Ecclesiastica  
contenti, quod Sacra sensus admittit

plu-



plures, & exigit interpretaciones, ad  
quas & ingenio opus est, & iudicio, cu-  
ius pretium in mora est, quam ipsi tempo-  
ris iacturam putant. Iam verò peritiam  
linguarum Babeli imputant; vnica La-  
tina, ac ea quidem incondita gaudent.  
Oblectantur congerie rerum, onerant li-  
bros, vt in molem crescant; ad quam le-  
uandam opus est subductarijs funibus,  
vel gruybus. Dispositio dispendio ver-  
titur. Stylo elumbi vtuntur; neruis elisis,  
dictione depressa, venustate extincta,  
phrasi incompta, elegantia neglecta. Ni-  
hil apud eos nitidum, nihil politum, ni-  
hil concinnum, nihil ornatum, nihil  
tornatum. Chaos indigestum, & infor-  
me existimes. Nempe ij nudam mate-  
riam præbent: Scholastici formam indu-  
cunt: ab his sanguis, & color. Hi ani-  
mant, & perficiunt. Ossa illi exanguia,  
sicca & sita erunt; Hi sanguine irrigant,  
neruis roborant, & carnosæ efficiunt. Au-  
rum illi effodiunt, & infectum promunt;

Hi



Hi effossum faciunt, poliunt, & cudunt,  
& publica forma signant, & in vsum Rei-  
publicæ vertunt. Inuehuntur in Scholasti-  
cos isti, qui se vocari volunt Positiuos,  
quòd fucum faciant, artem adhibendo,  
expoliendo ingenio, exornando iudicio.  
Lenocinia, interpretationes appellant;  
pigmenta, expositiones. Corrumpi à  
Scholasticis factò, dum ad lura redigun-  
tur; nihil addi, nihil adijci oportere, de-  
formari prisca, formando: obliterari, tra-  
ctando. Et quidem ij nihil afferunt ab  
ingenio: à dorso multum, cum aliò com-  
portant, quæ inuenerunt. Et contra quàm  
scribit Tullius, ijdem sunt *doctissimi*,  
*qui bini valentissimi*. Intenti multitudinire-  
rum, & suffarcinatione turbati sæ-  
pè immemores sui à se discedunt; nam  
dum priora obliuiscuntur, proferunt con-  
traria, & interdum inuestigantes prisca,  
nouitates reperiunt, ingeruntque interdū  
vetusta, insolita, & rancida, quæ putent.  
Nec se altius introdant litteris, nè dum

mo-



morantur, pauciora colligant. Indices  
amant. Excerpunt hinc inde, quæ op-  
tant, ad fascēs firmandos. Saltuatim le-  
gendo procedunt, & tanquam canes è  
Nilo, libant aquas, non bibunt: spreto  
aluco, radunt ripas; carpunt libros, non  
vorant. Ecquis eorum integra Biblia,  
Patrem perpetuum legit; ad institutum  
suum trahunt lecta, & quæ ad palatum  
sapiunt, quærunt. Non se tradunt libris,  
sed libros liberè ad se trahunt. Iactant se  
volare legendo, & legere volando. Sa-  
nè uti aues, quæ præteruolant; de qui-  
bus nequeas dicere, *Qui sunt isti, qui ut nubes volant?*  
Nempe doctrinis granidæ, quæ in plu-  
uias solutæ fluunt, & terras irrigant, ut  
fructus reddant. Iam verò ij nimium  
sibi arrogant; & gratiam Principum,  
& plausum vulgi in audaciam vertunt:  
taxant, & reprehendunt summos viros,  
ac interdum eos, à quibus meliora mu-  
tuantur, ut ijs videri possint doctiores.  
Comperies eos dissidere à Patre historiarum

-OII

Ec-



Ecclesiastica Baronio, eumque sæpè suscepto studio refutare, & occasiones rixandi cum eo quærere, quò se eruditos probent; & cum plurima ei debeant, dissimulant, ne furtum prodant: parum ingenui, cum pudeat eos fateri, per quos profecerint, vltra tumorem liuidi, & vltra liuorem ingrati. Scimus, qui vtrosque legimus, quot ex illo fonte riuos deducant, quos auertunt, obruto fonte vnde manant; imò & quas aliunde aquas corriuant, earum indicia à Baronio acceperunt, & per indagata huius vestigia secuti sunt venas, ad quas demum peruenerunt, & addiderunt alueo suo tenuiter, & malignè fluenti. His artibus existimationem acquirunt, & famam comparant apud vulgus: his gratiam Principum virorum conciliant, insinuantes se se per Purpuratos, per Bibliothecarios, per intimos, vt sui rationem habeant, cæteros negligant. Aduocāt Typographos, Bibliopolas, & Librarios, varijs

\*\*

cos



cos captantes artibus, vt libenter libros  
suos accipiant, & cudant, & recudant,  
obiecta spe nummi refulgentis, quam  
fouent promissis liberalibus: arridente  
ijs fortuna, & votis obsecundante. Ita-  
que dominantur in Republica litteraria.  
Placent Principibus, ab ijs expetuntur:  
inuitantur, fouentur, aluntur, ditantur,  
& vno tantum nomine vastæ eruditionis  
in pretio habentur; & cum cæteris, quæ  
summa sunt, ingenio, subtilitate, acu-  
mine, pondere, eloquentia, dispositione,  
ordine, nitore, methodo destituantur,  
præsidij, opibus, honoribus abundant.  
Itaque turgere, tumere, inolescere, in-  
superbire, fumare. Sed hos ego ignobi-  
les fumos facile dissiparim. Norint eos  
clamores, fauores, plausus, honores,  
opes, dignitates non ex doctrinæ suæ  
abundantiâ, sed ex aliorum ignorantia  
prouenire. Rectè quippè dicit Cicero,  
Nemo laudat, nisi quod se assequi posse  
sperat. Sperat autem quisque quod faci-  
le



le est, obtinere. Quid autem facilius,  
quàm multa legere, & colligere, & in  
aceruum conijcere? quod ij faciunt.  
Quotusquisque est de vulgo, qui hoc af-  
sequi se posse non speret? Hos ergo lau-  
dat vulgus, atque adeò quæ vulgaria.  
At Scripturas intelligere, capere, inter-  
pretari, earum versiones tenere, pene-  
trare sensus, notitiam linguarum ha-  
bere, in Patribus habitare, Philosophiæ  
arcana indagare, Theologiæ intima in-  
uestigare, argumentari acutè, aptè res-  
pondere, orationes componere, historias  
condere, poemata pangere, & Historias  
omnes tum sacras, tum profanas euolue-  
re, iuris vtriusque scientiam profiteri, nu-  
meros omnes Doctrinarum absoluere,  
Encyclopædam præferre, eiusque non  
semel speciem præbere, ecquis eo-  
rum, qui illa scribunt, & laudant, assequi  
se posse speret? Hinc igitur illi clamores,  
illi plausus, illa præconia, illæ gratula-  
tiones. Abeant bonis aubus, & sua illa

1103  
\*\*

2

possi-



possideant, qui in alijs hospites sunt.  
Amo eos, qui vbique in orbe litterario  
habitant, & nusquam hospites sunt, sed  
cives. Equidem quòd ad me attinet, pluris  
facio vnā Homiliā Chrysostomi,  
vnā Orationem Nazianzeni, vnā Epi-  
stolam Hieronymi, vnā lucubrationem  
Augustini, vnā quæstionem Sancti Tho-  
mæ, vnā distinctionem Scoti, vnā  
controuersiam Bellarmini, vnā perio-  
dum Baronij, quā illas farragines eru-  
ditionum. Nec dubitabo locos Theolo-  
gicos Cani, & illas decem rationes Cam-  
piani paruo libello contentas, multis eo-  
rum voluminibus anteferre. Fruantur ij  
felicitate sua, ego mea fruor conscientia.  
Scias, mi Lector, huiusmodi Auctoribus  
nihil esse inuidendum, præter fortunam.  
In alijs nihil desiderari, præter eandem.  
Illud nescio, magis ne sit, dolendum, an  
mirandum? Hos vno tantū vastæ istius  
& inconditæ eruditionis genere præstan-  
tes laudari, efferri, imitari, celebrari,

coli,



coli, locupletari, condecorari, & abundare. Illos autem omni Doctrinarum genere excellentes despici, vexari, deprimi, affligi, obrui, spoliari, & quod grauius est, præteriri, ac relegari, & interdum cogi vnà cum ex oculato Belisario obolum vnum, vnde alantur, emendicare. O Principes! o vulgus!



Angelo Nicolosi Sculp.



# NOIREFORMATORI

dello Studio di Padoua.



AVENDO per Fede  
del Padre Inquisito-  
re di Verona , nel  
Libro intitolato *Com-  
mentationes duæ* Auctore  
P. M. Fr. Francisco  
à Sancto Augustino

Macedo , non esserui cosa alcuna contro  
la Santa Fede Cattolica , e parimente , per  
attestato del Segretario nostro , niente  
contro Principi , e buoni costumi , con-  
cedemo licenza à Antonio Rossi di poter-  
lo stampare , offeruando gli ordini &c.  
Dat. 16. Agosto 1674.

( *Andrea Contarini Can. Proc. Ref.*  
( *Angelo Corrado Can. Proc. Ref.*  
( *Battista Nani Can. Proc. Ref.*

Angelo Nicolosi Secret.



Fr. Franciscus Maria Rhini à Politio to-  
tius Ord. Fratrum Minor. Seraph.  
P. N. S. Francisci Minister  
Generalis, & Seruus.

*Dilecto Nobis plurimum Christo R. P. Fratri Francisco à S. Augu-  
stino Macedo Provincia nostra Portugallia Regularis Obser-  
uantia Alumno, Doctore eximio, omni virtutum ge-  
nere, & scientiarum ornato. Salutem in  
Domino, qui est vera salus.*

**C**VM tres ex Ordine nostro Theolo-  
gi, quibus commisimus, opus à Te  
compositū Commentationes duæ reuide-  
rint, & iuxta nostras, & Apostolicas San-  
ctiones approbauerint: Tenore præsen-  
tium cū salutaris Obedientiæ merito fa-  
cultatem Tibi facimus, quatenus, seruatis  
cæteris de iure seruandis, illud Typis  
mandare valeas. In cuius rei testimonium  
has manu nostra subscriptas, nostroque  
maiori Sigillo munitas damus. Ex Aracœ-  
li de Vrbe die 29. Maij 1674.

*Fr. Franciscus Maria Rhini de Politio  
Minister Generalis.*

De Mand. Sux Pat. Reuerendiss.  
F. Pius à Plac. Ord. Secret

NOI



Tr. Franciscus Maria Rhini Polino co-  
tus Ord. Franciscan Minor. Sacerd.  
P. N. S. Francisci Minister  
Generalis & Seruus

Quod non solum in hoc A. T. Franciscus Rhini Polino  
sine sacro Pontificatus Regali Obedi-  
entia, sed etiam in hoc A. T. Franciscus Rhini Polino  
sine sacro Pontificatus Regali Obedi-  
entia, sed etiam in hoc A. T. Franciscus Rhini Polino

**C**VM res ex Ordine nostro Theolo-  
gi: quibus committimus opus Te  
compositionis Commendationes duas reuende-  
runt, & iuxta nostras, & Apostolicas San-  
ctiones approbaverunt: Tenore presen-  
tium cum salutaris Obedientie merito sa-  
cultatem Tibi facimus, quatenus iuxta  
ceteris de iure standis, illud Typis  
mandare valeas. In cuius rei testimonium  
has manu nostra subscriptas, nos quoque  
maiori Sigillo munimus datus Ex Alac-  
ride Vibe die 2. Maij 1674.

Tr. Franciscus Maria Rhini Polino  
Generalis  
De Mand. Sux Pat. Renerendiss.  
P. T. in 2. Plac. Ord. 2. v. 1.  
M. I.



# PRIMA COMMENTATIO.

De Fide, atque Doctrina Sancti Vincentij  
Lirinensis, & S. Hilarij Arelaten-  
sis, & Monachorum Liri-  
nensium.

Omnes, vno excepto Fausto, Augustiniani, non  
Semipelagiani, fuisse perhibentur.

## PARS PRIMA.

De Sancto Vincentio Lirinensi. Is omni suspicione  
Semipelagiani erroris liberatur.

De quo

Insula Leros: siue Sanctæ Margaritæ.

AIT

*Inuenta vna pretiosa margarita vendidit omnia quæ habuit,  
& emit eam. Seu redemit. Matth. 13.*

Insula Lirina: siue Sancti HONORATI.

*Congratulamini mihi, quia inveni drachmam, (siue gemmam,  
uel Margaritam) quam perdideram. Luc. 15.*

A



PRIMA  
COMMENTATIO

De Fide, acque Doctrina Sancti Vincentii  
Lirincensis, & S. Hilarii Arelaten-  
sis, & Monacho huius  
monasterii.

Omnes, uno excepto Falso, Augustiniani, non  
Sempiterni, sunt peribituri.

PARS PRIMA.

De Sancto Vincentio Lirincensi. In omni suspitione  
Sempiterni erroris liberatur.

De quo

Infula Lirica: sine Sanctae Margaritae.

AIT

Infula non praestitit veritatem, etiam si  
etiam non. Sed veritas. Infula.

Infula Lirica: sine Sanctae HONORATI.

Congratulamini mihi, quia invenit deus meum. (Infula Germani)  
Infula Margaritae) quia invenit deus meum. Infula.

A



## CAPVT I.

Causa, & ratio Operis . Studium,  
& Finis Authoris.

**C**VM P. Henricus Noris nobilis huius  
aui scriptor Augustinianus Patauij  
domesticis Praefectus studij ( Regen-  
tem vocant, Gymnasiarcham mallem )  
scribere Pelagianam Historiam ag-  
gressus esset, quam modò feliciter eu-  
ulgauit, pro veteri nostra necessi-  
tudine sui me participauit consilij, & materiem, & par-  
tes operis, quod ingens, & multiplex molebatur ape-  
ruit, ac exposuit. Inter alias erat Catalogus Semipela-  
gianorum, in quo scriptus Sanctus Vincentius Liri-  
nensis, & quidem inter Principes illius sectæ. Cohor-  
rui audito tanti nomine viri, cuius me tangebatur religio,  
tum quòd sciebam eius memoriam esse consecratam,  
tum quòd noueram excellentem esse sui Commentarij  
aduersus hæreses doctrinam. Dolui, quòd Noris fini-  
stram de illo, vnde vnde, opinionem concepisset, quem  
nullus fermè Catholicus eius erroris palàm damnasset,  
& si nonnulli leuiter ambigerent: meumque ei dolorem  
significau; rogauique, ne vellet eam notam homini  
consecrato, tamque docto, & sapienti inurere. Negauit



se facturum, affirmavit sibi compertum esse Vincentium eius erroris fuligine tinctum fuisse. Non destitutum a suo proposito, nec ea in re mihi, vel amicissimo, morem gesturum; spectare illud ad reconditam eruditionem, velle se eo nomine commendari. Opposui argumentum questionis novum non esse, de quo antea nonnulli dubitarant, ac nominavi Suarez, & Vasquez, quos in promptu semper auctores habeo, cum Baronio, quem diurna noturnaque manu versare soleo; qui tres Vincentium ei notae eximebant. Respondit eo se acius stimulari, quod nemo haecenus tam certa illius erroris argumenta inuenisset, eaque ex ipsiusmet Vincentij Commonitorio depromptae gloriae sibi haud mediocri fore tantae rei auctorem se haberi. Occurri negando, quod scirem nonnullos Haereticos, ac in primis Gerardum Vossium id ante praestitisse, quare hos se duces eius opinionationis habiturum. Eo volui Norim deterrere. At ille incitator factus reposuit, se antequam videret Vossium, & multo certioribus, quam illum argumentis eam rem comperisse. Taci, ut eius duritiam novi. Curaui tamen per amicos mone- re. Nihil profeci: superiores Ordinis sui commone- feci utrique amicissimos: contendi ab ijs per literas Romam missas, ut Norim sua auctoritate a sententia revocarent. Nitimur in vetitum. Obstinatio fieri & fidentior. Maiores animos sumere, iactare: Commonitorium Vincentij a se diligentius, quam a ceteris lectum, accuratius expensum; melius intellectum; in eo certissima Semipelagianismi, in eo & evidenter signa contineri, quae nemo ante se alius deprehendisset. Haec Patavij, haec Romae, quod se impetrandae facultatis edendi operis causa contulerat, cum sparsisset, & locos monstrasset, persuasit, verum se de Vincentij errore sentire. Facta sibi potestate librum typis mandandi redijt Patavium, me.

que



que te narrata coepit minus vereri. Non me tamen deterruit. Institi contrà; & semel ad eum. Ut tua, inquam, mi Noris, opinio vera sit, cui bono erit eam palam facere? non Vincentio, quem infamas; non Commonitorio, cui detrahis, cuius si scopus est impugnare, ut ais, Augustini doctrinam, magnoperè eleuatur auctoritas: non Ecclesiæ, cui adimis Catholicum Doctorem, & germanum filium: non Augustino, cui ingentem aduersarium excitas: non tibi, qui nullum inde fructum capies, nec pietatis, cum vitium occultum detegas, nec gloriæ cum Hæreticum hominem sequare. Superest ut id bono tantum sit aduersarijs Augustini tui (sic enim vocas) qui hoc duce, & tanto duce Vincentio animo flores facti liberiùs, ac vehementiùs oppugnabunt Augustini doctrinam. An putas deiecturum te, quod moliris, Augustini hostes hoc ei hoste constituto? Neminem loco mouebis eo, in quem hunc auctorem induxeris. Officis magis causæ vno ei aduersario excitato quàm proficis omnibus alijs deturbatis; multi in eo, si hostis est, & graues insunt. Numerabis vnum, sed in vno plurimos pendes. Leues sunt aliorum sententiæ præ huius pondere auctoritatis. Cunque ille his, & alijs nihilomagis moueretur, quàm si dura silex foret, & Marpesia cautes, exarsit, & *Tacitum hoc, inquam, Pater Noris, non feram; scias me contrà scripturum.* Risit, & irrisit minas, tenax suæ sententiæ, quam verissimam esse iactabat, quemadmodum apparet in hoc suo opere Libr. 2. de Hist. Pelagian. c. 11. quod in Commonitorio conceptis verbis perspicuè tradatur. Excusauit tamen semper sentiendi ingenuè libertatem, & studium veritatis promendæ, ac eo se clypeo aduersus meas petitiones muniebat. Afferamus locum illius capit. ad Ann. 434.

Ego



Ego quidem libere sententiam promam, & nisi nobis metipsis oculos eruamus, palam faciam hunc Vincentium cum Hilario Areiatensi, Fausto Abbate, aliisque Syncellitis Livinensibus contra S. Augustini de prædestinatione doctrinam conspirasse, idque ex eiusdem verbis euincam, quæ miramur non modò nuperos scriptores, qui Commentarijs Commonitorium illustrarunt, non obseruasse, verum etiam nec ipsum Vossium, qui non omnes illius neuos notauit. Hoc vnum deerat, vt Vincentio adiungeret Hilarium. Nimis audet, opinor, noster Noris. Intercedam; vindicabo ambos; & hos Catholicos heroes in castris Ecclesiæ retinebo, à qua nunquam defecisse monstrabo; idque ex eorundem verbis, vt par pari referam Nori, ad quæ prouocauit; & Norim vador ad tribunal Commonitorij. Palam ei faciam in hoc suo, contra quàm putat, meridie non liquere: diem dico, litem intendo, nec solum spondeo me effecturum, vt causa cadat, sed & præuaricator appareat: nam ipsomet Nori auctore absoluendi mihi sunt ambo, quod miretur, & doleat. Rationes eius in eundem regeram, & intorta ab eo tela retorquebo. Si vera sunt illius, quod tantopere exaggerat, argumenta, recipio facturum me, vt quibus ille conatur conuincere erroris Vincentium, & Hilarium, ipsidem prorsus ambos absoluedos esse appareat. Videbitur hoc ei fortasse ambitiosum, & fastu, ac fūco plenum, & ad pompam comparatum. Longè secus est. Sustineat iudicium, & expectet, dum hoc meum Opusculum legit, quem cum legerit, ipsiusmet iudicio stare volo. Ingenuus est: candidè pro me sententiam feret. Nec vero existimes, Lector, mihi pepercisse Norim; tacitè quippe, & cautè me pūgit eodem capite. In fine quippe lic.

*Hac fufius, inquit, prosecutus sum, quo nonnullorum*

quere-



querelis facerem satis, qui grandi piaculo adstringi putant eum, qui Vincentium Lirinensem eximie eruditionis, ac Sanctitatis Patrem in Massiliensium album refert. Agnosco me peti. Ego nimirum sum auctor illarum querelarum, & quidem iustissimarum; quibustamen ille, nec satisfecit, ut existimat, nec, opinor, unquam satisfaciet. Victor euadet Vincentius, & hilariter triumphabit Hilarius.

Quod attinet studiū, & finem. Non desunt qui mirentur cur tanto studio moliar defensionē Vincentij Lirinensis, & de eo mecum Pater Noris solebat expostulare. Tanti ne me esse putare vnius hominis calculum? Non in eo esse positas fortunas Augustini, eiusque de Gratia Doctrinā, ut quid Vincentius sentiret, expectandum esset. Non multum interesse ad causam, quæ per se tuta, & speciosa esset, vnius Monachi iudicium. Cui si nihil detraxit Cassianus, Faustus, & Gennadius, ne ei quidem quidquam detracturum Vincentium. Longè aliter, ac ij sentio. Non habeo rationem in Vincentio personæ habitusue, aut instituti; sed Sanctitatis, & Doctrinæ. Fastis Ecclesiæ adscriptus nequit in album Semipelagianorum referri. Expungi oportet ex vno, ut in alio scribatur. Non mihi erit colendus, ne dum adorandus, is qui initium meriti in natura ponit, qui gratiam merito fidei naturalis reddit, qui infamator est Augustini, præuaricator Epistolæ Cælestini, refractarius Sedis Apostolicæ: non potest in libro vitæ scribi, qui scriptus est in catalogo Semipelagiano. Quærat ei Noris aliquos Elysios inter Manes, ubi eum locet: ego in Paradiso non reponam. Mouet me vehementer illud opus Commonitorij, quod cum sit nobilissimū ea impostura Semipelagiana famosum euadit, Patet: quia si illius scopus fuit doctrinam Augustini Catholicam



tholicam, & Apostolicam infringere, eamque nouitatis hæreticæ infamare, ad idque persuadendum omnium Hæresiarcharum exempla recenseantur, quibus Augustinus à Vincentio similis esse dicitur, nihil iniuriosius, nihil indignius eo opere excogitari potest. Horribile dictu, & auditu est: finem Commonitorij esse monstrare Augustinum nouum, & peruersam dogma in Ecclesiam induxisse, prorsus execrandum, & in eodem quo Arii, Photini, Sabellii, Pelagii, Nestoriique hæreses loco ponendum; hoc nec legendo oculi, nec audiendo aures meæ ferre possunt. An hoc necessarium, & vtile erit Ecclesiæ quale putant omnes esse illud opus Commonitorij? Moriar, si non hoc maxime nocet Ecclesiæ, & fauet hæreticis. Nocet Ecclesiæ, quia oppugnatur Catholica doctrina Catholicis armis, quæ in ipsius viscera conuertuntur. Fauet hæreticis, quia nemo eos conuincet rationibus, & exemplis Commonitorij, quæ adducuntur contra tutam fidem, & Catholicam veritatem. Nihil nos terrent, inquit, illa argumenta Vincentii, cum ea oppugnent doctrinam summi Doctoris, quo cum malumus tanquam Platone errare, quàm cum aliis vera sentire. In eius loco sumus: vbi ille est, consistimus. Nemo nos ab opinione demouebit iis argumentis, quibus illius solidissima doctrina quassatur. Omnia media vitiosa sunt, si finis est peruersus. Finis Commonitorij est improbatio Augustiniana doctrinæ; igitur improbabilia erunt argumenta. Equidem si verum hoc est, malletm vt à scribendo abstineret Vincentius. Occurrit tamen Noris; *Contigisse Vincentio idem quod Chynica artis professoribus, quorum labor cum ad aurum conficiendum collimaret, licet intento fine fraudati sint, vtilia tamen medicamenta reperere, auro ipso longe pretiosiora: Refello.* Nam hi iustum arti, & idoneum rationi fi-



nem proponunt, & rectè ad scopum, idest Aurum, col-  
limant, quod natura nobilius est, quàm, quæ adhibent  
instrumenta. Præterea ille finis naturalis est, qui exclu-  
dit culpam, nec admittit calumniam: at hic finis est  
moralis, culpabilis, & iniuriosus. Insuper quæ ad ex-  
cogitandum, & efficiendum aurum applicantur me-  
dia, ea sunt apta, & congrua fini; quæ autem ad fi-  
nem turpem moralem adhibentur, ea usu ipso cor-  
rumpuntur, & peruertuntur. Tandem ex arte Chy-  
micorum sequi possunt utilia, quæ suppleant aurum.  
At ex errore doctrinæ sequi non possunt, nisi absurda,  
& monstra, cum præsertim homines imperiti falli, ac  
decipi facile queant, credendo Vincentium Augustini  
doctrinam iure impugnasse; atque adeo Semipelagianor-  
um dogma esse probandū. Certè Arminiani, & Remon-  
strantes, qui hodie Semipelagiani sunt, in sua hæ-  
resi confirmabuntur. Itaque exemplum minus est ac-  
commodatum ad causam Vincentij. Iam verò quantum  
fraudis, & doli mali est in illa excogitatione argumen-  
ti aduersus Augustini doctrinam? ut eam nouitatis  
specie obiecta simillimam vetustis hæresibus efficiat,  
& omnes catholicas machinas, quas veteres Patres,  
& antiqua Concilia contra nouitates Hæresiarchar-  
um adhibuerunt in Augustini nouitatem conuertat.  
Næ! Vincentius impostoris, ac tycophantæ notam  
meretur, si hoc ille artificio usus est ad Augustinum  
impugnandum. Nihil astutius, nihil callidius, nihil  
versutius, nihil fraudulentius eo homine cogitari  
potuit. Amo candorem, & ingenuitatem. Nol-  
lem, ut hoc se vitio fraudis, & malitiæ Vincentius inqui-  
naret. Hæc sunt, præter alia, quæ superius commemoravi.



expostulando cū Nori, quæ me mouent ad hoc opusculum innocens tuendum, & à calumnia liberandum.

## Caput II.

**H**Aud procul Antipoli Nobili Narbonensis Gallia Vibe, duæ Insulae iacent in vicino mari, angusto à continenti diuisæ freto: vna Leros, quæ Sanctæ Margaritæ, altera Lirinæ, quæ Sancti Honorati dicitur, situ planæ, aere salubres, prospectu liberæ, visu iucundæ; tam vicinæ vt propinquæ; tam similes, vt gemellæ videantur. Ambæ Margaritæ Insularum, si singulae: si coniunctæ, vniones sunt: pretii sui conscia non multum recedunt à littore, ne in mari à piratis infestæ; aliquantum in altum prouehuntur, ne à terra latronibus sint obnoxia. Ac vt tutæ sint ab insidiis, altera custodit alteram. Hoc timore excitant desiderium sui. Namque tota illa littoralis ora in procacem proiectum effusa illarum complexum ambit, ardens amore fugientium, &, vt in aquis frigentium: eò magis calet terra, seque deserit, vt eas insequatur. Iniectu isthmi, ceu manus, illas apprehenderet, nisi ardorem astuantis telluris interfusum pelagus extinguere. Verùm reciproco continentis, & maris amore accensæ insulae non negarent fortasse amplexum, nisi crystallina illa breuis freti diuortia cupidis iturientium conatibus obstrissent. Olim infrequentes, & incultæ serpentium receptacula fuerunt; ferarum quippe clemens loci ingenium patiens non erat. Frequentiam desertæ insulae à solitariis acceperunt. Honoratus Gallus è Græcia, quò pariter cum fratre con-

ceserat,



cesserat, cum Caprasio sene magistro, a nris in uia fratre, in patriam rediens desiderio solitudinis apud Lirinem, quam sui nominis participem fecit, insulam à turbis semotam congruum suo institutoq; secessum elegit. Eo ambas ciuiles primùm, & urbanas; deinde Colonias superum reddidit. Et quoniam ibi meliores nitebant Soles, puriores affabant auræ, affluxu cælestis roris, in suis sinubus diuinas concipere margaritas, quibus se conchas exhibuerunt. Clausæ exteris, inuicē negotiosis Thebaides repræsentarunt in Gallia, ubi asceræ, ac pugiles sacri ad omnē se virtutem exercerent. Initio, ut fertur, separatæ cellulæ singulos seorsim continebant, Anachoretarum more degentes, quasi nec inter se noti, nec familiares essent; superis, quibus assueuerant, quàm mortalibus propiores. Gestabant corpora tenuia, & penè consumpta, similia spirituum, si pondus spectares. Intra humanum habitum habitū inhumanū, ob vitæ asperitatem, quam trahebant potius, quàm ducebant. Verum Leros infrequens semper fuit, & solitudinis speciem tenuit, nisi quòd nonnulli Monachi eò, ut secretius agerent, & liberius vacarent superis, è Monasterio Lirinensi concedebant. Lirina, ut mansuetior, & clementior, & habitata frequentius, & culta religiosius, Monasterium à Sancto Honorato exædificatum in molli sita, sinuque excepit. Exinde insula propior Astris, quàm Aquis extitit. Coloniam eò deduxerunt auida sidera; inuida Margaritis viuis; mutarentque locum nisi ea natura fixisset. Planetis certior eò cursus esset, nisi errandi vagari cogerentur. Sed non erat opus coli ab astris, quæ abundabat luminibus super astra ituris. Caprasij; Honorati; Maximi; Lupi; Eucherii; Vin-



centi : Hilarii : Salonii : Veranii : Cæsarii , totidem Paulos , Antonios , Hilariones , Macarios , Pachomios , Arsenios , Pambos , Paphnutios repræsentarunt : Nisi quòd hi viui priuati , ac semisepulti latuerunt ; illi pene omnes cum diu latuissent absconditi , postea è latebris eruti , super candelabra Ecclesiarum lucernæ lucidissimæ fulserunt ; & qui antea erant solitarij magnas ciuitates præstiterunt . Itaque illud Monasterium sterile , & infæcundum ob solitudinem , Seminarium Episcoporum fuit . Id miraculum dixeris , quòd S. Porcarius auxit Margaritas , cùm mactatus ad Aram Christi cum quingentis fratribus martyrium fecit : nisi si illi in Pyropos versi candidas inter Margaritas suo sanguine purpurarunt . Hic sanè Porcarius Aras meruit , & cum suo martyrum choro , cùm esset Porcarius , ante omnes Margaritas positus fuit . Felix Insula , si Faustum in gremium non acciperet è Cæsiani Massiliensis Massa compactum , & fermento erroris corruptum . At non indigenam tulit , inquilinum ex Anglia accepit , alite infausa abiturum Reios , Reum Semipelagianismi . At vna Hirundo non facit verum , nec verum . Semper Fausti Augustino aduersi . Primum ipse : hunc Prosper confutauit . Mirum . Opponi Prosperum Fausto . Inter hos floruit Vincentius Lirinensis vulgò dictus , diuinus Lyricen qui Arionis instar obstupescit vndas cantu Commonitorii aduersus nouitates hæresum editi , & Sirenen in freto Gallicano ultra Herculem Gallicum aureis verborum retibus trahentem animos Catholicos , auertentem hæreticos repræsentauit . Hic primum *vijs & tristibus secula-*



vis militia turbinibus versatus, ac volutus clau-  
 um egrè quietis tenuit, & negotiorum procellis  
 agitatus huc, illuc iactabatur, incertus quò pro-  
 ram dirigeret; donec adspirante secundissima Spi-  
 ritus Sancti aura ad portum Religionis appulit.  
 Quod ait: *Depositis vanitatibus ac superbiae flatibus* significat  
 eum honores publicos gessisse. Hinc quidam Gal-  
 liarum Præfectum Vincentium illum fuisse dicunt  
 qui temporibus Sancti Martini, & Ambrosij vixit,  
 & nobilem umbram in eorum conuiujs egit. Ve-  
 rum id vix patitur ætas Lirinenfis hand paulo quàm  
 pro ea ætate iunioris, nisi si seculum vixit, Fau-  
 sto Episcopo similis, quem propter longissimam  
 ætatem, & prosperam valetudinem negabat vul-  
 gus posse senescere. Quoquo modo se habeant  
 tempora, ille sanè varias & militares, & ciuiles præ-  
 fecturas habuit, & quidem splendas. Ad eas non  
 rudis, nec illiteratus accessit: Bonarum quippe arti-  
 um studiis à puero operam dedit, uti dignum erat fra-  
 tre Lupo Trecensi quæ nobilium scriptorum opinio  
 est. Imbuit mentem disciplinis liberalibus, & latinis:  
 eruditionis, & elegantie compos extitit. Sacrarum  
 doctrinarum peritia excelluit. Post gestos honores,  
 tædere eum cepit rerum humanarum, & nobilem efferē-  
 di se se altius impetum cepit. Solitudinem cogitans in  
 uillula remora se cessum quæsiuit, & Monachum egit.  
 Cum fastu & habitu nomen quoque ille deposuit.  
 Peregrinus uocari uoluit: hoc se nomine Commo-  
 nitorij prodidit auctorem. Siue quòd peregrinator  
 antea fuerat: siue quòd deinceps peregrinari in mun-  
 do uolebat: siue quòd à semetipso disferre agi-  
 tabat, siue quòd peregrinitas quardam uirtutum

infusa



infusa homini cum incolam cæli erat factura . Otium illud negotiosius omni negotio fuit . Dediscere pristinas delicias; exuere inolitos animo habitus; profanas curas abiicere; detortos affectus corrigere; frenare gulam; macerare corpus; mentem intendere: precari, psallere, contemplari . Vnum ex præteritis retinere, curam Reipublicæ; cui studere maluit etiam priuatus mutato in melius argumento . Igitur scribere decreuit quæ Ecclesiam iuarent . Non exasperauerat gladii capulus manum: bene tulit calamum . Armorum usus non obtuderat mentem acutam ad exercitationem literariam . Hæreses multæ, quæ iam videbatur extinctæ, suppositæ cineri doloso calebant adhuc, & fumabant; & quamquam in Concilijs oppressæ autoritate Scripturarum, & Patrum resurgere conabantur nouitate perniciali; quam iactabant, ut placerent vulgo semper amanti nouitatis . Igitur Vincentius ut eas prorsus extingueret opus est meditatus inscriptum *Commonitorium aduersus profanas vocum, siue hæresum* (variat quippe lectio) *nouitates*; in quo nomen ipsum *Commonitorii* ueritatem priscæ Fidei innuit, qua refutat hæresis nouitatē; reducit quippe in memoriam ueterem Ecclesiæ doctrinam, quam praua opinionum nouitas incessabat; ut studia hominum excitaret . Quod accurate ac eruditè compositum opportunè euulgauit; exiguum, si molem spectes; magnum, si rerum pondus expendas . Nihil eo eruditius, nihil subtilius, nihil solidius . Mirum quanto sit plausu exceptum; quemadmodum ex subiectis præconiis apparebit . Torquet Hæresim funiculo triplici . Vniuersitate . Antiquitate . Consensione . Vnde nodus existit plusquam Gordius nulla vel arte, vel vi sol-

uen-



endus . Ab Ario ad Nestorium æqualem suum Hæ-  
resiarchas numerat , & fulminat , sed in hunc qui  
erat recentior, præcipue tonat . Nullam capitalem hæ-  
resim impunè abire permisit . Vindex Fidei . Assertor  
Religionis . Rubentem hanc dexteram extra Insulas  
Leronem , & Lirinem exeruit intra villulam , in qua  
latitabat , futurus post fulmina lyricen Lirinensis , hos-  
tibus flagrantibus cum ipse immerfus undis reme-  
dium ne deflagrarent indicabat . Peregrini nomen &  
assumpsit , & inscripsit : quod transiens in Lirinem  
Vincentio proprio commutauit , cum iam vicisset he-  
reticos , & victricem lyram ad Epinicium Lirinensis  
incola protuocaret . Nondum Faustus hæretici per-  
sonam assumpserat , nondum simulata pietate fucum  
Ecclesiæ fecerat , non dum Semipelagianum virus vo-  
muerat , cum Vincentius ibi tyrocinium posuit . An-  
tequam Fausti contubernio vteretur Commonito-  
rium suum scripserat . Innocenti adhuc à semipela-  
giana labe Lirinensi pelago in Lirinam transmisit . Trāquil-  
lus ibi vixit , & sanctius . Omnes suas ad Deū curas con-  
uertit . Illum ardebat ; illum anhelabat , donec cales-  
tis patriæ desiderio æstuans febrim contraxit , quæ at-  
tenuatum ieiunijs , & vigilijs corpus extinxit ; post eā  
funeratus est ritu Monastico , ibi sepultus , vbi se  
vixus condiderat . Quo anno ætatis , imo & sæculi  
mortuus sit incertum discrepantes scriptores fecerunt .  
Rectè ; nec enim putari rationes temporum debuerunt  
eius , in quo ratio erat æternitatis habenda . Hac vna est  
ille æstimandus , & metiendus . Constat relatum inter su-  
peros fuisse , Aramque eius nomini erectam . Consecra-  
tionis memoria fit ad ecclesia nono idus Iunias , Itaque  
dies obitus certus habetur , seculi , & ætatis ambiguus .  
Theodosio , & Valentiniano Imperatoribus decessit .

Caput



## Caput. III.

*Testimonia honorifica scriptorum grauissimorum de Vincentio Li-  
rinensi, quæ pugnant cum sententia Noris de Semipelagia-  
nismo eiusdem. Dicitur Noris affirmantis constare  
ex scriptis Vincentij eum cum Semipelagianis  
sensisse obiecto Francisci Suarij, & au-  
toris testimonio refutatur.*

**L**Vuat, imò & decet initio huius opusculi complu-  
rium, & diuersorum, qui idonei omnes sint, scri-  
ptorum testimonia proferre, quæ fidem faciant in-  
nocentiæ Vincentii Lirinensis, & bonitati causæ a  
me susceptæ, ut quàm ille fuerit ab erroris, & ego  
à contentionis suspicione alienus appareat. Illo-  
rum iudicia a me producta totidem erunt de meo  
præiudicia. Ad quæ prouocare lubet, si me Pater No-  
ris aut quisquam alius ei obnoxius velit arguere,  
aut quòd importunè me ingesserim, aut quòd con-  
tentiose cum amico me gesserim. Grauis est causa, &  
communis, quæ nō patitur moram, & excusat contentio-  
nem pro Sancto, talis est quippe Vincētius, & pro eius li-  
bello uti vulgò scriptores appellant, *aureo*, susceptam.

Incipiamus ab irrefragabili testimonio.

Martyrologium Romanum ix kal. Iun. 24. Maii.

In Monasterio Lirinensi Sancti Vincentii presbyteri  
Doctrina, & Sanctitate conspicui.

Eucherius in Epist. ad Salonium ante librum  
Quæst. Vet. & noui test.

Eu-



Eucherus Salonio filio salutem. Sæpe quaris, &c. dignum namque est quacunque cura mea ingenium tuum remunerari: qui vix dum decem natus annos cretum ingressus inter illas sacras manus non solum imbutus es, verum etiam nutritus sub Honorato patre illo, patre inquam primo Insularum, postea etiam Ecclesiarum magistro: cum te illic Beatissimi Hilarij tunc Insulani tyronis, sed iam nunc Summi Pontificis doctrina formaret per omnes spiritualium rerum disciplinas: ad hoc etiam te postea consummantibus sanctis viris Saluiano, atque Vincentio eloquentia pariter, scientiaque præminentibus. His igitur tot ac talibus usus magistris &c.

Gennadius lib. de Illustr. Eccl. Scriptor.

Cap. 64.

Vincentius natione Gallus apud Monasterium Lirinensis Insule presbyter, vir in scripturis sanctis doctus, & notitia Ecclesiasticorum dogmatum sufficienter instructus composuit ad evitanda hæreticorum colloquia nitido satis, & aperto sermone validissimam disputationem, quam absconso nomine suo titulavit Peregrini adversus hæreticos: cuius operis quia secundi libri maximam in schedulis partem à quibusdam furatam perdidit recapitulationem paucis sermonibus sensu pristino compexit, & vno in libro edidit: moritur Theodosio & Valentiniano regnantibus.

Ado in Chronicis anni 425. ætatis sextæ.

Vincentius quoque natione Gallus apud Lirinensem Insulam presbyter satis in divinis scripturis eruditus moritur.

Honorius presbyter Augustodonensis de Ecclesiæ luminaribus.

Vincentius natione Gallus apud Monasterium Lirinensis Insule presbyter, vir in scripturis sanctis doctus scripsit validissimam disputationem, quam absconso nomine suo attitulavit Peregrini adversus hæreticos: sub Theodosio claruit.

C

Petrus



**Petrus de Natalibus.**

*Vincentius Gallus gente, Lirinenſis Inſulae preſbyter temporibus Theodoſii, & Valentiniani Auguſtorum claruit. Hic vir ſanctitate admirandus, in diuinis ſcripturis eruditus ad vitanda hæreticorum colloquia validiſſimam edidit diſputationem, quam eſſato nomine ſuo Peregrini aduerſus hæreticos intitulauit: cuius operis partem, quia in ſchedulis poſitam furto perdiderat, recapitulando paucis ſermonibus ſenſum in vno libro compegit. Quieuit Roma in Chriſto. Kal. Iuni.*

**Trithemius de Scriptoribus Eccleſiaſticis.**

*Vincentius monachus, & preſbyter Monafterij Lirinenſis Inſulae natione Gallus, vir in diuinis ſcripturis erudiſſimus, & ſculpturæ litterarum non ignarus, vita, & moribus clarus. Extat eius inſigne opus quod ſub Peregrini nomine compoſuit à veteribus doctõribus percelebre laudatũ de erroribus & collegijs hæreticorum fugiendis contra omnes hæreticos lib. 2. Alia quoque nonnulla ſcripſiſſe legitur, quæ ad notiitiam meam non venerunt. Claruit Theodoſio & Valentiniano regnantibus anni 425. ætatis ſexta.*

**Sixtus Senenſis lib. 6. Biblioth. anot. 104.**

*Sed quàm miſerè infelices iſti falluntur, luculentiffimè demonſtrant Sanctiſſimus, atque inter Patres, qui ante mille ac ducentos fere annos floruerunt, doctiſſimus, ac diſertiſſimus Vincentius Lirinenſis, edito Libello vere aureo, quem omnes Catholice pietatis amatores aſſidua verſare manu deberent, ceu enchiridion, ſive militarem pugniunculum aduerſum prophanas omnium hæreſum nouationes. Iſ igitur &c.*

Poſſe-



**Possseuinus in apparatu sacro tom. 3.**

*Vincentius Lirinensis Gallus, aureum scripsit librum aduersus  
Prophanas omnium hæresum nouitates. Is autem, inquit Genadius  
& Ceterum in libello non procul à fine refert Concilium Ephesi-  
num ante trienium celebratum fuisse, quam ipse illud Opusculum  
conscriberet. Extat in Biblioth. SS. Patrum Bignai, sed & sepa-  
ratim Colonia editum, primo Basileæ ann. 1518. vñd cum alijs  
contra Hereticos. Deinceps autem apud Maternum Cholinum  
nu. 1569. & ann. 1589. apud Herstium.*

**Cardinalis Bellarminus ad ann. 400.**

*Vincentius Monasterii Lirmensis presbyter æqualis Cassiani fu-  
it, quippe qui paulo post Concilium Ephesinum se scripsit: testatur  
idest, tribus annis post Concilium celebratum. Scripsit opusculum  
paruum mole, sed virtute maximum, de prophanis vocum noui-  
tatibus. Libellus extat & vtilissimè legitur.*

**Petrus Pitthœus in Epist. Dedicatoria Sal-  
uiani ad Fabrum.**

*Testis Vincentius qui Peregrini nomine Commonitoria scrip-  
sit, quibus nihil eo genere aut maiore iudicio, acutiore stylo,  
conscripturn memini.*

**Ioannes Hassellius doctor Louaniensis in Libello  
de Officio Pij viri:**

*Vincentius Lirinensis doctissimè, ac verissimè tradit, quod Patri-  
bus hac lege credendum est &c. Rursum. Hæc Vincentius dilucidè,  
atque rectissimè tradit. Tandem. Doctissimus ille Vincentius  
Lirinensis in vtilissimo pro Catholica fidei antiquitate, & verita-  
te aduersus prophanas omnium hereseon nouationes Libellus, vide-  
tur doctissimè, & solidè pii viri officium in procellis hereseon des-  
cribere, &c.*



Martinus Peresius Ayala p. 2. assert. 5.

*Vincentius etiam Lirinensis in aureo illo aduersus prophanas  
hæreses libello, clarioribus verbis hoc idem ante mille & cen-  
tum annos loquens de Ecclesiasticis Concilijs eleganter expressit.*

Ludouicus Carbo introd. lib. 4. c. 14.

*De quibus legendus est aureus, & nunquam pro dignitate lau-  
datus Vincenij Lirinensis libellus.*

Ioannes Cofferius Columba dictus in præfat.  
ad lect. Commonit. Vincen. Lirin.

*Quoniam hunc Diui Vincenij librum, doctissimi cuiusque iu-  
dicio longè optimum, eiusque lectionem non tantum utilem,  
sed et necessariam quoque hac tempestate omnibus esse constat:  
non solum Theologiæ candidatis, sed Iurisperitis quoque, &  
Medicis, omni denique, & conditioni, & ætati, visum est  
hic Commentariolum quoddam adiungere, in eorum præsertim  
gratiam, qui in diuinorum librorum lectione minus exercitati  
sunt, vt in promptu habeant, quo nodos omnes, si qui in ter-  
legendum se se offerant, dissolvere possint.*

Theophilus Rainaudus de malis ac bon. lib.  
partit. 2. Erotem. 19.

*Vincentius Lirinensis aureum Commonitorium edidit non in-  
Peregrini, vt auctor est Gennadius in Vincentio.*

Franciscus Suarez r. tom. de grat. Prolog.  
5. c. 5.

*Vincentius Lirinensis Catholicus scriptor, & Casiano aqua-*



lis, & in Monasterio Insule Lirinensis insignis Monachus, ac validissimus contra hereticos disputator: & rursus Vir religiosissimus fuisse perhibetur, & d. A. libro suo talem se ostendit.

Ioannes Baptista Gonet disp. 2. 5. 7.

De gratia.

Vincentius in Opusculo contra prophanas vocum novitates cap. 34. vehementer arguit Pelagium, quod necessitatem gratiae inuantis nos in singulis actibus negauerit, & cap. vlt. Epistolam Celestini Papae aduersus Semipelagianos cum veneratione recipit. Gennadius validissimum contra hereticos Athletam fuisse memorat.

Cardinalis Baronius tom. 5. Annal. ann.

434. edit. Rom. pag. 647.

Vincentius Lirinensis cum aduersus omnes hereticos, tum praecipue ad sepeliendas penitus recens emerfas Pelagij, Celestij, atque Nestorij haereses disertissimum elucubrauit Commentarium. Et iterum. Cuius quam fuerit mira eruditio libellus ipsius ostendit, ut vix sit reperire qui paucioribus chartis maiora & feliciore tractatu coneluserit ijs temporibus admodum accommodatus, & in Ecclesia Catholica semper posteris profuturus, cum numquam de futuri sint nouatores heretici, ad quos penitus explodendos idem auctor summa industria laborauit. Rursus anno 431. pag. 188. alterius editionis. Hac Vincentius de Epistola Celestini, quam tanti ponderis esse docet, ut satis sit ad omnes haereses euertendas, nouas sententias in Ecclesiam inducentes, quo potissimo argumentum Pelagianorum, tum aliorum omnium hereticorum fundamenta idem auctor conuellit opere illo contra haereses scripto, ceruere aurea.

Car-



Cardinalis Perronius in replica ad Regem Angliæ.  
Laudat sapissimè Vincentium Lirinensem, & præ-  
nomine *Sancti* eum semper afficit.

Melchior Canus in suo egregio opere de lo-  
cis Theologicis lib. 7. c. 3.

De auctoritate Patrum.

*Hæc Vincentius Lirinensis non minus prudenter, quàm verè di-  
cit. Iterum ibidem n. 16. Hætenus Ephesi Concilium, refertur  
autem à Vincentio Lirinensi, in libello verè aureo aduersum pro-  
fanas nouationes. & c. 4. init. Vt Vincentius Lirinensis rectè  
dicit. Et ibidem paulo post. Vincentius Lirinensis doctissi-  
mè, elegantissimèque respondit.*

Henricus Spondanus anno 434. n. 4.

*Hoc item ipso anno Vincentius natione Gallus Monasterij In-  
sule Lirinensis presbyter cum aduersus omnes Hæreticos, tum præ-  
cipuè ad sepeliendas penitus recens emerfas Pelagij, atque Nestorij  
hæreses pro defensione antiquæ Patrum fidei summa indu-  
stria disertissimum sub nomine Peregrini elucubrauit Cōmentarium.  
his temporibus apprime accomodatum, & in Ecclesia Catholica  
aduersus quoscunque Nouatores semper profuturum, quem vna cū  
auctore laudauerunt olim Gennadius, & Sanctus Eucherius.*

Vasquez i. p. d. 91. c. 8. n. 43.

Vincentium liberat ab omni suspicione Semipelagia-  
ni erroris, eumque obiectiones Vincentianas edidisse  
inficiatur.

Alvarez Archiepiscopus Tranensis, & Salpensis.  
Vnus hic è principibus suæ ætatis Theologus disp. 2. de  
Auxil. Diuin. Grat. subtiliter de Semipelagianis, &  
eorum erroribus differens solos Massilienses, & inter  
eos Cassianum, & Faustum profert, & d. 5. Vincentiū  
Lirinensem honorifice appellat.

Dionysius Petavius.

In



In rat. temp. p. 1. lib. 6. anno 434. *Vincentius Lirinensis* aurcolum edidit libellum aduersus hæreseos ; nempe tertio anno post Epb. sinam Synodum , vt ipse testatur . Pergit de Cassiano scribere , & Semipelagianum appellare , Vincentio libero relicto .

Philippus Labbe 2. tom. suæ dissert. de scrip. Eccles. Card. Bellar. Vincentium sumis laudibus effert , & eum obiectionum Vincentiarum auctorem fuisse negat .

Hieronymus Bardi .

In Martyr. Rom. In Monasterio , inquit , fit commemoratio natalis S. *Vincentij presbyteri viri* , & pietate , & doctrina insignis .

Gualterius in talibus Cronol. ad annū. 400. ad 500. *Sanctus Vincentius Lirinensis doctissimus eloquentissimusque Hæreticorum impugnator* , vt planum est ex eius n n minus pulchro , quam breui Commonitorio , maxime verò Pelagianorum .

Gueznaius in suo opere Prou: Mafsil.

*Vixit inter illustres Sanctitate , doctrinaque Monachus Vincentius Lirinensis* , de quo *Annales Lirineses* . & postea negans eum obiectionum Vincentianarum fuisse Auctorem , Merito , inquit , *Baronius , Suarez , Bellarminus* , & penè omnes Scholastici eum vindicant ab hac nota .

In Indice Librorum expurgandorum , & censura Bibliot. Patr. Tom. 4.

*Sanctus Vincentius* appellatur retento titulo *Sancti* , qui in nonnullis aliis deletur .

Verum quando placuit Patri Nori Vossii calculum ponere contra Vincentium me quoque iuuat nonnullos pro eodem aliorum proferre : idque in primis obferuo : quicumque illorum parui pendunt Sanctos Ecclesiæ Patres , eos quoque Vincentium spernere : qui autem eos magni faciunt , ab iis etiam Vincentium plurimi fieri ; cuiusmodi sunt *Georgius*

Calistus



Callistus, Gerardus, Marcus Antonius de Dominis, Georgius Cassander: vnum eorum nominatim appellare volo, quem parem Vossio opponam. Hic est Hugo Grozzius: cuius hæc verba sunt in suo pro pace Ecclesiastica Voto. *Traditionis autem dignoscendæ regulas eas agnosco, quas consignauit Vincentius Lirinensis, approbantibus Catholicis, & Protestantum multis. Eum Semipelagianismi accusare, non nisi sesquimanichæorum est.*

His grauissimorum auctorum præconijs, que totidem ferme sunt præiudicia, causa Vincentij Lirinensis iuuatur aduersus suspensiones Patris Noris cum in iudicium vocantis, tamquam Semipelagianæ erroris compertum. His ego præmissis iudicandum propono Lectoribus, & absoluendum. Paucos sibi Noris suffragatores habet. Nec nisi Vossium adhibet hominem heterodoxum, & Semipelagianum, sectatorem Arminij, & de grege Remonstrantium, quos ego cum in Anglia essem noui, & integro libro, qui *Mens Innocenti diuinitus inspirata* inscribitur, denunciato ijs primum bello refutauit. Hostem præterea Augustini, quique in partibus vult habere Vincentium Lirinensem, vt veluti parem opponat Augustino. Verum Pater Noris negat vllius se auctoris patrocinio indigere. Ipso utitur patrono, & suffragatore Vincentio. Affirmat ipsum sua doctrina se prode, & suomet testimonio conuinci. Non opus esse alijs argumentis, quam ipsis Vincentij scriptis, quæ quia auctores oppositæ sententiæ cum liberantes, oscitanter legerunt, minus eum consideratè notæ Semipelagianæ erroris exemissæ: quam ei Noris ipse diligens, & attentus lector merito inuulsit. Norim audiamus lib. 2. c. 11. pag. 243. *Id ex eius verbis enunciam, quæ miramur non modo nuperos scriptores, qui Commentarijs*



*Commonitorium illustrarunt non obseruasse, verum etiam nec ipsum Vossium, qui non omnes illius libri natos notauit. Quara-  
tione necesse est, vt ne Gennadius quidem, qui Vincentium eius erroris non accusat, eum diligenter legerit. Quo argumento vtitur eruditus Pater Gonet disp. 2. s. 7. tract. de grat. qui suffragatur Vincentio. Adde, inquit, quod Gennadius hunc ei in animum non appingit. Equidem Baronium, Spondanum, Suarium, Vasquium, & Gonetum nō oscitanter legisse Vincentij Commonitorium puto; à quibus tamen video eum absolui. Vnum horum quem magni facere solet, nec iniuria, Noris, ei opponere volo Suarium, qui tom. 1. de grat. prologom. s. c. 5. loquens de Vincētio: Hæc autē suspicio imprimis nullum habet in opusculo Vincentio Lirinensis contra profanas vocum nouitates, quod solum ex scriptis eius habemus, fundamentum. Aduersatur Nori Suarius. At non est ex ijs qui commentantur; Noris autem perspicuè Commentatores expressit. Fucus hic est: teneamus sensū. Significat Noris reliquos ante se scriptores qui Vincentium liberant à Semipelagianismo, eos indiligenter illius scripta euoluisse, sibi que vni arrogat lectionis accuratæ laudem, quam ne cum Vossio quidem patitur esse communem.*

Rem aggredior. Ego me Nori aduersarium exhibeo, & negotium, opinor, facessum. Contrā: Fidenter assero nihil prorsus esse in scriptis Vincentij Lirinensis, quod sapiat errorem Semipelagianum, & recipio, ex ijs me, vt par pari referam, Nori, palam facturum ab Augustini doctrina de prædestinatione, & gratia minimè recessisse. Nouit Noris meus familiaris, eum me esse, qui summa cura & intentione auctores lego, ac ijs me inferræ ac penitus introda-



re, & eorum sensum diligenter inuestigare.

Itaque multum operæ posui in legendo, & intelligendo Vincentij Commonitorio: venas omnes eius scripti tentavi: fibras inspexi. Omnia subtiliter rimatus sum nequid præteriret eorum, quæ rem contingerent; ita iudiciû apud me formaui vt falli, fallere vel in ferèda sentètia nec velim si possim nec possim si velim. Quid quid pater Noris opponit diligèter recognoui, lentè examinaui, accuratè contuli cum verbis Vincentij: sensum ab eo elicitum, & in suis fontibus haustum accepi, expendi, sine odio, sine amore, sine inuidia, sine perturbatione, & vbi de eo constitit retuli comparando ad eum sensum quem Noris attribuerat verbis Vincentij, & hunc comperi omnino esse à vera mente Vincentii alienum, meum autem iustum, & legitimum, & cum auctorum de quibus hactenus mentionem feci iudicio conuenire: Et tandem statui Vincentium à Semipelagianis dissentire, & Augustino consentire: Id autem vt appareat, nitide, ac explanate singula Noris argumenta proponam, eaque aptè, ac perspicuè refutabo: imò & pleraque in eundem, quod mihi feliciter contigit, retorquebo: vt si secum coherere velit, necesse eidem sit fateri Vincentium Augustino adhæsisse. Res est expectationis plena: ea erectos lectorum animos video: adsint, sustinebo expectationem, & eorum desiderio satisfaciam.



Caput



## Caput IV.

*Solvitur capitale Noris aduersus Vincentium argumentum, ductum ex verbis eiusdem, quæ non excludunt gratiam, ad petendum, & pulsandum, sicuti excludebant Semipelagiani. Sensum Vincentij esse Augustini ponentis gratiam antecedentem ad orandum, & pulsandum. Vincentium impugnare aliam gratiam personalem, quæ tollebat omnem prorsus necessitatem orandi cum gratia, & sine gratia eodem quo Augustinus modo aduersus Pelagianum. Multum inter sensum Fausti, & Vincentij inter esse. Adducitur in fauorem Vincentii Concilium Atrasicum.*

**A**Chilles hic est P. Noris, eoque se multis persuasisse doctis, & eruditis viris suam de errore Vincentij sententiam mihi serio confirmavit, nec alio opus fuisse: omnes audito eo consensisse. Igitur sic capite 37. Commentarij Vincentius. *Audent*, inquit, polliceri, & docere, quod in Ecclesia sua, idest, in communionis suæ conuenticulo magna personalis quedam sit Dei gratia; adeo ut sine vlllo labore, sine vlllo studio, sine vlla industria; etiam si nec petant, nec querant, nec pulsant, quicumque ad numerum suum pertinent, ut Angelicis cunctis manibus, idest Angelica protectione seruati, nunquam possint offendere ad lapidem pedem suum, idest nunquam scandalizari. De hoc loco ita dixerat Noris. Audiamus iam Vincentium egregie his (nimirum Cassiano, & Fausto) concinentem, dum irridet asserentes gratiam specialem, & personalem, subinferens dari petentibus, pulsantibus, querentibus. Etenim in Commonitorio cap. 37. ait. *Audent*. Putat vero se de eo testimonio prorsus confecisse.



Ego vero nego, & exarmo istum Achillem. Adef-  
 dum qui legis. Nego iterum: ac pernego Vincen-  
 tium de ijs orationibus, & petitionibus loqui, de  
 quibus Cassianus, & Faustus: ac distinguo in hac  
 materia petendi, quærendi, pulsandi tres opinio-  
 nes scriptorum eius temporis. Prima fuit Pelagij  
 negantis necessitatem petendi, & orandi, & omni-  
 no tollentis petitiones, & orationes, quòd diceret  
 non opus esse petere à Deo, quod in nostra facul-  
 tate naturali positum. Frustrà postulari à Deo,  
 quod nos viribus nostris facere possemus. Hic er-  
 go prorsus orationes, & preces auferebat, quem  
 secuti hæretici Pelagiani. Secunda fuit Cassiani,  
 & Fausti, & sequacium Semipelagianorum, qui  
 contra Pelagium necessarium esse dicebant pe-  
 tere, quærere, pulsare; & necessitatem precum,  
 & orationum fatebantur; sed eas tamen natura-  
 les ponebant, & in nostra esse potestate disertè  
 affirmabant, vt nostris viribus datum esset pe-  
 tere, pulsare, quærere, orare, imò id omnino  
 ex natura fieri oportere, vt per hoc initium  
 precum, & orationum naturale primam gra-  
 tiam mereremur, quam debebant antecedere illa  
 initia naturalis industriæ, quæ gratiam à  
 Deo impetrarent. Tertia fuit Catholicorum,  
 & Augustini adstruentium contra Pelagium  
 necessitatem orationis ad obtinendam gratiam,  
 & negantium sufficere naturam ad salutem con-  
 sequendam; præterea affirmantium aduersus  
 Cassianum, & Faustum necessitatem gratiæ ad  
 istas petitiones & orationes, antecedenter ad illas:  
 ita vt non præcederent istæ preces naturales gra-



tiam Dei , sed contra gratia Dei illas præcederet , ne vllum in nuda natura meriti initium poneretur . Medij igitur erant inter Pelagianos , & Semipelagianos Catholici . Illi negabant omnino necessitatem orandi , & petendi . Hi concedebant necessitatem orandi , sed dicebant facultatem orandi esse naturalem , & exigebant orationes naturales antecedenter ad gratiam , tanquam meritum illius . Catholici adadmittebant necessitatem orandi per orationes non merè naturales , sed ex gratia antecedenti , vt meritum illud initiale à natura excluderent , & gratiæ assignarent . Hæc constant . Nunc inficior verum esse , quod ait Noris , Vincentium Lirinensem de illo secundo genere , orandi , quærendi , pulsandi Cassiani , & Fausti locutum . Nam in textu nihil inuenitur , quo id significetur . Vbi enim quæso dicit Vincentius illud studium , & industriam , & laborem esse debere naturalem , & illas preces , & Orationes à nuda natura proficisci ? Nam illa verba *sine vilo labore , sine vilo studio , sine vlla industria* non restringunt significatum ad solas vires naturæ , imò videntur complecti etiam laborem , studium , & industriam comitante gratia , sic enim sonat illud *sine vilo , sine vlla* . Idest ; nullo prorsus naturæ , & gratiæ ; vnde loquitur sensu Catholico improbens auferentes totum id quod est à natura , & gratia . Deinde illa verba : *Etiā si nec petant , nec quarant , nec pulsent* , non circumscribuntur limitibus naturæ , sed extenduntur etiam ad gratiam , & excludunt petentes , & quærentes , & pul-

sa. res



santes simpliciter, & generaliter, siue ex natura, siue ex gratia faciant. Cur ergo P. Noris has omnes particulas generatim positas, & vtrumque naturæ, & gratiæ statum comprehendentes, ad vnum tantum naturæ statum singulariter restringit, sumens eas in sensu Semipelagiano? Cedò mihi quæso vnā notā, quæ addicat illa verba Vincentij ad solam naturam, excludatque gratiam? Hoc autem oportuit fieri ad damnandum Vincentium, qui sic loquitur, vt damnet eos, qui omnes auferunt orationes, tum ex sola natura, tum ex natura, inspirante, & adiuuante gratia: in quo est manifesta hæresis contra doctrinam Catholicorum affirmantium esse petendum, quærendum, pulsandum, non negantium: quo enim iure damnare poterat affirmantes, qui solos negantes damnabat? idest nec petentes, nec quærentes, nec pulsantes. Vbi, vbi hic est illa clausula Semipelagiana ex natura sine gratia? Nulla illius mentio apud Vincentium. At dicet Noris satis illud significari per alias particulas, *sine vllō labore, sine vllō studio, sine vllā industria*, quæ videntur excludere gratiam, & nudam naturam adstruere. Nego, nam gratia non aufert laborem, nec studium, nec industriam; excitat, & præuenit ad laborandum, ad operandum, & iuuat laborantes, & operantes. An Sancti quando merentur, nihil ponunt de suo? Ponunt, sed cum gratia, non ex sola natura. Itaque illæ particulæ omnem prorsus laborem, omne studium, omnem industriam auferri, tum ex natura, tum ex gratia significant.

Refuto



Refuto adhuc Norim manifestius. Patet hic sensus ex sequentibus, *tamen ita diuinitus dispensentur, ut Angelicis euecti manibus, idest Angelica protectione seruati numquam possint offendere ad lapidem pedem suum, idest auiquam scandalizari.* Expendamus singula: dispensati à labore, à studio, ab industria, & oratione, & à requisitis ad salutem. Angelicis euecti manibus: videntur ut omnis industria, & labor, & operatio ad Angelos reducat; eorum manibus committitur negotium saluationis: homines nihil agentes, nihil operantes proprijs manibus otiosi, negligentes, dormientes Angelicis manibus euehantur, nec repunt, nec ambulant, nec currunt, nec laborant, & tantum laborant Angeli illos ad superos euehentes: ac ita, ut ne libertatem quidem exerceant, cum peccare non possint, nec deuiare, nec decurrere à tramite salutis. *Numquam possint offendere ad lapidem pedem suum quia Angeli totum negotium peragunt, sine vilo hominum illorum labore, sine vilo studio, sine vlla industria tanta sunt à Deo dispensatione privilegiati, tanta ab Angelis protectione seruati.* Numquam hæc docuit Augustinus, numquam Catholici tradiderunt. Non ergo eos impugnabat hoc in loco Vincentius, nec impugnare hoc nomine poterat, imò ne de ijs quidem cogitare. De qua ille cogitaret hæresi, suo infra loco demonstrabimus. Quod autem subiungit Noris. *An verò disertius suam sententiam potuerit exprimere, vel reapse expresserit Faustus certè non video.* Miror id tanto viro excidisse. Nam Faustus, & Semipelagiani semper expresserunt naturam, & excluderunt vtranque, antecedentem, & concomitantem, siue excitantem, adiuantem gratiam, ut patet ex verbis eiusdem Fausti su-

pra



pra relatis ab ipso met P. Noris lib. 2. c. 10. suae Hist. Pelag. Hoc solum, inquit, nostrum est, ut qui pro fragilitate idonei non sumus, saltem querendi, & pulsandi importunitate placeamus. Imo ipse met Noris c. 18. propè finem affirmat Faustum posuisse initium Fidei ex viribus naturae: quomodo ergo ait non expressisse disertius quàm Vincentium initiale illud meritum in natura, cum hoc nunquam exprefferit Vincentius? Iam vero Semipelagiani quorum vnus è Principibus fuit Faustus, perspicuè dicunt apud Prosperum in Epist. ad Augustinum. *Per naturalem facultatem petendo, querendo, pulsando;* & apud Hilarium in sua Epist. ad eundem August. *Nec negant gratiam, si præcedere dicatur voluntas, quæ medicum quærat.* Hæc sunt sanè diserta, & expressa. Vbi in Vincentio similia? Quo iure igitur vir Doctissimus negat suam disertius Faustum expressisse, aut exprimere potuisse sententiam, cum Vincentius ne illam quidem significarit? Multum valet ad iudicandum in vtraque partem præoccupatus affectu animus, cum præiudicatum afferat id, de quo iudicare vult. Ego nunquam sic de alijs iudicare me memini, nec mihi nimis arrego, cum hoc sit candoris, & fidei, non ingenij, aut scientiæ, quæ sentio in me esse perexigua: imperitiæ, tarditatis, hebetudinis poterit me quisquam arguere; maliculentiae, inuidiæ peruersitatis, calumniæ nemo me, opinor, in censendis, ac reprehendendis auctoribus accusabit.

Confirmo dicta eo quòd nunquam Augustinus talem gratiam personalem induxit, quæ auferret necessitatem petendi, querendi, pulsandi, qualis est hæc, quam impugnat hoc loco Vincentius: immò contra cum gratia sua speciali coniunxit necessitatem peti-

tionem



tionis, orationis, & pulsationis, adeo vt hoc maxime contra Pelagium argumento eas probet. Bona, & merita nostra non esse ex viribus solius naturæ, quod ad bene operandum, & merendum petimus, & querimus, & pulsamus per orationes, & preces virtutem, & facultatem, quæ si esset purè naturalis, minimè tanto studio peteretur. Nihil est in Augustini locis aduersus Pelagianos frequentius, manifestius, explicatius. Multa nos eiusmet testimonia protulimus in libro de Cortina, & lib. de Mente Innocentii X. & in scrinio Augustini: ac in primis in Concentu Eucharistico, qui liber totus est contextus orationibus Ecclesiæ, & Augustini, nonnulla præterea attulimus in 1. tom. Collationum S. Thomæ, & Scoti. Collat. 11. Different 4. Schol. 5. Docum 6. Noto breuiter aliquos. Epist. 107. lib. de nat. & grat. c. 18. lib. de grat. & liber. arb. lib. 5. contra duas Epist. Pelagian. Atque vt appareat quàm sit hac parte similis doctrina Augustini, & Vincentij inuito Lectores ad librum de dono Perseuerantiæ, qui maiorem partem compositus est ad affirmandam necessitatem Orationis; idque saepe adstruit Augustinus ore Cypriani, cui adiungit Ambrosium, nec non Gregorium Nazianzenum. Quid? quod in hanc rem concinnat tractatum S. Cypriani de Orat. Dominica incipiendo à cap. 2. deducendo seriem vsque ad 8. cui subiungit Ambrosium, atque ambos simul laudat c. 19. vbi addit Nazianzenum. Illa vero personalis gratia erat Perseuerantia, quam in primis vult à Deo posci, & hic est scopus eiusdem libri. Quomodo ergo potest reprobari à Vincentio Augustinus, qui tantam ponit Orationis necessitatem, & in eo cum Vincentio sentit? imò &

E

author



author est prior eius necessitatis ? At ut omnino auferatur dubitatio, afferre volo locum Augustini eo in libro, qui sit geminus huic loco Vincentij, ut qui ambos conferat, is eos comperiat mirificè consentire. Cap. 23, lib. de dono Perseuer. inducit necessitatem, & utilitatem Orationis tum publicæ Matris Ecclesiæ, tum priuatæ singulorum fidelium, ac præmisso, Petitiones huiusmodi, & orationes procedere à Dei gratia, cuius etiam sunt dona, remouet hæresim Semipelagianorum ponentium eas esse merè naturales, & ante omnem gratiam, & ait. *Attendant quomodo falluntur, qui putant esse à nobis, non dari nobis, ut petamus, quæramus, pulsemus; & hoc esse dicunt quod, gratia præcedat merita nostra ut sequatur illa, cum accipimus petentes, & inuenimus quærentes, aperiturque pulsantibus; nec volunt intelligere etiam hoc diuinum, muneris esse, ut oremus, hoc est petamus, quæramus, atque pulsemus, quæ sunt totidem & eadem verba Vincentij. Nec rursus obijcias hunc loqui de orationibus naturalibus ante omnem gratiam, cum iam ante occupauerim negando ullum esse eius significationis indicium in textu Vincentij; suspicio est ea hominis contradicentis. Nunc de nouo retundo. Si de his tantum naturalibus loqueretur Vincentius, non totum negotium salutis Diuinæ dispensationi, & Angelicæ protectioni tribueret. Quid enim opus erat quoquo modo petere, quærere, pulsare sine gratia, aut ex gratia, si sine vilo adminiculo ij Electi in Cælum euehendi, & beandi erant ? Non ergo de solis orationibus naturalibus, sed etiam supernaturalibus Vincentius loquebatur, nec de Augustino impugnando cogitabat. Certè fungus, & truncus esset Vincentius, si crederet in oran-*



do, & petendo, & pulsando, & operando ex gratia nullum esse laborem, nec studium, nec industriam, & solum laborare, ac studere, & fatigari eos, qui ex solis naturæ viribus orent, & operentur. Ecquis enim non videt Sanctos operam, & studium, & industriam ponere in orando, in petendo, & pulsando? Macerant corpus, flagellant, affligunt etiam cum gratia Dei, ieiunijs, vigilijs, & miris modis se conficiunt, fatigantur, sudant, gemunt, dolent, cruciantur, non expectant dispensationes Dei, nec protectiones Angelorum, imò leges sibi duras imponunt, & ultra Dei præcepta, quæ observant, consilia quoque exequuntur, ut salutem suam operentur non manibus Angelorum euehantur in altum sine proprijs meritis otiosi, ac delicati, imò sæpe cum Demonibus certant, & pugnant, & ab eis ceduntur, percutiuntur, torquentur, & ad Manes veluti deprimuntur, quemadmodum contigisse legimus Antonijs, Macarijs, Hilariionibus, Pachomijs, & alijs eiusmodi. Omnes electi ( dummodo sint adulti ) dicere possunt. *Per multas tribulationes oportet nos introire in Regnum Dei. Arduum est enim via, quæ ducit ad vitam. Intran per angustam Portam. Virescenti rapiunt Calum.* Laborant, petunt, quarunt, pulsant præueniente illos gratia, & comitante. Immerito igitur Noris condemnat erroris Vincentium, cum is non exprimat particulam *Sine gratia* sine quâ ille particula condemnari non poterat. Nam Concilium Arausicanum 2. Can. 6. sic ait



Si quis sine gratia Dei, credentibus, volentibus, desiderantibus, conantibus, laborantibus, vigilantibus, studentibus, petentibus, querentibus, pulsantibus, nobis misericordiam dicit conferri diuinitus; non autem, ut credamus, velimus, vel hac omnia sicut oportet agere valeamus, per infusionem, & inspirationem Sancti Spiritus in nobis fieri consuetur, &c. resistit Apostolo dicenti. Quid habes, quod non accepisti? & gratia Dei sum id quod sum. Ostendere debuit Noris locum ubi illa particula sine gratia expressa esset apud Vincentium Lirinensem ut iusta esset damnatio, cum autem nusquam illa sit nulla item erit damnatio. Absoluit igitur Concilium Arausicanum Vincentium, & notationem nostram confirmavit de petendo sine gratia quod est Semipelagianum, & de petendo cum gratia quod est Catholicum. Hac ratione exarmatur, & eneruatur ille Achilles P. Noris negando Vincentium Lirinensem de labore tantum, & oratione naturali sine vlla gratia eo in loco fuisse locatum.

### Caput V.

*Idem locus Vincentij à Patre Nori obiectus in eundem reijcitur, ac eo probatur teneri virum doctissimum iuxta suam propriam interpretationem alio in loco adductam in fauorem Gennadij absolueret Vincentium ab errore Semipelagiano: quemadmodum absoluit Gennadium.*

**M**iretur lector, sed non dubitet me quod polliceor effecturum. Magna est promissionis expectatio, eam tamen sustinebo. Non putarem iuuentarum me esse in erudito aduersario, quæ pro me facerent aduersus eundem. Sed reperi, & mihi sum gratulatus, quod reperi. Cum

pro-



proximam responſionem nixam illo discrimine orationum per naturam nudam, & per gratiam cum natura excogitaſſem, & ad liberandum à nota Semipelagianismi Vincentium adhibuiſſem, legi accuratè quæ de Gennadio ſcripſit in hoc ſuo libr. 2. c. 16. P. Noris, & inueni hunc, quem eodemmet Noris teſte tum ibi tum in appendice c. 4. pag. 189. conſtat Semipelagiana labe infectum, ab eo ipſo fuiſſe abſolutum eadem proſus ratione, qua Vincentius fuerat damnatus. Rem narro, in eo loco pag. 295. ponit argumentum contra Gennadium ſumptum ex ijs, quæ docet libr. de Eccleſ. dogmat. de initiali merito naturæ, aitque propter illud condemnatum eum ab Eccleſia Lugdunenſi Tom. 9. Biblioth. Patr. hoc modo. *Ex his Eccleſia Lugdunenſis iam ab octiſſimo annis Gennadium Pelagiano dogmati conſentientem arguit. Hominem inquit abſque laboris ſui ſtudio ad Deum peruenire non poſſe, non eſt Catholicum, ſed Pelagianum. Inuenitur in libello, cui titulus eſt Dogmatum Eccleſiaſticorum quedam talis diſſinitio, ſed omnino ut alia nonnulla in eodem libello Pelagianæ erroris eſt. Adducit item Noris Iansenium apud Annatum eodem crimine accuſantem Gennadium. Ecce germanus locus Gennadij requirentis laborem præcedentem auxilium gratiæ ſimilem proximo Vincentij. Quid tum Noris? Mihi, inquit, horum iudicia non probantur, & in primis minimè Pelagianum eſt aſſerere homini a ſalutem obtinendam neceſſarium eſſe laborem, ſi labor non ex ſolis naturæ viribus, ſed ex gratiæ præuouentis virtute prodeat. Ecce mea ſententia nixa eodem intellectu laboris cum gratia diſtinguendo in Vincentio hunc ſenſum Catholicum ab alio Semipelagiano ex ſolis viribus naturæ. Probat autem ſuam illam in fauorem Gennadij ex poſitionem Noris Can. 25. Arauſicano,*

requi-



requirente laborem cum gratia, quæ est, sub-  
 dicit Noris, ipsa Gennadii sententia, neque inde Semi-  
 pelagianus vocari potest. Nam etiam cum eligimus bo-  
 num, preparatur voluntas à Domino, & laudat Au-  
 gustinum lib. de prædest. Sanct. c. 6. cuius  
 sententia, ait, Gennadius totus inheret. Pergit  
 ostendere Gennadium in hoc sensu Catholico,  
 non in altero Semipelagiano locutum fuisse.  
 Itaque liberat hac ratione Gennadium,  
 quæ ego Vincentium liberaui. Nunc ad  
 institutum. Accipio solutionem, & venio ad  
 Vincentium Auctore P. Noris. Dicis, vir  
 eruditissime, tutum esse ab errore Gennadium  
 etiam dato, quod dicat requiri laborem ad  
 salutem operandam, quia ex hoc non sequi-  
 tur negare Gennadium auxilium gratiæ: igitur  
 & debes dicere tutum esse ab errore Vin-  
 centium dicentem requiri laborem ad salutem  
 operandam, cum ex eo non sequatur negare  
 gratiam. Accipe utrumque eodem, ut par  
 est, modo: si vnum liberas, libera &  
 alterum: imò ex duobus tenetur potius No-  
 ris liberare Vincentium, quàm Gennadium,  
 quia Gennadius compertus est Semipelagianis-  
 mi ex aliis scriptis, & argumentis, quemad-  
 modum fatetur ipsemet Noris initio capitis, ubi  
 ex Semipelagianorum, inquit, laude, ac Prosperi  
 reprehensione fuisse illum Semipelagianum, nullus inre-  
 fusciat ibi; Addit alias coniecturas, & statuit  
 Semipelagianismo infectum; idque reperit in  
 appendice c. 4. pag. 189. Nulla extant

hu-



huiusmodi contra Vincentium argumenta nec  
 ulla alia indicia . Cur igitur damnatur à No-  
 ris ? quid ? quod Noris absoluit Gennadium  
 damnatum ab inclyta Ecclesia Lugdunensi ,  
 damnat autem Vincentium à nullo præter-  
 quam à Vossio , & aliquo alio præterea Heterodo-  
 xo damnatum ? Æquius erat exponere lo-  
 cum illum . Vincentij innocentis , saltem  
 ambigui , mitius , eumque in meliorem  
 partem accipere , quod non erat suspecti au-  
 ctoris , quàm illos locos Gennadii suspecti ,  
 immò & comperti erroris . *Melior est in du-  
 bio conditio possidentis* . Ac ne respondere vn-  
 quam possit Noris ( acutus enim est , &  
 cautus ) excusando se , quod tantum loquatur  
 de hoc argumento adducto ab Ecclesia Lug-  
 dunensi , & Iansenio quod sit depromptum ex  
 illo libr. Dogm. Ecclesiast. vbi non potuit  
 inueniri hæresis , quòd erat ad Gelasium  
 scriptus , cuius reuerentia continebat ab erro-  
 re Gennadium , occupo defensionem animad-  
 uertendo primùm me non intendere damnare  
 Gennadium , sed tantum ostendere rationem ,  
 qua vitur Noris in eo liberando pro Vincen-  
 tio militare , deinde negando Gennadium ni-  
 hil dixisse erroneum in eo libro , nam soler-  
 ter , & astutè miscet venenum Semipelagia-  
 num , vt obseruauit Ecclesia Lugdunensis , &

pleri-



plerique alii eum librum incusantes, & ex Augusti-  
 ni Catalogo, vbi erat insertus, expungentes. Hoc  
 autem ostendo ponderando locum, quem Noris ipse  
 laudat in defensionem Gennadij, & in quo putat,  
 cum Catholicè omnino sentiret, Augustino consen-  
 tire. *Nullum credimus, verba sunt Gennadij, ad salu-  
 tem nisi Deo inuitante venire; Nullum inuitatum, nisi Deo au-  
 xiliante operari. Nullum nisi orantem auxilium promereri.* Hęc  
 particula suspecta est, & olet Semipelagianum vene-  
 num. *Nullum nisi orantem auxilium promereri.* En oratio  
 præuia ex natura viribus ante auxilium gratiæ. Ea  
 vox euertit, & peruertit reliqua. *Deo inuitante, auxi-  
 liante, nempe præcedente inuitationem, & auxilium  
 gratiæ, illa naturali oratione, qua inuitatur Deus,*  
 vt nos inuitet per gratiam præuenientem, ita vt om-  
 nia initium habeant ab illa naturali oratione. Viden,  
 vt Doctrinæ Catholicæ subtiliter infuderit, & mi-  
 scuerit virus Semipelagianum? Nec illud est prætere-  
 undum Norim à Vossio non auelli, tum damnando  
 Vincentium, tum liberando Gennadium. Vtrobi-  
 que eum allegat, & suæ vult habere auctorem sen-  
 tentiæ, quamuis de Gennadio dubium se ostendat,  
 quem Noris fidenter absoluere maluit hoc loco,  
 cum tamen in alijs apertè damnaſset, quos supra  
 notauimus, præcipuè in appendice, vbi castigat re-  
 centiores absoluētes Gennadium, quibus opponit duos  
 Cardinales damnantes, Baronium, & Bellarminum.  
 Doleo vicem Vincētii, quod innocens cōdemnetur ab  
 iis, qui eum absoluere debuissent. Verūm me, si  
 quid iudicando valeo, auctore, minimè ea ignomi-  
 nia Semipelagianismi afficietur. Illud mihi gratula-  
 ri debet, quod quem habuit suæ accusationis au-

ctorem,



thorem, & eundem mea opera nactus est Patronum,  
& defensorem. Deleat igitur quæso Pater Noris quæ  
scribit in vindicijs c. 8. pag. 112. item nempe Faustus  
lib. 2. c. 10. & ante ipsum Vincentium *Lirinensis in Commo-*  
*nit. c. 37.* scribunt nos posse nostris viribus petere, pulsare,  
querere, ut Dei gratiam obtineamus. Hoc enim sæpè scri-  
bit Faustus: nusquam verò, & nunquam scribit Via-  
centius. Tenetur igitur conscientie nomine Noris fa-  
mam Vincentio restituere.

### Caput V I.

*Ex verbis adiectis à Vincentio manifestè colligitur eius errorem  
reprehendit, cum non posse esse Augustinum: in quem  
nullo modo quadrare possunt verba  
illa Vincentij.*

**I**nspicimus; & examinemus quæ Vincentius ait  
ab initio testimonij. Iam vero illis, quæ sequun-  
tur promissionibus miro modo incantos homines Hæretici  
decipere consueverunt. Audent enim polliceri, & docere  
quod in Ecclesia sua, idest in Communionis sue Conuenticulo  
magna personalis quedam sit Dei gratia. Ne viuiam, si  
hæc possunt in Augustinum quadrare. Nam hic  
hæretici dicuntur, & deceptores, qui à Vincentio  
impetuntur. An is eo nomine Augustinum affice-  
ret, quem nemo vnquam ne inimicus quidem ea  
labe aspersit? Adeo ut Gennadius quidè ingenio dicax,  
indole proiectus, secta semipelagianus, & Augu-  
stino infensus, cum de multiloquio Augustinum re-  
prehenderet, sit ausus ei errorem impingere  
falsus nullam hæresis questionem dedisse. Itane  
vero, quem Innocentius I. quem Zosymus, quem



Bonifacius, quem Cælestinus Romani Pontifices in sua  
 semper communione habuerunt, quem commendarunt,  
 quem dilexerunt, quocum sua de fide Catholica de-  
 creta communicarunt, is Hæreticus à Vincentio dice-  
 retur? A quo totus Orbis Christianus, & ipsius Caput  
 Pontifex Cælestinus, teste Prospero, responsa petebat, eū  
 Lirinēsis Monachus, vel ante Monachatum Peregrinus  
 Deceptorem appellaret? At non nouerat hominem. Fū-  
 cus ergo erat, & truncus Vincentius, non homo: oport-  
 gebat eū extra Orbem viuere, aut si esset, in aliquo gur-  
 gustio latitare. Non ignorabat ille Epistolam Cælesti-  
 ni, eam legerat, & laudes Augustini, & approbationem  
 eiusdem Doctrinæ cognouerat: quem Cælestinus in-  
 ter Magistros Ecclesiæ optimos recensuerat, eū n aude-  
 ret Vincentius Hæreticum vocare? Certè si sanus esset,  
 si mentis compos suæ Vincentius, eo vocabulo abstinu-  
 isset: cum præsertim homo cautus, & pius, & circum-  
 spectus haberetur: ac id ipsum ex stylo Commonitorij  
 deprehenditur. Quid quod Deceptoris nomen alienissi-  
 mū est ab Augustini ingenio cādide, & sine fūco, & ma-  
 ximè sincero auctoris, qui perspicuè, & explanatè, ac  
 enucleatè sensus suos exprimebat, qui ne quem falle-  
 ret, opera sua subtiliter, & morosè recognouit, & quæ  
 minus aperta, & plana videbantur, exposuit, ac si quæ  
 minus vero similia videbantur, modestissimè rectra-  
 tavit. Ut eum Vincentius talem qualem describit exi-  
 stimaret, silere debuisset, & ab ignominia temperare:  
 nam cur homini celeberrimo tantam iniuriam irroga-  
 ret, & scripto publico infamaret? Prestabat iudiciū  
 calamūque suspendere, & cautiū procedere,  
 seque continere ne præcipitaret sententiam. Cum  
 præsertim Cælestino Papæ se contradicere optimè  
 nosset,



nosceret, cuius elogium de Augustino huiusmodi legerat. *Augustinum sancte recordationis virum pro vita sua, atque meritis, in nostra communione semper habuimus, nec unquam hanc sinistrae suspicionis rumor aspersit, quem tantae scientiae olim fuisse meminimus, ut inter Magistros optimos etiam à meis decessoribus haberetur.* Hunc sancte recordationis virum, vita, & meritis clarum Ecclesiae coniunctissimum extra omnem suspensionem erroris Magistrum optimum, Deceptorum Vincentius refractaria contumelia appellasset? Nae! ille dum ei has notas inurebat grauiore subibat cum Caelestini literas violaret, seque auctoritati Sedis Apostolicae opponeret: nemo mihi persuaserit à Vincentio huius testimonii conscio potuisse Augustinum incusari: & contra sentientibus obijcio, ab eos ignominiae notam insignem, dum tanto viro has calumnias attribuunt, Caelestino etiam irrogari.

Iam vero quae subdit, *In Ecclesia sua, id est in suae Communionis conuenticulo* mirum si ea possunt Augustino accommodari. In quemlibet Donatistam quadrare posse video, at in Augustinum Catholicum Episcopum acerrimum Donatistarum hostem quomodo aptari possint, non video: Nisi si tam nouus erat in Orbe Catholico Vincentius, ut Augustinum Donatistam putaret in aliquem angulum Africae detrusum: & inde tanquam ex aliquo latibulo in lucem malignam quasi verecundantem, & contremiscentem prodire. *Ecclesia sua*, indicat sectam auulsam à communione fidelium, separatam à capite, prorsus acephala in conuenticulo paruulum coetum conspirantium aduersus Occumenicam Ecclesiam intra suum arcum, & angustum se orbem voluentium, secumque praeciso cum alijs commercio habitantium. An tu quicum-



que legis de Augustino audeas interpretari ? In  
*conuenticulo* ? ille qui supra montem ciuitas eminebat,  
 qui supra candelabrum accensa lucerna radiabat ?  
 ille de sectariorum numero, quem Catholici se-  
 ctabantur, qui statim ab adolescentia post baptis-  
 mum celebrari ab Ambrosio, & Simpliciano Medio-  
 lani, à Paulino in Campania, ab Orosio in Hispania,  
 à Sixto Romæ coëptus est. Illum iuuenem senex  
 Hieronymus in Oriente admiratus, Clarissimum  
 dixit ingenium: cum eo sensus de scriptura difficiles,  
 & abditos participauit, ac eius disputationes con-  
 tra Pelagium tanti fecit, vt ei tuendæ gratiæ, quam  
 prius susceperat prouinciã imposuerit, & à profe-  
 quendo destiterit, quòd ab Augustino occupata es-  
 sent meliora. Quis locus non plenus fama nominis  
 Augustini ? Africam, quanta est, sua doctrina illu-  
 strauit, tot in ea Concilijs habitis interfuit, omnium  
 mens, lingua, & manus. Episcopus ante ætatem, &  
 vltra ætatem doctus Asiam victor hæreticorum non  
 passibus, sed pennis Scriptorum suorum opera pe-  
 ragrauit; Eadem Europam peruagata vbique ho-  
 phæa Christo Patris sapientiæ erexerunt. Quid:  
 quòd Romani Pontifices grauissimas quasque fidei  
 causas vel cum eo communicarunt, vel ei tractan-  
 das, & componendas demandarunt. Ille Mani-  
 chæos, ille Donatianos, ille Pelagianos debellauit.  
 Ille Iudæorum perfidiam, ille Arrianorum prouin-  
 ciam resutauit, & eorundem reliquias extirpauit.  
 Priscilianistarum error illo refellente labefactatus.  
 Eum gratiæ vindicem, & propugnatorem Romana  
 Ecclesia habuit, illius opera Pontifices pestem illam Pe-  
 lagianam serpentem latè, & grassantem, & halitum



letificum vbique inhalantem abegerunt. Innocentius I. in suis Epistolis ad Africanos Episcopos super causa gratiae datis Augustini doctrinam probauit, & commendauit. Ei Zosymus Mauritaniae Prouinciae lustrandae, & purgandae, & pacificandae munus imponit. Ei Bonifacius Epistolas Pelagianorum erroribus, & calumniis refertas, resellendas misit. Eidem Caelestinus publicum, & sanctimoniam, & sapientiae praclarum per litteras testimonium dedit, eiusque de praedestinatione, & gratia doctrinam mirifice commendauit, & honoris, ac existimationis defuncti ratione habita eius celebre, & sacrum nomen ab inuidorum & maleuolorum iniuriis vindicauit, & illorum in posterum petulantiam refranauit, & tamen hic apud Vincentium in Conuenticulo delitescbat. Apagelis, quicumque hoc tibi persuasum habes, & aliis conaris persuadere. Illud palmarium, quod ipsosmet Romanos Pontifices non semel ab impetibus Sycophantarum, & calumniis Hareticorum vindicauit. Zosymum, quem Iulianus impius Campanorum Episcopus falso erroris rumore infuscarat, repressa illius audacia ab omni suspitione exemit. Sixtum antequam Pontifex elset, (Tertium dicunt) ab eiusdem infamiae nota liberauit, eumque suis, idest doctrinae Catholicae armis aduersus Pelagianos hostes instruxit. Bonifacii famam, quam Iulianus obtentu schismatis Eulaliani denigrare tentauerat, asseruit, & obiecto simili Damasi ab Ursicino appetiti exemplo refutauit, ac prouidit ne Schismata per audaciam perditorum hominum exorta electiones Pontificum infamarerent. Haec tanta, tamque gloriosa in Conuenticulo apud Vincentium

Augu-



Augustinus patrabat. Nimis certè erat stolidus Vincentius, si ignorabat, nimis maleuolus, si dissimulabat. Illud tamen ignorare non potuit euocatum eum à Theodosio Imperatore per literas ad Concilium Ephesinum, cuius ipse Vincentius hoc in suo Commonitorio disertè mentionem facit. Quo nullum illustrius de Augustini doctrina, & auctoritate haberi potest testimonium. Ipsimet Semipelagiani Massiliæ, & in alijs partibus Galliæ apud Hilarium fatebantur; hoc vno excepto de prædestinatione ante omnia merita Augustiniano constituto, Augustinum in factis, & dictis omnibus admirari. In tanta nihilominus celebritate, in tanta luce, in tanta gloria vndecunque collecta, & per totam Orbis vniuersitatem diffusa vnus Vincentius exercebat, & Augustinum ad remotum, & exiguum Conuenticulum redigebat. Rem indignam, ac incredibilem. Me certè pudet, cum hæc verba Vincentij lego, & ad Augustinum conuerto, eo, quem vir doctissimus Noris vult, sensu accipere. Cogor enim mihi proponere ob oculos monstruosum quiddam, & adynaton, nempe clarissimum post Apostolos Ecclesiæ lumen Augustinum ex illo exiguo Conuenticulo tanquam ex aliquo gurgustio prodire inuolutum capite sordidatum, quo nihil ignominiosius, nihil absurdius excogitari potest. Indignetur Vincentius hoc sibi imponi, & ficiat, & clamet,

*Non tam ob:usi adeo gestamus pectora Galli,*

*Nec tam auersus equos nostris Sol iungis ab vndis;*

CAPVT



## Caput VII.

*Quæ scribit Vincentius contra Pelagium, & huius Hæresim, longe  
abfuisse eum à Semipelagiano item errore, & Augustino con-  
sensisse persuadent. Reijcitur sententia Noris negantis Pela-  
gium nouisse ullam excitantem gratiam interiorem. Vin-  
dicatur ab eius nota Baronius. Eiusdem interpretatio de  
nomine Albini, & Melania refellitur qui fuerint  
Albinus, Pinianus, & Melania exponitur.*

**A**Ntequam veniam ad tertiam P. Noris conie-  
cturam deductam ex interpretatione verbo-  
rum Cælestini, cui ille cum suo Vossio (quando  
ei assentiri maluit) refragatur, necesse est quid de Pe-  
lagio, ac eius hæresi Vincentius senserit, afferre, ac  
examinare; multum quippe conducet ad intelligen-  
tiam mentis Vincentii tum circa errorem Semipela-  
gianorum, tum circa interpretationem Epistolæ Cæle-  
stini, quemadmodum constabit, cum ad refutandam  
eam, quæ Vossii, & Noris est accedemus. Pri-  
mum igitur de Pelagiana hæresi sic; *Contra*, inquit  
*clamant Ræx quædam, cyniphe, & muscæ moritura: quales  
sunt Pelagiani. Mox de illorum Dogmatibus Horreo di-  
cere sunt tam superba, ut mihi non modo affirmari, sed ne refelli  
quidem sine aliquo periculo posse videantur. Rursum alibi.  
Quis enim unquam ante profanum illum Pelagium tantam virtu-  
tem liberi præsumpsit arbitrij, ut ad hoc in bonis rebus per actus sin-  
gulos adiuvandum nec sarium non putaret. Attigit scopum  
Pelagianæ hæresis Vincentius, & expressit, ac expri-  
mendo docuit se non esse Semipelagianum. Liquet  
damnari ab eo Pelagii superbum errorem, quod di-  
xerit gratiæ adiutorium non esse necessarium. Ad sin-*

gul os



gulos actus bonos: igitur contrā sentiebat, nimirum gratiam esse necessariam ad singulos actus bonos; sed in his numerantur petitiones, orationes, pulsationes, & preces ad Deum, ergo ad eas concedebat Vincentius adiutorium gratiæ: non erat igitur Semipelagianus: nam Semipelagiani non damnabant Pelagium in eo, quod ad singulos actus bonos negabat gratiam, cum ipsi eam etiam negarent ad primos illos actus petendi, quærendi, & pulsandi, sed quod ad omnes etiam maiores, & vltiores gratiam denegabat. Partim itaque sentiebant cum Pelagio negantes adiutorium gratiæ ad illos singulos primos actus, quos in facultate naturæ nuda ponebant: partim dissentiebant admittentes antecedentem gratiam necessariam ad reliquos actus consequentes. Ex quo fit, vt Vincentius condemnans Pelagium, quod negabat gratiam ad singulos actus non erraret cum Semipelagianis, sed cum Augustino, & Catholicis sentiret. Perspicuum id, opinor, est, & cuique legenti obuium. Quid hic Norris? confugiet ad suum, quem laudat, Censorem Vossium, & seruum ab eo auxilium postulabit, & vtrunque suæ opinionis pænitebit. Præterea odium Vincentij in Pelagium illo conuicio *Musca mortura* expressum, indicat eum Semipelagianis minime adhæsisse, qui sanè Pelagio conuiebat; in eius quippe errorem relabebantur, dum naturam per se valentem ad multos actus, ac inter eos ad primam fidem adstruebant, & gratiam reddi meritis affirmabant, meritis, inquam, à nuda natura profectis. Hoc autem obseruauit Prosper in sua ad Augustinum Epistola initio, dum ait: *Ne tam claris, tamque egre-*



is viris spiritus Pelagianæ impietatis illudat . Et iterum circa finem . Vnde quia in istis Pelagianæ prauitatis reliquijs non mediocris virulentia fibra nutritur, si principium salutis malè in homine collocetur, si Diuine voluntati impie voluntas humana præferatur, ut ideo quis adiunetur, quia voluit, non ideo quia gratia adiunatur, velit . Certè hæc Pelagiana sunt dogmata communia cum Semipelagianis, à quibus abhorrebat Vincentius, dum superbiam illorum dogmatum exhorrescebat : *Horreo dicere, tam sunt superba* . Hoc argumentum efficax esse videtur ad refellendas coniecturas Vossij, & Noris, estque manifestum in textu, ad quem ipsi prouocant, Vincentij; eoque retundo iactantiam Noris aientis . Id ex eiusdem verbis euincam : cum oppositum nos ex ijs euincamus : nam quibus Vincentius proscribit hæresim Pelagii, iisdem Semipelagianorum errores proscribit, & superbiam ytrorunque dogmatum condemnat .

Obiter hic mihi monendus est P. Noris, quòd mentem Pelagij de adiutorio gratiæ non attigerit, dum libro primo suæ Historiæ Pelagianæ cap. 15. initio castigat eos, qui putant Pelagium veram gratiam agnouisse, quæ speciale auxilium esset humane voluntati cælitus donatum, intusque eandem mouens, sed inde errasse quòd ad facilius operandum gratiam illam tantum necessariam esse voluerit . In hoc enim ille castigandus venit; cum constet Pelagium tres status errandi habuisse . In primo negauit omne auxilium gratiæ . In secundo admisit legem, atque doctrinam, coque fucum fecit simplicibus, & candidis hominibus . In tertio cōcessit gratiam ordinariam excitantem [ de hac enim loquimur ] quæ tamē nō esset omnino necessaria, sed tantum ad fa-



cilius operandum. Hi autem status cogniti sunt hominibus in Augustino versatis, eosque ego dilucidè in meis de Augustini doctrina operibus sæpe proposui; præsertim in Scrinio Augustini; quos libros si P. Norris legisset, secus de erroribus Pelagij iudicasset; verum hoc est condonandum homini Chronologi potius personam, quam Theologi agentem. Ac ne quid dubitet de mea fide, legat Epistolam 106. Augustini prope finem, inueniet expressum testimonium Pelagij agnoscentis gratiam interiorē excitantē ultra legem, ac doctrinam, requisitam tantum ad facilius operandum, quam ita ibi proponit, & refutat Augustinus, ut refutando doceat gratiam illam ad facilius operandum esse veram gratiam, nec eam negat posuisse Pelagium; sed tantum negat eam esse necessariam solum ad operandum facilius, cum probet simpliciter esse necessariam contra eundem; quem locum affert etiam P. Vasquez in prim. part. Disput. 89. c. 4. num. 21. & 22. Mecum sentit de ista gratia ultra legem, & doctrinam Iansenius lib. 6. de Hæresi Pelagian. c. 1. & seqq. quamquam nimium dicat; melius sentit Gonetus Tom. 9. de grat. Disput. 1. Artic. 3. sunt alij in Augustino loci; qui plures velit legat librum primum de gratia Christi cap. 27. 28. 29. Inueniet expressum adiutorium veræ gratiæ requisitum solum ad facilius operandum. Et quidem illud adiutorium legis, ac doctrinæ non erat accommodatum ad facilius operandum, si nullum aliud vltius gratiæ adiutorium Pelagius adhibuisset; cum lex, & doctrina monstrent tantum quid agendum sit, non iuvent autem ad agendum, immo difficultatem præcipiendo augere soleant, quod proprium legis est.

sine



sine gratia iubentis, & verantis secundum Pauli doctrinam, quo nihil est in Augustino frequentius. Igitur cum Pelagius de facilitate agendi loquebatur, eamque adiutorio gratiae tribuebat, non de lege, ac doctrina, sed de vera gratia ultra illas adiutorio loquebatur. Illud verum est Pelagium gratiam efficacem non agnouisse, nec admisisse, quod putaret eam non posse cum libertate consistere. Alteram autem communem & ordinariam gratiam excitantem agnouit tandem in tertio illo statu, & admisit ad facilius operandum: ita tamen, ut omnino necessariam esse negaret, cum sine ea possit natura absolute, & simpliciter operari. Vellem, ut P. Noris vocabulum illud suum *speciale auxilium*, dum de Pelagiana gratia meminisset, deleuisset; nam ambiguum reddit sensum, cum vox *speciale auxilium* significet certam quandam gratiam efficacem, quam Pelagius denegabat; quo sensu male attribuitur Pelagio; praestaret dicere veram gratiam aliquam agnouisse, ut eo nomine communis, & ordinaria intelligeretur, quam idem Pelagius ad operandum facilius adittebat. Copiosius de hac materia in scholis disputabo: scio enim nonnullos nomine Doctrinae comprehendere Fidem, qui certe debet admittere veram interiorem gratiam, non solum ex parte intellectus, sed etiam voluntatis cum interueniat, imo antecedit pia affectio ad quam gratia vera interior requiritur. Sed ecce ut molestum hoc opus lepore aliquo, & sapore condiam, incido in locum Noris, in quo desidero Grammaticam. Expendens nomina eorum, quibus Augustinus dedicat librum de gratia Christi, quae huiusmodi sunt *Albinae*, *Piniane*, *Melania* improbat Cardinalem Ba-



ronium, quod pro *Albine* *Albina* substituendum esse arbitrat (erat enim *Albina* *Piniani* socrus, nisi, addit *Baronius*, præter *Albinam* matrem fuerit illic *Albinus* filius) neuter modus placet *Nori*, ne videlicet ponatur socrus eo nomine *Albine*, quod masculinae terminationis est, nec *Albine* retineatur, quod non constet filium esse *Albinum*. Equidem initio haud probabam nomine *Albine* significari filium *Piniani*, & *Melaniae*, ne præponeretur filius parentibus. Placebat aut mutari nomen *Albine* in *Albina*, ut vult *Baronius*, ut sit *Albina* socrus, aut retineri *Albinum* pro socero, aut avo unius duorum *Piniani*, & *Melaniae*: & hoc arridebat magis. Itaque retinebam *Albine* pro viro necessario *Piniani*, & *Melaniae*, quicumque ille demum esset. Audire tamen *Norim* volui; novum hic acumen Grammaticæ inuenit lepidum sanè, ac iucundum, eoque conatur refutare sententiam *Baronij*, & nodum solvere: hac ratione. Retinendum esse nomen *Albine* masculinae terminationis, eoque significari faminam socrum *Piniani*, vel *Melaniae*: perinde enim esse *Albine*, ac *Albina* in Vocativo, sicut & *Albinus* & *Albina* in Nominativo. Affert rationem subtilem: *Ea etate*, inquit, *femina masculina nominis inflexione a viris doctis nomina bantur*: ita inquit *Paula* filia non *Eustochia*, sed *Eustochium* dicebatur. *Sanctus Paulinus* Epist. 249. apud *Augustinum* *Melariam* *Melanium* nuncupavit. Et *Hieronymus* Epist. 79. ait: *Albinus*, *Pinianus*, *Melania* salutant vos. *Alibi Augustinus* Epist. 124. & 125. *Albinam* dixit. Hac adnotavi ne quis cum *Baronio* *Albinum* filium *Melaniae* fratrem sine teste supponeret. Mira certè ratio exponendi nova, & incognita antiquis *Priscianis*, & *Donatis*.



& nuperis Despauterij, & Nebrissis, quam nulla tempora tulerunt, vt libera esset nominum inflexio. & promiscuè masculina, & fœminina declinarentur: atque adeo Albina pro Albino, & Melanius pro Melania poneretur. Exemplum Eustochij ab re est, cum Eustochium fuerit nomen proprium Virginis Paulæ filiæ, quæ Eustochia dici non potuit, cum Eustochium deberet, quemadmodum nec Glycerium apud Terent. in Andria Glyceria vocari potuit: erant quippe certa nomina terminata in vni quæ tum virorum, tum fœminarum propria erant: puta Dynacium, Pegnium virorum: Eustochium, Glycerium fœminarum. Non erat igitur libera, nec promiscua illa declinatio, sed necessaria Grammatices constructio: quemadmodum erant etiam nomina uirorum fœmininæ terminationis, ut Fimbria, Cæcinnæ, Spurina, Catilina, quæ non quadrabant nisi in viros. Sic & latinitas, & ætas illa iubebat. Itaque non licebat Albina pro Albino, neque Melania pro Melanio usurpare, sicuti nec licuit, licetue Catharinam, & Agatham pro masculis sumere. Erat illa certorum nominum notio, quemadmodum obseruant Grammatici, à quibus Noris dissentit ab Orbilio castigandus, nec Baronio timendus, quem obiterpungere voluit, & ego vindicare. Sed mittamus hæc exilia, quamquam non contemnenda, ne uideamur in titiulicio immorari. Examinemus personas, quibus opus illud suum Augustinus dedicauit, & uter nostrum melius sentiat, experiamur. Inscriptio, est *Albine*, *Piniane*, & *Melania*. Baronius mutat *Albine* in *Albina*, & mendum putat, non tamen improbat *Albine* pro-

filiio



pro filio *Albinæ*, ut sit sensus *Albinæ* vir. Noris aut *Albinæ* retinendum, eoque nomine significari fæminam pro illius ætatis licentia ob rationem proximè adductam. Ego contrà sentio omnino legendum *Albinæ* masculini generis, ac id elicio ex verbis Augustini. Quippe ait *sincerissimi fratres, dilecti à Deo Albinæ, Pinianæ, & Melaniæ*, quod nomen fratres significat maiorem partem masculos esse, & Epitheta confirmant *sincerissimi, Dilecti*; quòd si duæ fæminæ essent minus aptè dicerentur. Iuvat hunc sensum Hieronymus Epistol. 79. *Sancti filij communes Albinus, Apinianus, & Melania vos saluant*; estque momentum in Epistola: que scribitur ad Alipium, & Augustinum. *Sanctos filios* dicit, quo significat plures esse viros. Quis autem esset ille *Albinus*, latet, Ego tamen existimo fuisse aut Patrem, aut socerum, aut Patruum, aut Auunculum Piniani, ut sit maior natu, & propter ætatem primas vendicet. Addo Augustinum Epistol. 227. scribere *Albino, Piniano, Meliano*, qui videntur esse ijdem, quos nominauimus, nisi in *Meliano* mendum sit, ac legendum sit *Melaniæ*. Itaque mihi penè persuasum est *Albinum* esse retinendum, ut virum significet. Dico penè, quia remoratur me Epistola eiusdem Augustini 225. in qua scribit *Albinæ famula Dei*, cuius filium dicit Pinianum, & ibi Sanctam Melaniam. bis nominat, tanquam tertiam, est autem Epistola scripta super ordinatione Piniani; nam hæ tres personæ videntur esse illæ, quibus librum illum dedicauit, cum omnino nomina conueniant. Vnde roboratur coniectura Baronii substituētis *Albina* loco *Albini*. Verum non idcirco demoueor à mea sententia, &

statuo.



statuo Albinum esse retinendum. Ac ne quis scrupulus remaneat, examinemus id, quod ait Noris Paulinum Epist. 299. inter Epistolas Augustini Melaniam pro Melania posuisse; quo ille exemplo suam de permixtione nominum eius ætatis opinionem confirmat. Sic enim loquens de planctu Melaniæ super morte filij, Cesso, inquit, plura de memoria tam dilecti mihi, quam deuoti Christianominis enarrare: cum & pristinis literis non pauca super eo enarrasse me repetam, & nihil possim de beata huius filij matre, & sanctorum patre radice ramorum Melanio melius, aut sanctius prædicare, quam sanctitas tua in eam profari, & disputare dignata est. Estimât eruditissimus Noris poni Melanio pro Melania. Fefellit illum, quod putauit illud Melanio Melaniæ esse attribuendum, & vnâ hic tantum personam significari, hoc est Matrem Melaniam, ad quam referendum erat nomen Melanio, præsertim cum sequatur in Paulino, quam sanctitas tua in eam profari, & disputare dignata est. Verum duæ hic personæ nominantur, Mater, & filius, Melania, & Melanius. De beata inquit matre: ecce vna. Et sanctorum patre radice ramorum; ecce altera, idest Melanius, quem patrem dicit filiorum uiuentium; itaque nō substituitur Melaniæ Melanius, sed est nomen, & persona distincta. Nisi si forte Noris velit, ut vox Patre conueniat matri Melaniæ, ac sicuti nomina, ita etiam sexus commutentur. Non eò hæc dico, quod uelim conuicium facere doctissimo uiro, mihiq; amicissimo, sed ut aliquid dem lepori, & salibus, quibus interdum scripta molesta, & insipida sunt condienda. Meus hic est mos, & genio ducor; nec refuto, quæ reponi possunt; audiam sine stoma-

cho,



cho, quæ sine aculeo dico. Cæterum hominem & colo, & veneror pro sua insigni literatura. Leuia sunt hæc, fateor, & exilia; verum aliquod momentum habent ad persuadendum, qui in his falli potuit Noris, eum in alijs falli etiam, in quibus est hoc de Vincentio iudicium, potuisse.

### Caput VIII.

*Coniectura Patris Noris sumpta ex verbis Epistolæ Calesini expenditur, refutatur, retorquetur. Artes Vossij interpretantis eundem Epistolam, quas Noris probat & sequitur, deteguntur.*

**M**Aioris erit hæc cum studii, tum molis disputatio, quod longius & accuratius hoc argumentum moliuntur Vossius & Noris ad subruendam Vincentii fidem, & Semipelagianum ei errorem affingendum. Incidam in membra quæ in vastam molem Noris coagmentauit: ut pateant omnia legentibus. Res est magnæ expectationis, tum quia omnes alij ante Vossium, & Norim scriptores hoc loco Vincentij moti, sinistram de eius errore suspensionem aboleuerunt: in quibus sunt Baronius, Valquez, Suarez; tum quia agitur de interpretatione Epistolæ Pontificiæ, quæ si ea est, quam Vincentius affert, ut affirmant Vossius, & Noris, turbare multos poterit, cum præsertim, & tanti auctoris sit, & hi duo scriptores sic eam robovent, dum suam in ea coniecturam fundant, ut videantur quodammodo approbare, & cum ipsomet Vincentio subtiliter interpretando ansam præbere mentem Pontificis detorquendi; quod si est verum verò simile

item



itemerit Cælestinum non esse defenforem Augustini & Prosperi, sed quodammodo præuaricatorem. Quare pluribus agendum ne quid suspecti aut sinistri in Epistolam Sanctissimi Pontificis eo astu irrepat. Primum dicam reponendo Vossio, & Nori. Si arte vsus est Vincentius ad verba Cælestini detorquenda, maiori eos arte vsos fuisse ad eam interpretationem Vincentio affingendam. Ac illud paulum deflexum Platonis dictum ad Diogenem illius fastum calcantē refero ad Norim, dum aienti, *detexi artem Vincentii* respondeo: *detexisti, sed maiori arte*. Hoc habent suspiciosi, vt qua semel sunt imbuti opinione, eam multis coniecturis iuuent, foveant, & muniant, vt suscepto studio reddant probabilem, ne temerè suspicari videantur.

Constat Cælestinum Papam desiderio tuendi doctrinam de Prædestinatione, & gratia Augustini, & refrenandi quorundam Gallorum, qui eam calumniari audebant petulantiam, literas ad eos dedisse, in quibus & probat, & commendat sanctitatem, & doctrinam Augustini, quam nos Epistolam in nostro concentu Euchologico repræsentauimus, & qui de illa scripserunt auctores, eos accuratè recensuimus, & inter eos primum Vincentium Lirinensem numerauimus. Et quidem Photius in sua bibliotheca iure dixit Cælestinum scripsisse ad Episcopos Gallie de *fide Sancti Augustini*, quòd in ea de doctrina Fidei ageretur. Hanc nemo non putat testimonium esse pro doctrina Sanctissimi Patris irrefragabile; adeo vt qui argumentando rationes proposuerant dubitandi de mente Vincentii, ea lecta dubitationem deposuerint: ac prorsus decreuerint ab omni suspicione liberum esse Vincentium. Ita Baronius Anno 431. Vasquez to. 1. in 1. p. d. 91. c. 3. n. 43, Suar. to. 1. de grat. Prologo 5. c. 5.

H

Pro-



Produco particulas eius Epistolae . Igitur cap. 2. Augustinum Sanctae recordationis virum pro vita sua atque meritis in nostra communione semper habuimus, nec unquam hunc sinistrae suspicionis saltem rumor aspersit, quem tantae scientiae olim fuisse meminimus ut inter magistros optimos etiam ante a meis decessoribus haberetur. Bene ergo de eo omnes in comune seferunt utique, qui ubique cunctis & amoris fuerit, & honori. Unde resistatur talibus quos male crescere videmus. Qui vero essent hi tractatores declarat infra. Quia nonnulli qui Catholico nomine gloriantur in damnatis haeticorum sensibus, seu prauitate, siue impietate demorantes pyssimis disputatoribus obuiare praesumunt. Et cum Caesarium atque Pelagium anathematizare non dubitent Magistros tamen nostros tanquam necessarium modum excesserint obloquuntur. Huius Epistolae particulam Gregorius Papa VII. in Decretis cap. 4. adducit.

Audiamus nunc Patrem Norim. Verum, inquit lib. 2. de Hist. Pelag. c. 11. pag. 244. quanta arte idem Vincentius Caesarii litteras aduersus Semipelagianos in fauore Prosperi, & Hilarii datas contra eundem Prosperum, sociosque vana quidem, sed arguta interpretatione detorqueat videamus. Igitur postea circa finem libri, quod vetustatem semper preferendum ostendat, post Sixti videntis decretum decessoris Caesarii sententiam profert. Sed & Sanctus Papa Papa Caesarius pari modo, eademque Sententia. Ait enim in Epistola quam Galliarum sacerdotibus misit arguens eorum conniuentiam, quod antiquam fidem silentio destituentes profanas nouitates exurgere pateretur. Merito, inquit, causa nos respicit si silentio foueamus errorem: ergo corripiantur huiusmodi: non sit his liberum habere pro voluntate sermonem. Haec est illa celebris Caesarii Epistola qua Sanctum Augustinum miris praconis effert, uti pluribus dictum est ad annum. 432. Haec cum legisset Baronius in notis ad diem 24. Maii scripsit. Hic non tantum non impugnauit defensores Sancti Augustini, sed magnopere laudauit. Nam in libro quem scri-

psit



sit aduersus hereses c. 43. vehementer commendauit Cælestini Ro-  
 mani Pontificis Epistolam in defensionem scriptorum S. Augustini  
 datam ad Episcopos Galliarum aduersus eos qui tanti Patris doctrinā  
 ausi fuerant impugnare. Verū hic scriptor qui Faustum Abba-  
 tem vulpeculam dixit in annalibus ad annum 490. Vincentij sub eo-  
 dem Monachi, ut volunt, artem non detexit. Pergit Noris fa-  
 teri se initio ex hac Epistola laudata à Vincentio  
 liberum, eum à Semipelagianismo existimasse, & ad-  
 dit. Sed dum sequentia attentius legi Vincentij artem noui.  
 Hic aliquis fortasse adubitet, qui nam sit illi quos habere  
 prohibeat liberum pro voluntate sermonem, vetustatis prædicatores,  
 an nouitatis inuētores: ipse dicat, & dubitationem legentium ipse  
 dissoluat. Hic Noris suum acumen promit, & arte sua ar-  
 tem Vincentij detegit, & exponit mentem Vincentij, ut  
 sit sensus Cælestini, hos qui liberum habeant pro voluntate  
 sermonem esse Prosperum, & Hilarium, non autem illos  
 Semipelagianos Gallorum, quorum conniuentiam con-  
 tra antiquam fidem corripiebat Cælestinus, & vertit re-  
 prehensionem in Prosperum, & Hilarium, qui eos apud  
 Pontificem accusabant. Rursum Noris. Itaque Vincen-  
 tius urget qui nam sint illi quos Cælestinus iubet ne libere loquantur  
 ex ipso Cælestino cognoscendum. Sequitur enim: desinat si ita res  
 est, id est si ita est, ut apud me quidam vrbes, & provincias vestras  
 criminantur, quod eas quibusdam nouitatibus cōsensire noxia simu-  
 latione faciatis. Desinat itaque, si ita res est, incessere nouitas vetu-  
 stitem. Tunc Noris. Vides quomodo Prosperum, & Hilarium  
 despicit. Inducit enim Cælestinum dicentem de illis, ut apud me  
 quidam criminantur: cum tamen Cælestinus non vago quodam no-  
 mine, sed proprio illos cum laude appellet: filij nostri præsentēs Pro-  
 per, & Hilarius, quorum circa eum sollicitudo laudanda est; at hos  
 quos Pontifex laudat Vincentius vocat criminatores. Inde de-  
 ducit Noris eos duos esse, qui auctore Vincentio prohi-



bentur liberum pro voluntate habere sermonem, id est crimina-  
 ri, & accusare Semipelagianos. Progreſſus Notis. Prosper  
 & Hilarius Cassianum, & Faustum, & ipsum etiam Vinculum,  
 paucosque insuper alios, [quos omnes fuisse presbyteros ex nostra hi-  
 storia patet, in qua ex testimonijs veterum id saepe inferum est]  
 apud Celestinum accusarunt, quod Sancti Augustini doctrinam in-  
 iurijs laceſſerent. Audiat Celestinus. Filij nostri praesentes Pros-  
 per, & Hilarius, quorum circa Deum nostrum sollicitudo laudanda  
 est, tantum nescio quibus presbyteris illic licere, qui dissensionem Eccle-  
 siarum studeant sunt apud nos proſecuti, ut indisciplinatas quaelio-  
 nes vocantes in medium pertinaciter eos dicant praedicare aduersan-  
 tia veritati. At Vinculum quod contra Prosperi integrum non modo  
 urbes, sed & Galliarum provinciam stare eſſe dicerent fingit illum cri-  
 minatum fuisse urbis & provincias. Ita ne Vinculum (exclamat No-  
 ris) nescio quos presbyteros urbes, & provincias vocas? Prosperi  
 & Hilarius non Episcopos accusarunt quod Galliarum provincias  
 quibusdam novitatibus consentire noxia simulatione facerent, ut  
 perperam scribit Vinculum, quo duos illos Lirinensium, at Massi-  
 liensium de latore in Episcoporum invidiam trahat, sed nescio quos  
 presbyteros detulerunt; at ipsius Celestini ſententia fuit Episcopis eos  
 tumultus imputandos. Sed vestrae, inquit, dilectioni iustius im-  
 putamus, quando illi supra vos habent copiam disputandi. Eginus  
 supra magistrum non eſſe discipulum, hoc eſt non ſibi debere quicquam  
 ad iniuriam doctorum vindicare doctrinam.

Paulo post proſequitur Notis. Rurſum Vinculum collusionis cum  
 Fausto suo Abbate alio argumento reum ostendo quod poſtea à Pros-  
 pio vidi etiam annotatum. Cur enim Vinculum intra unum, & al-  
 terum verſum reponit ſi ita res eſt, ut apud me quidam urbes, & pro-  
 vincias veſtras criminantur, quod eas quibusdam novitatibus conſen-  
 tire noxia simulatione faciatis. Pergendo toties illud. Si ita eſt fal-  
 ſum ſe denotare ſignificat Prosperi, & Hilarij delationem, ſeu Pō-  
 tulcem literas illas nō miſiſſe innixas tantum delationi illorum de  
 cuius veritate haud diligentius quaerere inſuper volens illa verba in-  
 ſeruit; ſi ita res eſt, quae ſorte toties Prosperi veluti in faciem illidit  
 ut accuſatorem in Celeſtini decreto perperam gloriatum oſtendat.  
 Tandem Vinculum ſuis met veluti armis Prosperi reſpondeo excla-



mat : Ergo hæc fuit Beati Cælestini sententia non ut vetustas cessaret  
obruere nouitatem: hoc est non ut nos qui veterem sententiã aliorum  
Patrum sequimur cessaremus obruere nouitatem Augustiniane opi-  
nionis, sed potius nouitas desineret incessere vetustatē; nempe potius  
noua Augustini, & sectatorum Prosperi, & Hilarij doctrina desine-  
ret incessere vetustatem sententiæ Cæsiani, Fausti, & nescio quorum  
presbyterorum. Concludit Noris. Quis ad ista non hæreat? nam  
eo ipsi loco ubi Baronius, Vasquez, & Suarez, & fere omnes puta-  
runt defendi ab illo Augustiniani doctrinæ sectatores, hos ipsos  
criminales urbium, ac prouinciarum vocat, Cælestini Pontificis ver-  
ba arguta arte præuertit, atque contra illos eiusdem sententiæ de-  
torquet in quorum fauorem lata fuit. Hæc de comonitorio Vincen-  
tij nostra sententia est.

Necessarium duxi totam hanc ratiocinationem Noris  
exhibere, ut constet quanta subtilitate, & accuratione  
utatur in Vincentij sententia ad suum arbitrium compo-  
nenda: certè multo plures & operosiores machinas ad-  
hibet ad eam adstruendam quàm Vincentius adhibere  
posset ad formandam. Omnia sunt subtiliter excogi-  
tata, & suscepto studio composita ad suspensionem affe-  
rendam, ut nequã Vincentius elabi queat, & omnino  
intra casses teneatur. Vide, Lector, quos circuitus, quos  
mæandros, quos labyrinthos struxit Noris, ut Vincērius  
caperetur, & captus, & clausus exire non posset. Suspe-  
cta mihi uisa fuit tam studiosa, & affectata compositio.  
Non erat tantis molibus, nec machinis oppugnanda  
tam breuis, tamque perspicua Vincentij opinio. Ut esset  
Aix illa, non erant ad eam concutiendam tot arietes,  
tot catapultæ, tot machinamenta ad mouenda, in qui-  
bus multo plus est operis, quàm in arce illa præ illis  
molibus exigua condenda. Igitur explanabo rem, &  
uerba Vincentij candidè, ac sine fūco, & fallacia sano  
sensui reddam, & omnes illas suspitionum turbas remo-  
uebo.

Caput



## Caput X.

*Proponitur ingenuè, & candidè Vincentij Lirinensis de Epistola Cælestini verum, sincerumque iudicium rem Augustini continens, & à fallacijs Vostri & artibus Noris vindicatur.*

**C** Apite quadragesimo tertio Vincentius Lirinensis postquam nouitates Hæresum, & nominatim Nestorij condemnauit, eo semper nomine, quòd nouitates essent, adducit duorum Pontificum Sixti tum viuentis, & Cælestini paulò ante defuncti sententias in hunc modum. Quæ omnia licet cumulatè, abundeque sufficerent ad profanas quasque nouitates obruendas, & extinguendas, tamen nequid deesse tantæ plenitudini videretur, ad postremum adiecimus geminam Apostolicæ sedis auctoritatem: unam scilicet sancti Papæ Sixti, qui nunc Romanam Ecclesiam venerandus illustrat: alteram præcessoris sui beatæ memoriæ Papæ Cælestini, quam hic quoque interponere necessarium iudicauimus. At itaque Papa Sixtus in Epistola, quam de causa Nestorij, Antiocheno misit Episcopo. Ergo, inquit, quia, si ut ait Apostolus, fides una est, quæ euidenter obtinuit dicenda credamus, & tuenda credamus. Tandem illa tenenda, & credenda proseguitur, & ait: Nihil ultra, inquit liceat Nouitati, quia nihil addi conuenit v. rustici: Perspicua maiorum fides, & credulitas, nulla cæni permixtione turbetur, omnino Apostolicè; vt maiorum credulitatem perspicuitatis lumine ornaret, nouitas v. 30 prophetas cæni permixtione describeret. Tum pergit afferre Cælestinum: sed etiam, inquit, Sanctus Papa Cælestinus perimodo eademque sententia. At enim in Epistola quam Gallorum Sacerdotibus misit arguens eorum conuiuentiam, quod an iquam fidem silentio destituentes pr phanas nouitates exurgere pa-  
erentur.



ter nuntur. Merito, inquit, causa nos respicit si silentio foueamus erro-  
 rem. Ergo corrumpantur huiusmodi, non sit ijs liberum habere  
 pro voluntate sermonem. Hic aliquis fortasse addubitet, qui nam  
 sint ii quos habere prohibeat liberum pro voluntate sermonem ve-  
 tutatis predicatorum, an nouitatis ad inuentores? Ipse dicat & du-  
 bitationem legentium ipse Celestinus dissoluat: sequitur enim desi-  
 nant inquit, si ita res est ut apud me quidam vrbes & provincias  
 criminantur quod eas quibusdam nouitatibus consentire noxia  
 dissimulatione faciat desinat inquit, si ita res est incesse re noui-  
 tas vetustatem. Ergo hæc fuit Beati Celestini beata sententia,  
 non ut vetustis cessaret obruere nouitatem, sed potius noui-  
 tas desineret incesse re vetustatem. Quibus Apostolicis, Catholici-  
 que decretis quisquis refregatur insultet primum omnino necesse  
 est memoriæ sancti Celestini, qui statuit ut desineret incesse re noui-  
 tas vetustatem. Deinde irideat definita sancti Sixti, qui censuit  
 ne ultra quidquam liceat nouitari, quia nihil ad li conuenit vetu-  
 stati. Fateor me nullam hic artem, aut imposturam  
 Vincentij inuenire. Candidè loquitur, & ego can-  
 didè accipio. Attende Lector. Vincentius habet pro  
 instituto vetustatem asserere, nouitatem explodere.  
 Ait ergo ad institutum. Celestinus pari modo, ea-  
 demquè sententia cum Sixto, quem sine furo lauda-  
 uerat, ut idem ambo sentiant, arguens conniuentiam  
 sacerdotum Galliæ in dissimulandis prophanis, quæ  
 exurgebant, id temporis, nouitatibus, quas nomine  
 erroris appellat: quæ autem nouitates illa essent patet,  
 nempe Semipelagianorum, & qui aduersus Augustini  
 doctrinam insurrexerant, de quibus dixerat c. 2. Epi-  
 stolæ. Vnde resistatur talibus quos male exscere videmus. Cele-  
 stinus Crescere, dixit, cum dixisset item exurgere. Hi erant  
 ipsimet Semipelagiani quos notauit ibi. c. 2. in damna-  
 tis Hæreticorum sensibus siue prauitate, siue imperitia demerantes

pūssimis



*pijsimis disputatoribus obuiare præsument.* Tenemus ergo de  
 quibus nouitatibus loquatur Cælestinus, de quibus  
 eum intelligat Vincentius. Iis retentis pergit Vincen-  
 tius cum Cælestino. *Corripiantur huiusmodi*, idest Semi-  
 pelagiani obuiantes pijsimo disputatori Augustino,  
 ne liberum habeant sermonem contra doctrinam Au-  
 gustini, ne ve ei obuient, aut obloquantur. Da-  
 mnat in iis & silentium in dissimulandis erroribus, &  
 reprehensionem veræ, ac vetustæ, quærat Catholica,  
 & Apostolica, Augustini doctrinæ, & quia non vide-  
 batur liquere, qui nam essent oblocutores; damnaue-  
 rat quippe tacentes, & dissimulantes, inquit iure  
 Vincentius, qui nam sint hi oblocutores, & affirmat  
 eos esse qui nouitates adinuenerant, idest eosdem-  
 met Semipelagianos, quos Celestinus vituperabat,  
 non autem eos qui vetustatem prædicabant, hoc est  
 Augustinum, & Discipulos. Pater quia Vincentius  
 remittit sensum ad ipsum met Cælestinum *Ipsæ*, inquit,  
*dicit, & dubitationem legentium ipse dissoluat: sequitur enim*  
*desinat inquit, si ita res est, idest si ita est, ut apud me quidam vrbes*  
*& prouincias vestras criminantur, quod eas quibusdam nouitati-*  
*bus consentire noxia dissimulatione faciatis. Desinat. inquit, si ita*  
*res est incescere nouitas vetustatem.* Necesse hic est vt sen-  
 sum Cælestini retineat Vincentius, & cum eo loqua-  
 tur. Hortatur Cælestinus eos Sacerdotes, ad quos scri-  
 bit, quos arguit, & monet ne sinant per negligenti-  
 am, simulationemue serpere illas nouitates, quas impro-  
 bauerat, nimirum Semipelagianas, quod nouum  
 crimen erat; nam errare ipsos per se erat culpa pri-  
 uata, at verò sinere vt error serperet, ac inficeret  
 alios, crimen erat grauius in Pastoribus, ac proin-  
 de minus facile credendum, & acerbius punien-  
 dum:



dum, præsertim si late grassaretur per vrbes, & prouincias, quemadmodum Catholici quidam narrabant, pastores eo nomine criminantes, cum contra Christianam Rempubicam, quam corripere, & inficere illa quasi pestilentia erroris sinebant, grauissime peccarent. Nunquam mutatur sensus. Retinentur enim personæ, i deest Semipelagiani, *desinant*, inquit qui antea errabant nouitates sectando & dissimulando ut serperent. Nec illa conditio *si ita est* repetita, inuertit, aut mutat sensum: eò enim pertinet, ut difficilem reddat accusationem, quæ erat de nouo crimine cum infectione aliorum, non autem ut faciat transire nouitatem in accusatores: quomodo enim ij qui criminabantur alios nouitatis, eiusdem accusarentur, quam vituperabant? aut per quem circuitum, aut gyrum ea nouitas pastorum negligentium & simulantium ad accusatores rediret? Certè nihil est quod id verisimiliter suadeat. Conditio illa, *si ita est*, cadit super nouam criminationem, quam illi pij Catholici intendebant iisdem pastoribus Semipelagianis, quos accusauerant erroris, acerbè eos criminantes quòd cogeant populos subditos eundem errorem amplecti. Quia verò hoc nouum & grauius crimen erat, & creditu difficilius propterea conditio interponitur, non autem ut sensus peruertatur, & crimen in accusantes retrahatur. Semper manet nouitas apud accusatos, qui vetantur & nouitates inducere, & propagare, & duplici nomine reprehenduntur errandi, & inficiendi errore subditos. Nota vero Lector vocem *Desinat* nouitas incescere vetustatem. *Desinat* refertur ad malum capturn, &, propagatum. Hoc autem erat nouitas Semipelagiana; igitur de eadem intelligendum est



*desinat eadem nouitas incesse vetustatem*. Cur autem vitur nunc isto verbo *incesse*, nisi quia serpendo & grassando alios incessebat vetustatem quod crimen erat nexum cum propagatione erroris, qui in comune transibat, & populos inficiebat. Hic est iustus & germanus sensus Cælestini & Vincentij qui non patitur se à Cælestino separari. Hinc illud *Quibus apostolicis, Catholicisque decretis quisquis refragatur insultet primum omnium necesse est memoria Sancti Cælestini, qui statuit vt desineret incesse nouitas vetustatem*. Ades dum lector: quibus tu alijs verbis aptius, & significantius posses exprimere mentem Cælestini, quàm his quibus est vsus Vincentius Lirine nsis? Mihi certè alia non occurrunt, quæ magis sint propria, & idonea. Rem igitur Cælestini omnino continet ista Vincentij interpretatio. Ipsum sua verba explicant, & defendunt. Quid manifestius pro candore & innocentia Vincentij? Vocat *Apostolica & Catholica decreta Cælestini*: sanè pro defensione veræ & Catholicæ doctrinæ. An loqueretur de decretis Cælestini factis in fauorem Semipelagianorum? Putaret ne Vincentius Cælestinum cum maximè Augustinum defendebat, eiusque doctrinam approbabat, contrariam Semipelagianorum statuere, & confirmare? certè si hoc sibi persuasit Vincentius, stolidus, & amens fuit. Si autem suis artibus vsus id nobis persuadere voluit, impudens sane & petulans fuit. Absit vtrumque à viro cordato, & modesto, ac monacho. Cælestini sensum sequitur, cum eo sentit, & loquitur; nec ausus est, nec omnino ausurus esset decretum illud Catholicum & Apostolicum peruertere, ac corrumpere. Cum præsertim illud



coniungat cum decretis ac definitis à Sācto Sixto, adeo  
 ut in rem concludat. *Deinde irideat definita sancti Sixti, qui  
 censuit ne ultra quidquam liceat nouitati, quia nihil addi conuenit  
 vetustati.* Vtrunque Pontificem coniungit vtriusque de-  
 creta colit, & veneratur: in vtrisque eodem modo ac-  
 cipit nouitatem, & vetustatem. Maneat ergo in tuto  
 candor Vincentij, eique innocentiae laus restituatur.  
 Vossio, & Nori doctis hominibus quid faciemus? Con-  
 dolebimus, quòd suis imbuti suspicionibus tantum cri-  
 men Vincentio imposuerunt. At illi fuerunt acuti in er-  
 rore Vincentio affingendo, tot tamque subtilibus ex-  
 cogitatis coniecturis, ut eum prosciberent. Esto.  
 Quod ad me attinet, malo esse obtulus in aliorum cri-  
 minibus non videndis, quàm acutus in excogitandis.  
 Verum hic acumine opus non est, sed candore, & inte-  
 gritate. Ita de Vincentio mecum, qui ingenuè sentire  
 volet, iudicabit.

### Caput XI.

*subtiles & captiosae Noris argutiae, & veteratoriae Vossii strophæ in  
 detorquenda interpretatione Vincentii produntur,  
 & confutantur.*

**V**erum, ait Noris, quanta arte Vincentius Cælestini  
 litteras vana quidem, sed arguta interpretatione de-  
 torqueat, videamus. Artem vocat, sed maiori  
 arte. Astus hic est Noris argutus, & acutus, illa exco-  
 gitatio sensus litterarum Cælestini. Non peruertit  
 Vincentius significationem verborum Cælestini, sed  
 Noris interpretationem Vincentij, quam apud se for-  
 mauit suspicando, & ita formatam imposuit Vincentio  
 nihil tale somnianti. Pater artificium. Addit de Baro-  
 nio. Verum eruditus hic scriptor qui Faustum Abbatem vulgum.



*lam dixit in annalibus ad annum cum Vincentij sub eodem  
 monachi artem non detexit. Non potuit artem deregere  
 quæ nulla erat; nec Vincentius erat Fausti patellæ  
 operculum. Eruditus scriptor eruditos habebat oculos  
 & in Fausto, & in Vincentio. Vidit Fausti artes  
 quod inerant, non vidit Vincentij, quod aberant.  
 Nouerat ubi esset vulpecula, quæ demoliretur vineam  
 Christi: Faustus; non nouit in oue vulpeculam,  
 quia Vincentius vocem pastoris Christi in Augustino,  
 & Cælestino audiebat. Noris fingit sibi duas vulpes  
 ubi erat vna, & duas iniectari voluit, sed frustra:  
 nam vna euauit, quod vana, & conficta erat.  
 Subiungit. *Ut verum fatear, & ego ipse initio Vincentium  
 ex hac ab eodem laudata Epistola Semipelagianismi suspicione  
 absoluebam. Præstaret ibi consistere, nec moueri. Si  
 illud initium tutum erat, finis præcipitium, non  
 debuit ab eo gradu Noris demoueri. Meliores sunt  
 qui in primo gradu firmi stant, quam qui eo demoti  
 cadunt. Est ubi sit melius dimidium, quam totum.  
 In amore. Si Noris amaret Vincentium, & dimidium  
 animæ suæ duceret; non se cum eo in præceps daret.  
 Pergit ire Noris. Itaque Vincentius vrget qui nam  
 sint illi quos Cælestinus iubet ne libere loquantur. Ex  
 ipso Cælestino cognoscendum. Corrigat Noris: quibus  
 iubet ne sit sribiligo, aut reponat: libere non loqui.  
 Præprope ista concepit, & exarauit, propterea irrepsit  
 medium. Sequitur enim si ita est, id est si ita est, ut apud me  
 quidam vrbes, & prouincias criminantur, quod eas quibusdam  
 nouitatibus consentire noxia simulatione faciatis.  
 Vides quomodo Prosperum, & Hilarium despiciat?  
 Nego despiciere; non enim hic erat locus laudibus,  
 aut reprehensioni. Rem agebat suam narrator.  
 Narrationem instituit, non laudationem. Cur autem  
 despiciat? quia dicit quosdam, quos Cælestinus**

pro-



proprio nomine cum laude appellat. Cælestinus laudat, quia  
 testimonia eorum laudabat, ac decebat laudari eos qui-  
 bus credebatur. Non hoc erat Vincentij officij, narrantis.  
 factum, & properantis ad institutum, non fidem haben-  
 tis, aut facientis narrantibus. Ad scribit: *hos quos Ponti-  
 fex laudat. Vincentius vocat criminales*. Eo inficias. Tan-  
 tùm narrando ait eos arguere viciũ, & prouinciarum  
 facilitatem in errore admittendo, quem prauis doctores  
 seminauerant, *criminales* eos dicit, idest acculare. Non  
 ne hoc ipsum agebant? plane accusabant, & crimini  
 vertebant simulationem, ex qua illa infectio seque-  
 batur. Fatetur hoc ipsemet Prosper in sua Episto-  
 la ad Augustinum. *Ex quo inquit non solum his qui eos  
 audiunt, verum etiam ipsis qui audiuntur cum dignitate creuit  
 periculum, dum & multos euerentia eorum aut inuili cohibet it-  
 lentio, aut in curiosa ducit assensu*. Multos ergo trahant in  
 sui societate erroris. Huius criminis arguebantur à Pro-  
 spero, & Hilario. Non igitur alienum est dicere eos *cri-  
 minari* urbes & prouincias. At durius, & asperius illud ver-  
 bum est *crimari*. Quasi uerò Vincentius monachus &  
 retrusus in suæ angulũ cellulæ debuerit hanc asperita-  
 tẽ latini verbi, aut agnoscere, aut lenire. Vfus fuit verbo  
 comuni & obuiũ, & uulgari. Non in eo positæ fortunæ  
 historiæ, si hoc uel illo verbo uteretur. Posuit *crimina-  
 tur*: pro aculant; non tamen id circo *criminales* sunt uo-  
 candi: nam criminator significat assuetum criminari, nõ  
 eum qui semel criminatur. At non debuit dicere Vincẽ-  
 tius urbes & prouincias, cũ id minime expresserit Pro-  
 sper, minime significarit Cælestinus in suis legitimis Epi-  
 stolis, quas habemus. Exaggeratio est Vincẽtij, ut inui-  
 dia oneraret Prosperum. Ne hoc ego quidẽ cõcesserim.  
 Nam quorsum expectant illa Prosperi. *Ad auctoritatem ta-  
 lia sentientium non sumus pares: nec facile quisquã præter paucos  
 perfectæ gratiæ intrepidos amatores tantis superiorum disputatio-  
 nibus ausus est contra ire.*

Quid



Quid aliud continent illa Cælestini: *Desinat Ecclesiarum quietem inquietudo turbare. Nota: Ecclesiarum.* Quid? quod ipsamet inscriptio litterarum Cælestini hoc ipsum præse fert *Dilectissimis fratribus Venerio, Marino, Leontio, Auxonio, Arcadio, Sillucio, siue Filtacio, & cæteris Galliarum Episcopis.* Non paucae igitur vrbes, & prouinciæ eo malo corripiebantur, cum omnis penè Gallia quæ populosissima, & frequentissima est, & tot prouincias, vrbesque vastissimo suo sinu comprehendit ea serie Episcoporum proposita indicetur? nam quid sibi vult illud *Cælestini Episcopis Gallia*, nisi vt tota Gallia obnoxia esse periculo significetur; non quod ij Episcopi eo errore tenerentur, qui non eius postulabantur, sed quod ij tenerentur errori serpenti per alios obuiare, invigilando ne grassaretur, quem admodum postea suo loco dicemus. Monebantur ergo officij, non damnabantur erroris? Quid hic Noris? Norit vera esse quæ dicit Vincentius, & quæ nos ad eum vindicandum afferimus. Hac ipsa inscriptione refellitur quod exprobantis, & insultantis more profert Noris. *Ita ne, Vincenti, nescio quos presbyteros vrbes, & prouincias vocas?* Prosper, & Hilarius non Episcopos accusarunt, sed nescio quos presbyteros. Imo & Episcopos accusarunt. Audi Prosperum in sua Epistola ad Augustinum. *Mulum nos & vitæ meritis antecellunt, & aliqui eorum adepto nuper summo Sacerdoti honore supereminent.* Equidem Episcopos intelligo. Verum Epistola non erat data ad Cælestinum, sed ad Augustinum. Fateor, sed qui apud Augustinum accusabat, probabile est eum apud Cælestinum quoque accusaturum. Certè quos ibi accusabat Prosper; hos sibi accusandos destinauerat. Pernegat tamen significari



ijs verbis Episcopos . Quid respondebit Cælestino qui illam accusationem ad Episcopos extendit ? nam cur ad eos scripsit , cur monuit , cur increpuit ? responder Noris *ipsius Cælestini sententia fuit Episcopis eos tumultus esse imputandos* . Repono . Iure ne , an secus imputauit ? non ausit negare Noris iure . Igitur intellexit ad eos accusationem pertinere , & cum eo fensit Vincentius . Hoc volo , vt non dissentiat à Cælestinos Vincentius . Vt cunque sit de mente Properi accusantis , agimus de consensione Vincentii & Cælestini . Iam vero quod sumit Noris Cælestinum novos doctores Cassianum , Faustum , Vincentium illum arguentes reprehendere illis verbis *desinant* incessere verum est de duobus , de tertio Vincentio verum non est . Nec solum ii reprehensi , sed alii quoque presbyteri , non monachi , sed seculares , qui melius eo nomine presbyteri indicantur , quàm ii qui monachi erant , & minus in publico versabantur . Non est iile error ad solos Lirinenses monachos restringendus : longiùs latiùsque manarat . Ad Massilienses propriè ac præcipuè spectabat . Audiat Hilarium initio Epistolæ ad Augustinum . *Hæc sunt quæ Massiliæ , vel alijs etiam locis in Gallia ventilantur* . Idque cōstat ex Episcopis nominatis à Cælestino . Sed Noris de solis Lirinensibus cogitabat , quia in iis existimabat esse Vincentium , quem culpæ decreuerat . Non culpabit tamen , me auctore , vindice , ac defensore . Causam illius ago , quòd multum in eo homine , & opere puto esse in utrunque partem momenti . Malo eum Catholicum quàm Semipelagianum : volo , sectatorem , nolo in sectatorem Augustini .

Rursum ob murmurat Noris cum Volsio: *Cur Vincen-*



tius intra vnum & alterum versum reponit si ita res est, repero il-  
 lius verba. Desinat inquit, si ita res est, id est si ita est. Vrgen-  
 do toties illud si ita est falsam se denotare significat Prosperi & Hi-  
 lary delationem. Si Vincentius de suo apponeret hanc par-  
 ticulam suspicioni locus esset. At Cælestinus eam po-  
 suit & ab eo Vincentius accepit: Quid illis, ait Cælesti-  
 nus in sua Epistola, *peccati est, ubi magistri tacentibus hi loquun-  
 tur, qui si ita est eorum discipuli non suerunt.* Iterum idem Cæ-  
 lestinus desinat, si ita res sunt, incessere nouitas vetustatem. Ec-  
 ce in Cælestino particula quam usurpat Vincentius:  
 cur crimini ei datur quod Cælestinus dixit; an dicendo  
 peccauit? dixit quod Cælestinus. At non eodem sen-  
 su. Quare? si idem dixit; idem & sensit, non est conse-  
 ctaneum dixit idem, sensit aliud. At ter dixit quod  
 bis dixerat Cælestinus. Ergo in numero culpa est;  
 verum numerus non immutat sensum, imo confirmat.  
 Non sunt istæ trinæ negationes Petri, quæ complerunt  
 culpam. Scis cur dixit Vincentius ter, quia in sin-  
 gulari numero dixit. Si ita res est, cum Cælestinus se-  
 mel dixerit in singulari si ita res est, & iterum plurali.  
 Si ita res sunt. Iudicauit ergo Vincentius numerum  
 istum pluralem, semel positum respondere numero du-  
 plicato, atque adeo bis dixit. Ita res est pro ita res sunt  
 proindeque nullum admisit vitium dicendo ter in  
 singulari, quod semel dictum erat in singulari, &  
 iterum in plurali. Nec tu his Lector succenseas, quod  
 puerilia sint, nam puerilis est argumentatio à numero  
 ter ad bis, nec ineptum hoc meum respondendi ge-  
 nus videatur; cum ubi Noris ait colluisse Vincentium  
 cum Fausto, ibi ego cum Nori colludam. Serio ta-  
 men moneo Norim. Cælestinum, uti erat prudens, &  
 cautus illam conditionem adposuisse, ne temerè cre-  
 dere



dere accusantibus, & reprehendere accusatos videretur. Ingenio suo fecit; dubitavit, sustinuit iudicium, ne precipitaret sententiam. Vide quàm sit circumspectus; cùm supra dixisset *nescio quibus presbyteris*, & hos nomine certo appellasset, paulo post dixit *Sciatis se, si tamen censeantur presbyteri dignitate*. Adiungit conditionem rei, de qua antea non dubitauerat. Pater Sanctissime Cælestine, si presbyteros dixeras, & presbyteros dixerat Prosper, cur non eundem modum loquendi retines, & fidenter ponis, sed quasi incertus dubiusque interponis: *Si tamen censeantur presbyterij dignitate*? nimirum, quia cautè ac prudenter volo agere: ita sum comparatus natura, ut temerè non credam delatoribus, propterea suspendo iudicium, ne labar, erremue reprehendendo. Non est igitur tribuenda conditio, ac eiusdem repetitio calliditati Vincentij, sed ingenuitati Cælestini. Proficiat hoc Lector, ut ter notes conditionem adhibuisse in sua Epistola Cælestinum, ne vel numero ab eo Vincentius, qui ter usurpavit discrepasse deprehendatur. Non tamen contentiosum funem reinitit Noris; pergit ducere, ac intendere, & Vincentium quasi militem gloriosum inducit reiecto Prospero exclamantem: *Ergo hac fuit Beati Cælestini Beata sententia, non ut vetustas cessaret obruere novitatem: hoc est non ut nos qui veterem sententiam aliorum Patrum sequimur cessaremus obruere novitatem Augustiniane opinionis, sed potius novitas desineret incescere vetustatem. Nempe potius nova Augustini, & sectatorum Prosperi, & Hilarii doctrina desineret incescere vetustate sententia Cælestini, Fausti, Vincentij, & aliorum presbyterorum*. Sic fingit interpretantem Noris Vincentium. Strophæ est. Ita ne verò, mi Noris, sic interpretatur Vincētius Cælestinum

K

con.



contra quam ipse hactenus exposuerat? seruauit hactenus textum & sensum Cælestini attribuendo nouitatem presbyteris, id est Semipelagianis, quos vituperabat Cælestinus, & modo refilit ab illo sensu, & transit ad contrarium? Vnde nouitas hæc? vnde hic saltus à nouitate ad nouitatem oppositam? obtorto collo resistentem, reluctantem, gementem trahis Vincentium. Sequitur Cælestinum; tu vi eum ab illo auellis, & aliò ire compellis. Trudis inuitum. Mallet cantherius esse in fossa, quam inde tam impudenti saltu exire. Necessè erat monstrare viam, qua recessit à Cælestino. Nempe tu eam fingis, tu comminisceris, vt glories de acumine, & nouitate tuæ opinionis. Agè. Pyrgopolynicem te iacta. Vincentius adhæret Cælestino, nec ab eo auelli vult, gloriam non amat prauariando, sed perseverando in consortio Cælestini: quam ille laudat vetustatem, commendat: quam vituperat nouitatem, reprehendit.

Addo idoneam coniecturam sumptam ex eo quod Gelasius Papa vsus fuit eadem phrasi Vincentij Lirinensis contra Pelagium, videlicet *Musca Moritura* aduersus reliquias Pelagij, & Semipelagianos, appellando eos *Musca morituras* in Epist. 5. ad vniuers. Epist. per Picen. vt omnino quadret sensus in Semipelagianos, quos negat Pater Noris improbari a Vincentio. Nec opponat illam phrasim esse scripturæ Sacræ Ecclesiastici. c. 10. ac proinde non respexisse Gelasium phrasim Vincentij. Obseruo enim Gelasium cum Vincentio dixisse *Muscas morituras*, cum vulgata lectio sit *Musca morientes*: quo innuitur Gelasium de Vincentio cogitasse, cum dixit *morituras*, ac eodem vocabulo Semipelagianos praefringere voluisse.

Pro-



Prosequitur Noris *Quis ad ista non bareat?* Hæret ipse & quidem aqua, ut aiunt: nos fluimus, & nauigamus secundo flatu in eadem naui cum Baronio, cum Snario, cum Vasquio, ac fere omnibus, ut ipsemet fateatur; & rectè sentimus. Ille cum Vossio homine Semipelagiano in salebras incidit. Pudeat eum huius societatis, cum Augustinianus, & optimus Catholicus sit. *Hæc est*, inquit, *nostra de Commonitorio Vincentij sententia.* Esto. Ea fruatur ille, nobis alia placet, quæ auctore, & librū liberatā suspicio ne erroris, de qua iterū ad calcem dicam.

Quoad uocabula *vetustatis*, *nouitatis* à Cælestino, & Vincentio, toties repetita, ut omnis dubitatio auferatur id fefellit Patrem Noris, quod & nonnullos nostrates Theologos fefellisse notauit doctus, & grauis auctor Aluarez disp. 5. de Auxil. Diuin. grat. quod putarunt cum Semipelagianis doctrinā Augustini esse nouam, nō antiquam; & quod illi sibi contra Augustinum vindicabāt id per incogitantia iisdem tribuerunt, cum contrā existimare debuissent. *Nouitatis* nomine nunquā uenit apud Catholicos Augustini doctrina, quæ tradita in sacris literis, ac in primis in Paulo expressa erat: quemadmodū Augustinus euidenter ostendit: imò uetustas appellanda erat; *nouitas* autem opinatio Semipelagianorum; & hoc nomine eam Pontifices affecerunt, & condemnarunt, quo item sensu omnes Catholici accipere debuerunt, ne quæ Semipelagianis cōiungere, aut assertiri. Nec obstat unum aut alterum Patrem Græcum uideri fauisse Semipelagianis, uti Origenes, & fortasse ex parte Chrysostomus: nam alii omnes Patres tum Latini, tum Græci doctrinam Euangelicam, & Apostolicam quam postea explicatiū Augustinus proposuit, tradiderūt: quales fuerunt Cyprianus, Ambrosius, Nazianzenus;



quos idē Augustinus pro se allegauit, vt supra diximus, in libris de Prædest. Sauct. & de Don. perseuer. Ac ne quis de eo ambigat: cōfirmo in meis aduersarijs habere me multa Veterum Patrū testimonia collecta, quæ doctrinam Augustinianam perspicuē tradunt, quæ suo tēpore vulgatū iri à me spero. Itaque nomine nouitatis Ecclesia Catholica semper affecit dogma Pelagianum, & Semipelagianum, & apparet in Cælestino iam laudato, & in Leone primo Epist. ad Nicet, & Gelasio Epist. 3. ad Honoriiū contra Pelagianos. Si quæ antiquitus, inquit, à nostris maioribus cognita, discussa, refutata sunt, restauranda nunciamur, nōne ipsi nos (quod absit) & quod nunquā Catholica patietur Ecclesia, aduersarijs veritatis vniuersis contra nos resurgendi, proponimus exemplum? Vbi est, quod scriptum est: Terminos patrum tuorum non transgredieris; & interroga patres tuos, & annūciabunt tibi: & seniores tuos, & dicent tibi: Quid ergo tendimus vltra definita maiorum; aut cur nobis non sufficit, si quid ignorātes discere cupimus, qualiter ab Orthodoxis patribus, & senioribus singula quæque, vel vitanda præcepta sunt: vel aptanda Catholica veritati; cur non his probantur esse decreta? Subiungitque Pōtificum decreta, quibus Pelagiana, & Semipelagiana dogmata anathematizātur. Et in Epist. 5. ad vniuers. Episc. per Picenum refellens tria capita eiusdem hæresis: Hieronymum, atque Augustinum lumina Magistrorum Ecclesiasticorum appellat. Falsum igitur erat quod adstruebāt Malsilienses imponētes Augustino nouitatem, & sibi arripientes vetustatem, cum contra Sacro Sācti Pontifices illis nouitatem, sibi, & Augustino vetustatem attribuerent. Hoc sensu locutum fuisse constat Vincentium Lirinensem, cum vetustatem probat, & improbat nouitatem. Sequitur enim Pontifices, non Semipelagianos. Sed quia Pater Noris eum sibi finxerat Pelagianū ei consequenter affinxit sēsum proprium Semipelagianorum, vnde eius

con-



coniecturæ ruunt, quia falso nituntur fundamento, nec probare debuit ex modo loquendi, & appellandi nouitatem Vincentium Semipelagianum esse: cum probandum prius fuisset eum Semipelagianum fuisse. Quare eiusdē argumentatio, & interpretatio Epistolæ Cælestini minime rem cōtinet, nec conficit quod volebat. Nos qui eū Catholicum esse putamus cum Cælestino meritò, & scientem, & loquentem de vetustate, & nouitate inducimus, & doctissimum Archiepiscopum Aluarez auctorē habemus disp. illa 5. de auxilijs lib. 1.

## Caput XII.

*Qui sint illi Hæretici, quos Vincentius Lirinensis impugnat? Pro duntur. Ac ex eo non fuisse Augustinum, nec se statores apparet. Vindicatur ab hac suspitione Vincentius. An. & qui quando, & unde Prædestinatiani Hæretici existerint?*

**H**ic est cardo rei. Huc vergit tota moles contentionis, nam si liqueat eos quos vituperat, & damnat Vincentius diuersos esse à discipulis Augustini, liquidò constabit liberum prorsus esse ab omni Semipelagianismi errore Vincentium. Igitur ij Hæretici quos damnat Vincentius illis verbis. *Audent etenim polliceri & docere, quod in Ecclesiis suis, idest in communionis suæ conuenticulo magna & specialis, ac plane personalis quædam sit dei gratia, adeo ut sine ullo labore, sine ullo studio, sine ulla industria, etiam si nec petant, nec quærant, nec pulsant, quicumque illi ad numerum suum pertinent, tamen ita diuinitis dispensentur, ut angelicis euecti manibus, idest angelica protectione seruati numquam possint offendere ad lapidem pedem suum, idest numquam scandalizari* Hi (dico perspicuè) erant Prædestinatiani Pelagianis extremè oppositi, & Semipelagianis item contrarij, qui totū prædestinationis negotium protectioni dei assignabāt, & nihil homini prædestinato reliquebāt, fatali necessitate inducta, & liberi arbitrij potestate sublata; quos nec demerita impediebāt a salute, nec

merita



merita quidquam iuuabant. Hos deestatur hoc loco Vincentius Lirinensis, quemadmodum eius verba declarant. Fuisse autem hoc genus Hæreticorum tradunt Prosper Tyro ad annum Honorij 24. Sigebertus ad annum 415. Vnaldensis Tom. 1. ar. 1. c. 21. Sanderus lib. 7. de visibili monarch. Luzemburgo, & Castro. Vnde vnde illa sumpserit principium. Quod eò dico quia multi supparem eam faciunt ætati Augustini occasione sumpta errandi ex illius doctrina: ac ita existimat Tyro, cui hac in parte assentitur Noris, & Iansenius lib. 8. de Hæresi Pelag. c. ultimo, & Vsserius Calvinista Hibernus. Nec Baronius negat, & Vasquez inclinatur, qui in prima parte d. 99. c. 1. ait eum errorem impositum fuisse Augustino, idque videri constare ex responsione Prosperi ad capitula Gallorum. Et quidem Baronius ad annum 490. adstruit auctoritate Sigeberti hos Prædestinatianos, quos item affirmat Pater Gonet Tom. 9. d. 2. a. 1. citans Baronium dicentem eam Hæresin condemnatam à Concilio Arelatensi triginta Patrum. Meminit illius Hincmarus in Epistola ad Nicolaum Papam, & Gennadius Massiliensis in Appendice ad librum Sancti Augustini de Hæresibus: ubi ad 89. ab Augustino numeratas recenset, Prædestinatianam, Nestorianam, Eutychanam, Timotheanam. Eam superioribus seculis fuscitarunt; ut ait Vasquez d. 99. c. 1. n. 2. in Hollandia, & Frigia nonnulli, anno Domini 1548. & damnatur inter errores Vuicleffi, & Ioannis Hus in Concilio Constantiensi sess. 15. & in Concilio Tridentino sess. 6. can. 17. isque est proprius error Calvinistarum. Miror autem vehementer neminem pro isto errore adstruendo laudasse Vincentium Lirinensem, hoc in loco Commonitorij, qui me auctore valet

multo



multò plus ad probationem illius, quam pleraque aliorum testimonia. Suis ille coloribus depinxit ad viuum Prædestinianos, adeo vt mihi de illorum errore dubitare non liceat, quem etiam describit Hincmarus lib. de prædest. ca. 1. & habetur in Codice Bibliothecæ Parisiensis auctore Patre Gonet d. 2. art. 2. Habemus errorem, quamquam de illius origine ambigatur. Vulgò refertur ad tempus Augustini recens mortui extrema illius ætate. Ego antiquiorem duco, & ex ipsomet Augustino deduco, qui lib. de dono perse uran. c. 15. narrat quendam *sui monasterij monachum qui corripientibus fratribus cur quedam non facienda faceret, respondens, qualiscumque nunc sim, talis ero, qualem me Deus futurum esse præsciuit* quæ vox germana Prædestinationi Calvinisticæ est; nec dubito quin alij eiusdem similes fuerint; vnde patet ante mortem Augustini illam hæresim viguisse. Addo antiquiorem esse, & in rem nouum, & notatu dignum locum afferam: quem reperi in libro Vitas Patrum, quomaxime delector, & lectori pio & studioso propono: tempore Sancti Pachomij ante Augustinum (fuit quippe aqualis Athanasij) cum errorem inualuisse. In eius vita pag. 95. ( caret enim liber cum sit vetustissimus numero capitum ) sic habetur: *Erant autem hi tres viri qui primitus ad Pachomium conuenerant; quorum ista sunt nomina; Psenthesus, & Suris, & Obsis; quibus Dei verbum Pachomius frequenter insinuans multum eos inueerat, & ad emulationem spiritualis operis incitabat. Qui etiam contemplantes vitam senis speculum esse virtutis nimis admirabantur dicentes errare valde, qui putant homines iam inde à natiuitate parentum quodam privilegio beatos existere, vt arbitrij libertas ad matur, & peccatores per penitentiam non possint operam dare virtutibus.* Nota in utramque partem necessitatem

fata-



atalem, & refer istam particulam. *Homines à natiuitate* Parentum quodam privilegio beatos, & aliam; vt arbitrij libertas adimatur ad verba Vincentij Lirinensis, & confer inter se, planè comperies consonare, & consentire. Maneat igitur iam tum eam sectam extitisse. Editio recens Heriberti Rosueydi habet cap. 20.

At oppones cum Patre Noris Vincentium eum errorem Augustino imputare, eumque illius insinulasse, & condemnasse. Iam superius negavi, & refutavi obiectionem: nunc animaduerto eam vocem *conuenticulum suæ communionis* propriam esse Prædestinatorum, qui dicebant omnes suæ sectæ esse Prædestinatos, vti hodie dicunt Calvinistæ; hoc autem quadrare non potest in Ecclesiam Augustini, nec in illius doctrinam, quæ Catholica erat, & ab illo conuenticulo aliena. Verum ades dum, Lector, & audi. Rem affero magnæ expectationis, & inuictum ex ea contra Patrem Norim pro Augustino, & Vincentio argumentum summo. Ecce Vincentius c. 11. *Quod mihi quidem*, inquit, *diuinitus videtur promulgatum esse iudicium propter eorum maxime fraudulentiam, qui cum sub alieno nomine hæresim concinnare machinantur* captant plerumque veteris viri scripta paulò inuolutius edita, quæ pro ipsa sui obscuritate dogmati suo quasi congruant, vt illud nescio quid quædamque proferunt, neque primi, neque soli sentire videantur. Rem, acu opinor, tetigimus. Nam qui sunt isti, qui sub alieno nomine hæresim concinnare machinantur, nisi Prædestinatiani, qui sub nomine Augustini vt vulgò traditur, & fatetur Noris id temporis suum errorem venditabant? Et quis quæso est ille vir vetus, & senex è cuius scriptis suum iactant eruisse errorem, nisi ipsemet Augustinus? Ambigis. Audi genuinam notam paulò inuolutius edita, quæ pro sua ab-

scurs



*semitate*. Ipsum hic Noris testem appello : nouit ille  
 hanc notam propriam, & genuinam haberi vulgò de  
 scriptis Augustini. Igitur hic est ille vir è cuius scrip-  
 tis error ille erui dicebatur. Non ergo erat Au-  
 gustinus ille qui reprehendebatur à Vincentio, sed  
 illi qui illius auctoritate ab utebantur delusi scripto-  
 rum eius obscuritate, in quibus ille inuolutius & mi-  
 nus explicite loqui videbatur. Candidus est, & in-  
 genuus nisi cum præoccupatur affectu Noris, puto  
 cum cum hoc legat mihi assensurum, & sententiam  
 in melius relaturum. Equidem ego propter hoc ar-  
 gumentum ab ea, si in ea essem opinione recede-  
 rem, & Vincentium absoluerem, & Augustino re-  
 conciliarem. Vnum tamen morari quemquam po-  
 terit vocari Augustinum *veterem virum* paulò antè  
 mortuum. Verum leuius hoc est quàm vt possit re-  
 tardare quemquam : nam vetus vir ponitur pro  
 homine sene, & qui diu cum vixisset antecesserat  
 ætate præsentis, qualis fuit Augustinus Septuagena-  
 rio maior, ac pro inde inter veteres censendus, si cum  
 illa ætate currente conferretur. Itaque non est ine-  
 pta appellatio: certè eam latinæ aures ferunt. Con-  
 sultat thesauros qui volet. Quòd si reluctetur Noris,  
 dicat mihi quæso quis ille fuerit *vir vetus*, à quo  
 Prædestinatiani eam doctrinam sumpserint, cum ip-  
 semet fateatur illam, si tamen fuit, hæresim ex praua  
 intelligentia scriptorum Augustini fluxisse, & neget  
 ullos ante Augustinum eius sectæ homines extitisse.  
 Aut nomet alium qui sit ille *vir vetus* qui inuolutè &  
 obscure scribendo ansam præbere potuit errā di Præde-  
 stinarianis. Quare hic locus inuictus videtur, & omnino  
 legētibz persuadet Vincentiū non potuisse huiusmodi



errores Augustino imputare. Ma reat itaque illos, quos tam acerbè taxat Hæreticos Vincentius, non esse alios, quàm Prædestinianos, quos verè Hæreticos potuit, & debuit appellare: non autem Augustinum, & Catholicos cum eo sentientes, & quos nemo vel Semipelagianus illorum temporum auctor eo nomine afficere ausus est, quemadmodum Noris ipse significat culpans Vincentium, quod eam hæreseos notam doctrinæ Augustini inuaserit, à quo vel iuraritissimi illius hostes abstinuissent.

Atque hic opportunè animaduerto nullum ex his quæ adduxi, argumentum pro vindicando Vincentio non esse ab eius hoc Commonitorio de promptum, vt norit Noris me attentè, & accuratè illud opus vidisse, & expendisse: nec mihi obiectare se posse quam nuperis scriptoribus obijcit in eo legendo oscitantiam, quæ in ijs nulla fuit, sed summa accuratio & diligentia: nihil enim est in eo aureo opere, quod à sana & recta de gratia doctrina discreper, nec aliud credendum fuit de Baronio, Suario, Vasquio, Clarissimis auctoribus quibus ille negligentiam impingit. Verùm Noris cum Vossio aliud quærebat in Vincentio, næuos scilicet quos ei impingeret, quorum à se plures esse quàm à Vossio repertos Noris gloriatur. Ego contra gloriator nullum me re in eo pulcherrimo opere næuum inuenisse, nisi si qui ad uenustatem pertinent, & pulchritudinem augent, quos gelasinos appellamus. Alij næui qui turpant, & deformant, non insunt, affiguntur Vincentio: non sunt ingeni, ac naturales, sed impositi & fucati. Desinat itaque

que



que dicere vir eruditus ego libere sententiam pronam, & nisi nobis metipsis oculos eruanus palam faciam Vincentium, cum Hilario, Fausto & alijs Lerinensibus contra Sancti Augustini de predestinatione doctrinam conspirasse; nam nos liberè contrariam prompsimus, & oculati, in eo toti oculi cornicum quodammodo garrularum Vossij & quorundam Heterodoxorum oculos confiximus, & Vincentium ab omni Semipelagianismi suspitione liberum perspicuè, opinor, monstrauimus. Locos Commonitorii omnes, qui rem continent vidimus, excussimus, expendimus, protulimus, ac iis collatis cum interpretationibus Vossii, & Noris deprehendimus doctrinam Vincentii nihil omnino ab Augustini scriptis, & Cælestini litteris discrepare, ac id, quod mirabile est, nouo argumento ab ipsomet Nori desumpto palam facio.

Hactenus vsus sum armis Vincentii in suo armamentario repertis, modò telum nouum ab hoste datum sumo, & in eundem contorqueo. Pater Noris sæpe in hoc suo, quale sane est, doctissimo opere affirmat Lerinenses monachos aduersarios Augustini, atque adeo Semipelagianos fuisse: idque testatur illo capite 11. lib. 2. Atunde inquit à nobis probatum sit Lerinenses à Sancto Augustino, recessisse vt ex eo colligat, cum vnus ex iis fuerit, eisdem consensisse. Quinimo, & in gratiam Fausti scripsisse illud opus Vincentium idem Noris affirmat pag. 245. Verùm contrà ex eodem Nori sic argumentor. Vincentius non erat monachus Lerinensis quando scripsit illud opus Commonitorium. Ergo in vtroque fallitur Noris: nam neque erat Lerinensis monachus, neque subditus Fausti Abbat, qui anno 434. erat Abbas Monasterij, in quo non



erat monachus Vincentius. Atque hic ego ad Norim  
ais eum nomine Lerinensis contra Augustinum sensisse,  
ut cum cæteris suis concellitis, siue ut appellas  
syncellitis consentiret, quorum omnium erat ille  
sensus Semipelagianus. At te auctore Vincentius  
non erat Concellita, neque Sincellita Lirinensium: non  
ergo cum ipsis sentiebat. Constat hoc dictum ex eo-  
dem capite. ¶ non longe à fine ubi sic Noris. *Ex  
his colligimus Vincentium auctorem Commonitorij cum hoc opus  
scripsit non dum fuisse Monachum Lirinensem.* Hoc argumen-  
tum valet contra Norim, uti apparet: quare eo au-  
ctore conficio Vincentium Semipelagianum non  
fuisse. Detur hoc gloriæ Patri Noris, quod instar  
Achillis est, cui Pelias hasta fuit, quæ & percussum  
repercutiens sanabat. Eo quo feriebat Noris telo  
Vincentium, imponendo ei Semipelagianismum,  
quod erat monachus Lirinensis, eo eundem Vin-  
centium liberat negans eum fuisse, cum scripsit Com-  
monitorium, monachum Lirinensem, ac proinde  
Semipelagianum. Gratulor itaque mihi, quod apud  
Norim cui vehementer cupio, & quem summopere  
laudare soleo, & vulnus, & medelam inuenerim.  
Vulnus intentauit cum dixit Vincentium more  
ac instituto monachorum Lirinensium, & in gratiam  
Fausti abbatis scripsisse Commonitorium: medi-  
catus est idem vulnus, cum est inficiatus, quo anno scrip-  
sit Commonitorium, qui annus fuit 434. fuisse mo-  
nachum Lirinensem, atque a deo neque subditum Fau-  
sti Abbatis: quare sanus est Vincentius, & immunis à  
nota illi iniusta eodem auctore Nori, & qui an-  
tea eum condemnarat idem ab obiecto crimine  
absoluit.



absoluit. Hinc etiam ruit illa collusio quam inducit Noris lib. 2. pag. 249. ubi sic ait: *Rursum Vincentium collusionis cum Fausto suo Abbate alio argumento reum ostendo.* Deludi se hic passus est Noris, si quidem ista collusio nulla fuit, cum Vincentius Faustum Abbatem, cuius ille non erat Monachus, collusorem habere non potuerit.

### Caput XIII.

*An ille Auctor obiectionum Vincennianarum apud Prosperum sit Vincentius Lirinensis? Nullus is fuisse ostenditur, & alius monstratur fuisse. Idonea de eo testimonia afferantur.*

**D**E hoc ita eruditissimus Pater Noris lib. suo 2. Historiæ Pelagianæ cap. 11. pag. 250. Hic idem Vincentius contra Prosperum aliosque absurdissima quædam asserta publicauit, quasi ab Augustiniani illa eadem defenderentur. Sunt autem sexdecim obiecta, quæ habentur inter opera Prosperi cum responsionibus subiectis & in 7. tom. operum Augustini ad calcem ponuntur post responsionem Prosperi ad capitalia obiectionum Gallorum. Animaduertendum est huiusmodi Vincentiana obiecta in priscis nonnullis exemplaribus, & nouis etiam editionibus inueniri hac inscriptione *Ad articulos falso sibi impositos Augustini responsio.* De opere lubet adscribere iudicium præfixum Theologorum Louaniensium: *Sunt qui arbitrentur Vincentium hunc Lirinensem illum fuisse, cuius extat opusculum aduersus profanas omnium hæreseon nauitates. Certè hoc tempore in Gallia floruit. Mihi persuasissimum est Vincentium Lirinensem huius.*

Commo-



Commonitorij scriptorem earum obiectionum auctorem non fuisse, nec esse potuisse. Imò vnum ex absurdis, inter ea quæ obiecit absurda hoc de illo viro iudicium esse ponendum. Id verò consecutaneum, & consentaneum est iis quæ hætenus diximus diluendo calumniam ei impositam Semipelagianismi: à qua si liber fuit, nullo modo huic alteri potuit esse obnoxius. Lectorem rogo vt legat illas obiectiones; horror ipse conceptus legendo persuadet ab iis abhorruisse Vincentium, & si quis alius fuerit, hominem cordatum, & sanæ mentis. Tam eas sunt absurdæ, & horribiles, vt non audeam eas hic exhibere, ne moueam camerinam, & vomam. Confer, quæso, illud Commonitorium, & partes eius, methodum, & rationem scribendi, styli faciem, genus dictionis, modum disputandi cum istis obiectis, nihil reperies dissonantius, discrepantius, pugnantius. Ille auctor grauitè, prudenter, cautè, rectè, circumspectè se gerit; hic leuiter, temerè, proiectè, impudenter, petulanter agit, agiturque, seque præcipitem dat. Omnia apud auctorem Commonitorii sunt considerata, librata, expensa, tornata, matura, concocta; nihil in hoc auctore obiectionum est nisi proiectum, nisi turbidum, nisi enorme, nisi incompositum, nisi crudum, nisi indigestum. Certè ipsa ratio dicendi arguit & ingenia dissimilia; & personas omnino esse diuersas. Vt errauerit Vincentius, vt alios damnauerit erroris, quàm id subtiliter, & cautè, ac prudenter molitur? Vt vel in accusando modum seruet, & in reprehendendo bilem contineat. At hic furiosus & præceps immaniter, læuè, truculenter agit, & iracundiæ fel



& maleuolentiæ virus eructat, quasi velit pestifero obiectionum halitu eisdem, quos accusat, perimere. Legat qui volet. Me pudet tam absurda deliria commemorare, quibus ego si Prosper essem, minime respondere dignarer: sed ea suauet pestilentia sinerem corrumpi, & euanescere. Sunt illa, prorsus ab homine cordato, & mentis compote aliena. Ac ne ista pro meo ingenio fabricata esse videantur, ut deterrendo homines fœditate, & absurditate obiectionum, nolim, aut non possim probare eas obiectiones Vincentij Lirinensis non esse, ac examinari hac ratione prohibeam, affero idoneam ad suadendum coniecturam. Nihil in iis est quod sapiat reprehensionem illius, quæ vulgo existimatur esse Augustini, doctrinæ, quamque vituperasse dicitur in suo Commonitorio Vincentius, scilicet prædestinationis gratiæ, ac sine meritorum præsidio comparandæ, & à Deo ita dispositæ, ut Beatitudinis similis esse videatur. Omnia hic sunt ab eo errore aliena. Contrà vero quidquid assertur, & obicitur pertinet ad sæuitiam, & crudelitatem Dei destinantis homines, ad malum peccati, pænæ, & indurationis ad inducendam desperationem, odium Dei, & incutiendum horrorem fatalem, & ciendam bilem Lectorum, ut aduersus docentes immania illa portenta excandescent, in eosque tanquam barbaros & inhumanos inuehantur: omnia sunt erroris, terroris, formidinis, desperationis plena, & ab ingenio truci, effera que indole profecta, à qua longe Vincentius aberat, homo acutus, mitis, cautus, & circumspectus. Aliter hic si accusare vellet aduersarios se gereret, obijceret melliora, subtiliora, e

pro.



probabiliora, atque adeò credibilia, non ea, quæ sua absurditate & enormitate fidem, quam facere moliebantur, euerterent, & labefactarent. Non erat ingeniosus ille Vincentius, sed adipalis, non acutus, sed bardus, quia ad arguendum, & conuincendum incredibilia proferebat. Perdebat oleum, & operam qui omnem lucem fidei exinguebat. Monstra inuexit iste Vincentius, quæ ne Africa quidem tulerat, aut ferre poterat, per sumam iniuriam ea Africano homini Augustino imponebat. Non erat Africa illorum monstrorum ferax, imo ne capax quidem. Portentosiora erant quàm illa quæ apud inferos pro vestibulo stabant. Apage sis quicumque ista imponis Vincentio. Nam hæc ipsa impostura declarat alienam ei imponi personam. Non possum, non mirari, & quidem vehementer, Patrem Norim amicum meum, virum, mitem, suauem, grauem, prudentem in hanc de Vincentio Lirinensi existimationem deuenisse: Certè nunquam sic Lirinensis illa suauissima lyra delirasset. Addo: si illa capitula sunt Vincentij Lirinensis tot esse peccata capitalia propter calumnias impositas Doctori sanctissimo contra Epistolâ decretalem Cælestini. Quare non est credendum hominem, qui inter Sanctos refertur earum auctorem fuisse, ac eas in libellum famosum compegisse, illumque euulgare voluisse.

Lectores prouoco ad lectionem, ac eorum stare volo iudicio. Sola lectio mihi faciet fidem, meque idoneum negantis sententiæ auctorem esse monstrabit, à qua nemo, qui legat absurda illa commenta, opinor, deinceps recedet.

Supereff scire, idque à me expecti video quisnam

fuerit



fuerit ille Vincentius auctor obiectionum? hoc enim putant homines studiosi nexum esse cum ea sententia, quæ negat quemquam scriptorem alicuius operis esse, prodere alium qui eius auctor fuerit: imo & solent illud exigere quasi pro mercede lectionis. Equidem longe aliter sentio; quin & ineptum puto hunc nexum: scio hunc non fecisse, igitur scio quis fecerit, Non est confectaneum: Quare mihi satis fuerit monstrasse Vincentium Lirinensem harum obiectionum non fuisse auctorem, & nego ad aliam me quæstionem excitandam de auctore teneri. Habeoque eius rei grauem auctorem Suarez tom. 1. de grat. Prolog. 5. c. 5. qui cum mecum de Vincentio Lirinensi sentiat eum non esse auctorem obiectionum, ab ea quæstione quæ iniicitur, abstinet prudenter, nec ea se patitur implicari. Atque vt me vrbane, ac lepide liberem narro historiam. Macarius ille Sanctus Antonij Sanctissimi discipulus, cum incideret in hominem reum factum homicidii, qui se innocentem esse clamabat, commiseratus eius vicem, eundem, vt erat comprehensus à lictoribus, ad sepulchrum interfecti perduxit: & palam ad sepultum *Age*, inquit, *dic, an hic reus te interfecerit?* Qui, rem miram! è sepulchro clara voce negauit se ab reo occisum esse. Propterea dimissus domum suam repetijt. Vix dum absolutus cum turba rogare Macarium cepit, vt quæreret ex mortuo quis nam eum interfecisset? cumque vrgeretur Macarius respondit; satis sibi esse innocentem liberasse, non esse officij sui prodere homicidam, seque è tur-

M

ba



ba eo dicto subduxit. Hoc ego meinet exemplo libero. Verum tenet me abeuntem Baronius grauis, & illustris annalium scriptor, qui sua me autoritate mouet ad inquirendum. Equis nam fuerit ille obiectionum auctor? Sisto itaque, & parco tanto viro, eique subscribo; & quem ille prodit eundem ego auctorem probo. Vincentium alium Gallicanum presbyterum, qui eodem seculo in Gallia floruit. De quo Gennadius scribit, citat vero cap. 80. At opponit se nobis pater Noris fatalis quodammodo hostis Vincentij Lirinensis eo in loco hist. Pelag. lib. 2. c. 11. pag. 250. excipiens, quod ille Presbyter Vincentius nullam eius erroris suspensionem praebeat, cum omnia, quae dicitur scripsisse opera, interierint: *cum praesertim, ait, euidenter constet esse Lirinensem, atque adeo super vacancū alio opus imputare.* Addit praeterea, illum, de quo scribit Gennadius, Vincentium iuniorem esse, cum conuenerit Gennadio, quem se audiuisse testatur. Gennadium autem floruisse sexaginta, & amplius annis post Gallicanos illos de gratia tumultus, viuentem Prospero: circa annum 426. excitatos. His respondeo: primum istum alterum Vincentium suspectum erroris fieri propter familiaritatem cum Gennadio homine Augustinianae doctrinae infensissimo, Semipelagiani dogmatis studiosissimo. Inuenit itaque Vincentius in Gennadio dignum patella operculum. Hoc facit ne quae Noris de Vincentio Lirinensi scribit non modò non euidencia, sed ne verisimilia quidem sint. Secundum: iuniorem fuisse istum Vincentium Prospero non eum tempore excludere, cum eodem seculo vixerint, & idem Vincentius antiquior fuerit Gennadio, qui eum se audiuisse testatur, videlicet

vti



vti magistrum anno 480. Potuit ergo tunc esse sexagenarius Vincentius: Prosper autem cum vixisset, eodem teste Noris, usque ad annum 457. potuit cum eodem concurrere, & anno suæ ætatis trigésimo illa obiecta conficere, & à Prospero refutari eo anno 450. viuentem, imò & antea; quæ ratione videmus scriptores alios iuuenes cum senibus controuersias agitasse. Satis sit exemplo Augustinus qui cum Hieronymo sene iuuenis disceptauit. Nec illi Semipelagianorum, vt ait Noris, tumultus tam cito cessarunt cum viuo Prospero, & Fausto qui diutissimè post vixit, tenuerint, nec nisi Araulicani Concilij tempore esse desierint; cum ergo coniectura idonea scit, & controuersia perdurarint, nec multum discrepet ætas, huic Vincentio Gallo presbytero, non alteri Vincentio Monacho Gallo sunt illæ obiectiões tribuendæ. Equidem eò libentiùs huic sententiæ adhæreo, quòd video eam & Ecclesiasticis, & Scholasticis scriptoribus placuisse. Volo igitur opinionem Noris conuellere, & meam confirmare. Nemo Catholicus ausus est asserere Vincentium Lirinensem earum obiectiõnum authorem esse. Proponunt quidem quæstionem, & aiunt nonnullos ambigere: nemine laudato: sed negant eas esse Vincentij. Imò ne Hæretici quidem, si paucos excipias audaciores, ei Vincentio assignant. Et, quod mirere, non penitus id affirmant, sed timidè, ac modeste, uno excepto Vossio, qui fidentiùs loquitur. Cuius referendo sententiam Georgius Callistus ait. *Non improbabili*ter: fluxè omninò, ac pro reuerentia erga Vossium frigidè. Andreas Riuetus dicacissimus, & pro-



iectissimus in suo Critico c. 24. pag. 469. Notandum  
*Vincentium* forte eundem fuisse, qui obiectiones illas proposuit,  
 quas *Vincentianas* appellat *Prosper*, easque refellit. Quin-  
 imò *Vossius* ipse constans author illius sententiæ lib.  
 1. de Hist. Pelag. c. 9. pag. 43. ita scribit. *Modò obie-*  
*ctiones eius sunt ut putamus.* Moderatur dicto. Addit  
 autem *Callistus* quod rem meam continet. Verum enim  
 verò *Pont* ficti scriptores obiectiones illas *Vincentianas* *Vincen-*  
*tio* nostro abinducant, & alteri cuidam *Vincentio*, cuius meminit  
*Gennadius* lib. de scriptor. Ecclesiast. x x c. tribuere malunt.  
*Vnus* instar omnium esto *Baronius* &c. Catholica ergo est  
 illa sententia negans *Vincentium* illarum esse au-  
 thorem, vel homine hæretico teste. Iure igitur  
*Bartholomæus Petrus Lintrensis* in Annotat. ad  
 Commonitorium ponit dissertationem Apologeti-  
 cam, in qua multis demonstrat huius opinionis  
 falsitatem, quam mihi videre non contigit, con-  
 tigit autem videre in Epistola ad me missa Floren-  
 tia ab oraculo illo litterario Illustrissimo; Antonio  
 Magiabecho, in Cortina Serenissimi Magni Ducis  
 eruditissimam Sibyllam agente, locum Baluzzi in  
 notis ad eundem librum, Commonitorium Vincen-  
 tij, ubi proposita opinione affirmante sic ait.  
*Cum ea opinio à Viris celeberrimis explosa sit, tum spacia*  
*et dissertatione in eam incubuit Bartholomæus Petrus Lin-*  
*trensis in Prefatione ad Commonitorium Vincentij.* Id scitè  
 animaduertit *P. Labbe* in sua dissert. Philolog. de  
 scriptor. Ecclesiast. Bellarmini Hæreticos, qui ma-  
 le sentiunt de *Vincentio* attribuendo ei & errorem  
 Semipelagianum, & obiectiones *Vincentianas*, eò  
 id facere, ut eleuent illius autoritatem, ne sibi

noceat;



noceat : & infirnat eorum rationes , quibus persuadere conantur, eum illarum obiectionum authorem esse. *Sed quibus, ait, ambo, & quam leuibus, & quam inuicibus argumentis?* Propterea P. Noris nullum prorsus attulit : tantum sumpsit quod probandum erat illo c. 2. p. 250. *Hic idem, ait, Vincentius contra Prosperum, aliosque absurdissima quædam asserta publicauit quasi ab Augustinianis illa eadem defenderentur.* Abstinit ab omni argumento, imò & nullo authore dixit. Rectè quod nullum Catholicum inuenire potuit, addo nec habere certum & constantem. Ex Hæreticis vnum & alterum laudare potuit, qui uti sunt Sanctis Patribus aduersi, ita calumnias illis solent imponere ad eleuandam eorum auctoritatem, ne à Catholicis adductis eorundem testimonijs conuincantur. A nobis aduersus Norim stant nostri, & Scholastici Theologi, & Ecclesiastici scriptores. Afferamus aliquot, & ab Ecclesiasticæ Historiæ Patre Magno Baronio incipiamus. Is in annotat. ad Martyrol. 24. Maij 711. *Non est hoc loco præmittendum errare eos, qui Vincentinus (sic enim appellant) obiectiones illas aduersus S. Prosperum S. Augustini scripta defendentes Vincentij huius existimant fuisse eo quod illis temporibus vixerit, Sed huius rei falsitas ex hoc cognosci potest quod hic non tantum non impugnauit defensores, sed magnoperè laudauit; nam eo libro, quem scripsit aduersus hereses cap. 43. vehementer admodum commendauit Celestini Romani Pontificis epistolam in defensione scriptorum S. Augustini datam ad Episcopos Galliarum aduersus eos, qui tanti Patris doctrinam ausi fuerant impugnare. Sed ut intelligamus quisnam fuerit ille Vincentius, qui pugnatissi.*



mas illas conscripsit obiectiones, sciendum est eodem seculo alterum Vincentium claruisse in Gallia, de quo idem Gennadius scribit eodem lib. c. 80. cui potius opus illud tribuendum putarem. Quicquid sit constat quidem lucubrationes illas esse Pelagiani hominis, nec dignas quae tribuantur Vincentio Lirinensi, qui aureo planè illo opusculo Fidem Catholicam egregiè testatam reliquit, quo cum omnes haereses, tum maxime Pelagianam cum authoribus suis impugnat, ut constat ex eodem libro c. 2. & 14. Hæc Baronius. Suarez 1. tom. de grat. Prologom. 5. c. 5. ita. Aliqui existimant hunc esse Vincentium illum, cui Prosper respondet in libro ad obiectiones Vincentianas, & idèò unum esse crediderunt ex his qui in Gallia contra doctrinam Augustini cum Massiliensibus disseruerunt. Sed hæc suspicio nullum habet in opusculo Vincentij Lirinensis contra profanas vocum novitates, quem solum ex scriptis eius habemus fundamentum. Rursus c. ult. Iterum in eum, idest Pelagium, inuebitur, ibique magna cum veneratione recipit Epistolam Cælestini, quæ contra Semipelagianos, & in defensionem Augustini scripta est, ut postea videbimus. Deinde ex libro Prosperi colligi non potest qui fuerit ille Vincentius, à quo obiectiones, quas refutat Vincentiana nominata sunt. Cur ergo suspicabimur, illum fuisse insigniorem Vincentium, qui eo tempore vixit? maxime cum Prosper in Præfatione dicat eum confinxisse quorundam blasphemiarum prodigiosa mendacia, eaque Augustino, & Prospero ad invidiam concitanda tradidisse; quod certè incredibile est de Vincentio Lirinensi, qui vir religiosissimus fuisse perhibetur, & dicto libro suo talem se ostendit. Et laudato Baronio concludit. Parum interest indicare qui ille Vincentius fuerit, dummodò gravissimo scriptori contra Hæreticos talis iniuriæ non inferatur. Vasquez in 1. p. d. 91. c. 8. n. 43. Alij, inquit, merito existimant Vincentium, cuius sunt obiectiones Vincentianæ apud Prosperum



non fuisse Lirinensem illum monachum, qui contra hereses scripsit  
sed alium Vincentium Presbyterum Gallum, cuius meminit  
Gennadius lib. de Viris Illustr. c. 80. nam c. 63. de Vincentio Lirinensi  
mentionem fecit. Horum autem opinio confirmat valde quod  
Vincentius Lirinensis in illo suo libello c. ult. allegat Celestini Epi-  
stolam, eamque summopere laudat, quam scriptam esse contra  
Cassianum infra c. 2. videmus.

Consensisse de hoc inter se duos insignes The-  
ologos genio, ingenioque discrepantes, argumen-  
tum est ab auctoritate inuictum contra Noris opi-  
nionem, qui magnificare solet Suarez; & qui-  
dem iure; at posset etiam eodem numero habere Val-  
quez.

Adijcio nobilem huius ætatis Theologum Do-  
minicanum, qui me laudat aliquando Gonetum  
de grat. d. 2. s. 7. Vincentium Lirinensem, ait, Cassi-  
ani contemporaneum, & in Cænobio Lirinensi monachum, ali-  
qui putant eum esse, cui respondet Prosper in libro ad obiectiones  
Vincentianas; adeoque Massiliensis factionis habitu inspiratum  
fuisse. Sed iniqua hæc suspicio est; cum hic Vincentius in opus-  
culo contra profanas vocum novitates c. 34. vehementer arguat  
Pelagium, quod necessitatem gratiæ iuvantis nos in singulis acti-  
bus negaverit, & c. ult. Epistolam Celestini Papæ adversus Semi-  
pelagianos cum veneratione recipiat. Ad id quod Gennadius  
hunc ei nomen non appingit, sed validissimum contra hære-  
ticos atleam fuisse memorat. Vnde Baronius ad annum 431.  
n. 188. verè tradit Vincentium, in quem scripsit Prosper,  
fuisse alium eiusdem nominis.

Negant Vincentium auctorem esse harum obie-  
ctionum: Bartholomæus Petrus Lintrensis in sua  
dissert. Apologetica pro Vincent. Lirin. Baluccius in  
notis ad eundem. Antonius Gerualdus Bijonius Ce-

oma-



nomanensis in suo tractatu de Gratia. Philippus Labbe de script. Eccles. Bellarmini pag. 489. Ioannes Baptista Gesnay. in opere inscripto *Provinciae Massiliensis, ac reliquæ Phocensis Annales* ad annum Christi 432. Quem tamen miror de sententia Vasquii dubitasse, cum eius nos tam luculentum, & manifestum testimonium produxerimus :

### Caput XV.

*Hilarius Arelatensis nota Semipelagianismi à Patre Nori impacta liberatur. Vnum cum, ac eundem cum auctore Epistola Iecio Prosperi esse monstratur. Arelatensis Episcopi nomen irrepsisse in textum cum Baronio contra Norim ostenditur. Locus Eucherij bene intellectus à Baronio, inuito Nori, sustinetur.*

*De anno quo scriptæ sunt Epistolæ Prosperi, & Hilarij ad Augustinum, & de tempore retractionis operum S. Augustini iuxta auctoris à P. Noris dissenso. Tandem Augustiniani scriptoribus Hilarium sibi vindicantibus, eundem à Nori ademptum iure post limini, auctor restituit.*

**S**Tudet eruditissimus Pater Noris Semipelagianorum numerum augere, ego minuire, addere Augustino hostes, ego adinere; vter melius, lector iudicet. Non contentus Vincentio Lirinensi; adicere conatur Hilarium Arelatensem, quem non solum Semipelagianum,



sed unum ex iis præcipuum facit Hilariū ut cum lib. 2. c. 14. pag. 273. Semipelagianorum in Gallus Coryphæum appellat. Nescio cur Semipelagianismum clarrare uult uiris clarissimis infuscatis. Tingit ergo Hilariū fuligine Semipelagiani erroris in sua historia lib. 2. c. 2. ubi eum dicit *præcipuum* habitum fuisse inter Semipelagianos. Faretur que ibi *luctari* cum doctissimis sui instituti uiris qui, contra sentiunt, & Baronio consentiunt. Deterrere hoc debuit, non incitare. Nominat uerò Marquez, Herreram, Crusenium, Staibanum, & amantissimum sui, & de republica Augustiniana bene meritum Aloysium Torellum, à quibus tanta fidentia recedit, ut dicere audeat: adeo euidenter a se eorum sententiam refelli, ut non dubitet eos à sua, & communi sententia recessuros. Ego contrà qui hos scriptores, ac in primis Baronium legendo noui, & Torellum propter eruditionem, & suauitatem indolis, eximiasque virtutes vehementer amo & colo, recipio me refutaturum omnes coniecturas Noris, & palàm facturum Hilariū Arelatensem longè ab illo errore ab fuisse; nec dubitare me quin eam priscam sententiam sim confirmaturus: & Norim, nisi refragari obstinatè veritati velit, à sua opinione demoturus.

Afferamus eius coniecturas. Prima sumitur ex Verbis Prosperi in Epist. ad August. *Unum eorum, Semipelagianorum, præcipuæ auctoritatis & spiritualium studiorum virum sanctum Hilariū Arelatensem Episcopum sciat beatitudo tua admiratorem, & auctoremque in alijs omnibus tuæ esse doctrinæ, & de hoc quod in querelam trahis iam pridem apud sanctitatem tuam sensum suum per litteras velle conferre. Sed quia utrū hoc facturū, aut quo fine sit facturū incertū est*

N

Fate-



Facetur Prosper Hilarium cum omnia Augustini dogmata approbaret, hoc tamen vnum de prædestinatione gratuita minus probare, de que eo queri quasi nollet Augustino assentiri.

Secunda promittitur ex altera, quæ adiungitur Epist. Hilarii ubi sic. *Planè illud tacere non debeo, quod se dicant tuam sanctitatem, hoc excepto, in factis, ac dictis omnibus admirari.* Quæ verba continent eundem de Hilario sensum è Prospero adductum. Admiratorem, sectatoremque in alijs tuæ esse doctrinæ, & de hoc quod in querelam trahit, nisi quod Prosper nominat Hilarium Arelatensem, Hilarius autem tacet nomen, sed non dissimulat personam, & si inter plures eam collocet.

Tertia ducitur ex verbis Augustini lib. de dono persever. c. 21. *Videant tamen ij nempe Hilarius, interponit Noris, socijque) quibus amantibus me ingratus esse non debeo, qui præter hoc quod in questionem venit, orantia mea sicut scribitis se prostentur amplecti, videant, inquam, utrum in primi libri posterioribus partibus eorum duorum, quos mei Episcopatus initio antequam Pelagiana Hæresis appareret ad Simplicianum Episcopum scripsi, remanserit aliquid quo vocetur in dubium gratiam Dei non secundum merita nostra dari, & utrum ibi non satis egerim etiam initium fidei esse donum Dei: & utrum ex ijs, quæ ibi dicta sunt non consequenter eluceat, & si non sit expressum, etiam vsque in finem perseverantiam nonnisi ab eo donari, qui nos prædestinavit in Regnum suum, & Gloriam, Et postea. Vnde recollant adversus Hæresim Pelagianam, iam ante aliquot annos, ita dicta esse, atque conscripta, quæ nunc illis displicere mirandum est.* His coniecturis ductus Pater Noris concludit, Hilarium cum Cassiano contra Augustinum conspirasse. Addit scriptores illos, qui Hilarium de-



sendunt in eo deceptos, quod duos Hilarios in vnum eundemque miscuerunt: Nam duos fuisse constare vnum Episcopum Arelatensem; alterum priuatum ciuem scriptorem huius Epistolæ ad Augustinum, eiusque Discipulum; negat quippe Hilarium Arelatensem in Africa fuisse, subiungit Epistolam coniunctam Epistolæ Prosperi non esse Hilarii Arelatensis, sed alterius huius Hilarii priuati eo argumento quod Prosper in fine Epistolæ sic scribit. *Iam pridem apud sanctitatem tuam sensum suum per litteras velle conferre: sed quia verum hoc facturum, aut quo fine sit: facturum incertum est &c.* Quæ addit Noris, de Hilario in defendendo Augustino Collega, cuius instantia litteras exaratas vna cum illis in Africa defendendas sciebat, nullo pacto intelligi possunt. Hactenus Noris: cui nos ordine respondemus.

Primum negando assumptum, videlicet duos Hilarios fuisse. Quo tanquam iugulo præciso cadit truncus opinionis Norisianæ. Negat Noris Hilarium Arelatensem in Africa fuisse. Iuuenis quippe hic Arelate ab Honorato Abbate ad meliorem frugem reductus, & in Monasterium acceptus. Alter autem testatur se in Africa fuisse Augustini discipulum, quasi verò hæc duo inter se pugnent, cum tamen vnum alterum non excludat. Potuit enim Hilarius prius Adolefcens erudiri ab Honorato in Gallia, & postea Iuuenis in Africam ire, & ibi Augustinum audire. Audiuisse autem persuadeo coniecturis. Prima quod Prosper fateatur se numquam Augustinum vidisse, nec ab eo visum; patet ex illa particula epistolæ Prosperi, initio: *Ignotus tibi facie* quo indicatur Hilarium de facie Augustinum agnouisse, si quidem de eo tacuit, quasi Augustino ille innotuisset. Secunda quod nominat Hilarium Episcopum Arelatensem inter tot alios quos silêtio præterit eo satis significat



eum Augustini notum esse. Cur enim eum nominatim producit, nisi quod ille inter ceteros innotuerat Augustino? Tertia constat Hilarium Arelatensem fuisse Syracusis ex Epistola ad Augustinum data, 88. quam non dubito esse Hilarii, venerat autem ex Africa, ut significat Augustinus, qui ei respondens *filium* vocat, in fine Epistolæ 89. At negat iterum Noris eum Arelatensem fuisse. Refello negantem, nam si ille alter Gallus erat, & in Africa esse potuit, cur Arelatensis non potuit? Gallum autem eum esse non audebit Noris inficiari, igitur teneamus Hilarium Arelatensem. Quarta coniectura sumitur ex Parænetica Eucherij ad Valerianum. Vbi de nostro Hilario, & Petronio ait eos ex *plenissima mundana Potestatis Sede ascendisse ad Religionis, & Sacerdotij dignitatem*. Non igitur Adolescens Religionem addixit, sed diu liber vixit, & honores gessit, potuitque in Africam se conferre, & in Sicilia negotiandi causa morari; ex quo illa coniectura Patris Noris corrui, videlicet Laicum eum fuisse eum secundam ad Augustinum cum Prospero Epistolam scripsit, quæ est præliminaris ad librum de Prædestinatione Sanctorum, & dono perseverantiæ quasi verò Hilarius Arelatensis Laicus esse non posset eum tamen ei diu in seculo vivere contingere potuisset: Quod apparebit inferius ex eadem Parænetica Eucherij, vbi cum Baronio explicabimus verba quibus Eucherius describit ingressum Hilarii in Monasterium, & inaugurationem Episcopalem Petronij, & refutabimus interpretationem Noris: & Baronij, quem rejicit, approbabit.

Adijcio optimam coniecturam sumptam ex Epi-

stola



Epistola Hilarij Arelatensis Syracusis scripta ex Sicilia ad Augustinum, quæ versatur in materia Hæresis Pelagianæ, de qua Hilarius iam tum erat sollicitus, tanquam defensor gratiæ, & hostis illius erroris. Unde deducitur eundem in secunda Epistola continuasse studium persequendi Hæreticos Semipelagianos, idest reliquias Semipelagianorum, & iuuat modus loquendi in fine Epistolæ. *De his omnibus rogo quantis valeo precibus sanctitatem tuam, vinbeat nos apertius instrui: quod nouerimus, quatenus sentire debeamus.* Quæ si conferantur cum ijs particulis, quæ sunt in alia Epistola initio, & fine, similia inter se, & germana videbuntur.

Quod attinet allatas a nobis superius Noris coniecturas, eas facile refutantur. Prima ex Epistola Prosperi, ubi dicitur Hilarium, qui in cæteris amplectebatur dogmata Augustini, vnum hoc in querelam trahere, quod de gratuita prædestinatione tradiderat, refellitur dicendo: verum quidem esse initio dubitasse Hilarium, sed suum prudenter sustinuisse iudicium, donec per litteras Augustinum consuluit. Nam si dissensisset non expectasset dum Augustinus rescripsisset. Contulit ergo cum eo per hanc ipsam Epistolam sensum suum, & elicit Augustini, ei omnino assensus; imò, & cum scripsit iam assenserat, deposito dubio, & abiecta querela; responsum tamen exigebat ad satisfaciendum cæteris, qui traditæ doctrinæ minus acquiescebant. Hinc soluitur secunda coniectura, quæ leuior est, cum multi approbarent vniuersa Augustini dogmata excepto vno Prædestinationis gratiæ ac liberæ ante omnem præiudicium meritorum ex Dei constituto. Ad hos igitur

tur



tur coniuncendos, qui inde sumebant occasionem. erandi optabat Hilarius litteras Augustini, ut ijs ora obstrueret, & dubitationem auferret.

Tertia ex loco Augustini fauet causæ Hilarij, quia Augustinus loquitur in plurali de ijs, qui suæ doctrinæ resistebant. Nulla facta Hilarij mentione, quem expresserat nominatim Prosper: quod argumento est Hilarium huius Epistolæ esse auctorem, ac in ea se profiteri sectatorem Augustini; si enim secus esset eum Augustinus nominaret, quemadmodum fecerat Prosper, ac ei rectè responderet facta mentione Hilarij, qui cum tantus esset vir, & Episcopus, ac solus à Prospero nominatus, non erat prætermittendus ab Augustino, si in eo errore esse cognouisset. Siluit ergo de eo, quod ex litteris, ad sedatis nouit eum secum sentire. Propterea tam familiariter cum illo egit, ut omni obiecta suspicione, quam ei litteræ Prosperi mouere potuerant tanquam cum discipulo, & filio loquatur: *Dilectissimi*, inquit, *filij Prosper, & Hilari*. Nihil eum discernens à Prospero, quod compererat simul cum eo sibi assentiri, admonens tantum, & corripuens alios, *qui præter hoc quod in questionem venit, omnia sicut scribitis se profitentur amplecti*. Hilario prætermisso, qui omnem suspensionem aboleuerat illis verbis *Nolo autem Sanctas tuas sic me arbitretur hæc scribere, quasi de his quæ nunc edidisti ego dubitem*. Dubitasse autem de eo Prosperum nihil obstat, cum initio eum ambigentem, & querentem vidisset, nescisset autem dubitationem postea deposuisse, & querelam abiicisse. Magis autem credendum erat Hilario de se ipso affirmanti non dubitare, quàm Prospero de illo dubitanti, cum præsertim Prosper prius scripisset, quàm Hilarius eius lit-

teras



teras accepisset, quas cum suis postea scriptis erat in Africam ad Augustinum missurus, quemadmodum inferius apparebit.

Venio ad id quod subtiliter opponit Noris, Prosperum rogatum à Hilario ut scriberet his verbis: *Egi cum viro tum moribus, tum eloquio, & studijs claro, ut quanta posset collecta suis litteris intimaret, non bene coherere cum dicto Prosperi: Incertum est utrum hoc facturum sit, id est scribere, aut quo si se sit facturum.* Potuit enim Hilarius morari dum deponebat dubium, & interim scribere Prosperum, ac Epistolam apud se seruare, donec esset occasio mittendi; quæ demum oblata est, cum Hilarius cunctatione deposita ipsum Prosperum hortatus est ut ad Augustinum scriberet, qui scriptas iam, & ex ante præparatas litteras misit Hilario, à quæ acceptæ, & in vnum cum suis fasciculum coniectæ ad Augustinum sunt missæ: quemadmodum testatur Hilarius in fine Epistolæ ad Augustinum: *Egi ut litteris intimaret quas coniunctas his destinare curam.* Hac ratione constat potuisse prius, & sua sponte scribere Prosperum, & rogatum ab Hilario id nesciente, ut scriberet, misisse ad eum litteras scriptas, & auctas quibus acceptis scripsisse suas Hilarium, & utrasque direxisse. Ita diluitur coniectura Noris, & communis sententia confirmatur. Adde aliam elidendi rationem, vide licet Hilarium solitam esse dare litteras ad Augustinum, & de controuersijs gratiæ iam scripsisse antea, uti fatetur in hac eadem Epistola paulò ante finem: *Nec mireris, inquit, quod aliter, vel aliquam hac Epistola ad Idi, quantum puto, quæ in superiore non dixeram.* Imò & ipsemet Prosper miserat alias Augustino litteras, sicuti apparet initio Epistolæ: *Per Sanctum Fratrem meum Leon-*



*tiuum Diaconum misi Epistolas, & accepi.* Nouerat hoc Hilarius; propterea monuit Prosperum. Deinde affirmo litteras Hilarij, & Prosperi non potuisse ad Augustinum mitti postquam Hilarius Arelatensis fuit creatus Episcopus: atque adeo falli Norim, qui eam vult particulam *Arelatensis Episcopi* in Epistola Prosperi contra Baronium, & communem sententiam retinere. Nam eae litterae scriptae sunt viuo Augustino, & acceptae sunt ab eo viuento, & ipse viuens respondit, & composuit duos illos insignes libros de Praedest. sanct. & de Don. perseuer. Augustinus autem mortuus est anno 430 vti vult Noris, vel paulò ante. Non ergo anno quo factus est Hilarius Episcopus scribi illae litterae potuerunt. Irrepiit igitur illa particula in Epistolam Prosperi, erat quippe Hilarius omnino vir priuatus cum litterae scriptae sunt.

Tertiùm improbo prauam Noris de Baronio nota m, cum ait: *Baronius Hilari dignitatem ex litteris Prosperi abysit ex praua verberum intelligentia.* Et ostendo Baronium rectè intellexisse verba Eucherii, eaque Norim deprauasse, & vindico vti par est, insignem virum. Locus Eucherii huiusmodi est. *Hilarius nuper, & in Italia nunc Antistes Petronius ambo ex illa plerisima, vt aiunt, potestatis sede vnus in Religionis: alter in sacerdotii nomen ascendit.* Sensus germanus est Baronii. Duo magni viri Hilarius, & Petronius dimissis honoribus saecularibus, quos gerebant, alter ad Religionis honorem, alter ad Episcopatum ascendit. Petronius nunc ad Episcopatum, & paulo ante, idest nuper, Hilarius ad Religionem. Non est autem germanus ille alius sensus, quem intrudit Noris improbando Baronium, vt illud *nuper* cadat super Episcopatum Hilarii, hoc est ille *nuper Episcopus*

ascen-



ascendit ad Religionem, qui sensus ineptus esset, ut Hilarius ex Episcopatu ascenderet ad Religionem. Et quidem Eucherius loquitur de ascensu amborum à sæculo ad Christum, cum ambo sæculum reliquerunt, & comparando eos ait; vnus eorum nuper se contulit ad Religionem, alteri collatus est Episcopatus. Nam illud *nuper* refertur ad tempus quo Hilarius reliquit sæculum, non autem ad tempus in quo fuit Episcopus, ut sit sensus quod *nunc* fecit Petronius transeundo de sæculo ad Episcopatum, id *nuper* fecit Hilarius transeundo de sæculo ad Religionem. Itaque rectè, ut a solet Baronius, *creatus Petronius Episcopus Bononiensis perseverante Hilario in vita monastica*. Id ego perspicuè dico. Ambo reliquerunt mundum; Hilarius *nuper* suscipiendo habitum monachi; Petronius *nunc* obtinendo Episcopatum. Immeritò igitur Noris contra Baronium; *Alius*, inquit, *sensus, ac proprietas dictionis corrumpere*. Absit hoc à Baronio viro accuratissimo, & à me qui eum sequor, quemque ipse Noris bene latinum appellat. Animaduertat hic Noris: Si illud *nuper* refertur ad Episcopatum quem habebat Hilarius, perit ratio comparisonis vnus cum altero quando sæculum reliquit; de hoc enim transitu agebatur, cum immediate vnus ad monasterium, alter ad Episcopatum venit, seruata uenustate, ex diuersitate termini ad quem ambo ascenderunt, ex eodem gradu, in quo similes erant. Quid quæris? Illa particula *nuper* non bene cohæret cum altera particula *Nunc*; nam hæc significat tempus præsentis Episcopatus Petronij.

O

*Nuper*



*Nuper* autem significat præteritam electionem, non præsentem continuationem status: imo destruit eam: nam qui dicit *Nuper* Episcopus videtur significare quod fuit, non quod nunc est, ac proinde concedit fuisse, & uidetur negare esse. Demum si illud *Nuper* affigeretur Episcopatui, deberet vindicare sibi locum, idest *Nuper in Gallia*, vt responderet *nunc in Italia*, nequis existimaret Hilarium Italiæ Episcopum esse. Certè Eucherius auctor est latinus, & elegans non committeret, vt incongruè, & inneptè loqueretur.

Supereft: scire quo anno scriptæ sint litteræ Prosperi, & Hilarii, vt ex eo appareat, an eodem anno Hilarius Episcopus fuerit. Id autem accuratè, & subtiliter inquirendum. Conferendi sânt loci Augustini de retractatione suorum librorum, & de editione illorum, qui inter retractandum, & post retractationem ab eo sunt compositi. Quæstio est satis impedita, & in qua cæspitavit Noris, quem corrigere oportebit, nec ille grauabitur à me moneri sene, & familiari, & in operibus Sancti Augustini, vel ipso teste, uersatissimo. Igitur numero eos, qui rem continent. Epistolam præliminarem libri *Ad quod vult Deum*. Habetur autem tom. 6. initio. est quæ Augustini responsio ad litteras eiusdem *Quod vult Dei* Diaconi. Librum secundum retractationum cap. vlt. Librum de Prædest. Sanct. c. 3. lib. de Don. perseueran. c. 21. & vitam Augustini scriptam à Possidio Episcopo Calamensi. Igitur Epistola *ad quod vult Deum* ait: absoluisse se duo volumina retractationum, retractatis omnibus libris idest. 232. restare autem Epistolas, & tractatus populares seu homilias. Lib. 2. Retract. c. vlt. opera 93. in lib. 232. à se dictata, & recognita affirmat, incertus vtrum aliquos

adhuc



a dhuc dictaturus esset, idque ante retractationem Epistolarum, & Homiliarum, & duo ea volumina, sicut Epistola ad Quod vult Deum continet, iam composuisse. Lib. 2. de Prædest. Sanct. c. 3. fatetur cum accepit literas Prosperi, & Hilarij iam tum duos libros retractationum confecisse. Lib. de Don. persever. c. 21. ait *se tunc facere libros retractationum*. Possidius in vita narrat: *Ante proximum mortis diem libros à se dictatos, & editos recensuisse. Vnde etiam duo scripsisse volumina, quorum est titulus de recensione librorum*. Nihil de anno, nisi si quis velit intelligere locum Possidij de die proximo mortis, ut visum est Iansenio, & sint ea vltima opera Augustini. Verum hoc pugnat cum alijs quatuor locis Augustini, ubi ait se iam absoluisse duo volumina retractationum, quo tempore scribebat librum de Hæresibus, & libros de Prædest. Sanct. & de Don. persever. Quare Baronius accuratissimus scriptor existimat eos libros non fuisse vltimos.

Mihi omninò compertum est libros retractationum duos, qui extant, quando Augustinus scribebat opus de Hæresibus ad Quod vult Deum, & librum de Prædest. Sanct. & de Don. persever. iam esse absolutos: id enim disertè tradit Augustinus Epistola ad Quod vult Deum, & c. 3. lib. de Prædest. sanct. Nec obstant verba cap. 21. de Dono persevera. *Propterea nunc facio libros in quibus opuscula mea retractanda suscepi*. Loquitur enim de Epistolis, & homilijs, siue tractatibus, quos retractare aggressus perducere ad umbilicum non potuit. Et quidem de hoc cum Patre Nori convenio. Discrepo tamen in responsione ad locum Possidij, qui huic nostræ sententiæ videtur aduersari. Ait quippe Possidius: *Ante proximum diem obitus sui recensuisse libros suos*. Igitur



hi libri retractationum nouissimi fuerunt. Respondet Noris illud *ante proximum diem* non significare proximam mortem, sed locum dare spatio temporis triennij quod secutum est, & intercessit inter retractationem, & mortem, ut sit sensus: retractauit antequam moreretur facto interuallo triennij dum irruptio barbarorum in Africam tenuit. *At hæc barbarorum*, inquit, irruptio in Africam accidit anno 427. quæ cum ex Possidio consecuta sit scriptionem duorum librorum retractationum, patet istos anno 427. ex eodem Possidio completos, & adducit verba Possidij: *Verum breui consequenti tempore* liuina voluntate, & potestate præuenit ut manus ingens diuersis telis armata, & bellis exercitata immanium hostium Vandalorum, & Alanorum commixtam secum habentes Gothorum gentem, aliarumque diuersarum gentium personas ex Hispaniæ partibus transmarinis nauibus Africa influxisset, & irruisset. Atque ad emolliendam interpretationem, quæ dura videbatur, sequitur versionem vnã textus (variatur quippe) *ante proximum diem infirmitatis obitus sui*, quæ lectio patitur illud spatium triennij inter editionem librorum retractationum, & mortem Augustini, ut concludat anno 427. eam esse perfectam. Verum ecquis non videt hanc interpretationem esse violentam? Quomodo enim illa lectio, quæ est rarior, præferri potest alteri, quæ habet: *Ante proximum diem obitus sui*. Ut ut sit lectio: neutra sanè patitur tantum temporis, idest triennij, interuallum. Deinde ut retineatur illa *de infirmitate* rem Noris ea non continet. Nam illa infirmitas fuit vltima; hæc autem, uti narrat Possidius c. 29. accidit tertio quàm Ciuitas Hipponensis obsessa est mense, quæ obsidio

cùm



cūm continuerit menses 14. & Augustinus ante urbem captam decesserit, anni ferme spatio duravit, ac proinde trienium excludit, imò paucos menses complectitur, quia Possidius infra c. 31. certa nota designat hanc proximam obitus sui infirmitatem. Sic enim. *Quod etiam [loquitur de penitentia facienda ante obitum] ipse fecit ultima qua defunctus est egritudine.* Hæc nota indicat illam de qua hic agit infirmitatem. *Ante proximum diem infirmitatis obitus sui* hoc est in fine alterius, quæ caperat tertio mense post obsidionem, idest paulo antè illius obitum, quantum sit satis ad recognitionem librorum, quod spatium antecessit illos decem dies, quos Augustinus sibi seposuit ad vacandum soli Deo, & versus psalmorū Penitentialiū ruminādos: quare desinat Noris opinionis suæ. Fefellit eum tractus periodi narrationis, quam continuam, & cum sequenti connexā existimauit; nam Possidius nō coniungit immediatè illa verba sequētia *Brevi consequente tempore cum particula Ante proximum diem obitus sui, vel infirmitatis,* sed interponit alia, quæ spectāt ad opera imperfecta, & alios libros sibi ereptos, quos multo antea composuerat, & nominatim *speculum*. Tunc autem subiungit Possidius: *Verum breui tempore,* & pergit irruptionem illam Barbarorum, qui ferro, & face Africana nrouinciam olim Romani Imperii duce Annibale æmulam deuastarunt, & pulcherrimam regionem à Didone Regina cultam, & frequentatam, & præclaro diademate, idest Ciuitate Carthagine, coronatam, eoque ad Capitolini uerticis altitudinem maiestate parieductam miris cladibus deformatam lugubri oratione describere, & ad Augustini Africani Solis obitum Occidentis accommodare, ut ei illa commori uideretur quem Orientem in cunis protulerat, & mala

inde



inde consecuta narrare connectendo ista non cum illa particula *Ante diem proximum*, sed cum alia sequente de libris compositis, ac disertè de speculo. Præterea si recensuit libros ante mortem, quomodo ait Possidius hic paulo inferius: *Vnde etiam duo scripsit volumina*. Ex quo sequitur tunc *Ante proximum diem mortis ea de nono scripsisse*. Id mihi videtur indubitatum Augustinum iam habuisse scripta, & absoluta volumina Retractionum tunc cum erat in extremis constitutus: voluisse tamen iterum paulò ante mortem ea recensere, ac recognoscere, & rata habere quæ scripserat, idque oculis relegendo, & verbis approbando præstitisse; quare Possidius non est usus est verbo retractare, sed recensere. *Recensuit* idest numeravit, lustravit, recognovit iam retractata.

Nunc veniamus ad Quæstionem capitalem. Comperto Augustinum illo anno 27. absoluisse libros retractionum, quonam tempore acceperit litteras Prosperi, & Hilarij? Etenim Noris contendit eas accepisse anno ultimo vitæ suæ, saltem anno vigesimo nono, cum iam erat Episcopus Arelatensis Hilarius, ut evincat non esse hunc auctorem Epistolæ. Respondeo perspicuè; Augustinum accepisse litteras, & respondisse ante eum annum, nec potuisse anno eo quem assignat Noris accipere, & respondere: atque adeò antequam Hilarius esset Episcopus, & accepisse, & respondisse. Quod rotundè, opinor, probo. Anno 426. vel auctore Nori pag. 155. Augustinus inchoavit libros Retractionum, & proximo 427. absoluit; & continuata opera Epistolas, & Homilias capit retractare, ut patet ex c. 21. de Don perseuer. *Propterea nunc inquit facio libros*: tunc autem dictabat libros de Prædest. sanct. &

de



de Don perseuer. igitur iam tunc acceperat litteras  
 Prosperi, & Hilarij, idest triennio ante mortem. At  
 occurret Noris eo tempore Augustinum operam dare  
 alijs studijs, & componere illum librum de Hæresibus  
 ad Quod vult Deum: non autem libros de quibus agi-  
 mus. Reijcio duobus modis. Primo potuisse vtrosque  
 pariter componere diuersis horis, sicuti & ego nunc,  
 tres diuersos tractatus scribo horis diuersis, ad singu-  
 los destinatis. Secundo si singulos scripsit, & solitarios,  
 prius composuisse libros de Prædestinatione sancto-  
 rum, & de Dono perseuerantiæ, quàm librum de Hæ-  
 resibus, cùm illa controuersia maioris esset momenti,  
 & in ea iugulum Gratiæ peteretur: alius vero liber es-  
 set Catalogus Hæreticorum, qui posset sine periculo  
 differri, & aliunde, putà, ex Epiphanio, & Philastrio  
 haberi. Adjicio teneri Augustinum nomine officij  
 prius hominibus exteris, & grauibus, & longiùs posi-  
 tis respondere, quàm homini Africano, & vicino. Sed  
 rursum obijciat Noris: non constare tam citò respon-  
 disse. Occurro: id suaderi ex eo quòd si distulisset res-  
 ponsum incidisset in tempora calamitosissima inuasio-  
 nis barbarorum, quo tempore vix posset respondere.  
 Quæ ratio est idonea, & meo iudicio verosimillima:  
 cùm ingruente illa Barbararum gentium colluie, &  
 per totam se Africam effundente magna rerum turbatio  
 futura esset, & Augustini animus pius, ac tener, ad  
 commiserationem potius quàm ad commentationem  
 verteretur. Quemadmodum legimus accidisse: nec  
 enim occupatus dolore potuit Epistolas, & Homilias  
 retractare, nec Apologiam contra Iulianum perficere;  
 quam quia non absoluit *Imperfectum opus* appellamus.  
 Vnde colligo libros de Prædestinatione Sanctorum,

&amp;



& de Dono perseverantiæ ante illam Barbarorum irruptionem edidisse; idque mihi confirmat eorum stylus concinnus, accuratus, eruditus: qui sanè eiusmodi esse non posset anxio Augustino, & malis patriæ, ac Ecclesiæ indolente, circumstrepentibus armis, circumsonantibus tubis, circumgementibus turbis, Africa tota ruente, lapsante, eulante, tumultuante. Idque significat Possidius commemorans calamitates, & miseras illius temporis, quas postquam egit de libris Augustini ita exaggerat, ut uideatur innuere uix Augustino quidquam scribere licuisse: cum præsertim ad eum uicini Episcopi suis pulsi Ecclesiis confugissent. Hinc optima, opinor, coniectura ducitur illos duos de Prædestinatione Sanctorum, & de Dono perseverantiæ libros ante illam irruptionem conscriptos fuisse. Nam post eam difficile, & acciperentur, & darentur litteræ, & libri mitterentur propter interceptos com meatus. Illud saltem euincitur contra Norim: intra obsidionis tempus, quod quatuordecim mensium fuit, non potuisse litteras mitti, nec reddi, cum ea arctissima fuisse narretur. Cadit autem annus in quo debuit ordinari Episcopus Hilarius intra tempus aut iam captæ, aut saltem imminentis obsidionis, ne quâ possit superesse Nori uia elabendi, meque refutandi. Ad do si Augustinus eo ærumnoso, & calamitoso tempore scripsisset aliquam de eo mentionem facturum, uti alias leuioribus de causis facere solet. Quod id tacuit indicium est eum ante eam calamitatem scripsisse. Maneat itaque aduersus Norim Hilarium unum tantum, & eundem: idest Arelatensem, fuisse; hunc & Augustinum cognouisse, & ab eo didicisse, huius esse Epistolam præliminarem ad librum de Prædestinatione

San-



Sanctorum . eamque ante annum 429. ab Hilario non dum Episcopo scriptam esse , illam particulam *Arelatensem Episcopum* in textum Prosperi siue per incuriam , siue per iniuriam irrepsisse , vt appareat Hilarij innocentia , & omnis ei afficta Semipelagiani erroris calumnia euanescat , cum ille ex Augustini discipulis , & defensoribus vnus ac princeps extiterit : quæ omnia capitalis quæstio postulabat . Hac etiam ratione constat communis sententia Baronij , Spondam , Posseuini , Barallii , & Patrum Augustinianorum , quibus ego liberam , & expeditam relinquo viam ad suam , quæ verisimilis est , de instituto Monachorum Lirinensium ab Hilario iis secundum Augustini regulam siue tradito , siue aucto sententiam sustinendam : qua in re Torellus insignis Theologus , præclarus concionator , accuratissimus historicus , lumen & ornamentum Augustiniani ordinis magnam , & vtilem operam posuit . Gratum iis futurum puto , quòd me socium suæ opinionis habituri sunt , hominem si minus eruditum , certè diligentem . Saltem solatio erit deficiente Nori , in partibus habere Macedum , & Augustini obseruantissimum , & Ordinis amantissimum .



## Caput X V I.

Ille Hilarius quicumque demum sit expressus in Prosperi Epistola  
in querelam trahens Augustini de Prædestinatione doctrinam  
eo nomine Semipelagianus non fuit. Id ex Augustini di-  
ctis Probatur: imo ex verbis Prosperi in eadem met  
Epistola deducitur. Nullum in Hilario Semi-  
pelagianismi indicium apparet. Hoc ar-  
gumento Noris urgetur; qui ex  
indicijs Gennadium damnat,  
quæ in Hilario non  
extant.

**Q**uo modo hætenus dicta se habeant,  
etiam si largiamur Nori Hilarium, de quo di-  
scripsimus, illum fuisse Arelatensem Epif-  
copum diuersum ab Hilario auctore Epistolæ ad Au-  
gustinum, negandum nihilominus est eum Semipela-  
gianum fuisse. Idque sic ratiocinando demonstro.  
Propterea ille huius erroris arguitur, quod Prosper  
scribit ab eo in querelam trahi Augustini de gratuita  
Prædestinatione sententiam. Hoc autem satis non  
est ad eum erroris damnandum. Nam trahere in que-  
relam potest fieri sine periculo erroris; videlicet con-  
ferendo querelam in difficultatem, & obscuritatem, &  
asperitatem doctrinæ, quæ non esset euulganda, ne-  
que patetacienda populis propter scandalum, quod ex  
eo oriri poterat, desiderando prudentiam, non ex-  
probando errorem. Qua ratione legimus Paulum  
questum esse de Petro Galat. 2. quod se à gentilibus  
lubtraxisset, & segregasset, non quod Petrus errasset  
in aliquo dogmate, sed quod scandalo ansam præbuis-  
set, uti nos de communi Theologorum cum Augusti-

no



no consensu tomo de Clauibus Petro demonstrauius.  
 Id vero significauit Hilarius in Epistola *Ad summam fa-*  
*tigatus omnibus nobis ad id prosecutio eorum, vel potius querela*  
*[vide querelam] conuertitur, consentientibus etiam his qui*  
*hanc definitionem improbare non audent, ut dicant, quid opus fuit*  
*huiusmodi disputationis incerto tot minus intelligentium corda tur-*  
*bare?* Ecce Catholici homines admittentes doctrinam  
 Augustini de constituto, & definitione Prædestinati o-  
 nis gratuita, querebantur de ipso met Augustino, quod  
 eam tradidisset, vulgassetque doctrinam, quæ quamuis  
 vera, & Catholica esset, tamen propter difficultatem,  
 & profunditatem, adde, si placet, asperitatem imperi-  
 torum animos perturbabat. Stare igitur potest hu-  
 iusmodi querela cum assensione, & fide recta mysterij,  
 sine hæresi, ac errore. Cur igitur imponitur à Nori  
 hæresis, ac error Hilario propter querelam? potuit  
 itaque in querelâ trahere Hilarius publicationem do-  
 ctrinæ ab difficultatem, & obscuritatem illius, quasi  
 non esset tempestiua & opportuna, minimè improba-  
 ta doctrina. Quod si plerique fideles, & sectatores  
 Augustini, qui ei consentiebant, & adhærebant queri  
 de publicatione eius dogmatis intra Fidem, extra er-  
 rorem potuerunt, cur vnus eorum Hilarius esse non  
 potuit? Vrgeo Norim. Si sola querela sufficit ad appel-  
 landum erroris Hilarium, multi hodie Catholici sunt,  
 qui Augustini doctrinam propter difficultatem, & ut  
 quidam aiunt, duritiem, & asperitatem in querelam  
 vocant. An propterea sunt accusandi Semipelagianis-  
 mi? Nec Augustinus ipse non vidit suæ sententiæ diffi-  
 cultatem, si durius & asperius, quàm par erat propo-  
 neretur: ac proinde ut satisfaceret querimonis fide-  
 lium, quos suos [Nostros] dicit lib. de Don. Perseuer.



c. 20. appellat, conatus est eam emollire, & suauibus modis suadere, reiectis asperis, & acerbis, nequis scandalum pateretur. Legat Noris cap. 22. 23. 24. eiusdem libri de Don. perseuer. Affero verba palmaria cap. 22. *Quæ tamen non ita populis prædicanda est, ut apud imperitam, vel tardioris intelligentiæ multitudinem redargui quodammodo ipsa sua prædicatione videatur.* Proponit autem modos asperiores, quibus indurari poterat, & opponit modos suauiores, quibus debebat emolli-ri. Fatur ergo suæ difficultatem sententiæ, & queritur de modis, quibus ea derius prædicabatur, ab alijs. An id circo improbabat doctrinam? Minimè quidem, sed modum in querelam vocabat. Ita & Hilarius retinere potuit doctrinam, & modum publicandi in querelam trahere. Alloquin etiam Augustinus fatendo difficultatem, & querendo de modo durius eam prædicandi, ex illa querimonia in errorem traheretur. Certè si sola querela de modo tradendi sufficit ad probandum errorem in Hilario, sufficit etiam ad imputandum errorem Augustino: dum agnoscit posse prædicari Prædestinationem modo duriore, quem ipse in querelam trahit. Premo rursus Norim. Augustinus istos querulos, suos, idest Catholicos, appellat. Igitur non putat esse propterea Semipelagianos. Audiamus eum c. 20. de Don. perseuer. *Quid est quod inuicta conclusi violentia veritatis rectè se isti nostri dicere existimant, & si verum est quod dicitur de Prædestinatione beneficiorum Dei, non est tamen populis prædicandum.* Viden ut illos nostros appellet intra veritatem conclusos, conuictosque, querentes tamen de prædicatione eiusdem veritatis. Intra Fidem ergo erat querela, & intra

hos



hos querulos erat Hilarius. Igitur non Semipelagianus, sed Catholicus, & Augustinianus. Manet igitur querelam cum doctrinae assensu consistere, quemadmodum stabat cum sana doctrina durior, & asperior ratio exponendi. Hæc igitur excludebatur, illa retinebatur. Id circò Augustinus ijs in locis conabatur emollire duritiem verborum, ut querelas auferret, quæ in verbis versabantur. Seuerius imò, & acerbius quàm oportuit cum Hilario se gessit Noris, cum solam querelam in errorem traxit. Alijs opus erat argumentis ad tantum Episcopum damnandum. Perinde est de querela, ac de nihilo damnare Hilarium. Atque hic utar ratione Noris contra Norim, quod mihi semper bellè cadit. Nullum ex ijs indicijs Semipelagiani erroris, quæ ad illum alijs tribuendum Noris afferre solet, apparet in Hilario. Igitur notæ eximendus est. Duo sunt apud Norim lib. 2. Hist. Pelag. c. 16. quæ producit, ut conuincat Gennadium. Laus Semipelagianorum, & Vituperatio Augustini, & discipulorum. Quare de Gennadio; *Vnde*, inquit, ex Semipelagianorum laude, ac Prosperi reprehensione iusse Semipelagianum nullus iure inficias ibit. Nominat autem initio capitis Pelagium, quem laudauerat Gennadius, & Augustinum, quem vituperauerat. Et rursus narrat eundem Gennadium Augustino detraxisse. Vbi, ubi sunt ista in Hilario indicia? nusquam. Nulla prorsus extant. Cur Semipelagianismi insimulatur? Quo iure de Hilario Noris lib. 2. c. 13. *fuit*, inquit, Hilarius, ut ait Prosper, unus eorum, qui Sancti Augustini sententiâ de gratuita Prædestinatione ad

*fidem*



*idem acriter impugnantur* ! ubi? quando? quibus in scriptis? hoc est enim tertium indicium, verius argumentum ad probandam Semipelagianam alicuius hæresim, nimirum ut in libris eius qui damnatur appareat. Qua ratione Noris negat Gennadium damnari posse Semipelagianismi ex scriptis in libro de Ecclesi. dogmat. quia ibi nihil continetur quod sapiat eum errorem, & in alijs nonnullis liberandis utitur eo argumento quod aut nihil scripserint, aut si qua scripserunt in ijs nihil suspectum reperiatur. Igitur cum paucissima scripserit Hilarius, & quæ scripsit nihil in ijs extet quod sapiat Semipelagianismum, nullo poterit iure damnari. Hæc auctore ipsomet P. Noris argumenta pro innocentia Hilarij profero. Sunt alia sumpta ex eo quod ille insignis Pelagianæ hæreseos hostis fuit, imo & Semipelagianæ; nam & ob illam delendam in Gallicana Synodo cum alijs Episcopis Legatos destinavit germanum Episcopum Antisiodorenses, & Lupum Trecentensem in Angliam: ob istam profligandam cum Prospero Romam ad Cælestinum Papam se contulis, quemadmodum scribit magnus auctor Baronius, Spondanus, & Binius. Tandem pro Hilario inuictè argumentor contra Norim. Ille in eo loco Epistolæ Prosperi, ubi dicitur queri de Augustini sententia, traditur non affirmasse errorem, nec Augustino contradixisse, sed solum eundem de eo consulere voluisse. Suspendit ergo prudenter iudicium, dum sensum suum, ut ait Prosper, per litteras cum Augustino conferebat. Igitur non erravit dissentiendo. Quo ergo iure accusatur? Cum eo se maxime Augustini discipulum esse monstraret, qui in multis, & magnis, quæ oriebantur, nec satis patebant, quæstionibus, iudi-

cium



cium continere solebat suum, ne temere quidquam  
definiret, proptereaque à graui, & docto Viro. Mal-  
donato appellatur *homo mihi & prudentia in sustinendo iudicio.*  
Errare certè non potuit, me authore. Hilarius cum  
Augustinum imitabatur iudicium, sustinendo. Desinat  
ergo insectari Noris Hilarium, ne insectando filium  
Patrem quoque improbare videatur. Deleat quæso  
notam Semipelagianæ fuliginis inultam Hilario. Dis-  
siungat eum à Cassiano, & Fausto quibus adiungit.  
Pudeat illius dicti lib. 2. de Hist. Pelag. c. 14. quod  
mihi horrorem affert: *Hilarius Arelatensis Semipelagianorum*  
*in Gallijs Coryphæus fuit.* Vertat hoc ad Cassianum. Vertat  
ad Faustum. In Hilarium illud quadrare non potest.  
Cedo mihi, quæso. P. Noris scriptorem aliquem bo-  
num, malum qui Hilarium Arelatensem Semipelagia-  
nismi appelleret: ego nullum hactenus potui inueni-  
re. Scio eum propter arrogantiam & fastum à Leone  
Magno Pontifice reprehensum, à quo tamen vitio ip-  
se postea resipuit: sed hæresos insinulatum fuisse  
se nunquam vel legi, vel audiui. Non sunt  
tanti doctoris, & Antistitis Sanctissimi  
Manes hac turpitudine inqui-  
nandi. Non patiar equi-  
dem, me viuo, cla-  
rissimum post  
illum al-  
re-  
rum magnum Hilarium Galliæ  
lumen Semipelagiana in-  
fusa caligine ob-  
scurari.



## Caput X VII.

Excusationem Semipelagianismi excogitata à P. Nori ad liberandos à nota Vincentium, & Hilarium ineptam, & inanem esse. Non potuisse cum errore sanctitatem, nec apotheosim consistere.

Numerantur in Pelagianis illi, de quibus Prosper agit Semipelaziani. Eiusmodi si erant Vincentius, & Hilarius coli eos nō possi: quod ex Augustinus probatur.

Imo ex alio loco Noris euincitur non potuisse eos errantes, nisi correcti fuissent.

sanctis ad scribi. Itaque auctore P.

Nori, velij sunt de Cata logo

Semipelagianorū delendi,

vel ex albo sanctorum

expungendi.

**C**onscienti a stimulatus Noris, vti est pius, & religiosus vir, non potuit non uidere iniuriam à se fieri, & Hilario, & Vincentio hac impostura Semipelagianismi. Conatur igitur deponere conscientiam excogitata ratione ad utrumque liberandum. Equidem fateor iuste commotum, non enim scrupulo caret infamare homines opinione sanctitatis claros, & sanctorum Fastis adscriptos. Quæsiuit ergo modum quo eorum famæ, & publicæ religioni confuleret. Ait c. 11. nullam à se importari iniuriam siue eruditioni, siue virtuti Vincentii Lirinensis: de eo quippe agit, dum eum Semipelagianum facit, nec enim isti erant id temporis hæretici, sed uiri doctissimi, ac sanctissimi, quos S. Augustinus fratres ac dilectores sui, Prosper uero licet alias eorum hostis, sanctos honoribus, & meritis claros, & egregios in omnium virtutum studio viros honoris causa appellabant: quam excusationem saepe adhibet. Nominat au-

tem



tem inter eos Hilarium Arelatensem, Ioannem Cassianum, & Faustum Reicensem: quos ut Sanctos in Gallia coli affirmat. Adducit rationem, quia tunc fas erat recedere ab Augustino in controuersia de Prædestinatione ad Fidem, ac ea de re in vtranque partem disputare, dum Canones Synodi Arausicanæ conditi non erant. Satis esse tunc refellere Pelagium, quem Cassianus, & Faustus, & Gennadius, Vincentius, & Hilarius refutabant: & prolato Vasquij summi Theologi testimonio eo se munit, & concludit paucissimos tunc Augustini sectatores fuisse, & pungit illos, qui secum expostulabant, quod Vincentio eam notam inuississet, quasi grandi se piaculo eam inurendo obstrinxisset, cum eo tempore liceret cum Malsiliensibus Semipelagianis sentire, qui viri essent supra ceteros in Gallis doctissimi, ac sanctissimi. Ita se purgat Noris dum turpat alios, neque obiter inter illos pungit: qui cum eo non semel expostulauit.

Verum pace P. Noris hæc ratio excusandi, & suspecta est, & minime cum doctrina ipsiusmet P. Noris coheret. Hoc proximum primum demonstro. Legat qui volet quæ aduersus Cassianum disputat in Appendice c. 2. & contra Faustum c. 3. & in Gennadium c. 4. ubi impugnat Sirmondum, & alios quosdam auctores Societatis Iesu eos tres ab hæresi Semipelagiana vindicantes, & comperiet diuersum à semetipso abire Norim. Nam studio refellendi illos auctores, qui excusabant Cassianum, Faustum, & Gennadium nullum iis effugium permittit minus memor eorum, quæ dixerat loco à nobis adducto lib. 2. de Hist

Q

Pelag.



Pelag. c. 11. adeo ut ne patiat quidem dictum Patris  
 Arriagæ eorum invincibilem ignorantiam excusantis :  
 quo certe nomine non ineptè poterant ab erroris nota  
 vindicari. Nullam prorsus mentionem fecit earum ,  
 quas prius attulerat , & nos protulimus rationum li-  
 berandi eosdem , quos non vult iure à Iesuitis Patri-  
 bus liberari . Paret igitur sibi non cohærere, quod erat  
 proximum . Venio ad alterum . Si ea Noris sententia  
 vera est , magnum ostium aperitur ad effugium om-  
 nium Hæreticorum : possunt quippe suas hæreses ob-  
 tegere specie ignorantiae propriae , & coniuventiae  
 alienae , ac virtutis simulatae . Semper mihi arma præ-  
 bet Noris quibus aduersus eundem pugnem . Vertam  
 in eum quod ille iacit in Sirmondum telum . Cap. 3.  
 Appendicis paulo ante finem pag. 186. *Cauendum inquit ,  
 ne una cum Fausto pessimi etiam Hæretici excusentur .* Traho in  
 rem meam . Cauendum ne cum Semipelagianis Semia-  
 riani quoque , & alij similes excusentur . Quod autem  
 ait Semipelagianos magnos homines fuisse , refuto cum  
 Augustino *Non fecerunt hæreses nisi magni homines .* At fue-  
 runt doctissimi , certè nihil ijs Ariani concesserunt . Ar-  
 guit à multitudine . Multò plures Ariani fuerunt . Ve-  
 rum non fuerunt , quando sic placet Nori appellari ,  
 sanctissimi . Nego Semipelagianos sanctissimos fuis-  
 se . Nam quibus deerat vera fides , & nulla inerat gra-  
 tia , sancti esse non poterant , ne dum sanctissimi . Rur-  
 sum insurgit Noris *Sancti* appellantur à Prospero . Fa-  
 teor . Vocabulum *Sancti* ea tempestate commune erat ,  
 & officiosum . Passim in Ecclesiasticis Epistolis , ac im-  
 primis Augustini occurrunt exempla , à quo item me-  
 mini Pelagium *Sanctum* appellari . Quem saepe ac mul-  
 tum commendat : quamquàm postea doluit commen-

dalse



dasse lib. 2. retract. c. 33. Sed ut aliquando fuerint obinuincibilem [ ut Theologice dicam ] ignorantiam inculpati, sanctos enim horreo dicere, atque eo nomine excusentur, ijde incertè auctore Nori mortuo Augustino, eiusque doctrina à Cælestino approbata excusari non possunt. Audiamus Norim mihi contra se fauentem illo cap. 5. lib. 2. de Hist. Pelag. Mortuo, inquit, Augustino, eiusque libris à Cælestino approbatis cum videret Prosper adhuc Cassianum, Hilarium, aliosque pertinaciter sancto Doctore refragari seuerioribus dictis eosdem excepit: nam Calumniatores, Lupos occultos, Hypocrytes illos ignominia causa appellauit in opere contra Collatorem. Ita ne verò mi Noris hosce tu mihi proponis adorandos in altaribus? sumus ne in Ægypto, vbi adorabantur Lupi cum Anubi, & Api? Te auctorem appello. Minus dixit Pastor Mantuanus

Liquidis immisi fontibus Apros

Dicere debuit

Sanctis immisi altaribus Apros.

Siue;

Quin Sancta Lupis altaria turpo.

Misce ima summis dum Semipelagianos in Cælo ponis. Superis sic Tartara misce.

Quos nominas Cassianus, Faustus, Hilarius, Vincentius ij te auctore post Augustinum, & Cælestini literas pertinaciter refragati sunt sancto doctore, & Calumniatores, & Lupi, & Hypocritæ extiterunt: igitur sancti esse non potuerunt. Istos ego lupos non altaribus adigam, sed abigam. Tange tu horum Aras, ego frangam. Aut ij expungendi sunt ex albo Semipelagianorum, aut delendi de libro sanctorum. Coniungi nequeunt in Ara cum Augustino aduersarij Augusti-

Q 2 ni.



ni. AEquius esset dicere respuisse illos, & damnatis erroribus in Sanctorum Fastos relatos fuisse: quemadmodum de Fausto scribit Trithemius, quem secutus Ludovicus ab Angelis Augustinianus Lusitanus Doctor insignis Conimbricensis in vita Augustini c. 15. qua demum ratione eum Aris restituum cum sua Ecclesia, quæ eum colit. Verum Noris non vult illum correctum, sed errantem in Altari collocari, vti scribit c. 16. lib. 2. Hist. Pelag. Ego id Adynaton puto. Non adorabo errantem. Aut non errantem vnquam, aut correctum aliquando adorabo. Quare qui sanctos asserunt Cassianum, & Faustum conantur eos ab hæresi vindicare: qualis est Cuius annotat. in Cassianum. Giesnais in suo Sancto Cassiano illustrato. Mariana lib. de morte, & immortalit. c. 6. qui liberant Cassianum. Driedo tract. 2. de captu, & Redempt. generis humani. cap. 2. p. 4. Sirmondus in Hist. Prædest. c. 3. & Cellotius in Hist. Goteschalci, qui Faustum vendicant. Imo. Doctissimi Theologi, & merito non patiuntur vllam notam. Chrysostomo affigi propter eximiam viri sanctitatem, & doctrinam; ac eorum multi in P. Gabrielem Vasquez acriter inuehuntur, quod ei illam opinionem attribuat. 1. p. disp. 89. c. 2. & 3. & disp. 91. c. 9. & 10. qui tamen Chrysostomum iuste excusat, eo nomine quod Augustinum, & Celestinum antecesserit. Quid? quod ipsi net Pelagiani sensere Semipelagianum dogma non posse cum sana doctrina & vitæ sanctitate consistere. Qui ergo, malum, P. Noris vtraque connectit; ceu possint sibi coherere. Cum præsertim nihil distinguat inter molles quosdam, & alios duos Semipelagianos, quemadmodum fabriliter distinguit Vasquez 1. p. disp. 89. c. 5. & disp. 91. c. 5. & 11. & nos in mente Innocentii, & Scri-



nio Augustini, & sæpe alibi secundum Augustinum.  
 lib: de Prædest. Sanct. c. 1. sed confusè procedat, &  
 inuoluat errorem de initio fidei ex natura, qui omni-  
 no est capitalis, & Pelagianus, quem ibi tantopere de-  
 testatur Augustinus dolens in eo se aliquando, cum  
 minus esset doctus, fuisse. Qui error ad Pelagianam  
 hæresim pertinet. *Non receditur*, inquit, Augustinus c.  
 1. ab ea sententia, quam Pelagius ipse in Episcopali iudicio dam-  
 nare compulsus est. Certe hi Semipelagiani Pelagianis  
 annumerandi: nec eo nomine excusari possunt. quòd  
 à Pelagianismo distabant, quemadmodum existimat  
 Noris. Vador hunc ad tribunal Augustini, meque  
 ibi pariter cum illo litigaturus sisto. Stemus Augu-  
 stini sententia. Audiamus eum lib. de Prædest. sanct.  
 c. 1. loquentem de his Semipelagianis, qui initium  
 fidei in natura ponebant, quos proxime duos di-  
 xi, quales vult Noris fuisse Calsianum, Faustum,  
 & Hilarium. *Ipsam igitur initium fidei nostræ ex quo nisi  
 ex ipso est? Quis autem dicat eum, qui iam cepit credere. ab illo  
 in quem credidit nihil mereri? Vade sit ut si iam merenti cetera  
 dicantur addi retributione diuina, ac per hoc gratiam Dei  
 secundum merita nostra dari. Quod obiectum sibi Pelagius,  
 ne damnaretur ipse damnauit. Quisquis igitur hanc damna-  
 bilem vult ex omni parte vitare sententiam vixit in intel-  
 ligat.* Ecce error de initio fidei Semipelagianorum  
 proprius item Pelagianorum erat. Quid quæ-  
 ris? c. 3. cum errorem suum pristinum fatetur, &  
 appellat suum eundem c. 9. Pelagianum appellat. Præ-  
 terea c. 11. adducens verba Semipelagianorum re-  
 lata ab Hilario in sua Epistola. *Cum dicitur si cre-  
 didis saluus eris: vnum horum exigitur: alterum*

offer-



offertur, quod exigitur in hominis: quod offertur in Dei est pote-  
 state. Respondet, cur non utrunque in Dei est, & quod iubetur,  
 & quod offertur? & intra. Absit ut hoc placeat participibus &  
 defensoribus gratiæ. Pelagianorum est error iste damnabilis?  
 Quid manifestius? Rursum c. 14. digrediens hinc ad  
 alios errores Semipelagianorum cum isto connexos:  
 contra nouum se Pelagianorum errorem pugnare ait. Et in-  
 frà in rem nostram distinguens inter Semipelagianos  
 molles, & duros, & secernens aliquos, qui damnabant  
 errores Pelagianos, ut suā defenderent opinionem ait:  
 Non debent fratres nostri qui nobiscum pro Catholica Fide perni-  
 ciam Pelagiani erroris impugnant huic Pelagianæ in tantum  
 fauere opinioni, Hic distinguit molles Semipelagianos,  
 qui fortè poterant excusari, quia initium fidei non po-  
 nebant in natura, sed tantum minimum quid meriti per  
 modum congruitatis præexigebant in homine, non  
 tamen eos omnino excusat, quòd fauerent opinioni Pe-  
 lagianæ. Semper autem culpat Augustinus alios duros  
 Semipelagianos, qui & facultatem petendi, & oran-  
 di, & initialem fidem in natura collocabant. Huc  
 pertinet doctrina libri de Prædestinatione Sanctorum,  
 & de Dono perseverantiæ, quod Donum etiam Semi-  
 pelagiani subtiliter auferebant, & alijs suis erroribus  
 adiungebant. Hunc autem errorem Pelagianis adnu-  
 merat Augustinus expressis verbis c. 12. & 15. Breui  
 dico: quoquo modo ponatur initium gratiæ in natu-  
 ra, id placitum Pelagianum esse duobus in ijs libris  
 Augustinus, & censet, & probat. Nouit iampridem  
 P. Noris omnia me intima, & abdita Augustini sensa  
 perpetuo, & indefesso studio accedente beneficio lon-  
 gæ, quæ mihi contigit, ætatis penetrasse. Prouocat  
 tamen ad Prosperum Noris. Ego vero, & hunc ap-  
 pello:



pello. Is quippe initio Epistolæ suæ ita scribit. *Ne tam claris, tamque egregijs in omnium virtutum studio viris spiritus Pelagianæ iniquitatis illudat. Et iterum circa finem: Unde quia in istis Pelagianæ impietatis non mediocris virulentia fibra nutritur. A me stat Prosper: nec dubium, quin Augustino consentiat. Decedat igitur à sua sententia Noris, noritque Semipelagianos cum Pelagio, & hostibus gratiæ non cum Augustino, & discipulis habitare: atque adeo Aris excludi, quibus ijs omnino est propter societatem, & consortium hæreseos interdictum.*

*Procul o, Procul este profani*

*Conclamat Prosper, totoque absistite Cælo.*

Sed quid exclamo? Quid cum P. Nori viro flexibili, & cereo expostulo. Ille ipse in sua sententia nutat, & ad meam declinat in Vindicijs Augustinianis cap. 8. p. 212. *Non video, inquit, quæ ratione Faustus Reiorum, Vincentius Lirinensis, Hilarius Arelatensis Episcopus si in sententia perstiterit, ac alij Galliarum Episcopi ab hæresi excusari possint, atque inter Dinosa erectis Aris connumerari.* Loquor ne ego an Noris? perinde est. Gratulor mihi quòd Norim consentientem mihi tum de errore Semipelagiano eos ab Aris excludente, tum de correctione, & resipiscentia necessaria ad cultum recipiendum inuenerim. Quomodo secum cohæreat ipse viderit, ego mecum tandem video cohæsisse.

Ac ne quis nobis obijciat, quam proximè significauimus aduersus Hilarium Leonis reprehensionem afferre oportet grauissimum Cardinalis Bellarmini iudicium libro de scriptoribus Ecclesiæ. *In Episcopatu ob nimiam superbiam reprehenditur à S. Leone Papa in Epistola ad Episcopos per Viennensem prouinciā constitutos. Postea tamen resipuit, & multis virtutibus clarus sancto se re quieuit.* Quemad-

modum



modum Romanum Martyrologium testatur, quod est  
 irrefragabile testimonium. Hoc planè confirmant illius  
 acta in vita ab Honorato Episcopo Massiliensi scripta.  
 Ei Gennadius acer, & vehemens librorum, & morum  
 censor rillustre charitatis, & pietatis, imo & humilitatis,  
 vt omnem notam superbiæ deleteret, testimonium de-  
 dit. Coronidem imponant Baronius tantus auctor tum  
 in Martyrologio, tum in Annalibus, & Spondanus ad  
 annum 446. n. 6. vbi cum de illo factu, & nimia am-  
 bitione commemorasset sic ait. Idem tamen posthac cedens,  
 & rescribit auctor vitæ eius missis legationibus totum se ad pla-  
 candum animum sancti Leonis inclinata humilitate conuertens eo  
 peruenit sanctitatis, vt ore omnium meruerit commendari; quem  
 quidem, vt omittamus quæ de laboribus eius aduersus Pelagianam  
 hæresim dicta sunt superius, S. Eusebius in præclara ad illum scri-  
 pta lucubratione, & S. Prosper in Chronico, Constantius item in vi-  
 ta S. Germani Antisiodorensis, Gennadius in libro de Scriptori-  
 bus Ecclesiasticis, ac demum ipsæ tabulæ Ecclesiasticæ, in quas  
 nomen eius anniuersaria memoria celebrandum relatum  
 est, laudibus extulerunt ob egregias ipsius virtu-  
 zes, & spectatissimam morum sanctitudinem.  
 Et infra. Haud de illo excidat quod  
 Gennadius tradit, adeo pauper-  
 tatis amatorem, & erga  
 inopum prouisionem  
 non solum mentis  
 pietate, sed  
 & cor-  
 poris sui labore sollicitum fuisse, vt pro reficien-  
 dis pauperibus etiam rusticationem  
 contra vires suæ homo gene-  
 re clarus exer-  
 ceret.



## Caput XVIII.

*M*nachi *L*irinenſes immerito *S*emipelagiani erroris appellantur. *A*b eo prorsus liberi fuiſſe monſtrantur; plerisque tum teſtimonijs, tum indijs, tum argumentis. *V*nus *F*auſtus errauit. *V*na *H*irundo. *A*dum fuit *L*irinae heresiſ, non prodidit, nec corrupit quemquam: imo nec potuit corrumpere. *C*onſectura *N*oris ſumpta ex *L*ibris *C*aſſiani, & dedicatis, & lectis eliduntur. *D*iſcipuli *A*uguſtini exiſtimandi. *I*nſignes eius *M*onaſterij incolae recensentur, & commendantur. *A*c ipſius *M*onaſterij praconia in eius laudem concepta & ſcripta producuntur: iſs *C*olophon opusculo imponitur.

**S**I mallem cum *T*ullio, quam cum *A*uguſtino latine loqui: *F*atalem hoſtem *L*irinenſium *M*onachorum *N*orim dicerem. *V*bique eos *S*emipelagianos facit, *A*uguſtini aduerſarios fingit, *C*aſſiani *D*iſcipulos appellat, & *F*auſti *C*oncellitas, vel *S*incellitas, ac inter ſe de *S*emipelagianismo conſentientes inducit. *P*erſuaſum omnino ſibi habet, & nobis vult perſuadere illud venerabile *C*anobium *S*eminarium *S*emipelagianorum fuiſſe. *I*d expreſſum inuenies *L*ector multis in locis lib. 2. *H*iſtoriae *P*elagianae. *A*liquos notabo, vt fidem tibi faciam c. 2. in titulo. *L*irinenſes *M*onachi *C*aſſiano contra *S*anctum. *A*uguſtino adherent. c. 10. pag. 238. loquens de *P*roſpero conſutante *C*aſſianum: *I*n praefatione, inquit, *S*emipelagianos *L*erinenſes, & *M*aſſilienſes *M*onachos *C*aſſiani deſcribit. c. 11. pag. 246. *C*um aliunde nobis ſatis probatum ſit *L*erinenſes a *S*. *A*uguſtino de praedeſtinatione ad fidem receſſiſſe. *E*t ibidem proximè. *P*alam faciem

R

lunc



hunc Vincentium cum Hilario Arelitensi, Fausto Abbate, alijsque  
 syncellitis Lerinensibus contra S. Augustini de Prædestinatione  
 sententiam conspirasse. c. 13. pag. 268. Iam ab anno 426. ex  
 Cassiani Libris Lerinenses prauis de Diuina gratia opinionibus in  
 sectos accepimus. c. 15. pag. 276. Faustus veteri suorum Con  
 cellitarum Lerinensium, ac Cassiani Magistri opinioni inherens,  
 Augustini sententiam de efficaci electorum Prædestinatione impu  
 gnauit. & infra pag. 277. Præterea Faustus totus in eo est, vt  
 suorum Lerinensium opiniones recoquat. Hæc sint satis. Ve  
 rum quid hoc homine faciemus! qui Semipelagianos  
 non modo non deprimat, sed effert, & extollit: atque  
 ad declinandam, vt ait, inuidiam Sanctis appellat, ac  
 multis ornamentis afficit c. 10. & saepe alibi: vt opta  
 bile videatur reddere id quod erat exitiabile, de quo  
 superius nos multa in rem diximus. Verum vt ei hanc  
 excusandi viam præcludamus, animaduertimus eos  
 etiam illo inuito errasse, cum Prosper eos *Lupos* ap  
 pellarit. Præterea si illi Monachi Semipelagiani ex  
 titerunt, non diu innocentes fuerunt ipso etiam No  
 ris Auctore: Nam cum ij ex Cassiano didicerint, &  
 hic suas Collationes scripserit anno 426. quemadmo  
 dum tradit Noris lib. 2. c. 5. siue vt mauult Iansenius  
 & Vossius anno 429. vel anno 430. & Cælestinus epi  
 stolam pro Augustino Apologeticam anno 432. vel  
 teste Noris l. 2. c. 10. ediderit eorū innocentia intra septen  
 nium stetit. Nam post euulgatas Cælestini litteras ex  
 cusari non possunt: ita discurrente eodem Patre, No  
 ris in Vindicijs Augustinianis c. 8. pag. 312. his ver  
 bis, *Quam igitur excusationem concinnabimus pro Hi  
 lario, pro Fausto, pro Vincentio, pro reliquis Gallis præ  
 julibus, qui ante Arausicanam synodum, Massiliensium  
 opiniones mordicus sustinebant? An isti forte Cælestini litte*



ras prorsus ignorasse dicentur? At illæ litteræ datæ  
 erant ad Episcopos, non Macedonia, aut Bithyniæ,  
 sed ad Episcopos Gallie. Scio Norim hæc dicere im-  
 pugnando eorum sententiam, qui capita illa anne-  
 xa Epistolæ Cælestini eius esse existimant, ac  
 proinde non loqui de litteris germanis Cælestini,  
 quas illis capitibus carere affirmat, quare à me perpe-  
 ram adduci in testimonium hæresis Semipelagianæ.  
 Verum idcirco eum laudavi, quia illa capita vulgo ef-  
 se Cælestini creduntur; & quia Noris alio in loco, idest  
 c. 5. Libri 2. Hist. Pelag. existimat cum Prospero fa-  
 tis fuisse illas litteras Cælestini ad condemnandos Se-  
 mipelagianos: vel igitur Noris tunc putabat capitula  
 in ijs contineri: vel satis eas per se sine capitulis esse  
 ad damnationem erroris Semipelagiani. Audiamus  
 Norim pag. 191. *Mortuo autem Augustino, eiusque libris à*  
*Cælestino approbatis, cum videret Prosper adhuc Cassianum, Hi-*  
*larium, aliosque pertinaciter sancto Doctore refragari seueriori-*  
*bus dictis eosdem excepit. Nam calumniatores, Lupos, occultos*  
*Hypocritas ignominie causa appellavit. Vt cumque sit Aucto-*  
*re P. Noris Lirinenses post litteras Cælestini, si Semi-*  
*pelagiani extiterunt, & Cassiano consenserunt, Ca-*  
*lumniatores, Lupi, Hypocritæ deueniunt. Primum*  
*cum affirmet Noris, necesse est & alterum affirmare.*  
*Miseros Lirinenses, si tam cito à sua illa felicitate ce-*  
*ciderunt? quibus vero suam sententiam de illorum er-*  
*rore probet Noris oportet videre. Nam & multa, &*  
*idonea esse debuerunt ad illum errorem ijs attribuen-*  
*dum. Id vero ille nullo alio argumento astruit, quàm*  
*quod Cassianus libros partim eorum rogatu compo-*  
*suit, partim ijs dedicavit & compositos ad illos misit;*  
*quod quam fluxum sit & futile ecquis non videt? An*



perinde est rogare quemquam ut scribat, ac assentiri  
 scribenti? & in eodem numero ponendus ille, cui  
 opus dedicatur, quo ille, qui dedicat? Num lege-  
 re libros alienos, est alienam doctrinam probare?  
 Nisi forte Noris putet librum Cassiani Pestilentiae in-  
 star esse, quæ tangentem infecit, aut Pandora Pyxi-  
 dem, quæ aperta, mala seminauit. Tutior erat &  
 firmior in Fide Honoratus quam ut oblato sibi  
 Cassiani opere nutaret. Purior, quam ut ro-  
 gando Cassianum ut scriberet, eius scriptis tur-  
 paretur. An ille nouerat Cassianum praua scriptu-  
 rum? Erat magnus Vir Cassianus, multa recta scrip-  
 sit: ea optabat Eucherius, de alijs non cogitabat.  
 Iam verò qui Monachi eius opera legebant eorum  
 nonnulli simpliciores venenum non nouerant; alijs  
 etsi nouerant, ab illo abstinebant. An quod Apes  
 incidunt in Pratum, ubi sunt herbae noxiae, & vi-  
 rulentæ, non eas à floribus secernunt, & his sele-  
 ctis illas prætereunt, & fugiunt? Propono aptum  
 & domesticum exemplum. Pater Iacobus Monte-  
 rius Vir Sanctissimus Nouitiorum in Societate Ie-  
 su multos annos Magister: utebatur Cassiano, ac  
 in eius lectione erat exercitissimus, me sub eo felici-  
 ter merente, quo nomine soleo gloriari: sæpe No-  
 uitijs Cassiani Collationes exponebat, ac ex ijs ido-  
 neam, & utilem doctrinam eliciens, ad omnium  
 virtutum exempla formabat: & quod erat insigni-  
 ter pius, & egregie doctus, præteribat ea quæ su-  
 specta erant, & nocere poterant, & interdum ani-  
 maduertebat nonnulla in eo esse à recto fidei sensu  
 aliena. Memini me multum ijs documentis profi-

cere,



cere, nec dubito quin & alij proficerent sine ullo periculo errandi. Equidem de illo affirmare possum, ac debeo excellentem eo in munere extitisse, & singularem doctrinam, vitæ sanctimonia coniunxisse illius egregium de specimen dedit in nonnullis de ratione meditandi Diuina, quæ præclara edidit opusculis scripta autem plura extant summorum Virorum, qui eum agnouerunt testimonia, inter quos ego minimus iudico eum dignum esse, qui sacris fastis inseratur. Seruo adhuc multa ex ijs, quæ ab illo accepi documenta virtutis, & illius, quæ apud me perpetua viuit, memoriam in parte gloriæ pono. Potuerunt igitur illi Abbates, & Monachi Viri prudentissimi, & Sanctissimi, Cassiani scripta, & piæ, & tunc, imo & vtiliter legere citra periculum, atque adeo sine suspitione erroris, in quam non debuit eos Noris vocare, sine magnis, & iustis rationibus; sumpsit sibi quod probandum erat, videlicet illam Cassiani lectionem nocuisse. De hoc quæritur, vtrum nocuerit? Qui affirmat? negandum potius erat; nec temerè de hominibus pijs, & Deo deditis suspicandum. Quid? quod multi fortasse Cassiani opera non legerunt. Quod si legerunt, legerunt etiam Augustini, in quibus erat antidotum contra illud venenum. Debit ne venenum antidoto esse præsentius? Pluris ego facio Augustinum, quam vt ei timendum à Cassiano existimem. Prope erat Prosper qui refutaret. At non legebant Prosperum, & solum Cassianum legebant. Incassum affirmet, qui Faustum audiebant auscultare Prosperum poterant. Non multum interest inter

Fau-



Faustum, & Prosperum, nisi quod Faustus infustus, Prosper felix euasit, quod Augustinianus erat. A quo Faustus hic Semipelagianus post illum Manichæum alienus.

Verum enim verò duo sunt argumenta idonea, quæ confirmant innocentiam Monachorum. Vnum quod nulla huius instituti hominum fiat mentio à Prospero, & Hilario in suis litteris, vel teste Nori, qui vult Semipelagianos fuisse clarissimos, idque Prosper significat, cum dicit meritis, & honoribus claros. Et Hilarius, Sunt ex parte tales personæ, ut his consuetudine Ecclesiastica laicos summam reuerentiam necesse sit exhibere. Alterum Prosperum disertè dicere initio Epistolæ eos Semipelagianos in Mafsiliensi Vrbe consistere. Multi, inquit, seruorum Christi, qui in Mafsiliensi Vrbe consistunt. Mafsilienses igitur erant, non Lirinenses Semipelagiani, uti vulgò Theologi scribunt, Cur ergo Lirinenses infamantur? Adijcio contra Norim: huiusmodi Monachos nihil scripsisse contra doctrinam Augustini: vbi autem scripta nulla sunt, nullum extat argumentum erroris: quo indicio ipsemet Noris, & quidem iure, defendit Lupum Trecentem ab errore Semipelagiano.

Tam procul ablum ab opinatione Noris, ut existimem nullum præter Faustum Lirinensium Monachorum Semipelagianum fuisse. Equidem diligenter inspecta, & accuratè examinata serie Abbatum Lirinensium, vnum inuenio Faustum compertum illius erroris: quem ideo haud illepidè Barralius *Saulem inter Prophetas* appellare solet. Legat Barralium, qui volet. Ego breuiter me expedio. Honoratus Primus Abbas, fuit Sanctus, & Miraculis clarus. Maximus



Successor Honorati expers eius erroris fuit, eodemmet  
 Nori Auctore. Nazarius quem quidam Maximo suc-  
 cessisse affirmant, à nemine culpatur. Faustus, qui in-  
 dubitatus Maximi habetur Successor, hic ipse Hære-  
 ticus est. Eudo Maximi optimus Discipulus Magi-  
 strum secutus expers illius labis extitit. Ammonius  
 nihil cum ea gente commune habuit. A qua etiam  
 Ioannes, Siffredus, Vincentius alter ab illo Commo-  
 nitorij Auctore, & qui eum excepit Amandus, longis-  
 simè abfuerunt. Iam vero, qui extra hunc numerum  
 sunt Caprasius, Eucherius, Lupus, & Theodorus, Iu-  
 stus, Saluianus, Salonius, Veranius, Cæsarius, Ana-  
 tolius, Apollinaris, tam sunt ab ea contagione alie-  
 ni, vt nullum eorum, qui nonnullos expresse liberat  
 Noris, ausus ipse sit eius sectæ nomine appellare.  
 Quos autem appellat Vincentium, & Hilarium eos nos  
 duos vindicauimus. Manet itaque vnus Faustus, Saul  
 inter Prophetas. Hirundo inter Luscinias, Noctua in-  
 ter Aquilas. Eum solum illa Insula serpentem habuit,  
 vt se Paradisum probaret, quo eā nomine Eucherius  
 de laude Eremitæ affectit. Obseruo autem in Epistola Eu-  
 cherij ad Hilarium apud Barralium in qua plures Viri  
 sanctitate insignes Lirinensis Insulæ nominantur, nul-  
 lam mentionem fieri de Fausto. Ac ne in Hymno qui-  
 dem, qui appellatur Prosa in laudem B. Honorati,  
 cum penè omnes illustres illi monachi recenseantur,  
 vlla sit Fausti commemoratio. Hilarij verò sit honori-  
 fica in eo Hymno. At multo honorificentior est illa  
 expressio eius Imaginis, quæ apparet in Missali anti-  
 quo Lirinensi, vbi quatuor extant Effigies exclusæ Ar-  
 gentæ, videlicet in prima facie Sancti Honorati, S.  
 Maximi, S. Hilarij, S. Caprasij subscripto Disticho

Lirinae



Lirinæ Fratres hic vestros cernite Patres .

Isti bis bini sunt Flos, & Gemma Lirini .

In secunda visuntur aliæ quatuor, nimirum S. Mariæ, S. Ioannis, S. Cæsarii, S. Porcarii; nusquam Faustus. Ille solus extra Chorum . Ac ne quis finistram quidpiam suspicetur de Vincentio, quod inter hos minime nominetur, sciat is nomen illius exprimi ab Eucherio in epist. de laude. Eremitæ ad Hilarium. *Hæc, inquit, habuit reuerendi nominis Lupum; qui nobis illum ex Tribu Lupum retulit. Hæc habuit germanum eius Vincentium interno geminam splendore conspicuam.* Else autem hic nostrum Lirinensem Auctorem Commonitorii Noris ipse infestus illi auctor fatetur lib. 2. Hist. Pelag. c. 11. pag. 251. His ita & compertis, & demonstratis, superest mirari tam pium, & doctum Virum Augustiniani instituti, sanctissimum illud Monasterium, quod alii eiusdem Professionis scriptores Augustinianum fuisse contendunt, Semipelagiani erroris fuligine inficere voluisse. Cuius rei ut essent magna, & idonea argumenta, debuisset ille pro suo ingenio, ac conditione contraria diluere, & illud dedecus remouere. Cum autem nulla eius erroris indicia essent, nec ille vlla prodiderit, dolendum est eum tam de illis Monachis temerè [ut meo more, idest ingenuo, & libero dicam] iudicasse. Ago causam & piam, & iustam, & Augustinianam, atque adeo meam: nego quippe me quemquam esse Augustini amantiorem, & obseruantiores. Volo Monasterium S. Honorati honoratum seruare. Inhonoratum esse non patiar. Sentio cum Torello Viro eruditissimo, mihi que carissimo, ad eum accedo, à quo Noris discedit. Restituo Cænobium illud Augustino, cuius illud esse non potuit, si Semipelagianum fuit.



fuit. Potuit, si ab eorum errore expers, ut opinor monstrasse me, penitus abhorruit. Quod si illam Insulam Serpentes Semipelagiani frequentarunt, præstaret sanè inter Serpentes, qui inde sunt, cum fundatum est ab Honorato expulsi, mansisse, quam illos alios Semipelagianos multo sæuiore, ac turpiore admisisse. Agitur de mea item Religione, nam cum ego eas Insulas lustrassem, & Monasterium illud pietatis causa inuississem, & ipsa SS eiusdem, ac imprimis Vincentij coluisssem, quod de me Noris sibi referente commemorat lib. 2. c. 11. ad finem pag. 252. nisi opinionem eiusdem confutarem, supersticiosus fuisse viderer, quod reliquias Semipelagianorum, qui Pelagianorum reliquias appellari solent, coluisssem; quod à me est alienissimum, quo nullum tu acriorem sectariorum hostem inuenies: à quibus, & Patriæ ingenio, & proprio genio, causa Fidei vehementer abhorreo. Sum quippe Lusitanus, quos nulla unquam hæresis infuscauit, inter quos pura, & immaculata Religio viuit, vigetque, & si quis forte [homines quippe sumus] contra ipsam delinquere comperitur, acerbissimè plectitur. Illud certè constat, nusquam certiora, & grauiora esse supplicia constituta.

Equidem recolens, & quæ apud scriptores legi, & quæ ipsemet, cum illac transui in eo monasterio monumenta vidi, tum doctrinæ, tum morum; non possum adduci, ut credam, illud Semipelagianorum receptaculum fuisse: imò Palæstram virtutis, Lyceum Fidei, stadium sacrarum exercitationum, scholam meditationum, Paradisum cælestium deliciarum, Emporium mercium spiritualium in confinio Cæli terræque positum: Angelorum, hominumque commer-

S

cium,



cium, Insulam honoratam: ultra Fortunatas felicem,  
 extra scopulos errorum, & syrtes Haresum constitu-  
 tam. Idque mihi persuaserunt, quæ à me ibi diligenter  
 sunt indagata Doctrinæ ac sanctimonix vestigia, in  
 quæ cum inciderem, mirè afficiebar ad virtutem, &  
 ex arcanis animi mei motibus loci sanctitatem aestima-  
 bam, qui sanè vehementes tunc fuerunt, & me cum  
 illorum recordor, etiam num ad uitutem haud me-  
 diocriter accendunt. Verum afferamus aliquot eius  
 temporis Scriptorum testimonia. Est imprimis elegan-  
 tissimum, & suauissimum illud S. Eucherij, qui Mo-  
 nasterium illud Siren Cælestis incoluit, & ibi diuinitus  
 cecinit. Elogium audiamus. lib. de laude Eremitæ ad  
 Hilarium. Equidem cunctis Eremitæ locis, quæ piorum illuminan-  
 tur secessu reuerentiam debeo, præcipuo tamen Lirinam meam ho-  
 nore complector, quæ procellosis naufragijs mundi effusus pijs-  
 simis vnus receperat venientes ab illo seculi flagrantis æstu blandè intro-  
 ducit sub umbras suas, ut illic spiritum sub illa interiore Domini  
 umbra anhelaresumant. Aquis scærens, herbis virens, floribus  
 renitens, visibus, odoribusque iucunda, paradysum possidentibus se  
 exhibet, quem possidebunt. Digna, quæ Honorato auctore fun-  
 data sit, quæ tantis institutis, tantum nata sit Patrem, Aposto-  
 lici spiritus vigore, & vultus honore radiantem. Digna quæ illum  
 suspiciens, ita emitteret, digna quæ Præstantissimos alat Mona-  
 chos, & ambiendos præferat sacerdotes. Hæc nunc successorem  
 eius tenet Maximum nomine clarum, quia post ipsum meruit ad-  
 scribi. Hæc habuit reuerendi nominis Lupum, qui nobis illum ex  
 Tribu Benjamin Lupum retulit. Hæc habuit germanum eius Vin-  
 centium interno gemmam splendore perspicuam. Hæc nunc possi-  
 det Venerabilem gravitate Capresium veteribus Sanctis parem.  
 Hæc nunc habet sanctos senes illos, qui dimissis cellulis Aegyptias  
 partes Gallijs nostris intulerunt. Quos ego illic, Iesu bone, San-  
 ctorum carus conuentusquæ vidi? Pretiosa in his suavi vnguedine



alabastra flagrabant, spirabat passim odor vite interioris hominis faciem exterioris habitu præferebant, constricti charitate, humilitate deiectioni, mollissimi pietate, firmissimi in spe, incessu modesti, obedientia cisi, occursum taciti, vultu sereni, prorsus ipsa protinus contemplatione Angelicæ quietis agmen ostendunt, nihil concupiscunt, nihil desiderant, nisi eum solum, quem desiderantes concupiscunt. Dum beatam querunt vitam, beatam agunt, eamque & dum adhuc ambiunt, iam consequuntur. Itaque optant a peccatoribus segregari: iam segregati sunt. Castam possidere vitam volunt: possident. Omne in Dei laudibus tempus habere ambiunt: habent. Desiderant gaudere sanctorum caribus: gaudent. Christo frui cupiunt: spiritu fruuntur. Vitam Eremitæ adipisci gestiunt: corde adipiscuntur. Itaque per largissimam gratiam Christi multa exhibis, quæ in futurum exoptant, in presentiarum merentur. Rem porro ipsi cupiunt, dum spem sequuntur. Habent etiam in labore ipso præmium laboris, quia penè iam in opere est quod merces erit. Horum tu, mi carissime Hilari, redditus, insertusque consortio plurimum tibi, plurimum etiam illis contulisti, qui nunc pro reditu tuo alacri exultatione letantur.

Nondum Faustus Domicilium Lirinæ posuerat. Infustus Incola. Ne uerò quis existimet ab eo corruptam, & infectam insulam, animaduerto, eum uti genio suo, & suæ gentis ingenio rectum, & cautum non ausurum virus occultum prodere, ne perderet opinionem virtutis, & spem gradus, quem affectabat. Itaque post eum scripsit Cæsarius sequentia Eucherij laudibus consonantia. Benedicimus Dominum Deum nostrum, qui sanctam institutionem, & admirabilem consuetudinem habitantium in Insula Lirinensi iugiter crescere, & maiori dignatur gloria cumulo sublimare. Quæ iam penè ita virtutum meritis profecit, ut altius sublimari non posset: O Felix, & beata habitatio Insule Lirinensis, ubi tam sanctis, & tam spiritualibus lucris gloria Domini Salvatoris augetur, & tantis damnis Diaboli nequitia mi-



narratur. Beata inquam, & felix Insula Lirinenfis, quæ cum par-  
 un'æ, & plin'æ esse videatur, in terris innumerabiles tamen mon-  
 tes ad Cælum misisse cognoscitur. Hæc est, quæ eximios nutrit M-  
 nachos, & præstantissimos per omnes Ecclesias erogat Sacerdotes,  
 & quos accipit filios, reddit Patres, & quos nutrit parvulos, red-  
 dit magnos, quos velut Tyrannos excipit, Reges facit. Nam om-  
 nes quoscumque felix, & beata habitatio illa suscepit charitatis  
 pennis ad excelsa virtutum culmina Christo sublimare consuevit.  
 Cum enim paruitatem meam hæc sancta Insula velut præclara ma-  
 ter, & vnicæ, ac singularis bonorum omnium nutritrix brachijs  
 quondam pietatis exceperit, & non paruo spatio educere, vel nu-  
 trire contenderit, licet reliquos ad virtutum culmina eueherit: a-  
 me tamen, quia cordis mea duritia contradixit, omnes negligentias  
 auferre non potuit. Insignis item laus est eiusdem Insulæ  
 vox illa Sancti Antonij Cyriè patria solitudine ad il-  
 lam migrantis apud Benedictum Gononum Borgen-  
 sem Monachum Cælestium lib. 1. in eius vita ex ma-  
 gno Felice Ennodio decerpta Sanctorum igitur petamus  
 exercitum, & illam Lirinenfis Insulæ cohortem irriguam inquiramus  
 ardore. Cui concinit auctor vitæ ibidem. In hac igitur  
 nutrice Sanctorum Insula, cum præstaret meritis, tamen om-  
 nium humillimus apparebat.

Iure igitur de isto Monasterio sibi vindicando ran-  
 quam suo, contendunt duo nobilissimi ordines Sancti  
 Augustini, & Sancti Benedicti, ut in eorum Chroni-  
 cis apparet: utrisque ad se trahentibus illud insigne  
 Monasterium Lirinense, quod nisi esset Sanctorum fe-  
 minarium, sed Semipelagianorum latibulum, minimè  
 de illo sibi assumendo decertarent.

Pleraque huius Insulæ encomia per diuersos libros  
 sparsa, ceu Gemmas, siue Margaritas hinc inde colle-  
 cta [ & propè est Insula S. Margaritæ ] in vnum The-

sa-  
 u-



saurum vere dixeris coniecit Barralis initio sui pul-  
 cherrimi operis, cuius hoc est schema. *Fons sitientibus vi-  
 tam aeternam*: Acies instructa praelijs: Admirabilis consue-  
 tudo: Aluearium mellis. Ara sacrificij. Beata Insula.  
 Benedicta Terra. Consecrata habitatio. Commenda-  
 ta congregatio. Comprobata institutio. Caminus hu-  
 miliacionis, & agonis. Castra Dei. Cellulani Mona-  
 chi. Celebranda tellus, Cohors sanctorum. Deser-  
 tum Lirinense. Dulcis locus. Dulce solamen. Domus  
 Dei, decorata, dedicata. Eremus Lirinensis, Mari-  
 num Insularum. Exercitus Sanctorum. Fons gratia-  
 rum, fecunda, felix, felicior, felicissima mansio.  
 Fines Gallicani. Gloriosa Ciuitas. Habitatio iam ve-  
 nenatorum animalium vacans, inaccessa olim, horrida-  
 que, nunc Hierusalem superna. Horreum vite. Insu-  
 la Lirinensis marina, sacra, sacrata, plana, parua,  
 latans, pollens, illustris, locuples, utilis. Ignotum  
 exilium, interior umbra, & Domus, inimica aduer-  
 sario, latebra sanctorum, latibulum illuminatum,  
 mensa Christi, mons Lirinensis, mansio in Christo vi-  
 uentium, nutrix sanctorum, Navis Lirinensis, ouile  
 Dominicum, porta Caeli, palaestra Eremitidis congre-  
 gationis, Paradisus terrestris, quies piorum, religio-  
 nis exemplar, secretum opportunum, schola Christi,  
 sacer locus Deo dicatus, stadium Insularum, solitu-  
 do, sedes remota, speculum sanctimonie, sinus tran-  
 quillissimus, templum sanctum, mirabile insulanum,  
 sacrum Monasterium, Umbraculum Monachorum,  
 similis Mari, quod viuos retinet, & mortuos foras  
 rejicit, Monasterium fundatum ab illo Patre prae-  
 memorato Honorato primo Insularum, postea rectore Ec-  
 clesiarum.

Rem



Rem maximè continet Hymnus ille celeberrimus, &  
sua vetustate commendabilis, cuius inscriptio apud  
Barralium est.

Prosa in B. Honorati laudem, & aliorum  
Sanctorum Sacrae Insulae  
Lerinensis.

Lætus Chorus Lerinensis  
Agat laudibus immensis  
Festa cum tripudio.  
Martyrum & Confessorum  
Quos assumpsit Rex Cælorum  
De Lerini gremio.  
Primus fuit Honoratus  
Sanctitate decoratus  
Horum Pater Omnium.  
Qui Lirinum illustravit  
Dum Lirinense fundavit  
Sacrum Monasterium.  
Caprasius ducens vitam  
Terrenam semper oblitam  
Sanctus esse meruit.  
Maximus Præful Reicensis  
Abbas primo Lirinensis  
Miris signis claruit.  
Hilarius Vir præclarus  
Cæsarius Christo carus  
Arelati Præsules.  
In omnibus Deo grati  
Fuerunt Viri Beati  
Carnis actu exules.

Vin-



Vincentius fulsit viuens  
 Omnes hæreses conuincens  
 In Commonitorio.  
 Abbas fuit Monachorum  
 Sanctus Amandus multorum  
 Simul Lirinensium.  
 Eudo prius Vir Beatus  
 Est à Christo sublimatus  
 Ad Cæleste gaudium.  
 Ioannes qui mente pura  
 Derelicta prælatura  
 Hæsit Lirinensibus.  
 Eucherus collaudauit  
 Et Lirinum commendauit  
 In suis tractatibus.  
 Vincentius Sanctonensis  
 Lupus etiam Trecentis  
 Atque Iustus Lugdunensis  
 Fuerunt Antistites.  
 Insignem item Valerium  
 Christi seruum egregium  
 Miris signis eximium  
 Collaudant superstites.  
 Vir Siffridus Vendacensis.  
 Et Lambertus Venciensis  
 Præsules quidem immensis  
 Fullere miraculis.  
 Vir Germanus Seruus Christi  
 Mundo liberatus tristi  
 Cum palma meruit sisti  
 Christo sine maculis.



Porcarius & quingenti  
 Fratres palma cum ingenti  
 Martyres Dei fulgenti  
 Perfruuntur gloria.  
 Augustus eius consortes  
 Passione Viri fortes  
 In Cælesti Curia.  
 Martyres & Confessores  
 Quondam Lirine cultores  
 Precemur ut protectores  
 Nostri sint per omnia.

A M E N.

Esto Coronis illa Oratio posita à Barralio pag. 29.  
 quæ huiusmodi est.

Deus qui presentem Insulam Liriensem  
 martyribus, Pontificibus, Confessoribus,  
 atque Innocentibus, ut eorum patefecit  
 vita gloriosa, multitudine copiosa  
 decorasti, concede nobis eorum auxilium  
 deuotè petentibus ad supremi Regis  
 consortium peruenire. Per Christum  
 Dominum nostrum.





## Caput X X.

Pater Noris metu ne temeritatis argueretur, quod solus ex Catholicis S. Vincentium Lirinensem Semipelagianismi condemnasset, subsidium aduocauit P. Christianum Lupum eruditum virum sui instituti: nouus hic hostis Vincentio aduenit. Serum tamen, & inane auxilium tulit. Afferuntur eius verba  
 & accuratè & solidè refutantur.  
 Noris & Lupus in hac armorum societate sensibus pugnant.

**R**eligione tactus & metu pauidus P. Noris ne cum solo Vossio, quem allegauerat, videretur sentire, Socium Christianum & Catholicum succenturiari sibi curauit fidum amicum, & alterum Achatem P. Lupum: ac ne verum esset

*Lupi maxime videre priores*

Quod stuporis indicium erat, posteriorem Lupum videre Noris voluit. Itaque rogauit, & amicè, & enixè, ut sibi subsidio esse vellet, ne solus in arena necum tot auctoribus stipato pugnaret. Nec ille repugnauit, & memor illius Virgiliani Carminis, quod mirum est in homine erudito, sed amuso

*Fratrem ne desere frater*

suppetias illi properanter tulit. Nequis vero putet hanc vanam suspicionem esse, tempus, & occasio-

T

nem



nem obseruet: & veram rem esse comperiet. Igitur Lupus quarta parte Notarum in Concilia pag. 757. & 758. sic scribit: Sancti Augustini de diuina gratia ac predestinationis efficacia doctrinam Sulpitius Seuerus, Lerinensis Vincen-  
 ius, alijque olim Gallorum Clerici & Monachi oderant pessimè; adeoque infamabant, ut mali dicendi studio semetipsos apud omnem posteritatem reddiderint famosos. Apostolicam, qua doctrinam  
 sam declarant authenticam laudatus Caelestinus Epistolam non minus oderant. Verum quid? Sedis illius dogmaticum iudicium  
 impugnare, aut deuocare in dubium Gallia tunc ignorabat. Au-  
 tem illud Vincenij pro fidei Catholica antiquitate Commonita-  
 rium, ad instar Canonum Antiochenorum, est male radice non  
 malus per omnia fructus. Ostendere conatur, non Augustini, se-  
 norum dogmata esse auita, ideoque hæc, non ista per Caelestinum  
 fuisse comprobata. Epistolam, quod impugnavit non posset, ita pla-  
 cuit detorqueri. In postremo Commonitorij capite hæc exsequitur  
 verum illis adeo pauido, ut se Vincenium scribere ausus non fue-  
 rit, sed vendere quasi nescio quem Peregrinum. Hæc interim arte  
 non solum suos solari, & opumam Gallia plebem detinere, sed &  
 statum tertium Pontificem, de Pelagiani dogmatis amicitia olim  
 suspectum, tentauit ad Antecessoris sui Decretum ita interpretan-  
 dum circumferre. Et hinc tria posteriora sui contra Collatorem  
 Libri capita non aduersus Collatorem, sed aduersus hunc Peregri-  
 num omnino scripsit Sanctus Prosper; & conclusit, Confidimus  
 Domini protectione præstandum, ut quod operatus est in Innoce-  
 ntio, Zozymo, Bonifacio, Caelestino, operetur & in Sixto, & in  
 Custodia Dominicis gregis hæc sit pars gloria huius reservata Pastro-  
 ri; ut sicut illi lupos abegit manifestos, ita hic depellat occultos  
 in Apostolo, petro, dum eius fidem ab omni lapsu stabilivit Domi-  
 nus, affirmat fuisse non hunc aut illum, sed omnes omnino Roma-  
 nos Pontifices, ideoque post omnium dogmaticum & Cathedra iudi-  
 cium cæuerat damnatis nusquam norum tamen, sed solum sem-



per penitentia remedium fuisse. & fore peccatum.

Miram dei providentiam! qui consulere voluit innocentiae S. Vincentii Lirinensis! Haecenus processeram, & scribendo, & cudendo huiusmodi opusculum, cum opportunè ad manus meas pervenit, hic in domo Illustrissimi Episcopi Sebastiani Pisani, viri unde quaque clarissimi, liber P. Lupi, quem antea non videram, ex quo proximam particulam decerpsi, ut eam refutarem, necquid esset quod desideraretur in defensione Vincentii. Eam aggredior, & expendo Lupi verba, sperans me facturum ut Christianus Lupus non sit Nori Comes, nec ut ait paræmia *homo homini Deus*, sed contra: *homo homini Lupus*. Singula Lupi dicta examino. S. Augustini de divina gratia ac Prædestinationis efficacia doctrinam Sulpitius Severus, Lirinensis Vincentius, aliique olim Gallorum Clerici, & Monachi oderant pessimè. Miror in cogitantiam Lupi ortam ex odio concepto in Vincentium. Omittit Pelagianos certos, & manifestos, & nominat incertos, & nullos. Vbi Cassianus? Vbi Faustus? Vbi Gennadius? quos ipse Noris affirmat Semipelagianos fuisse? hos præterit Lupus, & nominat Sulpitium Severum leuiter, & in senectute tinctum fuligine Semipelagiana quam tamen citò abrasit, in meliorem frugem redactus, & in Fide Catholica, uti decebat Beati Martini discipulum, mortuus. Nam ut ille inter Millenarios fuerit, auctore Hieronymo, & inter Semipelagianos, auctore Gennadio, & quidem suspecto, utranque hæresim abiuravit. Vincentius verò Lirinensis ut omni suspitione careret multi ante nos, & nos post ipsos disputando effecimus. Inconsideratè igitur Lupus, imo, & malignè Cassianum, & Faustum, & Gennadium præteriiuit: & Sulpitium, & Vincentium inculcavit.



Quod addit *alii Gallorum Clerici, & Monachi oderant pessimè;* non latisfacit. nam debuerat adijcere *Episcopi* quorum aliquot ea labe infectos constat ex Epistola Prosperi ad Augustinum, quam non videtur vidisse Lupus totus inhians in Vincentium: nimirum illa Epistola non erat intra Canones, quos transilire non audet Lupus. Monachos vnde nouit Semipelagianos fuisse? De presbyteris loquuntur Prosper, & Hilarius. De Monachis tacent: sed Lupus vt includeret Vincentium Monachos nominauit, & in eo à Nori suo discessit, qui negat Vincentium eum scripsit, fuisse Monachum Lirinensem.

Pergit Lupus. *Apostolicam, quæ doctrinam istam declarauit autenticam laudatus Celestinus Epistolam non minus oderant.* In qua parte historiarum hoc reperit P. Lupus? Celestini Epistola recepta fuit beneuolè, non hostiliter impugnata, nam quæ à Nori, & Vossio fingitur deprauatio, impugnatio non est, sed detorsio: proferat Lupus illius hostes, sed nullos intra suos Canones inueniet. Etenim quæ sunt extra Canones parum curat. Progreditur.

*Verum quid? sed is illius dogmaticum iudicium impugnare, aut deuocare indubium Gallia tum ignorabat.* Igitur non oderat pessimè Gallia Epistolam Celestini, imo amabat, & recipiebat: siquidem impugnare, & vocare in dubium illius auctoritatem nesciebat. Qui autem nec dubitat, nec impugnat consentis auctoritati. Innocens ergo Gallia erat, & apud eam in loco auctoritatis Epistola Celestini consistebat, immota, & immutata. Hoc ipsum significat illud verbum *deuocare indubium*, nam *deuocare* est de loco deducere; quare qui non deuocat, & ignorat deuocare, finit rem

in



in suo loco esse, ex quo sequitur Galliam minime de iudicio dogmatico Cælestini dubitasse. Procedo.

*Aureum illud Vincentii pro Fidei Catholica antiquitate commitorium ad instar Canonum Antiochenorum est mala radice non malus per omnia fructus.* In regno suo est Lupus: nempe intra Canones, ego tamen desidero ut exprimat qui Canones isti fuerint, & cuius Concilij, nec enim unum tantum fuit Antiochenum Concilium. Scio etiam loqui de illo Concilio Antiocheno factio contra Athanasium anno Christi 341. Iulij anno quinto, auctore Constantio, seu potius Conciliabulo. Improbo illam particulam *mala radice non malus per omnia fructus*; uidetur enim dissonare à uoce Christi non potest arbor bona malos fructus facere, nec arbor mala bonos fructus facere. Deinde non capio illud *per omnia*: nam si malum ex quocunque defectu, non requiritur malum ex omni parte, ut malum sit. Tandem Canones illi Antiocheni uidentur à Lupo approbari tanquam boni, cum tamen reiecti fuerint ab Ecclesia teste Baronio, & Spondano, qua de re audiat optimum auctorem, ante se notas scriberet in Canones Conciliorum, Seuerinum Binium. Horum nonnulli tanquam orthodoxe fidei, & bonis moribus ab Ecclesia receptis contrarij ex ploduntur: non igitur debuit Lupus confuse loqui ad instar Canonum Antiochenorum. Potest tamen excusari quod dixit *per omnia*. Verum, si Vincentius scripsit Commitorium contra doctrinam Augustini confirmatam à Cælestino, malum profecto illud opus fuit, nec possunt cætera in eo contenta excusari: nam cum finis peruersus est, peruertuntur etiam quæ ad eum ordinantur. Addit.

Osten-



Ostendere conatur non Augustini sed suorum dogmata esse auita-  
 diaque hæc non ista per Calestinum fuisse comprobata. Hoc an-  
 tē dixerat Noris, & non probarat: hæc ex eo de-  
 sumpsit Lupus nec probat. Aliud agebat Vincentius  
 quam id quod ei imponit Lupus, & aliud agebat Lu-  
 pus cum Vincentio ista imponebat: minus quippe confi-  
 deratē scribebat: nihil enim tunc de Augustino Vin-  
 centius cogitabat, sed totus ad impugnandas nouitates  
 hæresum incumberebat. *Auita dogmata*, & antiqua sunt  
 Augustini de Prædestinatione, gratiaque sententiæ,  
 quemadmodum supra ostendimus, & nunc manifesto  
 huiusmodi argumento probamus. Ante Augustinum  
 erat hæresis Prædestinatorum, vti ex vitis Patrum au-  
 ctore Eruditissimo, & elegantissimo Rosueydo supe-  
 rius probauimus, hæc autem hæresis orta fuit ex do-  
 ctrina de Prædestinatione, & gratia liberali Dei, ci-  
 tra, & ante omne meritum naturæ; igitur antiquior  
 erat quam ille error: vigeat ergo in Ecclesia multo  
 ante Augustinum illa doctrina: itaque auita, & prisca  
 erat à Christo, & à Paulo hausta, & accepta, & tra-  
 dita, vnde non poterat tanquam noua à Vincentio im-  
 probari, sed contraria Semipelagiana, quæ post illam  
 emerferat, & noua exurrexerat, atque adeo condem-  
 nabatur à Cælestino Pontifice nouitatis, quo cum Vin-  
 centius qui nouitates insectabatur penitus consentie-  
 bat. Rursum.

*Epistolam quæ impugnari non posset: ita placuit detorqueri.*  
 Perinde, opinor, est detorquere, ac impugnare: imo  
 deterius aliquanto illud existimo. Nam qui impugnat  
 saltem fideliter sensum retinet auctoris, cui opponit  
 suum priuatum, qui falli potest, nec nocet publico,  
 & qui detorquet peruertit sensum publicum, & in er-

rorem



ioiem centuram trahit; quod multo est perniciosius. Verum neque Vincentius detorsit, nec in praeiavit, retinuit scriptum Calixtini, eique censerit: quem admodum superius monstravimus, contra quam Vossius, & Noris existimant. Sequitur.

*In postremo Commonitorio capite haec exequitur. Veram stylo deo pavidus, ut se Vincentium scribere ausus non fuerit, sed vendere quasi nescio quem peregrinum. Imo quia in fine hanc doctrinam tradidit propterea magis commendavit; nam quae postrema dicuntur veluti testamento mandantur, & altius imprimuntur; stylum pavidum dicit, qui pavidus esse non potest, sed a pavidus professci. Nec vero pavidus erat Vincentius cum illa scripsit, sed animosus: quod duorum Pontificum auctoritate nitebatur, & supra petram sedebat, & quidem Apostolicam, ubi nemo pavidus esse potest, cum firmus & immobilis consistat. Iam vero illud: ut se Vincentium scribere ausus non fuerit, sed vendere quasi nescio quem peregrinum, ineptum prorsus est cum Vincentius abijcendi se se, ac despiciendi & occultandi causa fecerit, ne popularum auram ex pulcherrimi operis compositione caperet: itaque se peregrinum appellare maluit, & in hunc sensum interpretantur iustitiae doctores, quos imitari debuit Lupus, sed ille maluit uti detorserat mentem interpretandi Epistolam, ita Vincentij animum detorque. Non vendit se peregrinum, sed sub eo nomine se occultat Vincentius, ne subiret illa gloria, quam fugiebat. Peregrinus dici voluit, quia non dum erat monasterio Lerinensi inclusus, & incognitus illis peregrini versabatur. Nisi forte Deus providet ut illi nomen imponeret propter primum opus, quod, quia rarum, peregrinum appellari oportebat, vel quia*



cum illud scripsit peregrinabatur à sensibus, & in Superis cogitando habitabat. Vnde quia videbatur diuinum esse opus non humanum, peregrinum in terris videbatur. Discat P. Lupi melius & sanctius de viro sanctissimo existimare. Sed ille de Vincentio uti Semipelagiano cogitabat, immemor sanctum esse, & in Ecclesie fastos relatum. Subiungit.

*Hac interim arte non solum suos solari, & optimam Gallie plebem deludere, sed & Sixum tertium Pontificem de Pelagiani dogmatis amicitia olim suspectum tentauit ad Antecessoris sui decretum ita interpretandum circumscribere. Miror tanto viro ista excidisse. Turbato, ut utar phrasi eiusdem Lupi in celsentis S. Basilium, oculo hac scribebat Lupus, adeo ne verba quidem constant. Quorsum enim illud de Pelagiani dogmatis amicitia cum amicitia personarum sit; non rerum malle de Pelagianorum amicitia olim suspectum. Sed hoc leuius est. Illud grauius. Optimam Gallie plebem deludere. Hocine ferendum, ut Vincentius qui instituebat Catholicos, erudiebat fideles, Hæreticos confutabat, veritatis fidei causam agebat deludere plebem Gallicam dicatur? absurdum hoc, & à decore alienum. Quid cum plebe Vincentio Lirinensi? Cum presbyteris, & Episcopis res erat, plebs nec multum curabat, nec satis intelligebat quæstionem, nec Commonitorium illud plebeijs auribus congruebat. Persequor; sed & Sixum tertium Pontificem olim suspectum. Non debuit suspectum dicere: nec enim Sixtus vnquam suspectus fuit Semipelagianismi, vtpotè bene Catholicus, sed à Pelagianis in suspensionem vocatus, qui fraude & astu vti eam illi calumniam imposuerunt, uti mos erat illius sectæ. Vafri enim homines & astuti, ut hæresim suam occultarent, imo & condecorarent eam alijs viris san-*

*ctissimi-*



152  
 falsissimis attribuebant. Finxerunt itaque Sixtum ante-  
 quam esset Pontifex Pelagianis ascripti, eumque su-  
 spectum fraudulentè fecerunt: unde non sequitur eum  
 suspectum fuisse, sed falsò hanc ei suspicionem affi-  
 ctam fuisse. Summa igitur iniuria Lupus eum sus-  
 pectum dicit. Affero testimonium eruditi viri Henrici  
 Spondani, in quo etiam loquitur Baronius, eo que  
 dictum Leupi refello: anno 418. n. 3. Porro qui primus  
*aduersus Pelagianos Hæreticos palam inclamauit anathema fuit  
 Sixtus Romanus Presbyter qui postea Pontifex. Celestino suc-  
 cessit quod Sanctus Augustinus in Epistola ad ipsum reddita ea  
 de causa factum ab eo docet, ut dilueret calumniam, quam iudem  
 more suo mentientes sparsissent quod ille ipsis faueret. Nota  
 mentientes. Igitur male Lupus suspectum, dixit, non  
 enim erat suspectus, sed Catholicus qui autem eum  
 suspectum reddebant mentiebantur. Corrigendum  
 est hoc in Lupo, qui nihil distinguens inter suspectum,  
 & falsò suspectum redditum, confirmauit eum Pelagia-  
 nis, vel indulgisse, vel fauisse. Oportebat discernere  
 suspicionem affictam à verà suspicionem nam si satis es-  
 set afficta suspicio ad efficiendum suspectum etiam  
 Zosimus, & Clerus cum eo Romanus, imò & ipse  
 Augustinus Pelagianis conuiuerent, vel consentirent.  
 Audiat Lupus eundem auctorem in eodem loco. Ad ca-  
 lumnias concinnandas sylum exaceruunt, præstititque id in pri-  
 mis Iulianus Episcopus Capuanus, qui inter alia, de quibus di-  
 cetur anno sequenti cum Zosimum, Romanumque Clerum, cum  
 Augustinum prauaricationis accusare non erubuit, quasi ipsi  
 olim, cum Pelagio sensissent, ac postea sententiam mutassent:  
 cuius impudentiam egregie Sanctus Augustinus retulit: Possem  
 equidem, me auctore, hoc idem probare productis  
 Augustini, & Iuliani locis, sed malui alieno ore, ut*

V

maior



maior esset auctoritas, Lupi dictum refutare. Deleat illam particulam *Sixtum Pontificem de Telagian dogmatis amictia olim suspectum*, scribat olim falso à Pelagianis suspectum redditum, nequis putet tantum virum cum Pelagianis aliquando sensisse. Manet adhuc hac illa particula *tentavit ad Antecessoris sui decretum ita interpretandum circumscribere*. Quo nihil dici potuit absurdius. Quomodo enim potuit tentare Vincentius reducere decretum Sixti ad mentem Antecessoris sui Cælestini. Si enim Sixtus priusquam Cælestinus allegatur à Vincentio, & Cælestinus posterius, ut patet in textu Vincentij, quomodo poterat reduci ad sensum Cælestini? imo Cælestinus erat reducendus ad sensum Sixti: Verum opponet Lupus se non uti verbo *reducere* sed *circumscribere*. Respondeo me sensum & mentem Lupi non verbum attendere. Sensus & mens illius est Sixtum eodem modo intelligendum, ac Cælestinum: hoc autem fieri non potest, quia Cælestinus loquebatur de hæresi Semipelagiana, Sixtus autem de Nestoriana, & uterque Pontifex novitatis eam condemnabat; si ergo Vincentius circumscripsit sensum Sixti intra sensum Cælestini, dixit eodem sensu locutum fuisse Sixtum de hæresi Nestoriana, ac Cælestinum de Semipelagiana; unde sequitur Vincentium contra se scripsisse: nam voluit novitatem Cælestini attribuire doctrinæ Augustinianæ; & eo nomine illam damnare probando Semipelagianam nomine vetustatis, & similiter Sixtum novitatem attribuire sententiæ Catholicorum & vetustatem errori Nestoriano, quasi Sixtus approbaret vetustatem in Nestorio, & novitatem in Cyrillo, & Catholicis. Hæc est manifesta consecutio. Lupus vult circumscribere sensum Sixti ad interpretationem

quam



quam adhibet sensui Cælestini. Cælestini sensus interprete Vincentio approbat uetustatem Semipelagianum, & improbat nouitatem Augustinianam, igitur consequenter iudicat Sixtum approbare uetustatem Nestorianam, & improbare nouitatem Cyrillianam. En quo deuenit ratiotinatio P. Lupi dum circumscribit uerba Sixti ad interpretationem uerborum Cælestini. Absurdum est enim credere Vincentium Lirinensem hostem acerrimum hæresis Nestorianæ uelle illam approbare interpretando uerba Sixti sicuti iam probauerat hæresim Semipelagianam detorquendo uerba Cælestini. Nimis festinanter scripsit Lupus, & studio celeritatis corripit interpretationem germanam utriusque tum Cælestini, tum Sixti. Vera interpretatio est ea quam nos attulimus, & Vincentius affert: uidelicet utrumque Pontificem sincerè iudicasse utranque hæresim, & Nestorianam, & Semipelagianam non esse uetustam, sed nouam, & nouitatis nomine condemnandam. Super sunt illa uerba.

*Et hinc tria posteriora sui contra Collatorem libri capita non aduersus Collatorem, sed aduersus hunc Peregrinum omnino scripsit s. Prosper. Hæc rem veritatis non continent, cum Prosper satis declaret ipso titulo se scribere contra Cassianum, quem Collatorem appellat, alioqui ineptè sustinuit titulum libri usque ad finem; si enim tribus illis capitibus mutauit personam, mutaret item debuit illius nomen, & exprimere. Peregrinum contra quem scribere conabatur. Præterea illa tria capita aliena sunt ab instituto Vincentij Lirinensis, sed ad eundem Cassianum pertinent. Legat cui vacat, & me videbit. Indicium autem.*



quod affert Lupus ex verbis sequentibus Prosperi  
 Confidimus Domini protectione praestandum ut quod operatus  
 est in Innocentio, Zosimo, Bonifacio, Celestino operetur &  
 in Sixto, ut sicut ille Lupos abegere manifestos, ita hic de-  
 pellat occultos: fallit in eo quod putat Lupum occul-  
 tum esse Vincentium, cum hi Lupi fuerint alij  
 Semipelagiani, qui Cassiano duce Ecclesiam di-  
 vexabant, aduersus quem Cassianum anno 2. Six-  
 ti Prosper scripsit, quemadmodum obseruat Ba-  
 ronius, & Spondanus ad annum 433. quo tem-  
 pore Peregrinus adhuc Commonitorium suum  
 non scripserat, ut constat ex eodem Commo-  
 nitorio, & fatetur P. Noris lib. 2. cap. 1. & lib.  
 2. cap. 10. Cassianus quippe scripsit Anno 428.  
 suas Collationes: easque penitus absoluit anno  
 429. Prosper vero contra Cassianum Collato-  
 rem scribens opus confecit Anno 433. Vincentius  
 autem Anno vno post suum Commonitorium scri-  
 psit idest Anno 434. Quare Lupus in hoc Peregri-  
 no penitus peregrinatur, & volens causam Noris  
 sodalis sui defendere prorsus prauarietur: Tanta  
 vis veritatis est, ut qui eam impugnare velit in-  
 casum laboret. Occulti illi Lupi sunt Cassianus,  
 Faustus, imo & Iulianus, Capuanus Episcopus de  
 quo S. Prosper in Chronico haec ait: Hac tempesta-  
 te Iulianus Arelanensis instantissimus Pelagiani erroris as-  
 pector, quem dudum amissa Episcopatus intemperans capido  
 exagitabat, multi moda arte fallentis correctionis spem pra-  
 seferens, motus in communionem Ecclesiae irrepere; sed  
 his insidijs Sixtus Papa Diaconi Leonis hortatu vigilanter




occurrent, nullum aditum peffiferis conatibus patere permi-  
 fit, & ita omnes Catholicos defectione fallacis ba-  
 tis gaudere fecit, quasi tunc primum su-  
 perbiffimam haresim gla-  
 diis apostolicis de-  
 nunciasset.



COM







# COMMENTATIO

## S E C V N D A.

De Ordinatione S. Augustini Episcopi in  
eadem Ecclesia Hipponensi viuo  
Valerio Episcopo præter Ni-  
cenum Canonem in-  
culcata.

De probabilitate sententiæ eiusdem S. Augustini nè-  
gantis Concilium Sardicense quod vulgo Gene-  
rale dicitur Catholicorum, & affirmantis  
Hæreticorum fuisse.

De statu questionis, de Appellationibus iuxta Canones Ni-  
ceni, & Sardicenis Concilij, in quo statuitur Canones  
qui habentur Sardicenses, Nicenos prorsus  
fuisse, non Sardicenses.

De consensione Ecclesiæ Africanæ tempore Augusti-  
ni, & Patrum Sexti Concilij Africani super lu-  
re Appellandi cum Ecclesia Romana subla-  
ta prorsus omni dissensione, quam Hæ-  
terodoxi somniarunt, quibus  
nonnulli Orthodoxi in-  
consideratè conmi-  
uent.

*Scopus est honor Augustini vindicatus.*

TROE-



## COMMENTATIO

S E C V N D A

De Ordinatione S. Augustini Episcopi in  
 eadem Ecclesia Hipponensi viro  
 Valerio Episcopo praeter Ni-  
 cenum Canonem in  
 culpa

De probabilitate sententiae eiusdem S. Augustini ne-  
 gantis Concilium Sardicense quod vulgo Con-  
 cilio dicitur Catholice & auctoritate  
 Hieronymi fuisse

De sententia de Appellationibus contra Canones Ni-  
 ceni & Sardicensis Concilii in quo dicitur Canones  
 qui habentur Sardenses, Nicenos priores  
 fuisse, non Sardenses

De condensatione Ecclesiae Africanae tempore Augu-  
 sti & Patrum Seculi Concilii Africanae super in-  
 Appelationibus Ecclesiae Romanae & aliis  
 in prioribus quibus diffinitionibus, quibus  
 orthodoxi dissentiant, quibus  
 nonnulli Orthodoxi in-  
 considerant com-  
 mune

Super illis deor. (regulatio) sententias

THE



# PROOEMIUM



Agna erat huius li-  
 bri P. Christiani Lu-  
 pi apud omnes do-  
 ctos expectatio, &  
 quidem iure propter  
 famam viri, & pro-  
 pter nobilitatem argumenti: me quoque  
 in spem erexerat fruendi eruditione re-  
 condita, solidaque doctrina, cuius qui-  
 dem specimen alias auctor præclarum de-  
 derat. Itaque vix dum in lucem exierat,  
 cum ego illum mihi comparavi; & aui-  
 dissimè in manus sumptum legere capi  
 animo deuorandi totum, ad idquè & in-  
 stituti similitudo, & vetus cum auctore  
 familiaritas incitabat: auxerat studium  
 amor in Augustinum, quem sperabam  
 ab erudito, & pio filio vehementer com-  
 mendatum iri. Verum vt incidi in eius  
 prologum, hæsi in limine, & resiliui,  
 quòd comperi ab eo Augustinum vitupe-



rari, errorisque, & imperitiæ, & ignorantia Canorum & Niceni, & Sardicenis Concilij insimulari: traducitur quippe in eo Augustinus tanquam ignarus Canonum, & fluxus, ac infirmus Donatistarum impugnator, & cum Africanis Sexti Concilij Carthaginensis Patribus detractor Apostolicæ sedis auctoritatis, & auctor *miserabilis super* iure appellandi ad Romanam sedem *contentionis* statuitur, & hoc ipsum in fronte operis, quod omnium oculos cum offenderet, tum auerteret. Tanti est in utranque partem momenti aditus operum, quos propterea gravissimi viri iudicii Marcus Tullius illustres, & nidos esse volebat. Refrigit igitur ardor legendi: turbari capi, & dolere, quod tam male ab auctore acciperetur Augustinus, præsertim à filio, à quo non erat timendum conuicium; sed sperandum præconium: nec mihi potui moderari, quin suscepto studio ab illis imposturis innocentem liberarem, & calumnias ei impositas abolerem. Notus est meus in Augusti-

nam



num amor, quem mihi à puero, & colendum, & obseruandum, & vindicandum proposui: cuius tot sunt testimonia quot sunt in meis operibus argumenta. Stimulauit currentem reliqua pars prologi, in qua punguntur Patres, carpuntur doctores Scholastici; sugillantur Evangelici concionatores quasi neglexerint Canones, & doctrinam corruerint, & anam dederint Heterodoxis sanam, & Catholicam doctrinam calumniandi. Hæc omnia animum meum exulcerarunt, & ad refellendas huiusmodi calumnias à veritate alienas impulerunt. Equis enim credat Patres sanctissimos contempsisse Canones, & ex eorum ignorantia lapsos esse? Doctores Scholasticos eosdem despexisse & minus reuerenter tractasse? An vero S. Basilus, S. Gregorius Nazianzenus, S. Hilarius, & alij præclaræ sanctitatis viri contra Canones quidquam deliquerint? Diuus ne Thomas Doctor Angelicus, S. Bonaventura Seraphicus, Ioannes Duns Scotus Subti-



lis Canones neglexerunt & repudiarunt?  
 Num Alexander Alensis, Albertus Ma-  
 gnus, Ægidius Columna, Baconus, Gre-  
 gorius Canonum ignorantia à veritate  
 deuiarunt? Scripserunt ne quidquam ad-  
 uersus Canones Melchior Canus, Domi-  
 nicus Banez, Didacus Aluarez, Feuar-  
 dentius, Alphonsus Castrius, Franciscus  
 Lychetus, Caietanus, Valentia, Suarez,  
 Vasquez & alij grauissimi Theologi? per-  
 suasum mihi est P. Lupum aut eos non vi-  
 disse, aut alias res agere cum legisset.  
 Equidem non verebor dicere plures esse  
 lapsus in hisce notis P. Lupi ad Canones  
 quam sint in scriptis Scholasticorum ho-  
 minum, idque testimonio vel amicissimi  
 sui P. Henrici Noris testimonio probem:  
 qui in erudito illo suo opere de Historia  
 Pelagiana plurimos lapsus P. Lupi addu-  
 cit, & maculas inde contractas detegit;  
 ad quem lectores remitto. Ego vnum tan-  
 tum afferam, quo nullum tu grauiorem in Scho-  
 lasticis doctoribus inuenias, si illi tamen,  
 quod inficior, in Canonibus errauit.

capite



Capite primo, Tom. i. super Canones  
Concilij Constantinopolitani sic scribit:

*Questio est an à solo Theodosio Augusto, an etiam à Damaso Pontifice fuerit conuocata Synodus? De quo cum communis Catholicorum sententia sit non à solo Theodosio, sed à Damaso etiam Papa conuocatam fuisse, idque Lupi eo in loco non neget, contra tamen opinatur. Respondeo, inquit, tamen à solo Theodosio congregatam, & addit: Nulla enim legatio, nulla Epistola Apostolica adfuit sine quibus fieri nequit totius Ecclesie Synodus generalis: de qua sententia audiamus Seuerinum Biniū in suis notis ad istud Concilium ubi sic; Nemo igitur nisi pertinax Hæreticus asseueret hoc Concilium ab Imperatore pietissimo, & Sanctorum Constitutum abseruantissimo indictum fuisse. Quod ait Theodoretus lib. 5. Hist. c. 9. Constantinopolitanum primum Theodosium seniore[m] coegisse, & indixisse, explicandum est illud prauo literarum Apostolicarum mandato contigisse. Vide Barn. anno prædicti na. 19. & 20. Bellar. lib. 5. de Conc. cap. 13. Hæc Binius. Ego in gratiam Theologorum obseruo contradictionem in dictis Lupi.*

Ant



Ait enim fuisse conuocatam Synodum illam generalem à solo Theodosio, eamque faretur esse legitimam ; & subiungit : *nulla enim legatio, nulla Epistola Apostolica adfuit sine quibus fieri nequit totius Ecclesie Synodus generalis: quæ duo sibi contradicunt ; nam quomodo potuit esse Synodus generalis illa Constantino- politana si à solo Theodosio sine ulla legatione sine ulla Epistola Apostolica conuocata fuit ?* Igitur si verum est sine istis fieri non posse Synodum generalem sequitur Synodum Constantino- politanam à solo Theodosio conuocatum non fuisse generalem. Certe illa sine freno libertas quam Lupus Doctoribus Scholasticis affingit non tam eos in transuersum egit, vti Lupum sua fidentia, turpius est enim lapsus, quàm illi labi potuerunt. Verum illos Patres, & hos Theologos alij vindicabunt. Ego mihi liberandum sumo Augustinum ; hæ meæ partes sunt ; refellam calumnias P. Lupi ; monstrabo ei Augustinum erroris expertem esse, & nihil contra Nicenos, & Sardicenses Canones deliquisse, & illam no-

tam



tam ignorantiae delebo. Palam faciam  
 nec ipsum, nec Patres Africanos quid-  
 quam iuri appellandi detraxisse, nec eius  
 Concilij Sexti miserabilem contentio-  
 nem aduersus Pontificem Romanum, sed  
 mirabilem consensionem fuisse; imo in  
 eo quod existimat Lupus omnino aber-  
 rasse Augustinum, nimirum inficiando Sar-  
 dicense Catholicorum Concilium, proba-  
 biliter, & inculpate sensisse. Vno verbo  
 ubi sit Augustinus, ibi & veritatem, & Se-  
 dis Apostolicæ auctoritatem consistere  
 demonstrabo. Iusta est causa: pugno pro  
 Augustino, aduersus hominem Augusti-  
 nianum professione, & instituto; & per-  
 suasurum me spero legentibus neminem  
 me animo, doctrina, studio Augustino ef-  
 fe propiorem. Ac ut legentibus instituti  
 mei rationem probem; Prologum Patris  
 Lupi oculis exhibebo, qui huiusmodi  
 est.



# PROLOGVS

P. CHRISTIANI LVPI

In i. p. Canonum Synodorum

AD LECTOREM.



Vanti sit antiquorum Cano-  
num peritia, ac rectus intel-  
lectus, docet Sanctus Augu-  
stinus, qui Episcopo suo  
Valerio aduersus Octavianum  
Nicenum Canonem super-  
ordinatus Co. Episcopus  
verbo postmodum & scri-  
pto errorem improbanit.

Nec quod sibi factum esse doluit alijs fieri voluit, Vnde etiam sa-  
tegit, vt Concilijs statueretur Episcoporum, ab Ordinatoribus de-  
beri Ordinandis vel Ordinatis omnium statuta Sacerdotum in noti-  
tiam esse deferenda. Dum item Episcopus Sa. dicensem Synodum  
a Philippopolitano Conuenticulo distinguere nescit, nescit,  
vnum e palmaribus Donatistarum pro suo schismate fundamētis  
ad fundum exhaurire. Ex Sardicensium Canonum ignorantia non  
solum s. Augustinus, sed & cum plena Africana Synodo Cartha-  
ginensium Archiepiscopus Aurelius incurrit quinti Nicani deni-  
um intellectum, longamque illam, & miserabilem de Romanis  
appellationibus, atque Euocationibus contentionem, sub Zosimo  
Pontifice captam, & prius sub Bonifacio secundo extinctam. Alios  
quoque grauissimos Ecclesiae Patres ex data hisce rebus non plena

opera



opera nouimus non parum lapsos. Quid dicam de Doctoribus Scholasticis? Palam lucet negligi ab illis antiquos Canones, & raros hinc inde ipsorum disputationibus insertos non pro digno & vero tractari. Grecorum Schismaticorum capitalis in nos Latinos calumnia est Canonum prauisicatio, ex qua inflatum per istos ipsos Canones prauisicatoribus anathema incurrerimus lapsi extra orthodoxam communionem, veraque Christianitatis forma sit ad ipsos solos contracta. Est falsa ac stulta calumnia; reuera tamen ex quo antiquorum Canonum, & intelligendorum, & obseruandorum, cura apud nos capit tepescere, irrepere in Scholas capit subtiliter disputandi, & probabiliter opinandi licentiosa cum prurigine & sine freno libertas.

#### Animaduersio Auctoris.

Animaduertet Lector acerbitatē styli, aculeos dictionis, punctiones verborū. Agit Lupū Christianus Lupus, cum agnū Christianū agere debuisset. Verum dum conuiciatur alijs reprehensionem incurrit, & dum errores alijs impingit, ipse incidit in errorem. Quorsus enim abit dum ita scribit miserabilem illam de appellationibus contentionem sub Zosimo Pontifice captam, & prius sub Bonifacio secundo extinctam? Nota ordinem præposterum tum personarum, tum temporis: quomodo capta, & prius extincta, igitur prius extincta, quam capta. Deinde Bonifacius secundus fuit multo post Zosimum, qui prior fuit Bonifacio primo qui successit Zosimo. Præterea illa contentio non fuit extincta sub Bonifacio secundo, quo Pontifice nihile a de re actitatum. Insuper Bonifacius secundus annuus Pontifex fuit, & contra Canones successorem sibi Vigilium Diaconum elegit ad id Synodo coacta, quam & si postea resciderit mutata in melius sententia, acerba morte præreptus peruersi iudicii pennas dedit, auctore Baronio, & reliquis Ecclesiasticæ Historiæ scriptoribus. Aberrauit

Y

igitur



igitur ab ostio Lupus & in quo limine errores impe-  
 Augustino ipse in consulte ac temere lapsus est Divino  
 numine ab ipso penas violati parentis experiente.

Propositio argumenti, & Scopus Auctoris.

Tria sunt, quæ doctissimus P. Lupus attribuit erra-  
 ta imperitiæ Canonum. Primum inauguratio Au-  
 gustini præpostera, & contra Canonem 8. Nicenum,  
 cuius eundem postea Augustinum penituerit. Secun-  
 dum omisso vnus & palmarijs aduersus Donati-  
 starum Sectam argumentis, quæ reprehensione care-  
 re non potest. Tertium deuiatio à recto sensu  
 Concilij Niceni, & ex ea orta miserabilis de ap-  
 pellationibus contentio. Hæc vt vera essent, non  
 debuissent Augustini imperitiæ, & ignorantia tribui,  
 sed excusari, saltem accusare mollius, non autem  
 iterato verbo *Nescit*, quod ignominiosum est,

exaggerari; cum præsertim ignominia in-

Yniuersam Africanam Synodum re-

dundaret, Meæ partes erunt

examinare singula, &

notam omnem

ignominia

abole-

re,



## Caput I.

*Consecratio Augustini viante Episcopo suo Valerio an fuerit contra Canonem 8. Concilij Niceni, & virum in ea error interuenerit.*

**A**fferamus primum historiam Consecrationis & proponamus factum, deinde iure ne ansecus, contra, vel præter Concilium fuerit expendemus. Igitur Augustinus de ea sic Epist. ad Paulinum, & Therasiam 34. *Vestra charitas oportet attendat, quod Beatissimus Pater Valerius, qui nos vobiscum quantum saluter, quantum sitiat, audietis ex Fratribus, nec presbyterum me esse sum passus est, nisi matorem mihi Coepiscopatus sarcinam imponeret. Quod quidem, quia tanta eius charitate, tantoque populi studio Dominum id velle credidi, nonnullis iam exemplis præcedentibus, quibus mihi omnis excusatio clauderetur vehementer timui excusare. Eandem rem narrat latius Possidius in Vita Augustini c. 8. Venerabilis Senex [Valerius] sciens se & corpore, & ætate infimissimum egisse secretis litteris apud Primate[m] Episcoporum Carthaginiensem allegans imbecillitatem corporis sui, ætatisque gravitatem, & obsecrans, ut Hipponensi Ecclesie Ordinaretur Episcopus, qui suæ Cathedræ non tantum succederet, sed conficere dos accederet Augustinus, & quæ optavit, & rogavit, rescripto impetrauit. Postquam petitionem ad visitandum adueniente ad Ecclesiam Hipponensem tunc Primate Numidia Megalio Calamensi Episcopo, & Valerius Antistes Episcopis, qui forte tunc aderant, & Clericis omnibus Hipponensibus, & vniuersæ plebi inopinatam cunctis suam ininnuat tunc voluntatem omnibusque audientibus, & gratulantibus, atque id fieri & perficere ingenti adfuerit clamantibus Episcopatum suscipere contra mo-*



rem Ecclesie suo vivente Episcopo Presbyter recusabat. Dumque illi fieri solere ab omnibus suaderetur, atque id ignaro transmarinis, & Africanis Ecclesie exemplis probaretur, compulsus atque coactus succubuit, & Episcopatus curam, & Maioris loci ordinationem suscepit. Quod in se postea fieri non debuisse, ut vivo suo Episcopo ordinaretur, & dixit, & scripsit propter Concilij Universalis vetitum, quod iam ordinatus didicit, nec quod sibi factum esse doluit, alijs fieri voluit. Unde etiam saepegit ut in Concilijs constitueretur Episcoporum, ab ordinatoribus debere ordinandis, vel ordinatis omnium statuta Sacerdotum in notitiam deferenda.

Producamus Canonem Concilij Niceni. Is est octavus. si qui voluerint venire ad Ecclesiam Catholicam ex Novatianis, placuit Sancto Concilio, ut ordinentur, & sic maneant in Clero. Ante omnia autem hanc habeant ab ipsis confessionem, quam per scripturam exigi oportet, ut fateantur se cum omni consensu Ecclesie Catholice statuta observaturos, id est communicaturos se & his, qui forte secundas nuptias experti sunt, vel his qui persecutionis tempore lapsi sunt, quibus tamen lapsis penitentia modus, & tempus adscriptum est, ut in omnibus sequantur ea, quae in Ecclesia Catholica observantur, & sicubi iidem ipsi fuerint inveni, siue in Vicis, siue in Urbibus Clerici ordinati a Catholicis, sic etiam in Clero persistant, unusquisque tamen in suo ordine. si vero Episcopus, vel Presbyter Ecclesie Catholice fuerit ad quem aliqui ex his accedunt, certum est quod Episcopus quidem Catholicus suam habeat dignitatem. Similiter autem Presbyteri & Diaconi habeant. Hi vero, qui de istis veniunt, si forte Episcopus fuerit, habeat Sacerdotis dignitatem, nisi forte placeat Catholica Episcopi concedere etiam Episcopalis nomi-



nis honorem. Si vero non placuerit, inueniat ei locum, ut sit in Parochia Chorepiscopus, aut in Choro Presbyter, ut in Ciuitate vna non videantur esse duo Episcopi, & ille omnino in Clero permanere videatur. Hæc nouissima particula rem continet, quam altera versio magis declarat sic. Prouidebit ei aut Chorepiscopus, aut Presbyterij locum, ut in Clero prorsus esse videatur, ne in vna Ciuitate duo Episcopi probentur existere.

Constat ex adductis de præcepto Concilij ventantis, ne duo essent simul in vna Ciuitate, siue Diocesi, & de imperitia Augustini ignorantis præceptum, quod si nosset, consecrari recusaret, quemadmodum postea fecit, cum nouit: & manet iusta de utroque P. Lupi sententia.

Primum, dico: Felix imperitia, quæ talem meruit habere Coadiutorem: ac eò felicior, quod innocentior: nec enim culpæ argui potest, quæ fuit incertitia, siue mera ignorantia, quam appellant Theologi, inuincibilem. Nec imputari hæc Augustino, potuit iuueni, cuius non erat scire, sed parere. Partes ex erant Valerij, & Megalij & cæterorum eum consecrare cupientium, quibus nisi Augustinus pareret, præsertim urgente, & plaudente populo peccaret, idque ille significauit, cum dixit in Epist. proximè ad Paulinum relata. Vehementer timui excusare. Obediendum erat subito, non docendum. At interuenit imperitia Canonis, & per imperitiam fuit ordinatus. Nego posse dici imperitiam, quæ omnino vacabat culpa, & reprehensione carebat. Nam ille Canon Concilij Niceni non erat

Dog-



Dogmaticus, sed Ecclesiasticus; & ad mores, non ad doctrinam pertinebat, ac proinde non tenebantur ad illum, vel noscendum, vel accipiendum Prouinciæ illæ, quæ suis iam legibus, & ritibus utebantur: ab initio Ecclesiæ receptis, & consuetudine roboratis, quales erant Africanæ. Patet exemplo Concilij Tridentini: cuius cum omnes Canones de fide & qui propriè sunt Dogmatici in Vniuersa Ecclesia recepti fuerint; nonnulli ex Ecclesiasticis, & ad reformationem pertinentes in certis quibusdam Prouincijs, in quibus ego illac transiens fui non fuerunt admissi. Imo addo; & si ille Canon esset ubique receptus, etiam in partibus Africanis, potuisset tunc non recipi, ac secus quàm ille præcipiebat fieri, videlicet per Episcopiam propter necessitatem iustam, & rationabilem, quam Episcopus Valerius exposuit, & Possidius narrando representauit. Recta illa esset interpretatio Legis, qua intercedente siluisset. Visum fuit olim alteri Valerio CasarAugustano Episcopo è re Christiana prædicandi officium, quòd impeditioris erat lingua iuueni Vincentio Martyri imponere. Visum etiam fuit postea huic Valerio Episcopo Hipponensi, quòd ætate grauis, & infirmitate grauatus erat, nec munia Episcopatus rectè, ac ritè obire poterat, Augustinum sibi substituere. Vtrique sane iure ob publicam necessitatem, quæ quamuis maior esset in primo Valerio, ac iustior, non tamen propterea non erat magna, & iusta in secundo Valerio. Atque hæc sit prima responsio. Altera melior est, opinor, & faciliore Canon Concilij non vetuit in omni euentu duos Episcopos eligi, ac in eadem Ciuitate existere: ac proinde licuit per eum Augustinum consecrari. Expendamus verba Canonis, &

etiam us



eruamus mentem eiusdem. Hæc sunt, quæ rem continent: ne in vna Ciuitate duo Episcopi videantur existere. Verat igitur ne sint duo distincti, diuersique, inter quos appareat oppositio: qua vnitas tollatur, aut tolli videatur; Mens est, ne Altare contra Altare erigatur, & Caput contra Caput collocetur. At secus res habuit in electione, & consecratione Augustini, nam ille substituēbatur Valerio Coadiutor, & quasi Vicarius cum eadem potestate, & iurisdictione, qualis est in Vicario, qui vna, & eadem cum suo Episcopo persona habetur, non diuersa, nec opposita, sed cum eadem, & subordinata potestate. Ex quo nihil contrarium, nihil dissonum in Ecclesia existeret. Quod autem hi Vicarij Episcopi etiam ordinati essent, nihil obstabat quo minus possent eo fungi officio: nam ordo non opponitur ordini, sed tantum iurisdicatio iurisdictioni: quemadmodum apparet in exemplo Chorepiscoporum, quos multi & graues Auctores putant Episcopos fuisse, nec idcirco tamen remouebantur ab administratione Ecclesiarum Episcopaliū, & si verò plerique negent eos vnuquam Episcopos fuisse, in quibus ego esse malui tom. de Clauibus Petri lib. 1. de dignit., & potest. Papæ c. 3. Tamen id affirmant Bellarminus de Cler. lib. 1. c. 17. & lib. de ordin. c. 2. Petrus Bollo econom; claf. 3. Laurent. Beierlench verb. Chorepif. & alij, quos eruditos Viros Vasquez appellat, disp. 238. c. 7. & recens Lauræa in Epist. verb. Corepif. & probatur ex Canone 10. Concilij Antioch., vbi sic dicitur. *Manus impositionem ab Episcopis susceperunt.* Quod quid est, nisi ordinari Episcopos? & manifestius, *ut Episcopi sint consecrati.* Idem confirmatur testimonio Epist. 5. Damasi, vbi affirmat eos Chorepiscopos a

plu-



Pluribus Episcopis manus impositionem accepisse. Hæc autem est germana nota consecrationis Episcopalis. Suadetur hæc expositio vehementius exemplo Ecclesiæ Romanæ, & quidem ab ipso Petro desumpto: qui Linum, & Cletum creatos Episcopos Romanos Coadiutores habuit: & quidem de Lino id tradit Nicephorus Callistus lib. 2. c. 33. ita dum adhuc viveret Petrus, dedit Lino Claves Ecclesiæ Romanæ. Quod omnino docuerat Damasus, siue Auctor Vitarum Pontificum, quibus assentitur Baronius an Christi 68. & Seuerinus Binius in notis ad vitam, & Epist. Ioannis III. & Margarinus de la Bigne in 3. tom. Bibliot. Patr. quæ sententia antiquiorem adhuc Auctorem habet Iræneum lib. 3. c. 3. ubi ait. *Ab Apostolis Petro, & Paulo fuisse factum Episcopum.* Idem dicendum de Cleto Auctoribus iisdem penè omnibus, ac Bellarmino, & Ciacconio. Nec de Clemente dubitandum quin eodem modo sit ordinatus Episcopus, & assumptus in locum, & Coadiutorem Pontificatus. Sunt vero duo insignes loci rem continentes. Vnus lib. 6. Constit. Apost. c. 8. ubi sic Petrus loquens inducitur: *Metum sunt Barnabas, & Clemens Romanus Episcopus.* Alter Tertulliani lib. 4. de præscript. c. 32. *Sicut Smyræorum Ecclesia habens Polycarum collocatum refert, sic Romanorum, Clementem.* Quæ communis sententia est, nimirum Clementem uiuo Petro Episcopatum gefisse. Ita locum Tertulliani intellexit Bellarminus lib. 1. de Rom. Pont. c. 6. Baronius an. Christi 44. & 575, Spondanus ibi. Binius in notis ad uitam Clementis. Vasquez tom. 3. in 3. part. disp. 24. c. 1. n. 8. Augustinus de Bellis in suo Apologetico. Leo Allatius lib. 1. de consen. Eccle. c. 5. & apud eum Inkofer. c. 7. Pamelius ad locum Tertulliani, qui exi-

stimat



177  
stimat omnes hos tres, Linum, Cletum, Clementem. Petri eo viuente Adiutores fuisse. Quod si Ecclesia Romana admisit hos Episcopos consecratos coadiutores, & futuros successores, quales hi tres fuerunt, argumentum inde inuictum sumitur non id vetuisse Concilium Nicænum eo modo quo illa permisit, idest cum iurisdictione subordinata coadiutoris ad Episcopum instar Vicarij, sed alio modo, quem diximus, diuisa inter vtrunque pari iurisdictione, quasi ex aduerso altera alteri respondente, vt altare contra altare erigi videretur. Quia ratione fieri non poterat, vt in Ecclesia Romana, quæ summè vna est, plures Episcopi præsiderent, cum nisi vnus esse non posset, ac eo nos nomine Paulum exclusimus, cum illam celebrem quæstionem de Pontificatu Pauli cum Petro pertractauimus lib. i. de clau. Petri. Diatriba vnica per tria capita, quæ mirum est quantum Romanis placuerit, ac idcirco eam tantopere doctus vir, & eximius Theologus Hispanus Dominicanus P. Ferre in tractatu de Fide commendat.

Adijcio hic quæ in eo tomo edito, & probato Romæ obseruauit his verbis. *In Gallia, quæ religiosissima est Sacra vetustatis custos, ita fieri solet. Quem morem Africana Ecclesia tenuit, ipsque exemplis commoti Episcopi Megalius, & Valerius cum reliquis Augustinum consecrarunt, & coadiutorem suo Episcopo dederunt: Quin is eruditissimus auctor qui scribit quæstionem quodlibet de Origine Augustinensium vult Aurelium, Genethlium cui successit coadiutorem, & Episcopum datum fuisse. Nec in Gallia & in Africa solum, sed etiam in Italia solenne illud tenuisse multis & illustribus exemplis opus Ferdinandi Vguelli *Italia Sacra decla-**



rar. Verum quidem est hos Episcopos quasi Vicarios  
 sine Annulares, vti vulgò dicuntur, habere titulos in  
 transmarinis Ecclesijs, non in eadem ciuitate vbi vices  
 exercent, ne duo in vna ciuitate esse videantur; sed  
 hoc nihil officit causæ, quæ versatur in iurisdictione in  
 eadem Diocesi. imo durius videtur Episcopum alieni  
 tituli exercere iurisdictionem in eodem Episcopatu  
 cum alio; quid enim valet titulus sine re? Ego verò  
 addo interdum permitti, vt in eadem vrbe sint duo  
 superiores cum iurisdictione æquali, & diuersa, auul-  
 sa vna parte ab alia. Exemplum esto in Portu gallia-  
 Conimbrica, quæ mea patria est Regia olim Ciuita-  
 te, vbi est Academia, siue Vniuersitas celeberrima.  
 In hac igitur Episcopus iurisdictionem ita exercet, vt  
 tamen vna Parochia exempta sit, & sub potestate Prio-  
 ris Monasterij S. Crucis, quod est Canonorum Re-  
 gularium S. Augustini constituta. Hoc est illud felix  
 monasterium quod ab Rege Alphonso Henricio Por-  
 tugallia Primo, illius temporis Heroe præclarissimo,  
 magnis sumptibus ædificatum, & redditibus locupleta-  
 tum fuit, & summa semper religionis laude floruit:  
 ex quo S. Antonius Lusitanus [Patauinum vulgò di-  
 cunt] inflammatus martyrij desiderio exiuit, & ad  
 nostrum Minorum Ordinem transiit, cum inferri  
 in illud Reliquias quinque Martyrum Marrochiorum,  
 quæ ibi diligentissimè seruantur & religiosissimè co-  
 luntur inspexisset. Nec verò tam insolens fuit exem-  
 plum duorum in vna vrbe Episcoporum quàm putat  
 vulgus, cum Antiochiæ in Sede Patriarchali simul sede-  
 rint Paulinus, & Meletius etiam post Nicenum Conci-  
 lium, & ambo fuerint diu tolerati fauentibus Orienta-  
 libus Meletio, Occidentalibus Paulino.

Ex



Ex his apparet non esse vituperandam illam electionem Augustini, nec aut illum, & Valerium, & Megalium ignorantiae appellandos, cum nihil in ea electione dignum reprehensione admissum, imo ne secutum quidem fuerit: ac proinde factum excusandum, non exprobandum. Vnum obstat: videlicet Augustinum ipsum fateri ignorasse Canonem, & improbatum factum, & secus ac nos doctrinam accepisse. Cui respondeo Augustinum nimis religiosum fuisse, & quod delicatae conscientiae erat umbram culpae timuisse, ac ne abusus aliquis per illud exemplum obreperet prudenter cauuisse. Quemadmodum egit in suis libris Retractionum, improbando multa quae alij sane probarent, quae ipse cum lego mirari soleo tanto viro ea displicere potuisse. Verum summa religio faciebat, ut culpam ibi esse putaret, ubi culpa non erat. Nouerat ille nihil peccatum nec à se, nec à suis ordinatoribus propter causas à nobis commemoratas: verum non quieuit, quod videret rem esse periculosam, & obnoxiam seditionibus, si facile admitteretur: cum praesertim postea pro tempore, & officio suo rescisset ueritatem illud fuisse à Concilio Niceno, quod antea non cognouerat, quoniam ad se non pertinebat, & iuuenem, & subditum Episcopi. Vtunque sit non debuit Augustinus ullo modo insimulari, aut imperitiae, aut negligentiae, sed omnino utriusque notae eximi, quemadmodum, uti proxime monui, nec quod sua opera recognouit, & retractauit propterea in ijs quae correxit culpandus, cum multa eorum sustineri possent, quae tamen ille suo stylo censorio voluit configere propter nimium studium religionis, & communis doctrinae, cui prospiciebat, metuens ne quem mi-



nus peritum turbaret, uel nimis audacem incitaret. Scias autem, Lector errare uulgius existimans illos libros Retractationum esse plenos errorum, quos Augustinus correxerit; cum secus sit; nam ij libri uerius dicendi sunt libri recognitionum, & recensionum operum Augustini, quo uocabulo usus fuit prudenter Possidius in eius uita, in quibus Augustinus recenset, & recognoscit, & numerat opera sua exprimens tempus, & materiam, & causam scribendi, & tractandi, iterum de illis rebus iam tractatis, quod est proprie retractare. Obiter quidem emendat nonnulla, quæ sibi exciderunt minus opportunè, & cautè pronunciata, quæ maiorem partem in uocabulis uersantur, quorum erat religiosissimus V. G. *Fati, Fortuna, Musarum*, & similium quæ illa ætate superstitiosum quiddam resonare apud imperitos uidebantur. Cæterum in rebus uix est quod possis corrigere, excepto illo, quem explodit, c. 24. lib. 1. Retract. errore, de initio fidei ex natura ante omnem gratiam, in quo fuit initio suæ conuersionis cum minus esset eruditus, quemque postea doctior agnouit, & damnauit, uti perspicuè ac luculenter tradit lib. de Prædest. sanct. à c. 2. ad 9.

Hoc est primum quod mihi posset doctissimus P. Eupus obijcere; cui, opinor, satisfeci. Alterum esto. Me in eo loco de Clau. Petri docuisse contrarium, & à me nunc prorsus dissentire: cum ibi admittam Canonem 8. Concilij N. ceni expressè à me productum militare contra electionem Augustini, eumque hoc ipsum falsum fuisse, atque adeo in eadem omnino P. Lupi esse sententia.

Pareormè eo in loco ad finem t. 3. ante Patergon de Chorepiscopis ita iudicasse; verum adicri me tu-

tuerem.



tiorem sequi sententiam. eoque declaravi alteram, quam nunc propono, esse probabilem; & addidi, *Tutius tamen est de omnibus accipere quo longius a periculo errandi simus, cum praesertim alia via tuto ac expedite incedere possemus.* Tandem nolo videri à me dissensisse. Dico igitur meum institutum in eo loco de Clau. Petri fuisse sensum germanum, & genuinum asserere quem nunc sequor. Canonem Concilij Niceni vniuersim loqui de omnibus Episcopis, omnino, & ita Augustinum intellexisse. Nunc verò meas partes esse excogitare modos probabiles liberandi Augustinum à reprehensione, & impostura erroris, quem illi affingit P. Lupi, quos qui tenere velit probabiliter opinabitur, & Augustinum excusabit. Vt enim quis reprehensione careat sufficit probabilem sui iudicii causam asserere; non enim tenemur probabiliorem sequi opinionem, sed satis est cum probabili conformari, quemadmodum tradit in Scholis. communior Theologorum sententia. Maneat igitur eas rationes exponendi mentem Canonis Niceni, & Augustini. satis esse ad vitandam Lupi reprehensionem, cū sint & idoneae, & probabiles, & expeditae. Equidē ita praefero illā primā meā sententiā huic secundae quatenus veritatis ratio habeatur, nō autē ut inde sequatur improbatio secundae ad remouendā calumniā excogitatae. Fateor primā esse meliorem, & tutiorem, non tamen nego secundam esse tutam, & uerosimilem: secludo errorem, ignominiam depello, uolo ut sit in tuto fama, & existimatio summi Doctoris Augustini, quā nūquam patiat à quoquam laedi, aut uolari. moneoque P. Lupum, ut deleat illam notam Erroris quam inurit parenti suo Augustino, & rogo ne deinceps eum audeat lacerare, uel praestringere.

Huiusce



Huiusce rei documentam præbuit P. Lupus qui dum corrigit Augustinum errat corrigendo. Nam ille in quæstione quodlibet. de Orig. Augustinensium trahit Aurelium à Genetlio uiuente ordinatum fuisse Coadiutorem, & successorem, quæ ratione fuit postea Augustinus ab Aurelio in societatem Episcopalis muneris assumptus. Quod est omnino falsum. Successit quippe Aurelius mortuo Genetlio, uti demonstrant eruditè Patres Garnerius Iesuita, & Noris Augustinianus. Fefellit Lupum quòd in Concilio Carthaginiensi vulgò Secundo assident tanquam Collegæ Genetlius, & Aurelius sine vlla distinctione Sedium, perinde ac ambo Carthaginienses Episcopi, & Primates essent, atque ex eo deduxit Lupus Aurelium substitutum esse à Genetlio, & simul cum eo præsidere. Falsò quidem: nam in eo Concilio non interfuit Aurelius uti Primas, sed uti suffraganeus Primatis. Quod autem sedes Aurelij prætermittatur non est nouum in Catalogis Conciliorum. Imo in hoc eodem Concilio præteritur Sedes Fortunati Episcopi post Aurelium positi. Ut cumque sit constet Lupum existimasse ante Augustinum fuisse Aurelium uiuente Genetlio Primatem Carthaginiensem, nec propterea tamen eos Patres à Lupo reprehensos. Cur ergo vitio vertit Augustino, & Aurelio eam ordinationem, quæ iam semel antea fuerat usurpata? Cur non clamauit illam primam fuisse contra Canonem Concilij Niceni? Debuisset certè vehementius improbare priorem illam electionem Aurelij, quàm posteriorem Augustini, aut de vtraque silere; non autem prodere Augustinianam, & fugillare; noluit tamen de Augustino tacere, quem maluit reprehendere, quàm excusare.



37  
sare. Trado eum castigandum hominibus religionis.  
& quidem familiari P. Henrico Noris lib. 1. Hist. Pe-  
lag. c. 17. ubi refutat Lupum. Obseruo autem illud  
Concilium à Mariano Scoto coniectum fuisse in Con-  
sulatum Valentiniani quartum, & Theodosi 15. & à  
Baronio in consulatum Theodosii vndecimum, sed ac-  
curatius rem expendit Noris; quamquam minus ei  
assentior in eo quod ait, falsò in eo poni nomen Au-  
relij; necesse est enim expleri numerum Episcoporum,  
qui in ea Synodo interfuisse memorantur. Sed de his  
hactenus. Illud operæ pretium fore puto si ostendam  
libros Retractionum liberos esse ab erroribus, quibus  
vulgus existimat abundare propter vulgarem signifi-  
cationem vocabuli *Retractionum* quod sumitur in sensu  
Correctionum. Sic enim patebit me iustam agere causam,  
dum Augustinum ab omni macula erroris liberum volo præ-  
stare.

Igitur verissimum est quod dixi *Retractiones* Au-  
gustini in eo sensu sumi, quo latine dicitur *Retractatio*  
vti *repetita tractatio* siue *recognitio librorum*: non autem  
*correctio errorum* qui in ijs libris contineantur. Non  
nego tamen obiter nonnulla quæ Augustino minus  
placebant ab eo corrigi, & emendari, quæ tamen  
fuerunt paucissima, & in significatione potius quam  
in sensu & re corrigenda. Patet id ex multis li-  
bris Augustini ibi positis sine vlla prorsus ne uoca-  
buli quidem correctione. Quod ego diligentissime  
observaui. Igitur in primo Retractionum libro.  
c. 1. 6. 12. 14. 18. 20. 27. nihil omnino corrigi-  
tur. In secundo libro Retractionum c. 2. 8. 9.  
10. 11. 13. 19. 21. 23. 25. 26. 29. 32. 35. 36.



38. 39. 40. 41. 44. 45. 46. 47. 48. 49. 50. 51.  
 52. 53. 56. 57. 58. 59. 60. 61. 63. 64. 66. 67.  
 nulla est emendatio, in alijs uerò, quæ corrigun-  
 tur, ea in uerborum significatione uersantur, nul-  
 la sensus prauitate. Illud palmarium est, & no-  
 tabile: nihil eorum quæ contra Pelagianos, & Se-  
 mipelagianos scripsit fuisse ab Augustino ne uerbo  
 quidem tenus emendatum, uel correctum. Error  
 autem de initio fidei sine gratia unus emendatur,  
 qui iam pridem in alijs libris ab eodem Augustino  
 correctus fuerat. Desinat igitur uulgus

suæ opinionationis, nec existimet

libros Retractatio-  
 num esse

libros correctio-  
 num.





## Caput II.

*Affertur prima macula Erroris à P. Lupo impatella Augustino. Sumpta ex ignoratione Concilij Sardicensis. Narratur factum: expenditur ius, rationibus, exemplis, coniecturis ostenditur liber omni suspicionem erroris Augustinus, cuius sententia probabilis redditur, quæ negabat distinctionem Concilij sardicensis à conuenticulo Philippopolitano, eaque auctoritate suadet, & argumentis confirmatur. Basilus obiter à cæcumenia Lupiana vindicatur.*

**H**Æc est multò grauior, & asperioribus expressa verbis hoc modo, *Dum item Augustinus Episcopus Sardicensem Synodum à Philippopolitano conuenticulo distinguere nesciit, nesciit & vnum è palmaribus Donatistarum pro suo schismate fundamentis ad fundum exhaurire.* Vt hoc verum esset mollius esset accipiendus Sanctus Doctor, non autem illo verbo, quo nullum est grauius, nec ignominiosius *Nescit: nescit* appellandus. Contremui, & obrigui cum in illud incidi. Efficiam, vt Pater Lupi quod emisit verbum omnino reuocatum velit. Ac illud affirmo Augustinum cum toto Africano Concilio, in quod redundat conuicium, illud Sardicense Concilium probabiliter negasse Catholicorum fuisse, nec aliam eius nominis Synodum præter unam Sardicensem turbulentam, & ex hæreticis conflata, excluso isto Philippopolitano conuenticulo, adstruxisse. Nouum hoc uidebitur Patri Lupo, & uulgo scriptorum. Peto tamen, ut me patienter audiant, &

A a obser-



obseruent modum loquendi meum. Promitto me argumentando effecturum, ut uideatur probabile non fuisse duo Concilia, unum Sardicense Catholicum, alterum Philippopolitanum hæreticum, sed unum tantum Sardicense turbidum, & seditiosum, ut hæreticorum fuisse uerissimiliter iudicari possit. Itaque statuo probabilitatem sententiæ Augustini, & Ecclesiæ Africanæ, non euerto communia sententiam, cui adhæreo. Verissimilitudinem tantum inquirō, & inducō.

Primò ab auctoritate incipio, & insolentiam, & temeritatem remoueo, quæ maximè auctoritate tollitur. Cardinalis Bellarminus tom. 1. in 4. Controu. Gener. de Conciliis & Ecclesiis lib. 1. c. 7. in tit. *Concilia partim confirmata, partim reprobata.* Primum, inquit, generale, partim confirmatum, partim reprobatum, est Sardicense Concilium celebratum Anno Domini cccli. tempore Cōstantij, & Iulij: ex quibus ccc. Episcopi Occidentales fidem Catholicam confirmarunt, quam exponit Hilarius in lib. de Synod. reliqui lxxvi. Episcopi Orientales fidem Arianam scripserunt. Deinde ponit Concilium Syrmienſe. Vnum igitur Concilium Sardicense, idemque ex omnibus Episcopis Orientis, & Occidentis collectum, iusto numero 376. constans, non duo alterum Philippopoli, alterum Sardicæ admittit, nec separat Catholicos ab hæreticis, quasi ex utrisque conflatum fuerit. Quod autem ait: *partim confirmatum, partim reprobatum* non in duo, sed in vnum tantum quadrat Concilium. Animaduerto insuper, quibus utitur verbis *Confirmarunt, & Scripserunt* ea significare Catholicos non scripsisse, Hæreticos autem scripsisse suam professionem, ut appareat, quod affirmat Augustinus statim laudandus, videlicet non esse credendum exemplis illius Concilij, quæ proponebantur ab Hæ-

ticis



ticis Donatistis, quòd illa erant Hæreticorum, non Catholicorum, quasi ab his nihil scriptum esset ad confirmandam fidem iam pridem satis in Concilio Nicæno definitam, sed tantum verbis reuerenter summo consensu omnium confirmatam: quemadmodum postea dicemus, & Bellarminus vir doctissimus observauit, vt potè qui legisset Athanasium negare quidquam in eo Concilio ad confirmandam, vel augendam confessionem Fidei Nicænæ scriptis mandatum fuisse, vnde *Tabellas*, inquit, *quas non nulli iactant quasi in Sardicensi Synodo de Fide cōscriptas ne legi quidem semel aut proferri sinatis*. Ita ad Ecclesiam Antiochenam Athanasius: idque decreto Concilij sancitum: addit *Nequid de Fide vltius scriberetur, quàm fuerat in Nicæno Concilio definitum*. Sed hæc suo loco fusiùs prosequemur.

Secundò. Suffragatur auctoritas eiusdem Concilij Sardicensis in Epistola Synodali posita post suscriptiones Episcoporum, quæ narrat Episcopos Orientales Arianos Sardicæ tempore Concilij versatos esse, & mille modis, & artibus conatos fuisse impedire conuentus Episcoporum, ne quid congregati decernerent. Verba sunt. *Isti nanque [ hoc est quos nominat ibi Principes Arianorum ] venientes in Sardicam conciliabula apud semetipsos per loca singula faciebant, & acta quidem cum terroribus concinnabant, vt nihil penitus ad iudicium perueniret: addunt neque sanctum possemus celebrare Concilium. Hæc omnia cognoscere potuimus à Consacerdotibus nostris Macario Palestino, & Asterio Arabia, qui cum eis venerant, & ab eorum perfidia receperant. Hi namque ad Sanctum Concilium venientes violentiam quam passi sunt narrauerunt, dicentes, nihil apud eos agi rectum; insuper adijcientes quod cum essent rectæ fidei prohibiti fuissent ad hæc loca venire, & propter interminationem vix ab ijs*



discedere potuissent. Ob hanc causam Sardicenses venientes in una domo cunctimanserunt, neque breui tempore à se recedere patientes. Qui tantum audebant, & poterant Sardicæ, quo modo postea fugerunt Philippopolim, cuius hic nulla prorsus mentio fit, sed Sardicæ ubi erant, ubi grassabantur, & Concilium perturbabant. Neque opposita facta fuisse decreta de innocentia Athanasij, Marcelli, & Asclepæ, & aliorum à suis Ecclesijs expulsi. Respondeo enim propterea Arianos insolentius se gessisse, quòd se inconsultis illud iudicium factum esset, cum de eo consuli debuissent, tanquam iudices in causa communi, ac eo nomine ad Concilium vocati essent. Vnde accepta incusandi Catholicos ansa audacius, & impudentius agere ceperunt, idque tradit Seuerus Sulpicius agens de Syrmienfi Synodo: *Nasti Ariani istiusmodi occasionem conspirant penitus Sardicensis Synodi decreta subuertere.* Et quamquam scribat de Syrmienfi absolute, satis indicat non sibi placuisse prius decretum Sardicensis Concilij absoluentis. Fauet Sanctus Basilij Epist. 10. ad Nazianzenum ubi improbat decretum de venia Marcello Sardicæ data. Et quidem causa Marcelli ambigua satis est, & implexa in Ecclesiastica historia. Quare immeritò reprehenditur Sanctus Basilij à Patre Lupi c. 6. Scholiorum in Canones Concilij Sardicensis, quod secus de illo censuerit: cum ipsemet Lupi c. 6. p. §. Respondeo coactus sit fateri Marcellum ambiguis suis vocibus Patres, & Iulium Papam delusisse. Audiamus verba Lupi. *Exinde videlicet post damnationem Liberij omnis Ecclesia de Marcello sensit, tanquam qui Synodum Sardicensem, & Iulium Pontificem equinocis, aut palam mendacibus professionibus circumscripsisset.* Vbi obiter animaduerto Patrem Lupi suæ in Basilium acerbitatis

penas



penas dedisse, cum in eandem penè sententiam, quam ei quasi absurdam exprobrat, inciderit. Documento: Sanctos Patres reuerentius esse habendos. Quae ego Religione teneor, teneborque, dum vixero. Pudet me illorum Lupi verborum de Basilio. *Loquitur oculo per iram turbato. In iram frequenti ieiunio, studentium more, pronior Basilius.* Et postea. Culpandus omnino est Sanctus Basilius. Mallem ut his abstineret vir doctus, & pius, & mihi familiaris, & carus. Sed qui cum Augustino parente egit, acerbè, de eo non erat sperandum, ut cum Basilio mitius ageret. Verùm de hoc cum illo aliàs expostulabimus. Magnus est Basilius, & maior quàm ut his minutis petitiunculis Lupi vulneretur. Ad institutum. Sardicæ non Philippopoli, Ariani degebant, & agebant huiusmodi turbas, & tumultus, & Concilium perturbabant.

Tertiò. Synodus ipsa Arianorū, quam volunt coactā Philippopoli, testatur, & clamat Sardicæ, non Philippopoli coactam fuisse. Sic scribitur in Epistola ad omnes orbis Episcopos: nam in titulo expressè ponitur. *Ad ciuitatem Sardicam congregati Concilium celebrauimus.* Et rursum. *Placuit nobis de Sardica scribere.* & ita semper loquendo se gerunt, ut Sardicæ congregatos se esse affirmant, non autem extra Sardicam. Quod certè non facerent, uti nec scriberent in Epistola Synodali, & Synodi decretis, si alibi congregarentur. Facile enim conuincerentur mendacij, & sibi abrogarent fidem, nec quisquam eorū dogmatibus fidem haberet, qui tam impudenter mentirètur. Nec erat causa fugiendi hominibus audacibus, & perditis, qui vi potius, quàm iure agebāt, & in armis spè reponebāt. Certè ipsemet Athanasius in Epi. ad Solitar. habuisse eos se cū narrat *padagogos, & aduocatos Comitū cū satellitibus*.



& Hefychium Castrensem quorum opera se quibus volebant terribiles ostendebant, & insidias quibus libitum erat innectebant. Et disertè Arbitrati, ait, nos minimè occursuros. Vbi observa Episcopos Arianos priores Sardicam videri venisse, atque adeo tutiores esse cum primi locum occupassent. Quod si fallit coniectura, saltem id habemus, plenos eos animorum fuisse, & paratos cum aduersariis concertare. Constat multum eos potuisse, quòd Macarius, & Asterius, & qui Catholici eorum in itinere Comites fuerant eorundem vafriem, iudiciumque metuebant, vti habetur in Epist. 3. Synodali. Timorem probauit euentus, cum ij non auderent Sardicæ ab illorum contubernio recedere, sed in vna simul cum eis domo habitare cogerentur. At erant in Ciuitate Constantis: fateor, sed non erant in potestate Constantis, eo præsertim absente, nec aduersarios vlla vi armorum coercente. Accedit quòd in palatium concesserant, vbi domicilium habebant, vt scribit Athanasius illa Epist. ad Solitar. quod argumentum est potestatis. Timerent ne Constantem, qui Constantium hæretico ac propugnatore hæreseos Arianae fidebant, qui olim Constantino præsentem aperta vi grassati in Catholicos tot turbas, & tumultus excitarunt? Verum secus habet narratio Athanasii in eadem Epistola, vbi eos sic inducit loquentes: *Melius est de fuga erubescere, quàm conuictos de Sycophantia damnari. Si fagerimus poterimus aliquomodo hæresim propugnare.* Fateor ita scribi in ijs litteris, sed ego suspectam existimo hanc particulam. An ita de causa sua loquerentur Episcopi audaces, proiecti, & sui pleni: *Præstat de fuga erubescere, quàm de sycophantia damnari.* Illi erubescerent, aut erubescentiæ causam agnoscerent qui effrontes erant, & attrito pudore



dore omnia fusdeque miscebant. Illi diffident causam, quam iustam, & tutam, & munitam argumentis, & armis esse putabant? Illi fugam meditarentur qui sperabant Catholicos in fugam esse compulsiuros? Qui Titanum more oppugnabant superos, mortales horreret non fugerent plane ipsi, sed alios fugarent. Erubescerent si fugerent, non quia erubescerent fugam capesserent. Illud item suspectum est. *Quam convictos de Sycophantia damnari.* Hoc de se dicerent illi Episcopi fidentes, audaces, animosi qui putabant alios errare, se scopum veritatis attingere, & Sycophantiæ crimen à se abiicere, & in Catholicos reiicere conabantur? Sycophantas se esse faterentur, qui se Hierophantas esse iactabant? Iam vero quæ sequuntur. *Si fugerimus poterimus aliquo modo hæresim propugnare;* aliena sunt ab eorum de se opinione. Nec enim hi putabant hæreticos se esse, nec hæresim propugnare. Quotus enim quisque hæreticus est qui velit hæreticum se esse, & videri. Absurda sunt hæc, nec Arianis convenientia, hominibus superbis, & obstinatis, qui errorem suum Catholicum dogma putabant, & locos scripturarum afferebant, quibus probabile illud reddere conabantur. Hoc sonant verba illa Epist. Synod. Concil. Sard. in 2. parte. *Valens, & Ursatius duæ Viperae ex Aspidæ Ariana progressi sunt, qui gloriantur, & non dubitant se profiteri Christianos.* Quare illam particulam Epistolæ non admiserim. Mihi persuasum est illos Episcopos Arianos permansisse Sardicæ, nec de fuga quidquam cogitasse, atque ibi toto Concilii tempore fuisse, ibi Synodum celebrasse, ea quæ Sardicense Concilium saltem perturbasse, & ambiguum, & confusum reddidisse, & mihi consentientem habeo gravissimum Scriptorem Cardinalem

Bel-



Bellarminum lib. 2, de Concil. & Eccles. c. 8. ubi respondens Hermanno Hamelmano sic ait. Concilium Sardicense mox in duas partes diuisum fuit; & quidem una pars quæ erat Occidentalium ccc. Episcoporum cum quibus erant legati Iulij Pape pro fide Catholica, & Athanasio restituendo fuit, ut patet ex Hilario lib. de Synod. & ex Athanasio Apol. 2. atque hanc partem confirmavit Leo. Altera pars fuit Orientalium lxx. Episcoporum, qui seorsim conuenientes fidem Catholicam, & Athanasium damnauerunt; & de hoc loquitur Augustinus qui etiam non videtur legisse aliud ex Concilio Sardicensi, quam id quod Orientales miserant ad Africam ut vnirent sibi Donatistas. Ita Bellarminus. Ex his sumo ea solùm quæ ad meum institutum faciunt, videlicet Concilium istud Sardicense totum ac integrum tum ex Occidentalibus, tum ex Orientalibus conflatum Patribus intra Urbem Sardicam celebratum fuisse: ut excludam Philippopolitanū. Cetera in medio relinquo suo loco examinanda.

Quartò. Communis opinio Donatistarum in Africa existimantium se in Sardicensi Concilio fuisse admissos ad Communionem Catholicam, ac exhibentium litteras, quæ Formatae dici solitæ, ad Donatum eorum Primatem à Patribus Sardicensibus, tanquàm ad hominem Catholice communionis datas: de quo certè non gloriarentur Donatistæ si illa Synodus Ariannorum Philippopolitana, non Sardicensis extitisset. Constat autem de ijs litteris Formatis ex volumine prolato à Fortunio Episcopo Tubursico Donatista, qui eo se nomine iactabat, & Augustino persuadere volebat earum argumento litterarum, partem Donati esse Catholicam, quemadmodum continetur in Epist. S. Aug. scripta Eleusio, Glorio, & Felicibus, quæ est numero 163. & ex lib. 3. contra Cresconium cap. 34. &

lib.



lib. 4. contra eundem cap. 44. vbi eandem ob causam exultanti Cresconio respondet Augustinus, illud Concilium Arianorum fuisse. Et quidem Donatistæ semper Sardicense illud Concilium appellarunt, nec illud aliud Philippopolitanum agnouerunt. Atque hinc idoneum sumitur argumentum illud Concilium Sardicense Hæreticorum existimatum, & nuncupatum: nam Concilia nomen accipiebant à locis, vbi congregabantur, idque tam est solemne vt etiam priuatas Ecclesias & Palatia in quibus habebantur designarent, quale fuit *Sanctæ Euphemie*, *Lateranense* & similia, hinc etiam *Trullanum* à loco appellatum. Non auderent ergo Ariani si congregarentur Philippopoli mutare nomen ciuitatis, & Sardicense Concilium eo nomine inscribere, & euulgare.

Quintò [ estque Achilleum argumentum ] sententia Augustini de isto Concilio. Is cum dubitasset aliquando an esset Catholicorum, an Hæreticorum, namquam dubitauit fuisse Sardicense, & ibi congregatum. Patet hoc ex historia ab eo narrata Epist. 163. de sua cum Fortunio Episcopo Tubursico Donatista disputatione super communionem Catholicam proximæ commemorata. Prolato enim à Fortunio Commentario Concilij quasi Sardicensis Catholici, Augustinus, vt erat candidus, & ingenuus, credidit esse Catholicum, id præsertim Fortunio affirmante. Et ne conuinceretur à Fortunio eo exhibito contendente partem Donati esse Catholicam, quãdoquidem Concilium Catholicorum cum ea communicauerat, negauit illũ ad quẽ missũ fuerat volumẽ, esse



Donatistam. Quamvis enim is Donatus diceretur, non ex eo sequi esse illum Donatum Primatem Donatistam, cum posset esse alius Donatus eiusdem nominis Catholicus, siue Afer, siue alterius nationis; idque confirmavit coniectura, quod ad alios Africae Donatistas Episcopos eae litterae missae non essent. Praterca illud volumen, quod monstrabat Fortunius suspectum videri, quod nec annus, nec Consul in eo notaretur. Verum cum statim ei in mentem venissent artes, & fraudes Arianorum in adsciscendis sibi socijs Donatistis iam antea in Nicano Concilio id tentatum, ac insuper de eo monitus esset ab Alipio, postulatō codice legitimus contenta, ac comperit in eo damnari Athanasium, & Iulium Papam, ac proinde sibi persuasit, quod omnino Arianorum erat illud Sardicense Concilium, ac eo nominato dixit in Sardicensi Concilio vtrumque fuisse reprobatum. Dubitavit primò, deinde credidit illud Concilium Hæreticorum fuisse, & Sardicense fuisse. Sanè qui norit ingenium Augustini circumspectum, prudens, & cautum existimabit eum, haud temere credidisse illud Concilium Sardicæ, non alibi celebratum. Posset enim facilius negare Concilium esse Sardicense, & alibi congregatum dicere, quamquam de Philippopoli taceret. Verum quia duxit improbabile fingi Concilij locum, quod id maxime insolens, & impudens mendacium esset, noluit in dubium reuocare. Non progredior ulterius in mente Augustini inquirenda, quia alij loci clariores sunt, vbi affirmavit Concilium Sardicense hæreticorum fuisse, quos possumus afferemus.

Hæc



Hæc quinque argumenta , ni ego fallor , verifi-  
 milem redunt eam sententiam quæ negat istud Con-  
 cilium Philippopoli celebratum , & affirmat Sardicæ  
 habitum fuisse . Itaque nemo erit quin sibi persuadeat  
 nihil esse timendum ei , qui velit cum Augustino , &  
 Patribus Africanis sentire , quamquam videatur à  
 communi sententia recedere ; à qua nos tamen nolu-  
 mus discrepare , eam enim recipimus , & sustinemus ,  
 vti sæpe monuimus , & denuò monemus propter Au-  
 gustini , & aliorum Patrum Africanorum reuerentia  
 voluisse partem negantem probabilem reddere , nequis  
 esset qui auderet maculam vllam vel erroris , vel igno-  
 rantia sapientissimo Doctore , & grauissimo Concilio  
 impingere . Miramur vero P. Lupum tam facile rem  
 istam sibi persuasisse , & tam acriter & acerbè paren-  
 tem suum Augustinum reprehendisse : nos con-  
 trà eum conatili sumus vindicare , idque præ-  
 stabimus deinceps , nec erit qui no-  
 bis viventibus audeat impunè  
 tantum Doctorem imò do-  
 ctorum omnium co-  
 rryphæum su-  
 gillare .





## Caput III.

Retenta communi sententia de Sardicensi vniuersali Catholicorum  
 Concilio, verosimilis tamen esse contraria auctoritate Augustini, &  
 Patrum Africanorum rationibus, & coniecturis ductis a tem-  
 pore, a loco Concilij, a numero Episcoporum, a Prae-  
 sidente, a scopo, a textu, a methodo, ab absurdis  
 ostenditur: vbi multa recondite eruditionis,  
 & doctrina plena afferuntur, & ex-  
 planantur. Augustini exi-  
 sumario susci-  
 metur.

**E**olibentius hanc quaestionem suscipio; quod  
 video passim Augustino, & Patribus Africa-  
 nis obijci ignorantem huius Concilij, & in  
 reprehensionem verti; quemadmodum apparet in Pa-  
 tre Lupi hoc loco, qui & id miratur & exprobat cum  
 iurgio Augustino, & in Patre Nori lib. primo Hist.  
 Pelag. c. 17: prope finem vbi citra reprehensionem  
 miratur id Augustino visum, vt omittam alios cum sit  
 satis duos Augustinianos, & quidem insignes eru-  
 ditione viros nominare. Ego qui nemini in legen-  
 do, & colendo Augustino, vel maximè Augustinia-  
 no cedo, conabor pro meo virili ostendere verosimile  
 esse hoc Concilium Sardicæ celebratum hæretico-  
 rum, non Catholicorum fuisse, nec quod hoc Augu-  
 stinus affirmaverit quidquam in eo peccasse, & Patres  
 Africanos merito illud Concilium, quod vulgo Ca-  
 tholicorum habetur ignorasse. Dico autem me ve-  
 rosimile id esse, non certum facturum, nec enim  
 communi sententiæ audeo contradicere. Recipio Con-

cilium



cilium Catholicum. Tantum persuadeo qui illud reget non propterea eum esse notandum aut temeritatis, aut nesciētiæ, cum sit verisimile, & probabile non fuisse.

Ac primum verisimilitudinis argumentum est ipsa met profunda ignoratio Patrum Carthagenensium, quæ sane supina, & vecors esset si id Sardicense Concilium extitisset. Nam cum in eo Gratus Carthagenensis Primas, & cum illo triginta quinque Patres, uti vulgò creditur, Africani in eo fuissent, & recens esset memoria Concilij, & parua esset temporis distantia, & infra seculum inter illos Patres Concilij Sardicensis, & hos Patres Sexti Concilij Africani, non poterat ignorari ab his Patribus, qui illis supparet erant, adeo ut possent nonnulli alijs qui in Concilio Sardicensi fuerant propè succedere. Nam cum illud Concilium Sardicense celebratum sit anno. 347. quod volunt plures, & inter Gratum, & Aurelium duo tantum Primates, nec longæ uitæ interceserint, Restitutus, & Genethlius, potuit certè Aurelius ab aliquo eorum de illo Concilio aliquid audire. Fuit quippè Aurelius creatus Primas anno 391. Diaconus uero anno 388. qui ut tum ageret annos 25. propè aberat ab ipsomet Grato, à quò si minus, certè ab Restituto discere potuit. Deinde si, ut tradunt auctores, illius Concilij decreta scripta sunt, & ad Ecclesias vel missa, vel delata, quomodo ea non innotuerunt Patribus Africanis, cum præsertim tot Episcopi Africani interfuissent à quibus ea scripta deferri in Africam debuissent? Præterea si Ariani eum tam pauci, ut aiunt, essent, & nullum secum ex Africa Episcopum haberent potuerunt scripta dogmata sua in Africam mittere, & Parti Donati communicare.



vt apparet in Epistola eorum Synodali: sic enim inferi-  
bitur ad Donatum Carthaginensem, & in locis Au-  
gustini statim citandis, cur id aut omiserunt Catholici  
Africani redeuntes, aut Sardicæ remanentes neglexe-  
runt? Certè qui hæc attentè consideret non impruden-  
ter iudicabit, aut non potuisse ignorare Concilium,  
si fuisset, aut contra si ignotum fuit, non extitisse.

Non minus verosimilis est Augustini definita sen-  
tentia, negantis illud esse Catholicorum, & affirman-  
tis esse Hæreticorum. Nam qui diuini illius viri norit  
ingenium, planè comperiet nihil eo esse consideratius,  
circumspectius, cautius, atque prudentius, vt nihil  
affirmet, nisi quod habeat perspectum ac exploratum:  
Siquid secus habeat, de eo semper sustineat iudicium:  
qua propter eum Maldonatus insignis auctor Societa-  
tis vocare solet hominem in sustinendo iudicio miræ  
prudentiæ. Is ergo & idem Augustinus affirmando  
illud Concilium Sardicense esse Hæreticorum pro-  
babilem efficit sententiam, quæ affirmat Catholico-  
rum nullum fuisse. Audiamus Augustinum lib. 3. con-  
tra Cresconium c. 34. vbi cum eo disputans proferen-  
te Synodalem illam Epistolam Concilij Sardicensis  
quam proxime laudabimus sic ait: *Inseris principium Epi-  
stolæ Concilij Sardicensis, vbi Donati Episcopi vestri nomen inueni-  
tur adscriptum. Quod ideo factum putas, & affirmas, quod vide-  
licet Orientalibus qui de Concilio suo scripta misserunt facinus di-  
splicuerit traditorum, & ab eorum se communione retraxerint, &  
propterea Donato vestro communicabant. Disce ergo quod nescis.  
Sardicense Concilium Arianorum fuisse, quod notum iam diu est,  
vt habemus in manibus, contractum maxime eontra Athanasium  
Episcopum Alexandrinum Catholicum, qui eorum errorem ex ip-  
sa ciuitate ortum præ cæteris acriter arguebat, & refellebat. Non*

igitur



igitur mirum, si illi Hæretici Donatum sibi adsciscere tentauerunt, quos per totum orbem Catholica damnabat Ecclesia, quamquam nos sine ciuitatum nominibus Episcopos ad quos hæ litteræ data sunt habeamus. Aut ergo aliquis Donatus fuit non in Africa, cui nomen Carthago à vestris est addita, aut ut dixi Africanam hæresim Orientalis hæresi sibi tentauit adiungere, quod tum maxime credibile est, quod ad Carthaginis Episcopum Romano prætermisso, nunquam Orientalis Ecclesia scribere, ubi saltem res scribi debuit, quem solent Romani paucis vestris mittere ex Africa. Sed Deo gratias, quod nec valuit, si tamen capta est illa conspiratio Hæreticorum Orientalium cum Apbris Hæreticis præuolare. Similia habet lib. 4. contra eundem Cresconium cap. 44. quem quod geminus est locus prætermitto; tantum adiungo illam particulam, quæ rem continet. Quod quidem Concilium ne te lateat Arianorum est. Bis ergo Augustinus, & quidem seriò, & grauius disputando cum Cresconio, homine, etsi Grammatico, non inerudito, neque adipali Concilium Sardicense, quod ille credebatur Catholicum, Hæreticum conciliabulum esse affirmavit. An hoc diceret Augustinus temerè? Expendo locum proximè adductum, in quo ait. Quod notum iam diu est, & habemus in manibus, contractum, maxime contra Athanasium. Idque eò dixit, quia initio minus id habuerat exploratum: quemadmodum narrat Epist. 163. Glorio, & Eleusio, nam cum Cyrtiam pergeret, Tubursico ciuitate transiens incidit in Fortunium eius Episcopum. Donatistam, qui ei idem argumentum proposuit adstruendam Donatistarum cum Ecclesia Catholica communionem prolato volumine Sardicenis Concilij, in eius Epistola Synodali Donati Carthaginensis Episcopi non en erat. Erat autem illud volumen, & quod in eo continebatur Concilium, nouum & inco-



gnitum Augustino, qui cum primùm existimasset Catholicorum esse respondit, eo non probari scopum Donatistarum, cum Donati nomen posset esse alicuius Episcopi Catholici eiusdem nominis, non autem illius Donatistæ Carthaginensis Episcopi: postea ramen ut erat acutus, & cautus suspicari cœpit illud Concilium exhibitum à Fortunio Hæreticorum fuisse, atque adeo suspectum, tum ex defectu anni, & Consulis, tum ex ingenio Arianorum fraudulento, qui aliàs ea arte usi fuissent: ac insuper de eo item monitus ab Alipio idipsum in aurem suggerente sibi persuasit illud Concilium Hæreticorum fuisse: quod tandem certum esse comperit accepto, & lecto volumine, in quo inuenit Iulium Papam, & Athanasium improbatos; inde oblata est occasio Augustino inquirendi postea de eo Concilio diligentissimè, quod tunc non potuit præstare properans aliò causa ordinandi Episcopi Cirrhenis. Id argumento est ab eo postea per otium effectum, uti ex duobus locis contra Cresconium apparet. Hinc manifestè deducitur Augustinum non leuiter, ac temere illud Concilium Sardicense Catholicum negasse, & solum Sardicense Hæreticum affirmasse, sed planè verissimiliter, nam si illud esset tam vicinum tempore, & tam obuium, & vulgatum à tot Episcopis paulò ætate superioribus, & in tanta voluminum copia, quæ secum exportare debuerant facilè admodum inuentu esset, nec posset à subtili homine, & diligentissime rem examinante præteriri: cum igitur nihil Augustino in mentem venerit de Concilio illo Catholico, & solum Hæretici meminerit, signum est ad minus probabile illud Hæreticis adscribendum. Sanè si secus esset minimè id affirmatè diceret homo candidus, & inge-

nus,



nuus, ac sincerus, quique antea de eo cum Fortunio tam egerat cautè ac prudenter. Sentiant alii quod velint; mihi Augustinum ex suo ingenio aestimanti, ac in eo habitanti, & intus ac intimè noscenti videtur eum non alium inuenire potuisse Concilium. Sardicense præter illud Hæreticorum, ac ex eo quòd ita senserit, qui ei consentiunt eos verissimiliter sentire. Tantum momenti in eo viro esse puto ad fidem habendam, & faciendam non solum in hac, sed in quacunque alia controuersia, quæ ab illo suscipiatur, & in quacunque partem definiatur. Equidem quod eius causam ago, quem nunquam deferui, cuique semper adhæsi plusquam iuratus, quique is sum qui eius non modo admiratorem me, sed etiam, quod nimium nonnulli esse putant, adoratores exhibeo, rem istam studiosè, & accurate examinare volo, & ostendere pluribus argumentis, & coniecturis hanc sententiam Augustini ultra ipsius auctoritatem, quæ me conuincit, omnino esse probabilem.

Versamur in re facti. Ac primùm; temporis Concilii, & numeri Episcoporum magna varietas est: hinc duæ existunt coniecturæ. Prima sumitur à temporis diuersitate. Nam cum omnes concordent anno 10. vel 11. post mortem Constantini magni celebratum fuisse Concilium. Sulpicius tamen Seuerus eo viuo tradit fuisse congregatum. Verùm insolens opinio est. Igitur constat eo mortuo esse habitum. De Consulibus tamen ambigitur. Initio Synodi editionis antiquæ Petri Crabæ Machilinenfis legitur Leontio, & Sallustio consulibus. Cui consentit editio Surij secundum quas erit annus 344. hæc tamen opinio vulgò improbat. Communis sententia

Cc tradit



tradit Ruffino, & Eusebio Synodum congregatam, idest anno 347. ita Baronius, Spondanus, Binius, Lupi, & Noris, & qui melius sentire videntur. Secus tamen existimat Bellarminus grauis auctor, qui assignat annum 351. ita lib. 1. Concil. c. 7. Sed hæc diuersitatis temporis leuius est coniectura. Grauior est altera de numero Episcoporum. Athanasius quem sequuntur Socrates, Sozomenus, & vulgus scriptorum variat: nam in Epist. ad Solitar. ait 300 plus minus, omnes tum Catholicos, tum Arianos eos fuisse. In secunda Apologia initio numerat Catholicos plusquam 300. sub finem recens & 344. Theodoretus ponit 250. Socrates circiter 300. Sozomenus Occidentales ait fuisse 300. Orientales 76. Gratianus dist. 16. c. 21. numerum imminuit, & reducit ad 60. Bellarminus lib. 1. Concil. c. 7. censet 300. Catholicos Occidentales, & 76. Orientales Arianos. Baronius ad annum 347. ex Athanasio deducit plusquam. 344. si omnes numerentur nulla facta detractio. Exemplum Concilij Sardicensis Parisiense Regium habet in titulo 376, Idem statuit Seuerinus Binius in notis. Numerum 300. confirmat Zacharias Metropolita Chalcedonensis ad octauam Synodum. Consentit Hincmarus Rhemensis Epist. 33. Res est satis implexa, idque Pater Lupi fatetur aiens se nolle latius querere, & non inuenire. Ambiguus est item numerus Hæreticorum, quos ii dicunt Philippopoli congregatos, minus tamen ille esset ambiguus nisi Orientalium nomen analogiam creasset. Igitur ii in Concilio Florentino dicuntur esse. 70. ab Andrea Rhodio. A Socrate & Sozomeno. 76. Ex Epistola Synodali §. nos itaque edit. Paris. 80. fuisse constat: quamquam in Catalogo numerentur soli. 73. Ve-

rum



rūm defunt nonnulli, qui additi numerum iustum. 80. efficiunt. Hinemarus numerat 66. Bellarminus recenset 76. lib. 1. c. 7. Itaque numerus Arianorum etiam variat, sed minus esse videtur incertus.

Verū obijciat aliquis: nihil hinc argumenti sum; posse ad infirmandam veritatem Concilij Sardicēsis nec enim quicquam ex diuersitate numeri concluditur. Respondeo ex hoc idoneam promi coniecturam: quam ita suadeo. Propterea numerus incertus est, quia multi numerant simul Arianos cum Catholicis, quod mixti erant, & in eadem congregabantur Synodo. Itaque omnes qui supra trecentos congregatos numerant, opinari videntur omnes idem Concilium conflasse, & ita variant numerando, quod minus essent cogniti Hæretici, alioqui certus semper numerus esset, si soli Catholici conuenissent. Quam quis, neget esse probabilem coniecturam?

Tertia petitur à subscriptionibus, vnde apparet ambiguum illud fuisse Concilium: Nam in edit. Paris. ponuntur sola nomina sine locis, quod fieri non solet, quemadmodum supra notauerat Augustinus. Aceruatim in prouincias coniunguntur sine vllō vel delectu, vel ordine, vel respectu. Et quamquam in alio Syllabo Parisiensi, & vno priscæ editionis nonnulli cum suis Ecclesijs ponuntur, eos paucos esse pro iusto numero comperimus. Deinde Orientales cum Occidentalibus miscentur; Græci quippe Occidentales appellantur, cum Græca Ecclesia Orientalis, & habita, & dicta fuerit, tum ratione situs respectu Latine, tum Patriarchatus. Quo ergo iure ad Occidentem reducuntur? Videmus hic in ipsis Epistolis Synodi poni Achaia, Caria, Bithinia, Palestina, Arabia, Phrygia & in Syl-



labo Alexandriae, Thessalonicae, Nicopolis, Thebarum, & vicinarum, quae certè provinciae ad Orientem spectant, & in aliis Concilijs eò referuntur.

Præterea ex Africa aduocantur 35. Episcopi cum Grato Primate Carthaginiensi, quot nunquam in alijs Concilijs Oecumenicis fuerunt, imo raro tu eos numerum in eundo inuenies. Exemplo sit magnum Concilium Nicenum, vbi solus Cæcilianus inuenitur. In Ephesino nullus censetur. Vnde ergo ista multitudo Episcoporum Afrorum in hanc synodum incubuit? Honori datur Augustino vocari ex Africa à Theodosio iuniori ad Concilium Ephesinum, quod nouum, erat Africanos adesse tum propter assiduas Donatistarum turbas, tum propter frequentes Barbarorum irruptiones, quae liberos illis commeatus impediabant. Mihi nemo persuaferit eos tot numero venisse, cum præsertim uideam eius Concilij, vt supra animaduerti, nullam in Ecclesia Africana notitiam habitam fuisse, nec Patres ullos eius Synodi Canones agnouisse. Quod verum plane non esset, si tot Episcopi conuenissent. Firmo rem coniectura. Nullus ex his 36. nominatur in Syllabis antiquarum editionum, tum Crabrensis, tum Parisiensis, qui si tanto numero adfuissent, eorum aliquis re censeridebuisset, imo ne Gratum quidem interfuisse puto propter easdem rationes. Nec temerè dico; nam cur ei, si adfuit, Nessus præponitur, minor Primate Carthaginiensi præponi autè parer ex Actis Concilij. Certe hoc nõ ferret Afri, imo ne alij quidè aliarum provinciarum Episcopi tolerarent.

At opponet aduersarius non posse negari Gratum in ea Synodo fuisse, cum ipsemet in Concilio Carthaginiensi primo, mox secuto in Africa Can. 5. cõfirmet di-

etum



etum Priuati Episcopi decreto Concilii Sardicēsis ubi se adfuisse significat, ait quippe. *Memini in sanctissimo Concilio Sardicēsi statutum*. Quod testimonium haud dubiam fidē facit. Respōdeo me suspicari illud esse glossemā, & ab aliquo studioso Concilii Sardicēsis immisū. Moueor eo quod in antiquis exemplaribus Conciliorū, quāle est Crabense, hoc Conciliū Carthaginiense ponitur sub Papa Syluestro, aut Marco ante Iuliū, & Sardicēse Synodū, & in Præfatione habetur nomen Cōstantini. Quod si verū est, falsum est item illud assumentum, cū nec Gratus in eo loqui potuerit. Vnum me tamen turbat, videlicet in eodem veteri exemplari Crabensi inueniri ea verba Grati de Concilio Sardicēsi. Verum fieri potuit, vt per imprudentiam collectoris illa irreperint. Nam mihi persuasum habeo, illa verba Grati non esse, nec in Concilio illo primo Carthaginiensi posita fuisse. Scirent enim ex ijs Africani Patres, & Augustinus illud Concilium Catholicorum fuisse, nec id eos lateret qui non longo interuallo temporis ab eo distarent. Elsentque vituperandi duplici nomine. altero quod ignorarent Synodum Sardicēsem, altero quod suæ nationis primū Conciliū non agnoscerent, essetque *nonissimus error peior priore*. Præterea, si verus esset ille Canon quintus non fugeret Hæreticos Donatistas, eoque vterentur ad probandam suam cum patribus eius Concilij communionem. Audaces eo facti intruderent se se, & inculcarent Canonem, & Grati testimonio tam aperto, tamque perspicuo Augustinum, & Episcopos Catholicos negātes eā Synodū fuisse Catholicorū, penitus cōuincerent. Quare nunquam in Concilijs Carthaginensibus Africanisue vlla mētio Sardicēsis Concilii reperitur. Quarta ex scopo istius Synodi Sardicēsis deducitur illud Catholicorū nō fuisse, nec esse potuisse. Suadeo hac



ratione: qui sciat scopum destinatum sibi à Concilio, & cum eo conferat acta, quæ feruntur Concilij, comperiet minimè eò collimasse Concilium. Igitur tres fines commemorantur propositi Patribus Sardicensibus in Epistola liminari ad Iulium Papam. *Tria* inquit *fuerunt quæ tractanda erant ante omnia. Primus de recta fide, & integritate veritatis. Secundus de personis quas dicebant esse deiectas de iniquo iudicio. Tertius de quæstione quòd graves & acerbæ iniurias Ecclesiis fecerunt.* Imitari nempe voluerunt Patres Concilij Niceni, qui tres item fines sibi proposuerunt: De Fide Catholica contra Arium. De tollendo Schismate contra Meletium. De tempore Paschatis constituendo aduersus Iudaizantes. Patet ex Epistola Synodica Concilij Niceni ad Ecclesias Ægypti, Libyæ, & Pentapolis. Verùm Nicenum Concilium omnia præstitit, quæ promiserat. Sardicense omninò nihil. Totum consumitur in iubendis legibus & Canonibus Ecclesiasticis, nulla facta mentione de Fide, neque de absolutione Athanasij, neque de damnatione Arianorum. Nulla hic est professio fidei, nulla forma absolutionis Innocentium, nulla proscriptio Nocerum. Quorsum ille Scopus triplex! si ab eo prorsus aberratur, & solum collimatur ad Ecclesiasticam administrationem. At non aderant Episcopi Ariani. Fugerant. Ut verum esset, non id circo debuerat Concilium omittere illa tria quæ proposuerat, saltem ad documentum Catholicorum, & terrorem Hæreticorum. Secus actum in Concilio Constantinopolitano primo. Facta est fidei professio, & anathema dictum Anomianis, Arianis, Eudoxianis, & Macedonianis absentibus: isque fuit primus Canon. Nec opponas vetitum fuisse ne fides de nouo confirmaretur;

nam



nam satis erat dicere uti in eodem Constantinopolitano Canone primo *Fidem non violandam. Patrum 318. qui apud Nicenam Bithynia conuenerunt, sed manere eam firmam & stabilem.* Hoc decuit fieri: nec debuit, potuitue prohiberi. Licuit item anathematizare contra sentientes, & absolvere innocentes. Eadem ratio seruata fuit in Concilio Ephesino, ut apparet Canone primo, qui omnino similis est Constantinopolitano, in quo habetur fidei professio, & quidem repetita, & cætera conformia Niceno, & Constantinopolitano. Imo Nicenum Symbolum amplificatum exhibetur. Itaque non oportebat expectare Hæreticos, nec eos præsentés habere; sed quæ sui erant officij præstare, & in absentes fulminare: sicuti fecisse legimus Concilium Tridentinum, à quo Hæretici vocati fuerunt, & quoniam venire noluerunt, in eos absentes fulminatum. Nihil item minus debuit omitti professio fidei; cuius rei clarissimum exemplum est in Constantinopolitano primo generali Concilio, in quo Theodosij Magni iussu, & Damasi Papæ consensu celebrato conuenerant triginta sex Macedoniani Episcopi, Duce Eleutherio Cyziceno qui timentes ne cogerentur admittere Homouision è Concilio recesserunt, nec propterea tamen non fuerunt proscripti, & insuper Homouision confirmatum mansit, quemadmodum in præfatione Parisina videre est. Igitur apparat nihil ex propositis sibi finibus præstitisse Patres Sardicenses. Nam nec professionem suæ fidei emisere: qui erat primus; nec absolverunt innocentes, qui erat secundus: nec damnarunt reos, qui erat tertius. Quorsum ergo erant congregati?

Respondebit tamen P. Lupi, uti habet in notis c.



tertio primū caput profitendi fidem Nicenam omnino omitti debuisse, quod erat seuerè vetitum ne quid de ea statueretur, sanciretur ve; atque adeo non esse finem propositum; idque liquere ex Athanasio ad Ecclesiam Antiochenam, & Eusebio Episcopo Vercellensi. Verū id sustineri nequit, cū contrā scribant ii quos eruditè laudat auctores: nimirum Theodoretus lib. 2. c. 8. Sozomenus lib. 3. c. 2. Vigilius Tridentinos lib. 5. Imo id significat Concilium Chalcedonense Relat. ad Marcianum Imperatorem, & disertè affirmat Andreas Rhodius ses. 7. Concilii Florentini. Adde Baronium anno 347. editionis Romanæ, & Seuerinum Binium in notis. Facilis itaque solutio est: dicendo aliud esse profiteri fidem, & sanctam ratamque habere: aliud eam recognoscere, & examinare, & confirmare. Hoc secundum non licuit, quod innuebat dubitationem. Primum & licuit, & expediuit: fatebatur enim, & testabatur auctoritatem. Quo sensu Bellarminus dixit lib. 1. de Concil. c. 7. *Trecenti Episcopi Occidentales Fidem Catholicam confirmarunt.* Hanc nos professionem desideramus, quæ Symboli, & tesserae instar esset Catholicae Communionis, & hunc primum ex propositis futuro Concilio finibus esse affirmamus.

Quinta deducitur ex ipsomet testu Synodi. Torus hic conuertitur ad constitutiones Ecclesiasticas, & in iis ferendis consumitur; quod certe alienum erat maxime ab instituto. Nam quæ necessitas tunc erat; aut quæ opportunitas disceptandi de iurisdictionibus, de iudicijs, de appellationibus, de reformationibus, quæ res erant morales, & ad aliud tempus quietum, & tranquillum spectantes? Fluctuabat Ecclesia velut in procelloso mari: sæua tempestas incuberat, flabant ven-



ti aduersi, incerta & periculosa nauigatio erat, nau-  
cleri in tensendo, & moderando claro laborabant: in-  
tempestiua erat illa tractatio, quæ si minus otium,  
certè secundam nauigationem postulabat. Illa tra-  
ctatio propria stationis, & portus erat: Instabat ab  
Hæreticis bellum, & Patres Catholici otiosi agebant  
de pace, & circumsonantibus tubis, & circumstre-  
pentibus armis, cum de arcendis hostibus, & susci-  
pienda defensione agendum esset, ii sedentes de do-  
mesticis negotijs agitabant. Rectè in illam synodum  
quadraret illud Virgilii Aeneid. 11.

Cogite Concilium, & pacem laudate frequen-tes  
Illi armis in regna ruunt.

Et illud aliud Horatii

Sed nunc non erat his locus.

Cupressum scis simulare.

Mihi importuna sæper visa est, & incògrua illa tractatio.

Secus egerunt alij Ariani, suas opinationes con-  
firmarunt, aduersarios proscripserunt, & sua scita,  
& decreta disseminarunt, vt sanè prudentius se ges-  
sisse viderentur. Nec mirum cum filii huius sæculi in-  
terdum sint, Euangelio teste, filiis lucis prudentio-  
res. At Episcopi Catholici statuebant ius appellandi  
ad sedem Apostolicam: importunè quidem, nempe  
cum Ariani eandem deicere stituebant, & Papam lu-  
lium condemnabant. Liberanda ea tunc erat ab in-  
cursu irruentium, sustinenda, tuenda, propugnanda,  
& Iulius Pontifex afferendus, & vindicandus, & re-  
pulsis hostibus exaltandus. Appellationum ius  
nihil ad Hæreticos attinebat, qui illius potestate n-  
& auctoritatem infringere conabantur. Repel-  
lenda igitur vis erat more militari, non ius adstruen-

D d                      dum



dum, opera sedentaria, de quo iure inter Catholicos prorsus constabat, nec Canonibus indigebat, cum Christi auctoritate niteretur, quemadmodum postea multis argumentis demonstrabimus.

Sexta, & me auctore, valida & solida est ipsa met structura, & forma Concilij, sine aditu, sine vestibulo, sine ordine, sine dispositione, sine methodo: abrupta, inordinata, præpropera, fluxa, implexa, dissipata. Exlex prorsus videtur quod maxime lege constare debet Concilium. Vbi Zitis? vbi Buli? vbi Dôxa? vbi Agchinia? vbi Eustochia? nedum Eubulia: & Synesis? nihil consultatur, nihil deliberatur, nihil afferitur in medium. Solus Osius tanquã Pythagoras Ephæ, & tanquam Apollo Delphicus, e Cortina, vel Deus è machina reddit oracula, edit responsa. Mussant Patres Gaudentius, Ianuarius, Acrius apud Dionysium: additur Alipius a Mercatore. Cæteri silent muti magis quàm pisces, imo quàm schaphæ. Nihil ibi Athanasius, qui vel priuatus in Niceno Concilio sonuerat. Nihil Maximus Hierosolymitanus: nihil Spiridion Sanctissimus, qui interfuerat Concilio Niceno. Nihil Prothasius Mediolanensis, nihil Seuerus Rauennas. Nihil Lucillus Veronensis. Nihil Fortunatianus Aquileiensis. Nihil Maximinus Treuirensis. Nihil Martinus Moguntiacus. Nihil Euphrates Agrippinensis. Et quod amplius est nihil Archidamus, & Philoxenus Legati Apostolici pronunciarunt: Omnes itaque Osi Pedanei Senatores fuerunt. Credat qui volet: ego adduci non possum ut credam. Deinde verbû *Placet* est tota penè summa iudicij, & veluti Placenta dulcis omnibus gustantibus placet. Interdum ponitur *Sancitur*, *decernatur*, vbi, & quando, & quomodo non apparet. Multa

ibis



ibi ponuntur frigida, leuia, & minus apta: cuiusmodi est illud Can. 1. quod nemo Episcopus adhuc inueniri potuit, qui à maiori ciuitate in minorem transire studuerit, & improbitas appellatur: studiū ascendēdi ad maiorem Cathedram. & aliud Can. 6. Procurare debent in ijs vrbibus constituere Episcopos, vbi etiam prius Episcopi fuerunt: quod videtur ineptum, quid enim de primis dicendum? nam primus non potest inuenire alium ante se constitutum. Can. 9. habetur vt qui Romam eunt litteras quas deferunt debent Iulio Papæ præbere, vt is eas examinet. Si Canon erat futurus generalis & perpetuus pro omnibus Pontificibus cur solius Iulii mentionem facit? Can. 7. de Canalis non implet aures meas: nam poni speculatores ad recognoscendos Episcopos euntes & redeuntes videtur indecorum. Prætereā facile poterant Episcopi extra Canalem incedere, & viam illam publicam vitare. Aqua hæret iste Canalis, vel Canalis. Mitto alia. Tantum animaduerto. Poenas in nonnullis Canonibus pro culpis impostas non esse congruentes cum sint multo quàm crimina grauiore. Atque vt aliquid certum afferam. in. 1. Can. ambiens maiorem Episcopatum punitur priuatione etiam laicæ communionis, quæ certè grauissima pœna erat, & multo acerbior quàm pro illa ambitione. Ecquis enim est qui maiorem Episcopatum non ambiat, & desideret; idque minime à ratione alienum videtur. Itaque excusandum potius quàm puniendum.

Vltima petitur à Præsede incerto & dubio: quod anceps etiam, & dubium reddit Concilium. Cuius quis præses fuerit ambigitur. Baronius anno 347. ex Athanasio ait fuisse duos Legatos Sedis Apostolicæ Archi-



damnum, & Philoxenum. De Ofio nihil deliberat: in medio relinquit: Patronum tamen Synodi ipsum appellat, quod perinde est ac Praesidem dicere. Seuerinus Binius Archidamo, & Philoxeno id munus assignat, auctore Athanasio, quem laudat. Ofio tamen de mandatis fuisse partes Patroni affirmat. Idem ferme quod Baronius tradit, sed minus aliquanto quam Baronius Ofio tribuit. Pater Lupi in notis c. 2. non dubitat Ofium Legatum statuere cum Archidamo, & Philoxeno presbyteris, & Leone diacono, Verum ex antiquis Hincmarus Epist. 33. c. 24. contra Hincmarum Laudunensem Episcopum adiungit Vincentium Capuanum, & Calepodium Neapolitanum. Gratianus c. 11. d. 16. omittit Archidamo, & Philoxeno ponit Ofium, Vincentium Capuanum, Ianuarium Beneuentanum, & Calepodium Neapolitanum: Quem ab id reprehendit Baronius: & Binius proxime nominatus. Glossa in illum Canonem Gratiani affirmat Anselmum assentiri Gratiano: ipse vero excludit Ianuarium, quia non nominatur Episcopus in Codice. Canonum admittit Vincentium Capuanum, & Calepodium. Omnia in isto Concilio turbantur, & turbant legentes. Sed de his haecenus.

Qui hanc ratiocinationem lentè, ac maturè expendat his momentis auctoritatis, argumentis, coniecturis munitam, non dubito quin excuset Augustinum, & Patres Africanos iustificantes hanc Synodum Sardicensi vniuersalem Catholicorum, cum praesertim eo tempore non esset recepta, nec celebrata, nec à Concilijs, nec à summis Pontificibus, nec à Patribus, nec à Scriptoribus Ecclesiasticis:

quemad-



quemadmodum decursu temporis euenit . Idque  
 mihi satis est monstrasse , vt Augustinum liberarem ,  
 eiusque fidem adstruerem . Verum quoniam con-  
 sequens est ex illius sententia affirmantis vnum so-  
 lum ac Hæreticorum fuisse Concilium negare Sar-  
 dicensē illam Synodum Catholicorum , nē hoc  
 quidem verebor dicere , verisimilem esse effectam  
 meis argumentationibus hanc sententiam : non quòd  
 ego eam amplectur , qui communem probo , & se-  
 quor , sed quòd altera non careat probabilitate ,  
 quæ non aufertur per illam consensionem  
 scriptorum , cui opponuntur ea quæ  
 adduximus fundamenta . Ac ne  
 tergiuersari videamur asse-  
 ramus communis  
 sententiæ sta-  
 tuentis  
 Sar-  
 dicensē Catholicorum generale Conci-  
 lium argumenta , & videamus an ijs  
 possit aliquo modo  
 responderi .





## Caput IV.

Afferuntur argumenta, quæ oppugnant probabilitatem sententiæ Augustini ab auctoritate Pontificum, Conciliorum, Patrum, scriptorum, & communi consensu deprompta. Soluuntur. Ostenditur nihil esse timendum sententiæ S. Augustini: cuius probabilitas roboratur.

**P**rimum multa Concilia generalia Concilium hoc Sardicense agnoscunt, & fatentur. Constantinopolitanum primum, de quo id affirmat Florentinum. Chalcedonense ad finem in allocutione ad Martianum Imperatorem in editione Biniana pag. 133. his verbis. Illi quidem qui apud Sardicā cōuenerūt contra reliquias Arianorum Orientalibus direxerunt suiconfuta iudicii. Octaua Synodus in qua Zacharias Episcopus Chalcedonensis [erat Metrophanes Smyrnensis] affirmat Marcellum fuisse absolutum, & receptum à Iulio Papa, & Synodo Sardicensi 300. Episcoporum. Florentinum. sel. 7. pag. 427. eiusdem editionis. Conuentum etiam Sardensem Occidentalem postea nuncupatum Constantini temporibus celebratum Synodus secunda suscepit. Ad quem cum 70. Patres Orientalis Ecclesie conuenissent, in ipsum intrare noluerant, quod Patres Occidentales Paulum, & Athanasium excludere noluerunt, qui quidem Patres Nicenæ tum Synodi gesta ab omnibus Christianis coli debere decreuerunt. Quod quidem decretum secunda deinde synodus sine ulla controversia confirmauit.

Hæc Concilia prius numerasti, quia sunt legitima,

&



& vniuersalia, & cum capite summo Pontifice coniuncta.

Venio nunc ad Pontifices Romanos. Iulius primus confirmauit acta Sardicenis Concilij: constat ex ipsa met Epistola prima, quæ habetur in editione Parisiensis pag. 4. & Athanasio plerisque in locis. Socrate lib. 2. c. 16. Sozomeno lib. 3. & Nicephoro, alijsque compluribus. Alii Liberius apud Theodoretum in colloquio cum Constantio. Leo quartus d. 20. Can. de libellis. Epistola ad Episcopos Britannia. Nicolaus primus Epist. 4. in causa Rotardi, & in Epistola ad clerum Constantinopolitanum.

Decretum sacrorum Canonum idem habet c. 11. d. 16. & c. 9. d. 65. & c. 1. d. 71. quibus duobus in locis ponuntur Canones Osiiani Sardicenses.

Iustinianus Imperator in Edicto de tribus capitulis ubi anathematizati sunt à Damaso ab vniuersali Sardicensi Synodo, pro vt testatur S. Athanasius.

Ex Conciliis Prouincialibus Concilium Carthaginense primum Can. 5. in quo Gratus Carthaginensis Primas allegat Decretum Concilij Sardicenis. Ex Patribus Athanasius in Apologia secunda, & Epistola ad Solitarios, ex Epistola ad Eccles. Antiochi. Hilarius in Synodorum fragmentis. Basilii ad Nazianzenum Epist. 10. & ad Athanasium Epist. 51. Epiphanius hæresi 71. Vigilius Tridentinus lib. 5. adiungo Ioannem Scolasticum Patriarcham Constantinopolitanum de Eutychio suspectum in sua Collectione Canonum.

Ex Scriptoribus Ecclesiastici penè omnes. Socrates lib. 2. c. 16. ex sequentibus Theodoretus lib. 2. c. 21. Sozomenus lib. 3. c. 10. & sequenti.

Nicephorus



phorus, Baronius ad ann. 347. Spondanus ibi, & reliqui compilatores Baronii. Binius in notis, & Crabbe in suis annotationibus, & omnes ferme chronologi ad eum annum siue 348. vti quisque de tempore opinatur. Mitto eruditos Viros Lupum, & Norim, & alios recentioris memoriae, qui plurimi recensentur.

Respondeo me fateri communem hanc esse auctorum sententiam, & receptam: Primò igitur animaduerto quæstionem in facto versari, & quidem puro, non autem cum iure & doctrina mixto; sci o enim esse quæstiones nonnullas de facto, quæ vel de fide sunt, vel cum fide coniunctæ, quæ de re olim scriptissimus Romæ in qualificatione S. Officii de Mandato Eminentissimorum Patrum accuratissimum tractatum, cuius autographum interiiit; est autem antigraphum apud Eminentissimum Cardinalem Othobonum verum, & viuum Ecclesiasticæ doctrinæ Oraculum, in quo distinximus tria genera, facti: Fidei, mixti cum Fide, & facti pari, adductis exemplis, Nam Historiæ sacræ in Bibliis contentæ versantur in facto, & omnes sunt de Fide: quas negare impium erit. Deinde traditiones Ecclesiæ sunt de facto, sed coniunctæ cum Fide, vti Episcopatus Petri Romæ: institutio Quadragesimæ, & similia. Tandem sunt alia facta pura, vti Donatio Constantini, & Baptismus eiusdem in principio vitæ, vel in fine. Igitur de hoc genere quæstionum, quæ consistunt in puro facto licitum est citra periculum fidei disputare. Eiusmodi esse hanc, quam excitamus de Sardicensi Concilio patet; quia congregatum esse hoc Concilium, vel non esse congregatum; Catholicorum fuisse,

vel



vel non ? facti puri res est . Nam nullum mysterium fidei in eo inuoluitur , sicuti in Concilio Niceno , & alijs Concilijs generalibus , quæ sine fidei periculo negari non possunt . Vnde S. Gregorius Papa quatuor illa prima Concilia Nicenum , Constantinopolitanum , Ephesinum , & Chalcedonense quatuor Euangelia appellabat ; in ijs quippe fuerunt declarata multa mysteria Fidei , & Capitales Hæresiarchæ condemnati : cum in Concilio Sardicensi nulla fidei definitio , vel professio facta fuerit auctore Patre Lupi , quo cum litigamus . Nec opponas negari Canones spectantes ad ius appellationis , quia hi Canones minime negantur , imò nobiliores esse dicuntur , ut pote qui sint Niceni , uti suo loco probabimus . Præterea ius appellandi ad Sedem Romanam non fundatur in Canonibus , siue Nicenis , siue Sardicensibus , sed in altioribus principijs nempe iuris diuini , & statuti à Christo Domino , & connexi cum Clauibus Petri . Itaque nihil est periculi in Canonibus , siue mutantur , si quidem mutantur in melius ; siue prætereantur , si quidem melius fundamentum in Clauibus afferimus ad ius appellandi instituendum , & confirmandum . Hinc sumitur prima responsio , & si negaretur istud Concilium , & eius Canones auferrentur , nihil periculosum in fide iurcurri , quoniam versatur quæstio in puro facto . Specialiter vero contra Patrem Lupum argumentor , & in eum obiectionem istam retorqueo . Ille ut supra dixi , affirmat Theodosium Maiorem

Ee

fine



sine interuentu Damasi Papæ conuocasse Concilium, & tamen ista sententia noua est, & contra communem doctrinam Pontificum, Conciliorum, & Patrum adeo vt, quemadmodum supra diximus, eam norarit grauissime Seuerinus Binius, cuius verba produximus. Si ergo illa sua opinatio sustinetur, poterit etiā stare ista sententia negans Concilium Sardicense, vnde nihil sequitur contra Catholicam religionem, & nequit vlla ratione improbari.

Secunda responsio sit: à nobis non negari neque Concilium Sardicense, neque Canones illius, sed tantum affirmari probabilem esse oppositam sententiam, quam suadent argumenta, & coniecturae proximo capite adductae; neque destituitur auctoribus, cum Augustinus, & Patres Concilij Africani Sexti in ea fuerint. Quo ad Canones verò, non esse illos Sardicenses, sed Nicenos multi Romani Pontifices tradiderunt. Innocentius primus, Zozimus, Bonifacius, Caelestinus, & Leo Magnus, & alii, qui Canones illos, vulgo Sardicenses, appellant Nicenos. Idque nos postea in speciali capitulo ad id institutum demonstrabimus.

Tertia responsio esto: ex coniectura sumpta ex Silentio Patrum Africanorum, & Ruffini qui persequens historiam Eusebii lib. 10. nullam mentionem facit huius Concilij Sardicensis, quæ quamquam nitatur argumēto negatiuo, non nihil ponderis habere videtur ad coniecturam formandam pro parte negatiua.

Quarta responsio sit: non negari prorsus istud Concilium, sed distingui inter illud congregatum, & confectum. Fatemur quidem congregatum fuisse istud Concilium Sardicæ, & Patres tum Occidenta-

les,



les, tum Orientales, tum Catholicos, tum Hæreticos in eo conuenisse. Negamus tamen eos consensisse, & conspirasse inter se concorditer, ita vt Concilium conficeretur; nam id fieri non licuit propter turbas, & seditiones motas, & concitatas ab Episcopis Arianis potentissimis, & insolentissimis, qui se se opposuerunt Episcopis Catholicis, & Sanctis eorum conatibus Tribunitio more intercesserunt, quemadmodum superius Bellarminus iudicauit, dicens fuisse vnum Concilium partim approbatum, partim reprobatum, quia turbulentum, & seditiosum. Vnde factum vt Catholici nihil statuerint circa ea, quæ sibi agenda proposuerant, vt supra monstrauius, & hæretici audaciores, & impudentiores decreta sua detulante condiderint, & scriptis mandauerint, & euulgauerint, quæ cum in Africam peruenissent turbauerunt eam Ecclesiam, & Donatistas animorum, & spei implerunt: abutentes iis decretis tanquam Concilii Catholici: quibus necesse fuit obuiare Augustinum, & Patres Africanos.

Vltima responsio huiusmodi est: meas partes esse liberare Augustinum à calumnia, quod quidem facile obtineo: dicendo Augustinum eo tempore non habuisse contra se auctoritatem eorum Pontificum, & Conciliorum, & Patrum quos antea commemorauimus; itaque non discrepabat à comuni consensu doctorum, ac proinde innocenter se se habebat, imo & prudenter iudicabat, quod quidem satis est ad meam sententiam sustinendam, & Augustinum ab omni macula, & nota ignominiae vindicandum. Hæc omnia si diligenter attendantur, & maturè considerentur, nihil erit quod impediat quò



minus liberè currat probabilitas sententiæ negantis  
Sardicense Concilium, & Canones  
in eo factos, vulgò dictos Sardicenses.

### Caput V.

*Deletur macula a P. Lupo afficta Augustino, & Patribus Afri-*  
*canis de diffensione ab Ecclesiâ Romana super appellationibus.*

*Ostenditur vsus appellandi antiquissimus Africanâ Ecclesiâ*  
*ad Romanam multis testimonijs Cypriani, & Augustini, eû-*  
*que fuisse continuatum tempore Augustini & dein-*  
*ceps alijs eiusdem testimonijs monstrantur. Expeditur*  
*Canon Concilij Mileuitani, & nihil obesse huic*  
*doctrinæ de consuetudine appellandi*  
*palam fit.*

**H**AC dere P. Lupi Epistola ad Lectorem :  
Ex Sardicensium Canonum ignorantia non solus S.  
Augustinus, sed & cum plena Africana Synodo  
Carthaginensium Archiepiscopus Anselmus incurrit quinti Nice-  
ni denique intellectum, longaque illam, & miserabilem de  
Romanis Appellationibus, atque Euocationibus contentionem  
sub Zosimo Pontifice captam, & prius sub Bonifacio secun-  
do extinctam. Tria hic mihi sunt agenda. Primum  
ostendere nullam, ne dum miserabilem, contentio-  
nem Africanorum Patrum cum Romana Eccle-  
sia de iure Appellandi ad Sedem Apostolicam fuisse.  
Secundum monstrare, nihil prorsus in eo Con-  
cilio peccasse Patres Africanos, sed innocenter



ac prudenter se gessisse, imo si quid minus conueniens actum fuit id potius à Romanis Legatis quàm à Patribus Africanis prouenisse. Tertium probare illos Canones prolatos à Legatis Romanis Nicenos, non Sardicenses esse, quemadmodum affirmauerant, & postea affirmarunt Pontifices Romani. Accuratè sunt ista tractanda, quia Lupi sententia videtur redolere nescio quid minus Orthodoxum, & fauere aliquo modo Heterodoxis in usum suum vertentibus acta huius Concilij: ex quibus Marcus Antonius de Dominis lib. 4. de Repu. Eccles. c. 8. n. 28. *Africana inquit, Ecclesia Romano Papatu vehementer resistit tempore Augustini, etiam ipso cum reliquis aduersus Papatum reclamante; quæ mera impostura est. Quam per summam impudentiam Heterodoxi Augustino, & Africanis Patribus impingunt. Egimus nos aliàs de ista controuersia perspicuè, & latè in nostro tomo Assertor Romanus, siue Medulla Hist. Eccles. verum pro re pauca hic sunt dicenda. Primum miror P. Lupi, & aliquos ante ipsum Catholicos auctores arbitrari hoc in Concilio sexto Carthagenensi de Iure Appellandi fuisse disceptatum. Turbarunt hunc fontem Hæretici, unde nostri aqua hæserunt, & in salebras inciderunt metu nequid lateret suspicionis. Adeo verum: Est peior bello timor ipse belli; Et vt sacratius dicam: Trepidauerunt timore, vbi non erat timor. Nihil erat timendum, vbi omnia tuta erant. Verum amor Sedis Apostolicæ excusandus. Amor res est plena timoris, & sibi sæpè fingit pericula præ affectu nequid mali*



accidat rei amata; quadrat in hunc locum, *timor quem timebam, euenit mihi*. Nihil erat timendum Catholicis præter timorem; omnia tota timuerunt. Dico perspicue: nulla hic dubitatio fuit de Iure Appellandi ad Sedem Apostolicam, nec esse potuit apud homines cordatos, cum Ius Appellandi sit naturale, & diuinum ad tuendum Ius proprium, & ad iniuriam repellendam: ac propterea Canones Ecclesiastici, & leges ciuiles de Appellationibus id omnino definiunt. Speciatim verò Ius Pontificium multò clarius de re hac statuit, cum nitatur, & fundetur in Primatu Sedis Apostolicæ, quemadmodum nos in eo libro ostendimus, quæ doctrina vsu antiquissimo probatur. Qui legat Decretum secunda parte causa 2. quæst. 6. reperiet hanc doctrinam inter Canones Anacleti, Sixti, Victoris, Zephyrini, Marcelli, & aliorum ante Zosimum, quo Pontifice capta est agitari huiusmodi causa appellationis Patrum Africanorum, quam vix quisquam eorum qui illud Concilium notis illustrarunt, animaduertit non fuisse de Iure Appellandi, sed de modo appellandi dubio, an esset iustus, & licitus, quæ disceptatio semper extitit, & hodie exercetur inter Canonicos, & Ciuiles doctores. Constat enim apud omnes si iusta sit appellandi causa, licere omnino appellare, secus si iniusta. De causarum itaque iustitia dubitatur: non de Iure Appellandi. Ac multi de hac controuersia Canones sūt in eo loco Decreti a nobis proxime laudato. Legat qui volet eum titulum: abundabit exemplis. Quorum non pauca eiusdem Ecclesiæ Africanæ asserre operæ pretium duco, ea que ex scriptis Cypriani, quem nobis aduersari blate-

rant



rant Hæretici, vt eorum oculos configam.

Omisso Concilio Romano in causa Cæciliani, quod ea commissa fuit à Constantino quamquam inuito à Donatistis interpellato Papæ Melchjadi, & alijs Episcopis, de quo Optarus Mileuitanus lib. 1. Con. Parmen. & August. Epist. 152. & 162. & alijs partim antiquioribus, partim recentioribus euentis: venio ad Cyprianum. Is in Epistola ad Cornelium Papam, quæ habetur in 1. tom. Concil. Crabe, & Bini (nam hi sunt apud me auctores) 2. & 8. inter alias ad Cornelium, siue 55. in noua edit. narrat eidem Cornelio, accepisse se ab eo litteras de expulsionem ab Ecclesia Romana. Felicissimi, qui condemnatus Carthagine ab Episcoporum Africanorum Concilio cum quinque socijs confugerat Romam, quos ibi nominat Cyprianus, & morem illum appellandi ad Romanam Sedem commemorat adducto exemplo Hæreticorum. *Qui audent ad Petri Cathedram atque Ecclesiam principalem. vnde veritas Sacerdotalis exortæ est à Schismaticis & profanis litteras ferre; nec cogitare eos esse Romanos, quorum fides Apostolo teste laudata est ad quos perfidia nō potest habere accessū.* Hic Cyprianus fatetur Primatum & auctoritatem, nec inficiatur ius. Tantum vituperat causam, & modum, & audaciam appellantium, & improbat auctores eius appellationis, qui erant Schismatici, & profani, *Quæ autem, inquit, causa veniendi, & Pseudo Episcoporum contra Episcopos, factum nunciandi.* In causa momentum est, non in titulo & Iure Appellandi. Si enim hoc nullum esset in Pontifice facile se Cyprianus ab ea controuersia explicaret, negandollicere aditum ad Pontificem Romanum. Confirmatur hæc doctrina vltimis eiusdem Epistolæ 55. noua edit. verbis. *si cum precibus, & satisfactionibus ve-*

*Mileto.*



*riant audiantur, & maledicta, & minas ingerunt respuantur.*  
 Quid manifestius? En Cyprianus ius Appellandi Ro-  
 mam agnouit, causam tamen siue prætextum iniustum  
 reiecit; & de eo queritur improbens audaciam & im-  
 pudentiam Felicissimi, tum fugientis iudicia Synoda-  
 lia, tum ea Romæ iaculantis, tum falsis criminationi-  
 bus & imposturis Romani Pontificis aures onerantis,  
 vt habetur in eadem Epistola; quemadmodum etiam  
 queritur de Nouato homine factioso, turbulento, fa-  
 cinoroso Epist. 6. ad eundem Cornelium, quæ est 44.  
 in edit. Pamelij Romæ atrocia, & dicentem, & patran-  
 tem, quæ est inserta in Concilijs tempore Cornelij: rur-  
 sum constat ex Epistola 10. siue 42. noua edit. ad eun-  
 dem Cornelium acta super Felicissimo missa fuisse  
 Romam à Collegis Episcopis, quod quid est nisi fateri  
 summi iudicij potestatem apud Romanum Pontifi-  
 cem esse? Verba Cypriani sunt: *Quantum vero hic ad*  
*presbyterorum quorundam, & Felicissimi causam pertinet, quid*  
*hic actum sit vt scire posses litteras à te Collegæ nostri manu sua*  
*ubscriptas miserunt. Quo iure nisi appellationis, quod*  
*exigebat notitiam causæ ad videndum iure ne, an*  
*iniuria appellatum? Adijcio aliud testimonium Cy-*  
*priani Epist. 8. lib. 4. Epist. siue 45. apud Pamel. ibi*  
*contentum, exemplum iudiciariæ potestatis supremæ*  
*expressum, Legi litteras tuas in quibus te comperi morum, quod-*  
*cum de Adrumetina Colonia Polycarpi nomine ad te litteræ dirige-*  
*rentur, postea quàm nos, & Liberalis in eundem locum venissemus*  
*cepissent illuc ad presbyteros & diaconos litteræ dirigi: quod*  
*scire te volumus, & pro certo credere nulla leuitate, aut contu-*  
*melia factum. Sed cum statuissemus quam plures, quod in vnum*  
*conueneramus, vt legatis ad vos Coepiscopis nostris Calydonio, &*  
*Fortunato missis omnia interim integra suspenderentur, donec ab*

*ijdem*



iisdem Collega nostri rebus illic aut ad pacem redactis, aut pro ve-  
 ritate compertis redirent. Hæc rem prorsus continent.  
 Ius dicit in Africa Cornelius: queritur quod se cau-  
 sam suscipiente Episcopo se interponant. Reddit ratio-  
 nem Cyprianus excusando Romanam legationem, &  
 affirmando nihil aut leuiter, aut contumeliosè factum:  
 nihil decretum, sed tantum suspensam deliberatio-  
 nem donec certiora Roma afferrentur. Quin ipse-  
 met Cyprianus, quod aliàs notauimus, tam fuit ob-  
 seruans huius auctoritatis Apostolicæ, vt antea va-  
 cante sede per mortem Fabiani Clero Romano in-  
 eius locum substituto rationem reddiderit tanquam  
 inferior, quod diligenter notandum. Sic igitur Cy-  
 prianus Epistola ad Clerum Romanum, quæ in volu-  
 mine, quo vtor antiquo est 5. lib. 3. & inuenitur in col-  
 lectione Bini. *Quoniam comperi fratres carissimi minus sim-  
 pliciter, & minus fideliter vobis renunciari quæ hic à nobis gesta  
 sunt, & geruntur, necessarium duxi has ad vos litteras facere,  
 quibus actus nostri & disciplina diligentie ratio redderetur.*  
 An non hoc est subiecti & inferioris ad superiorem,  
 imo & iudicem? Ita intellexit Clerus Romanus ad-  
 miratus modestiam Cypriani cum ei ita respondit:  
*Geminata sunt laude condigni qui cum conscientiam suam sciant  
 soli Deo debere se iudicet, actus tamen suos desiderant & ab ipsis  
 fratribus comprobari. Quod te Frater Cypriane facere non mirum  
 est, qui pro tua verecundia & ingenita industria consiliorum tuo-  
 rum nos non tam iudices voluisti, quam participes inueniri.*  
 Deprecando modestè titulum iudicum significant  
 mentem Cypriani eos iudices habere volentis. Sed  
 quoniam hi loci Cypriani difficiles esse videntur,  
 nec satis conuincunt obstinationem aduersariorum

Ff

pro-



producam ynum Augustini manifestum pro ista veru-  
sta consuetudine appellandi in Ecclesia Africana ante  
istam controuersiam sexti Concilij. Igitur Augustinus  
Epist. 262. ait loquens in causa appellationis Antonij  
Fussalensis Episcopi. *Existat exemplo, ipsa Sede Apostolica*  
*iudicante, vel aliorum iudicata firmante, quosdam pro culpis qui-*  
*budam, nec Episcopali spoliatos honore, nec reliquos omnimodis*  
*inimicos. Quæ ut à nostris temporibus remotissima non requi-*  
*ram, recentia memorabo.* Hæc verba perspicuè, continent  
antiquum morem iudicandi causas Africanorum Epis-  
coporum à Sede Apostolica. Ponderentur illa verba.  
*Existat exemplo, & illa ut à nostris temporibus remotissima non*  
*requiram; ergo erant recentia memorabo* quæ continent etiam  
antiquissima exempla potuisse commemorari. Quem  
ego locum inuictum existimo. Breuior hic sum quòd  
infra hoc testimonium Augustini lentiùs ponderabo.  
Quid hic Heterodoxi quid Orthodoxi, qui de Cypria-  
no ambigunt, & de iure appellandi inter Africanos  
Patres minus comperto queruntur? Norint utrique  
inconcussum & indubitatum fuisse in Ecclesia Africa-  
na ius appellandi ad Sedem Apostolicam Romanam,  
nec aut ab illis quidquam turbandum, nec ab his ti-  
mendum. Suffragetur Cornelius Cypriano Episcopo  
eius nimirum æquali. Is igitur Epistola 2. ad Ruffum  
Coepiscopum Orientalem posita inter Concilia. *Nul-*  
*lus Sacerdotum causam suam alieno committat iudicio, nisi ad Se-*  
*dem Apostolicam fuerit appellatum.*

Idoneum argumentum huiusce iuris appellandi su-  
mitur ex ipsismet Hæreticis & Schismaticis ex Africa  
Romam appellantibus: nam ipsi recognoscebant in  
Romano Pontifice supremam auctoritatem, quemad-  
modum hætenus ostendimus, & postea monstrauit

Cæle.



Cælestius, qui cum vidisset se in duobus Africanis Concilijs Carthaginensi, & Mileuitano condemnatum Romam appellauit, eòque se contulit, vt Innocentio mortuo ad Zosimum prouocaret: quem nemo Episcoporum vetuit eò deferre causam, imo & publico nomine aduersus eum Paulinum Diaconum miserunt teste Augustino lib. 2. de Pecc. Orig. c. 7. qui latam sententiam sustineret: qua de re iterum S. Augustinus Epist. 92. 94. & lib. 2. ad Bonifacium contra duas Epistolas Pelag. c. 3. & 4. Iuvat exemplum Pelagij qui ad Innocentium per litteras etiam appellauit, teste Augustino lib. 2. de Pecc. Orig. c. 1. & 21.

Inter cæteras appellationes famosa fuit Zosimo Pontifice appellatio Apiarij, qui cum presbyter esset Ecclesiæ Siccensis, cuius Episcopus erat Urbanus ob atrociam quæ commiserat flagitia excommunicari, & relegari meruerat. Hic ergo videns se conamuni Patrum sententia condemnatum Romam ad Zosimum Pontificem appellauit, eo successu, vt compos voti factus fuerit: obtinuit quippe vt Zosymus mitteret Legatos cum mandatis, & litteris ad Patres Africanos, qui de re inquirerent & acta recognoscerent, & recognita ad se referrent. Quod illi præstiterunt, & cum Romam redissent mortuo Zosimo Pontifice, successoris gestorum rationem reddiderunt: à quo iterum renissi in Africam cum Commonitorio, in quo erant quatuor mandata. *Primum de appellationibus Episcoporum ad Romanæ Ecclesiæ sacerdotem. Secundum ne ad Comitatum Episcopi impartune nauigent. Tertium de tractandis presbyterorum, & Diaconorum causis apud finitimos Episcopos. Quartum de Urbano excommunicato, ne etiam Romam euocando, nisi ea quæ videbantur corrigenda, corrigeret.* Hæc sunt in Epistola Concilij Africa-



ni ad Bonifacium primum scripta ponitur post illud Concilium apud Biniū pag 644. Legati autem erant tres Faustinus Episcopus Potentinus, & Philippus, & Asellus Presbyteri: ea propter coactum fuit Africanum Concilium quod sextum Carthaginiense vulgò habetur anno 419.

Præterea multæ aliæ factæ sunt in Africa appellationes Romam: quas Augustinus significat Epist. 262. *Prisci, Victoris, Laurentij*, quas obiter commemorat occasione accepta celeberrimæ appellationis Antonij Fussalensis Episcopi quondam Augustini monachi, quem multorum criminum accusatum, & conuictum, & munere Episcopali priuatum incescit libido Romam appellandi ad Bonifacium Pontificem bona cum ventâ Patrum, cū cum Primas ipse Prouinciæ referente Augustino Bonifacio Papæ commendasset. Quæ item causa defuncto Bonifacio ad Cælestinum successorem deuenit, quemadmodum narrat Augustinus in eadem Epist. 262. Solemne autem fuisse appellari ab Africanis Romam constat ex Augustino ibidem *Ex ista*, inquit, *exemplo ipsa Sede Apostolica iudicante, vel aliorum iudicati firmante quosdam pro culpis quibusdam nec Episcopali spogliatos honore nec relictos omnimodis impenitos. Quæ ut a nostris temporibus remotissima non requiram recenti memorabo.* Memorat autem Prisci Prouinciæ Cælaricensis Episcopi, Victoris; Laurentij Episcoporum: idcirco vero hæc adduxit exempla, ut horretur Cælestinum, cui scribit ad mansuetudinem, & lenitatem. Et quidem in hac appellatione Antonij Fussalensis Episcopi magnum est momentum ad probandum id quod sumimus de usu appellandi in Ecclesia Africana ad Pontificem Romanum. Itaque illius memoriam sapienter Africani.

Hæc



Hæc omnino persuadent Ecclesiam Africanam non solum agnouisse ius appellandi ad Romanum Pontificem, sed etiam vfu illud approbasse, cum toties ad illam appellarit. Et quamquam videbatur obstare Canon 22. Concilij Mileuitani, qui iam fuerat conditus à Synodo Carthaginensi, estque 17. & habetur in c. *Placuit*. 2. q. 6. vbi ponitur in titulo ex Concilio Mileuitano c. 22. & ad Marginem & Africanic. 92. (quem numerum mendosum puto) nil tamen obstat nostræ doctrinæ, quia ille Canon tantum loquitur de Clericis inferioribus Episcopis, non autem de Episcopis, quibus semper licuit Romam appellare, quemadmodum colligitur ex Augustino Epist. 162. de Cæcilian. & ipsius Collegis: *Nec enim inquit, aut de presbyteris, aut diaconis, aut inferioris ordinis Clericis, sed de Collegis agebatur, qui possent aliorum Collegarum iudicio, præsertim Apostolicorum Ecclesiarum causam suam integram reservare: vbi Augustinus agnoscit Canonem laudatum Concilij Mileuitani: quod accuratè obseruandum est vt retundantur obiectiones Hæreticorum ex facto Apicarij argumentantium non licuisse Episcopis Africanæ Ecclesiæ ad Sedem Apostolicam appellare, cum ex dictis appareat semper in ea Ecclesia viguisse illam consuetudinem appellandi.*



## Caput V I.

Augustinū & Patres Africanos nunquam dubitasse de iure appellandi, sed de causis, & modis appellationum. Distinguitur interius, & vsum, & abusum appellandi. Probatur Ecclesiam Africanam omnino cum reliqua Ecclesia Catholica consensisse. Proferuntur exempla tribunalium, & religionum quibus non licet in multis euentibus ad Sedem Apostolicam appellare.

re.

**N**unc ad institutum. Controuersia quæ ortæ sunt super appellationibus non fuerunt de iure, nec de usu, sed de modo, & ratione appellandi, in quo nihil nouum introduxerunt Patres Africani: nam etiam in reliqua Ecclesia non licet in omni euentu, & quomodolibet ad Sedem Apostolicam appellare; videlicet si causa non subest appellandi, & si est iniusta appellatio, à quocunque demum fiat, vti continetur in titulo de Appellationibus. Verum obijciat quispiam Africanum illum Canonem proxime adductum Concilij Mileuitani. Respondet Gratianus in c. Placuit 2. q. 6. exponendo ly *Ad Transmarina*, itaut non comprehendat Sedem Apostolicam. Nisi forte, inquit, ad Romanam Sedem appellauerint. Nec improbabiler, cum *Transmarina* iudicia ad Imperatores & Comitatum fieri à Donatistis solerent. Verum non videtur iusta hæc Gratiani exceptio. Nam Canon loquitur vniuersim de omni appellatione *ad Transmarina*, quæ vox comprehendit Sedem Romanam.



nam. Positui isti Theologi qui farragines locorum  
 afferunt ad ostentationem eruditionis, nosque Schola-  
 sticos contemnunt, nihil hic dicunt intra cancellos  
 Canonum, & facti conclusi, non audentes ad causas  
 & iura prodire, & in acie cum Hæreticis dimicare, qui-  
 bus factorum & Canonum narratio, & positio arridet,  
 & ius, & ratio argumentandi displicet. Vtrique  
 euentis rem pendunt, nec causas inquirunt, quas no-  
 stri Scholastici diligenter inuestigant, vt soluant diffi-  
 cultates occurrentes quibus eum ego sentio. *Mouent*  
*quippe me magis vt sapienter ait Tullius ad Articulum*  
*causæ euentorum, quam ipsa euenta.* Attendenda igitur est,  
 sicuti in legibus mens Legislatorum, ita & in Canoni-  
 bus mens Patrum, non vox, quando hæc ambigua  
 est: vt fecit Gratianus, quam vis eam minus bene in-  
 tellexerit, & minus aptè interpretatus fuerit; saltem  
 vidit difficultatem, & conatus est tollere. At positiui  
 isti contenti baiulare Canones non curant exponere.  
 Hærent in facto Apiarij, sicut Polypi saxo, nec saxum  
 abijciunt, vt enatent. Nos verò respondemus. Pri-  
 mum Canonem illum esse intelligendum nisi interue-  
 niat iusta causa, quæ raro contingere poterat in Clericis  
 cum tot haberent superiores in Ordinarijs, & Metropo-  
 litanis ad quos recurrendum erat. Nam finis textus  
 fuit auferre frequentes, & leues, & temerarias appel-  
 lationes, quibus datur occasio aditu facili; & aperto ad  
 appellandum Romam. Hac enim porta patefacta, &  
 data omnibus, veluti venti impetu facto ruerent, &  
 tempestates in Ecclesia excitarent. At si ius erat & ne-  
 cessitas appellandi non prohibebat Canon appellatio-  
 nem cum iusta causa interueniret, quæ ad ius naturale  
 appellandi pertinebat: quare ille Canon nihil derogat

iuri



iuri appellandi, sed prudenter illud dirigit, & moderatur nequis illius vsum in abusum vertat. Audiamus hic Theologos morales, quos etiam isti Positivi minoris faciunt quàm debent. Nos verò illos plurimi æstimamus, quòd sint doctissimi, & conscientie rationem habeant. Laudo vnum haud paulo quàm istos Positivos meliorem, Thomam Sanchez fama celeberrimum. Hic lib. 6. c. 8. in tom. 2. summæ ita scribit.

Sed superest discutiendum, quid sentiendum sit attentis religionum privilegijs, extant enim varia de hac re. Bonifacius VIII. statuit non licere fratribus Franciscanis à correctionibus Prælatorum eiusdem ordinis aliquatenus appellare, ut refert Sorbus in Compendio privilegiorum Mendicantium, verbo appellare. num. 1. & Sixtus IV. concessit Augustinianis, & Carmelitanis; ut Generalis eorum possit suum munus obire, reiecta quavis appellatione ab eius præceptis, monitionibus, ordinationibus, & mandatis, ac decretis, ut refert idem Sorbus ibi. verbo Generalis num. 11. & I. I. & Iulius II. prohibuit sub pœna excommunicationis fratribus, & Sororibus ordinis Prædicatorum appellare à mandatis, & ordinationibus Prælatorum dicti ordinis, ut refert Sorbus ibi. verb. appellare num. 3. & Paulus III. concessit Societati Iesu, ut non liceat à correctione regulæ secundum ordinationes eius factæ appellare, nec posse per quemvis iudicem appellationem admitti, ut habetur in compendio privilegiorum Societatis Iesu, verbo appellatio, 5. 1. & ibi 5. 2. habetur, per privilegium concessum Canonici, Sancti Salvatoris, nullos ex Societate Iesu posse appellare ad quemcumque, etiam ad Pontificem, nisi de speciali eius licentia ab institutis, ordinationibus, correctionibus, & mandatis Congregationis

tionis



tionis Generalis, aut Præpositi Generalis, aut aliorum superiorum, & appellationes, & inde sequuta fore irrita; & eodem 5. 2. refertur per privilegium Cisterciensibus concessum non licere appellare in Societate Iesu sub excommunicatione lata ipsi Pontifici reservata, à reformationibus, seu correctionibus Præpositi Generalis, aut visitatorum quos ipse deputaverit, nisi à Generali Congregatione, & in casu denegatæ iustitiæ, aut pro notoria iniuria; & Sorbus eo verb. appellare, in suis annotationibus circa 5. 1. refert Gregorium XIII. in quodam motu proprio anno 1575. Quod viam nostram pastorali, inter dixit sub excommunicatione Pontifici reservata, & alijs pœnis, fratribus Franciscanis de observantia ad secularia tribunalia appellare; concessisse tamen eis appellationem ad Generalem, vel Protectorem, vel Pontificem. Atque similiter refert, Congregationem Cardinalium edidisse decretum anno 1587. ut appellatio hoc ordine interponatur, à Guardiano ad Provinciale, à Provinciali ad Generalem, à Generali ad Protectorem, & ab hoc ad Cardinalium Congregationem; & etiam refert hanc appellationem esse permissam à Sixto V. in motu proprio anno 1588. ad Romanum spectat Pontificem. Pergit autem gravissimus auctor dicere, quæ maxime rem continent. & ad intellectum Canonis Concilij Milevitani mirificè videntur facere.

Que quidem privilegia merito, ac iure optimo religionibus concessa sunt, ac ab eis appellandi usus exulavit, maxime ad externos Prelatos, ut ad Nuncium, & Pontificem, ut optime inter ceteros docuit Sotus lib. 5. de iust. q. 6. art. 3. colum. penult. vers. at veros ciscitaris quem sequuntur Cordub. 99. practic. c. 23. num. 6. vers. 8. Aragon. 2. 2. q. 69. art. 3. col. antepenult. & ibi Salondub. 2. Sayr. clavis regia lib. 12. c. 17. num. 41. & 42. Manuel de ordine iudiciali, c. 13. num. ult. & 99. regularium tom. 1. q. 29. art. 3. Valent. 2. 2. disput. 5. 9. 13. puncto 3. fin. & Bannezins art. 3. fin. Et ratio est ob bonum, & tranquillitatem,

Gf

ac



ac honorem religionum, quæ in simplici quadam obedientia consistunt, nec modicum hæc detrimentum patiuntur, quando religiosorum causæ extra priuatos parietes tractantur, ad Indicesque externos deferuntur; nec creditu facile est fore, vt omnes superiores religiosi ita iniqui sint, vt grauamen alicui illatum non auferant, & si aliquando, quod rarissime continget id accideret, damno huic priuato præponderat pax, ac commune totius religionis bonum, quod religiosi proprio priuato anteponere debent, sicut quilibet ciuis, & si ad vitam adeo perfectam ac religiosi non teneatur, debet priuatum suum bonum communi Reipublicæ postponere.

Huiusmodi doctrina quandam quasi animam inspirat illi Canoni Mileuitano, vt ea infusa viuat, & proficiat ad institutum de iure, & modo appellandi. Obseruandum autem est Romanos Pontifices nec queri, nec posse queri de illa ratione, & modo procedendi tradito à Sanchez: nam ille nihil detrahit iuri supremo appellandi. Itaque vsu priuari se patiuntur, eumque à iure distinguunt, & ad alios superiores proprios regularium remittunt. Quinimo, quod maxime animaduertendum est, citra priuilegium, ipsa ratio dicat interdum cessare vsum appellandi. Sunt enim qui dicant, & quidem idonei auctores, non posse quemquam ad Papam, omisso medio appellare: cuiusmodi sunt Duardus in Exposit. Bullæ Cenæ lib. 2. c. 9. q. 37. n. 8. Spatarius in praxi tract. 10. p. 4. c. 1. n. 3. Peirinus de relig. subd. tom. 1. q. 1. c. 20. Et Ioannes de S. Maria in tribun. relig. tract. 5. c. 10. §. 1. n. 3. in fine, & alij apud eosdem. Nemo tamen hos auctores reprehendit. Cur ergo Augustinus, & Patres Africani Concilij reprehenduntur? cum nihil detraxerint de iure appellandi, sed tantum modum, & rationem, & causas appellandi exegerint, & facilitatem, & leuitatem in appellando represserint.



serint. Quemadmodum infra manifestius exponemus.

Hæc vero recta est ratio Hæreticos refutandi, quam mallem vteretur amicus noster P. Noris, vir plane eruditus in refellendo Marco Antonio de Dominis: cui tamen ille voluit more positivo respondere. In libro enim suo. 2. de Hist. Pelag. c. 17. versans hunc ipsum euentum Apiarij inducit hunc apostatam sic arguentem: *Africans*, inquit, *Ecclesia Romano Papatui vehementer restitit tempore Augustini. Augustino etiam ipso cum reliquis aduersus Papatum reclamante.* Cui ita respondet fouendo argumentum; *Pro Africanis enim stabat antiquissima consuetudo, qua nullus Presbyter, Diaconus, aut inferioris ordinis Clericus ad Transmarina iudicia vnquam prouocaret: quæ etiam Canone synodali confirmata fuerat; ignorabant item Africani Canones Sardieenses, & cætera quæ aliàs prosequemur, & concludit Inde ergo orta est dissensio.* Itaque & confirmat factum consuetudine, & Canone, & admittit, fateturque dissensionem, & conuiuere videtur Marco Antonio ex eo facto arguenti schisma, quamquam postea hominem egregie refutet, & vtatur exemplo Cleri Siculi è priuilegio Romam non appellantis; quo etiam vtitur P. Lupi vir pariter eruditionis. Probo ista sequentia. Illa priora non probo de consuetudine antiquissima non appellandi refutando eum exemplo Felicissimi, & aliorum, quos supra nominaui tempore Cypriani & Innocentij Apostolicam Sedem appellantium: nec facienda est illa Canonis Africani tam liberalis largitio, & multo minus aduocanda ignorantia Canonum Sardicensium, quæ fouent causam Apostatæ, sed statuendum ius appellationis, & improbandus abusus illius per causam iniustam, per



modum ineptum, per conditionem violentam. P. Noris adstipulari voluit sodali suo P. Lupo, qui ante ipsum eandem sententiam secutus fuerat, quamquam illam multo asperius proponat, quam Noris, qui modeste, & reuerenter erga Patres Africanos, & Augustinum se gerit. Audiamus P. Lupi in Notis ad Concilium Sardicense cap. 6. Enumerans æmulos, & hostes, sic appellat, Synodi, & Canonum Sardicensium: *Alter, inquit, aduersarius fuit Aurelius, & Synodus Africana, in qua fuit Augustinus.* Et mox *Erat consuetudo rationabilis.* Præit faciem Nori, Hanc ego proximè extinxi allatis testimonijs Cypriani, & aliorum, quibus euertitur consuetudo. Verum placet mihi vox *rationabili* in Lupo, quam ille confirmat exemplo Cleri Siculi, qui priuilegium obtinuit ab Adriano quarto, & Innocentio tertio. Quod item affert Noris. Displicet tamen consecutio. Nam si consuetudo rationabilis erat, iusta erat dissensio Aurelij, & Concilij à Sede Romana: igitur non *miserabilis*, quem admodum dicit Lupus, sed *rationabilis*. Viderit is quomodo & secum, & cum Romana Ecclesia cohæreat? quæ non poterat queri de Ecclesia Africana si ea rationabili consuetudine nitebatur. Ego in rem meam addo alia exempla: nimirum Tribunal Sancti Officij in Hispania, à quorum supremis ministris moris non est appellari, quemadmodum Simancas in Cath. instit. tit. 6. num. 2. Roxas sing. 19. num. 1. & sequent. Paramus de Orig. Inquisit. lib. 3. q. 41. num. 58. Decianus in tractat. crimin. lib. 5. c. 20. num. 26. Farinac. de Hæres. q. 185. §. 15. num. 227. Tanta nihilominus est

vis



vis iuris Appellandi, vt Hæreticus etiam si non possit appellare à sententia definitiua, possit tamen à grauamine sibi illato ante illam, & sic ab interlo-  
cutoria. Ita Paramus lib. 3. q. 4. Carrer. de Hæret.  
num. 129. Roxas singa 179. num. 2. Pegna in Di-  
rect. Inquis. p. 3. comment. 51. Zanch contra Hæ-  
ret. c. 20. num. 26. Animaduerto autem hæc  
exempla tum Cleri Siculi, tum Inquisitio-  
nis minus esse quàm pro re idonea.

Nam ea sunt priuilegia conces-  
sa à Romano Pontifice iuri  
suo cedente : nos

autem agimus

abstra-

hen-

do à cessione Pontificia, spectata ratione,

& æquitate naturali, quemadmo-

dum proceditur in Ca-

none Afri-

cano.





## Caput VII.

*Ius appellandi ad Papam cum sit ius diuinum cur ad Canones Nicenos relatum? Patres Africanos non proposuisse Canones sed Romanos Legatos qui ansam quæstioni dederunt. Nam fuisse non de iure appellandi, sed de usu & modo exequendi appellationes. Expenditur Canon 5. alias 7. de appellationibus. Proponuntur modi iniuste appellandi, in quibus versari innocenter potuit disceptatio.*

**N**ihil magis mirari soleo in hac causa, quam id quod video mirari, imo ne obseruare quidem, neminem. Videlicet quomodo Pontifices Romani, quorum potestas est immediatè à Christo, cuius pars magna est ius ad se reuocandi causas inferiorum intercedente iusta appellatione eam non protulerunt in medium, sed ad Canones Ecclesiasticos contulerunt? Videbantur enim eam subijcere Ecclesiastico iuri, quod erat inferius iure diuino, à quo manauerat. Vnde non est mirum si Patres Africanide eo quæstionem instituerunt, & Canones productos examinarunt. In quo certè non sunt culpandi, quando ipsimet Pontifices visi sunt ijs occasionem dubitandi dare. Quare non soleo reprehendere Africanos illos Patres sanctissimos, & doctissimos, & omnium Coryphaum Augustinum de mota in eo Concilio quæstione: Nam ij eam non excitarunt, sed excitandi ansam datam à Romanis Legatis arri-

pue-



puerunt: non quidem vt ait Noris lib. 1. c. 17. ad finem. desiderio iura sua extendendi, quod minime de ijs credendum, sed studio veritatis inquirendæ, & tuendæ, vt apparuit ex deliberatione facta de Consilio Augustini, & Alipij, nempe obseruandi Romanum decretum, dum inquirebatur de veritate Canonum prolatorum, in quibus Legati suum ius fundare videbantur. Secus equidem facturos fuisse arbitror, si Legati Romanæ Sedis auctoritatem Pontificiam à Christo acceptam allegassent, & ad potestatem elauium ius illud appellandi, quod exigebant, retulissent. Scholarum ista propria controuersia est, à qua isti positiui scriptores eruditionum baiuli sunt alieni, cum tamen ex eius decisione pendeat contentions sensus, id circo minus intellectus ab hominibus addictis nudæ facti narrationi. Diu est quod hanc rem agitabam animo, vt dissensiones ortas tum inter Romanos Pontifices, & Patres Africanos olim, & inter nostros Orthodoxos & Heterodoxos scriptores postea natas omnino tollerem. Primum igitur quærendum est, quid contineatur in eo primo Canone: in hoc enim præcipue laboratur, quod in eo sit origo, & fons contentions. Is est Canon 5. in 1. versione & apud Lupum. Septimus vero in duabus alijs Dionysij Exigui, & Isidori Mercatoris, qui Canon huiusmodi est apud Binium. *Cap. 5. Placuit vt si quis Episcopus delatus fuerit, & congregati huius regionis Episcopi eum gradum ouerint, & veluti appellans confugerit ad Beatissimum Romanum Episcopum, & velit ipsam audire, & iustum esse existimauerit, eius rei exilimationem renocari, coepiscopis scribere dignabitur qui sunt propinqui prouinciæ, vt ipsi diligenter, & accuratè singula perscrutentur, & ex veritatis persuatione de re sententiam ferant. Si quis autem potulerit suum negotium*



rursus audiri, & ad suam supplicationem Romanorum Episcopum iudicare visum fuerit, ut à proprio latere presbyteros mittat, ut sit in potestate Episcopi, quod rectè habere probauerit, & statuerit, oportere eos mitti qui cum Episcopis sint iudicaturi habentes auctoritatem eius à quo missi sunt, & hoc ponendum est. Si autem sufficere putauerit ad rei cognitionem, & Episcopi sententiam faciet quod prudentissimo eius Consilio rectè habere videbitur. Responderunt Episcopi: Quæ dicta sunt Placuerunt.

Canon supponit ius appellandi ad Romanum Pontificem, & testatur quod est de iure diuino, nec de eo dubitari potest. Deinde procedit ad iustitiam causæ: ait enim si iustum putauerit, quod cadit super decretum Papæ: pertinet enim ad executionem illius, & continet modum eo vtendi. Qui modus multiplex est. Primus ut examinatio causæ Episcopi proximis prouincijs de mandetur: ut ipsi singula perscrutentur, & ex veritatis fide ferant sententiam. Secundus si eo modo non succedat absolutio, & is qui non fuerit absolutus velit, rursus audiri, possit Romanus Pontifex Legatos à latere mittere eò, vbi iudicatus fuit reus, qui causam examinent per se, & iudicent. Tertius ut ij Legati coniuncti cum Episcopis simul rem transigant. Quartum est difficile intellectu in Canone 5. sed exponitur in Canone 7. ut ipsimet Episcopi Cōprouinciales terminent causam. Videamus nunc vtrum hic contineatur aliquid de quo dubitari sine detrimento Pontificæ auctoritatis possit. Versamur enim in quæstione de modo, quem oportet esse iustum Si iustum esse existimauerit. Quod iudicium de iusto manet apud Pontificem, qui quod iustum putarit, id præscribat. Et quidem semper iustitia requiritur, sed ea iudicio Papæ committitur ut quod ille iustum fore decernat, id prorsus fiat.

Quòd



Quòd si quid intercurrat iniustum in usu mandati iusti, id planè non est exequendum, cum sit præter Papæ intensionem iustum præscribentis. Poterat autem iniustum interuenire in omnibus hisce modis. In primo: si Episcopi proximæ Prouinciæ non possent integram habere notitiâ rei iustæ, & vellent minus benè perspecta causa iudicare, tunc cessabat obligatio parendi mandato Papæ supponentis iustum modum: quo deficiente nullum erat mandatum. Poterat in secundo, si Legati à latere totum sibi arbitrium iudicandi assumerent reiecto consilio Episcoporum, & violenter se gererent, turbasatellitum comitati, & manu armata feroces, quod erat prorsus iniustum, & ab Ecclesiastica professione alienum. Poterat in tertio: si Legati obstrepentibus armis deterrent Episcopos à ferenda pro libertate sententia, vt eos ad suas partes traherent. Poterat in quarto: si Episcopi obstinatè in primam sententiam irent, nec vellent iudicium suum semel datum retrahere. Periculum autem erat abusus delegationis Pontifice absente Romæ, cuius præsentia posset, ac deberet continere ministros delegatos in officio. Hæc autem omnia spectabant ad ius Ecclesiasticum, non ad Diuinum, vnde manabant: adeo vt si quod esset, iniustum, rursus id, non fontibus esset imputandum. His autem modis vitatis vitabantur item appellationes, & propter huiusmodi vitia cunctabantur admittere has appellationes Patres Africani, quæ ipmet Romani Pontifices nouerant, posse intercurrere, & ne acciderent prouidebant. Quemadmodum fecit

Hh

Papa



Papa Bonifacius apud Augustinum Epist. 262. loquens de appellatione Antonij Fussalensis Episcopi *Pastoralis vigilique cautela* Beatus Pāpa Bonifacius in Epistola sua posuit de Antonio loquens Episcopo, & ait si ordinem rerum nobis fideliter indicauit. Et Cælestinus in sua Epist. 2. ad Episcopos Galliæ circa accusationem factam à Prospero, & Hilario de quorundam Semipelagianismo si ita res est, si ita res sunt iterata conditione quod Africanum hoc Concilium scribens ad Cælestinum animaduertit. Ne à sua Prouincia communione suspensi, vel festinati, vel praeproperè, vel indebitè videantur Communioni restitui. Et rursum: Quomodo Transmarinum iudicium ratum erit, ad quod testium necessaria persone, vel propter sexus, vel propter senectutis infirmitatem, vel multis alijs intercurrentibus impedimentis adduci non poterunt? Verum illud præcipue in isto Canone nouum, & durum visum est Patribus, quod mitterentur Legati à latere ab Vrbe Roma ad cognoscenda, & recognoscenda iudicia Episcoporum. Quod quidem satis grauitè, & dolenter significauit Concilium in eadem Epistola. Nam ut aliqui tanquam à tua sanctitatis latere mittantur nullā inuenimus Patrum Synode constitutum; & allegant Canonem illum non fuisse repperitum in exemplaribus Alexandrinis, & Constantinopolitanis Cyrillo, & Attico Patriarchis. Cum præsertim ipsi cum fastu, & pompa, & armis, armatisque venirent, de quo Augustinus Epist. 262. scribens ad eundem Cælestinum de appellatione Antonij Fussalensis, quæ iterum in stylum veniet. Turbabat vero eos hic modus, tum quia erat insolitus, tum quia videbatur detrahè iudicibus, perinde ac ij iniuste iudicassent; & forent ij iudicandi à Legatis, tum quia homines noui adueniebant, minus experti, qui difficulter

pos-



possent, tam breui tempore de re inquirere, & cognoscere: tum quia arma, & armati satellites violentiæ speciem præseferbant. Quid hic est quod detrahat iuri vel dignitati, vel auctoritati Pontificiæ? Omnia versantur in modo, qui aduenit iuri, non imbibitur in ipso iure. Idem profecto sentiunt Patres Africani cum ipsismet Pontificibus, & sacris Canonibus: nec id aut exprobrando, aut calumniando dicunt, sed precando, & proponendo, ceu inferiores superiori, nihil dubitantes de iure & potestate, sed de usu & modo, qui interuenire poterat incongruus in exercitio potestatis, & in abusum verti. Ac id obseruandum est maximè, quòd etiam post istam quæstionem de Canonibus Nicenis Patres Africani semper obedierunt, Papis, & in eorum potestate fuerunt, & appellationes non cessarunt, etiam si arma adhiberentur, quemadmodum constat ex illa celeberrima Antonij Fussalensis appellatione, in quâ disertè Augustinus armatæ illius potentiæ mentionem facit, & tantum humillimè rogat Cælestinum, ne velis eius usum permittere. Epist. 262. *Subueni hominibus, inquit, opem tuam in Christi misericordia multò auidius quam ille ponentibus à cuius inquietudine desiderant liberari. Iudicia quippe illis, & publicas potestates, & militares impetus tanquam executores Apostolicæ Sedis sententiam siue ipse, siue rumores creberrimi comminantur, ut miseri homines Christiani Catholici grauiora formident à Catholicis Episcopis, quàm cum essent Hæretici à Catholicorum Imperatorum legibus formidabant. Verus ergo, & iustus erat ille timor Patrum Concilij. Sed non ideo destiterunt subditi ab appellando, nec superiores impedierunt appellationes. Audiamus iterum in eadem Epistola Augustinum humiliter, imò & abiectè supplicantem Ne suas ista si ri obsecro*



per Christi sanguinem, per Apostoli Petri memoriam, qui Christianorum praepositos populorum monuit ne violenter dominantur inter fratres. Mirabilis est hic locus ad probandum nihil in eo Concilio decretum, aut statutum contra ius appellandi ad Sedem Apostolicam: si quidem Augustinus qui in eo fuerat, post illud appellationes admisit, & recognouit, & tantum de modo & abusu questus est submissè postulando, ut vis remoueretur, & moderatio seruaretur. Quo iure igitur accusantur ij Patres de miserabili contentione cum Romanis Pontificibus, cum ea non fuerit contentio, sed consensus de iure appellandi, & necessaria animaduersio de abusu in exercitio iuris, & potestatis?

Est & alius in Augustino locus geminus huic proximo, qui probat Augustinum appellationes etiam Clericorum Romam missas agnoscere, & approbare. Nam in Epist. 169. scribens Eusebio Episcopo, ut hortetur Proculianum item Episcopum ad corripiendum Primum Subdiaconum Spaniensem corruptis moribus, & perdita fide hominem, à fide Catholica deficientem, interminatur, si nolit sibi morigerari, missurum se Romam, & codices publicos inde missos impetraturum, unde constet eum in eo iudicio Transmarino fuisse accusatum, & fortè damnatum. Auscultemus Augustinum. Si malefacio, inquit, per tuam benevolentiam ista corrigenda curare, de me nullus queratur, si hæc illi perferre in uotitiam per testes publicos fecero, qui mihi negari, ut arbitror, in Romana ciuitate non possunt. Rem continet hic locus. Constat Romæ esse libellos accusatorios Primi haud dubiè tanquam ad supremum iudicium missos. Constat eum fuisse accusatum, & fortasse damnatum. Constat id fuisse factum sine intercessione, vel obnuntiatione Episcopo-

rum



tum Africanorum. Constat Augustinum illud factum approbare promittendo se impetraturum; quod non promitteret, si illicita illi <sup>codices</sup> continerent. Quem ego locum inuictum existimo ad demonstrandum vsum recurrendi, & appellandi ad iudicia Transmarina, & nominatim Romanam Sedem ab ipsomet Augustino, & à Patribus Africanis qui in sexto Concilio interfuerant probatum, & obseruatum fuisse, atque adeo falsò queri scriptores minus accuratos de illa dissensione, & contentione Africanæ Ecclesiæ cum Romana, quam ii comminiscuntur. Hunc locum Augustini, quem diu versauis, sic interpretor. Scio eum aliter intelligi à Louanienensibus: qui in Epistolæ inscriptione de appellatione mittenda Romam ab Augustino intelligunt. Vt cunq; sit mens integra est; eaque vtrouis modo accepta ius & vsus Romam appellandi confirmatur.

Ex dictis manifestè deducitur Patres Africanos in hoc Concilio 6. Carthaginensi minimè disceptasse de iure appellandi, quod est diuinum, sed eo supposito, ac retento, de vsu, & modo; qui ad ius Ecclesiasticum pertinet, quæstionem mouisse; quemadmodum in omni Ecclesia fieri solet, & patet in ritulis appellationum, vbi variæ quæstiones ponuntur, quæ tum à iuris Canonici prudentibus, tum à Theologis disputantur. Propterea Canones sunt exhibiti a Legatis Romanis, quia quæstio nulla erat de iure diuino, nec de potestate Clauium, sed de iure Ecclesiastico ad vsum, & factum pertinente.



## Caput VIII.

*Calumnia P. Lupi Augustino, & Africanis Patribus imposita de-  
lectur. Auctoris de Augustini doctrina de Gratia exposita in  
suis libris sententia propter suauem explicandi modum  
Parisijs laudata. Nihil in 6. Concilio Carthaginien-  
si detractum auctoritati Pontificæ, imò addi-  
tum. Legati Romani nihil conqueruntur.  
Vsum & modum iniustum, & ineptum  
appellandi Patres improbarunt; non  
tamen resistendo, sed precando reue-  
renter Pontificem ne ijs uti per-  
mitteret, idque ex Augusti-  
ni Epistolis mon-  
stratur.*

**E**T præclara mea, de P. Lupi existimatio, & vetus  
cum illo necessitudo facit, ut doleam in eam il-  
lum venisse sententiam, quæ minus tanti aucto-  
ris pietati respondeat, & quam ipse ita dicendo exas-  
peret, ut videatur præbere ansam Heterodoxis sumen-  
di maiores animos ad eleuandam, quod semper mo-  
liuntur, Sedis Apostolicæ auctoritatem. Vtrunque  
improbo, & dictionem, & sensum. Mallem ut secus  
sentiret; nollem ut ita diceret. Quorsum enim illud?  
Cinonum Sardicensium ignorantia non solum S. Augustinus sed &  
cum plena Africana Synodo Aurelius Episcopus incurrit. N.  
ceni Canonis deuium intellectum, longaque illam, & miserabilem  
de Romanis appellationibus, atque euocationibus contentionem sub  
Zosimo Pontifice captam in præfat. ad Lectorem & iterum  
Aurelii Carthaginiensis Episcopi fundamenta sunt antiqua nuga-  
menta



*menta factionis Eusebiana damnantis Iulium Pontificem in notis*  
 ad Concilium Sardicense super Canone V. siue 7  
 Tertium Alter Synodi hostis & Canonum Sardicensium ad versa  
*rius fuit Aurelius, omnis Africana synodus in quo & S. Augusti-*  
*nus.* Dissert. supr. Conci. Sardic. cap. 6. vbi  
 exponit acta Sardicensis Synodi. Tandem id quod  
 est grauius in iisdem notis in Canon. V. Sardicensem  
 affirmat declarasse Concilium Africanum non posse  
 Papam Romanam ad suum tribunal appellatam causam,  
 & appellantes personas euocare: & de eo cum Roma-  
 na Ecclesia contendisse. Quæ vt constaret vera esse,  
 debuisset ille non exasperare, sed emollire. Magni  
 enim refert his vel illis verbis vti in referendis aliorum  
 sententijs. In rem puto fuerit narrare, quod mihi ac-  
 cidit Parisijs Iansenianis temporibus. Scripsi ego ro-  
 gatus à pluribus hominibus doctissimis summam do-  
 ctrinæ Augustinianæ de Prædestinatione & gratia, &  
 in centum conclusiones eam conieci, in libro, quem  
 Cortinam appellauit, & conclusiones Augustini Ora-  
 cula nuncupauit, quæ illius germana dogmata contine-  
 bant. Ac memini cum liber meus typis mandatus  
 vulgatus iam esset, congratulari mihi magnopere Epi-  
 scopum Montis Albani, virum insignem, summum  
 Theologum, Egregium Concionatorem, quod mu-  
 nus obibat coram Regina Christianissima, qui tum erat  
 Parisijs in Canobio Patrum Augustinianorum, qui Re-  
 formati dicuntur, quod tam suauiter illa, vt aiebat,  
 aspera existimata Augustini dogmata expressesem, om-  
 ni prorsus asperitate deterfa; & tam dulcia, & amabi-  
 lia reddidsem, vt nemo ea deinceps tanquam dura, &  
 difficilia posset repudiare. Fateri te doctrinam in Cor-  
 tina contentam puram puramque Augustini esse, dolci-

ter



ter tamen, & suauiter propositam, & quodam quasi saccharo conditam, atque adeo nemini non placituram, eoque mihi nomine gratias agere. *Macte*, inquit, *Macedona tu rem gratam & utilem Theologis & Republicæ literariæ fecisti quod præter morem aliorum exasperantium Augustini doctrinam sic eam emollisti ut omnibus dulcis, & iucunda videatur.* Cuius gratulationis postea Romæ fructum vidi: nam Sacri Officij Qualificatoris munus singulari beneficio Purpuratorum illius Congregationis Patrum obtinui. Tantum momenti est in exponenda hoc, vel illo modo doctrina. Similis igitur mei ero, & in pari causa ita me geram ut omnem suspensionem diffidij inter Synodum Carthaginensem, & Sedem Apostolicam auferam. Saltem illud consequar, ut nemo illam Synodum horreat, imo amet, & veneretur cum in ea fuerit Augustinus, qui detrahi quicquam Sedi Apostolicæ minime pateretur. Adijcio à me demonstratum iri non modo non fuisse iniuriosam Romanis Pontificibus, imò multum ijs, & gloriæ, & auctoritatis addidisse.

Occasione Apiarij proximè commemorata orta fuerat de modo appellandi superius adducto controuersia. Faustinus, & duo reliqui Romani Pontificis Legati volebant hos quatuor modos defendere ac tueri auctoritate Canonum Nicenorum, quasi ab ea Synodo fuisset approbatim Patribus Africanis sic vniuersim propositi difficiles obseruatu videbantur propter rationes commemoratas, non quòd negarent ius appellandi, sed quòd in eius exercitio abulum timebant, & quòd ille secundus, & tertius modus mittendi Legatos à latere noni, & insoliti apparebant. Recitato igitur Canone, qui ad appellationem Episcopi pertinebat, dixit Alipius sibi omnino videri seruandum esse, quod erat

à Ni-



à Niceno Concilio constitutum. Verum de hoc constituto non constare. Quare inspiciendos Canones esse, qui erant in exemplis Orientalibus, vade illa peti debebant, & interim Commonitorium Romani Pontificis seruandum esse. Quæ certe Alipij sententia prudens fuit dubitando de veritate Canonum, qui nulli erant in Africæ exemplaribus, cum Niceni dicerentur, & ij Nicenum exemplum haberent sine illis Canonibus, nihil detrahendo iuri si deinceps addidit, vt interim seruarentur decreta Pontificis Romani quod ei gloriosum erat. Adeo vt ipsemet Faustinus Episcopus Legatus dixerit *Nec vstra sanctitas præiudicat Ecclesiæ Romanæ siue de his, siue de alijs, quia dicere dignatus est frater noster, & coepiscopus Alipius dubios esse Canones* eique consensit de Canonum Inquisitione, de qua omnes conuenerunt tum Romani Legati, tum Patres Africani, vt habetur in textu: *Vniuersum Concilium dixit placet.* Pergit deinde Synodus recognoscere alterum Canonem Nicenum de iudijs & appellationibus Clericorum; in quo Daniele notario legente sancitum: Vt presbyteris, & Diaconis ab Episcopo suo male acceptis, & timentibus grauiora liceat ad finitimos appellare, patienter in eo se habente Episcopo proprio, dumde iure aut iniustitia cognoscitur & deliberatur. Respondet Augustinus diuinitus cum vniuersa illa Africana Synodo & nominatim postea: *Hic nos seruaturus prostemur salua diligentiori Inquisitione Concilij Niceni.* Et hoc placuit. Et auctoritas Niceni Concilij à Secundo Episcopo Ecclesiæ Sufferulæ Legato Bifacenæ prouinciæ commendatur.



Atque hic Faustinus Romanus Legatus assensum præbuit suum Augustini laudata sententia, & confirmavit sibi placere supersedendum esse, & monendum Pontificem Romanum. Pactum inter omnes, ut si qui Canones Orientalis Ecclesiæ responderent Romanis, firmarentur omnino hi duo Canones quasi legitimi, quamvis Africani allati à Cæciliano, qui interfuerat Concilio Niceno, & exemplum inde attulerat discreparent, nam in hoc minime reperiebantur. Sin secus: nouam Synodum de re institui oportere. Ita discessum sine vlla querimonia Legatorum Romanorum. Itaque placita Concilij Apostolicæ auctoritati fauerunt: tum quia oblatos Canones Romanos suis Africanis anteposuerunt: tum quia interim nihil præter Pontificis Romani sententiam facere voluerunt: tum quia Papam consulendum decreuerunt: quæ tria rem Sedis Apostolicæ continebant. Quid ergo muginantur aduersarij Ecclesiæ vel Africanæ, vel Romanæ, cum in his nulla inter eas contentio, sed summa consensus inueniatur? Quare reprehendunt hanc Synodum de qua ne queri quidem potuit Romanus Legatus Faustinus? quem dolor pungeret & stimulare aduersos illos Patres, si quid esset, vel dictum, vel factum, quo vel leuiter Romanæ Sedis auctoritas læderetur. Cur ij magis mouentur, quam sunt moti ipsi nec Legati, quorum partes erant Romanam dignitatem tueri? Tamen obijciunt hæcenus rectè consultum, & deliberatum. Verùm postea quàm venerunt exempla Nicenorum Canonum ex Oriente, & minime expectationi Romanæ responderunt, non repertis illis Canonibus, quos desiderabant, secus à Patribus iudicatum, & Pontifici Romano contradictum: quemadmodum apparet ex dua-

bus



bus Epistolis Synodalibus, una ad Bonifacium, altera ad Caelestinum missis, quæ in tomo Conciliorum habentur. Igitur fuit dissidium inter vtranque Ecclesiam nolente Africana parere decretis Romanæ circa formam & usum appellandi. Id autem patet in secunda Epistola in qua sic: *Decreta Nicena siue inferioris gradus Clericos, siue ipsos Episcopos suis Metropolitanis aptissime commiserunt. Prudentissime enim, iustissimeque prouiderunt: quæcumque negotia in suis locis ubi orta sunt finiendâ. Et paulo post Quomodo Transmarinum iudicium ratum erit ad quod testium necessarie personæ, vel propter sexus, vel propter senectutis infirmitatem, vel multis alijs intercurrentibus impedimentis adduci non poterunt?* Rursum Nam ut aliqua tua sanctitate mittantur, nulla inuenimus Patrum Synodo constitutum. Propterea P. Lupi errorem appellat hanc sententiam in notis ad 5. Canonem Concilij Sardicensis, & illius fundamenta nugamenta factionis Eusebianæ vocat, nihil enim tunc de Augustino, qui in eo erat Concilio, cogitabat.

Respondeo igitur perspicuè ad tollendam difficultatem, & quidem ut pungam obiter Lupum, & Posituius huiusmodi Scriptores more Scholastico. Primo sic Patres Africanos distinxisse inter potentiam, & actum, siue inter potestatem, & usum, & nunquam negasse potentiam, nec potestatem in Pontifice Romano, sed ea reuera de actu & usu dubitasse, quæ erat quaestio de facto, & ad conuenientiam pertinebat: utrum scilicet expectaret ille usus potestatis, & ille actus potentiae cum iure appellandi: quod perinde erat, ac dicere posse Papam: sed dubitare, an liceret? quo pacto Theologi fatentur multa posse Pontificem de potentia absoluta, quæ interdum non licent, nec expediunt.



Secundò quæstionem illam versari intra Canones, quos producebant Legati Romani dicentes illum vltum potestatis in Canonibus contineri, nihil disputantes de iure, & potestate absoluta summi Pontificis, quæ erat extra Canones, & altius habebat principium, nimirum in iure diuino, & Clauibus Petri: vnde tota controuersia intra Canones versabatur.

Tertiò quia quoquomodo res se habeat Patres Africani non resisterunt decretis Papæ, sed petierunt ne vellet eo modo vti in exercenda potestate: orando, non contradicendo, per modum supplicum, non iudicium; non cum auctoritate resistendo, sed cum humilitate deprecando. Patet ex verbis Epistolæ Synodalis, tum primæ, tum secundæ. In prima enim ad Bonifacium sic *De tua poscimus sanctitate*; & iterum; *Obsecramus* quo ad Inquisitionem Canonum. Quo ad executionem verò paulo post aiunt; *Sed credimus misericordiæ Dei nostri, quòd tua sanctitate Ecclesiæ Romanæ Presidente non sumus iam istum typhum passuri, & seruabuntur erga nos ea, quæ nobis etiam non differentibus custodiri debeant cum fraterna charitate, quæ secundum sapientiam atque iustitiam, quam tibi donauit Altissimus etiam ipse prospicis esse seruanda; si fortè aliter se habeant Canones Concilij Niceni.* Quod maxime obseruandum est. Cum enim dixissent se esse seruatuuros decreta Canonum Nicenorum, si quæ imperabantur, ea in illis continerentur, nunc antequam scirent non contineri, precantur ne executioni mandentur. An erat hoc Canonibus derogare? aut ijs nolle parere? nequaquam. Igitur neque cum monebant Papam, & precabantur ne fieret illa executio, derogabant pontificiæ potestati. In secundâ

verò



verò Epistola ad Celestinum perspicuè post recepta  
iam exemplaria Canonum Orientalium. Prasato, sic  
inquiunt, debite salutatiois officio impendio deprecamur, ut  
deinceps ad aures vestras hinc venientes non facilius admittatis.  
Viden ut deprecantur? Viden ut supponunt venturos  
ne impediant? Viden ut non negant admittendos, sed  
tantum improbant facilitatem in admittendo? Non  
facilius admittatis. Viden ut addunt Nec à nobis excom-  
municatos in communionem vltro velitis excipere? Ad vo-  
luntatem Papæ se remittunt adhuc prolatis Ca-  
nonibus Niceni Concilij in quibus non erant il-  
li duo in quibus imperata non continebantur.  
Postea Nec à tua sanctitate vel festinato, vel præpro-  
perè, vel inlebitè videantur Communioni restitui.  
Agunt de abusu, non de usu. Cauent ne qua  
obrepant vitia; non vetant ne hoc fiat citra vi-  
tium. Adjiciunt: Presbyterorum quique, & sequen-  
tium Clericorum improba refugia, sicuti dignum est ne admit-  
tat sanctitas tua. Nota improba, non proba: illa ex-  
cludunt: ista non excludunt. Et quòd mixti-  
me rem continet, cum negassent vllum esse Pa-  
trum decretum de mittendis Legatis à latere,  
aiunt prope finem Epistolæ. Executores Clericos ve-  
stros quibusque potentibus nolite mittere; nolite concedere  
ne fumosum typhum seculi in Ecclesiam Christi, que lucem  
simplicitatis, & humilitatis diuini Dei videre cupientibus  
præfert, videamur inducere. Ecce quod negarant con-  
tineri vlla in Synodo, idest mitti Legatos à latere,  
admit-



admittunt, & tantum petunt ne mittantur potentibus, ne insolenter agant, & turbent pacem Ecclesiae: dum enim hos excipiunt, ceteros non impediunt, & utuntur verbo *Nolite* hoc ipsum reuocantes ad arbitrium Pontificis. Fateor, mi Lector, cum ista lego magno pietatis sensu commoueri considerans Africanorum, Patrum moderationem, suauitatem, submissionem erga Romanum Pontificem, & stomacho illis qui eos iudicant fuisse refractarios, & contentiosos, cum tam officiose, & obsequenter erga Pontificem se gesserint: & quia inter eos erat Augustinus vir Sanctissimus, Sapientissimus, & suauissimus suspicor hanc Epistolam ab eo fuisse dictatam. Nec de nihilo id suspicor: est enim conformis alteri Epistolae de appellatione Antonij Fussalensis, de qua supra commemorauimus: conferens enim utranque inuenio esse germanas. Accipe illam Epistolam 262. & lege haec verba quae sunt sub finem *Suademi hominibus* (ad eundem Caelestinum scribit) *opem tuam in Christi misericordia poscentibus: Iudicia & publicas potestates, & militares impetus tanquam executores Apostolorum sententiam. Non scitis ista fieri obsecro te per Christi sanguinem per Apostoli Petri memoriam: & cetera quae a Sanctissima illa manu diuinitus dictata exarantur: & hic mihi erupunt lacrymae, ortae ex pia commotione animi agnoscentis in Augustino, & Patribus Africanis tantam in Sedem Apostolicam obseruantiam, & submissionem: cum alij detorquendo verba, rideant auctoritatem Apostolicae sedis, & imponant calumniam Sanctissimis Patribus, Tuta est Apostolica Sedis auctoritas ubi Augustinus consistit. Verto igitur lacrymas ad eorum vel imperitiam, vel malevolentiam depiorandam.*



## Caput I X.

Vsus appellandi in Ecclesia Africana post illud Concilium VI. continuatus ex Augustini, Leonis Papae, Gelasii, Hormisdæ, Pelagii litteris ostenditur. Eo patet nunquam fuisse de iure appellandi dubitatum. Canones Nicenos duobus, tribusve exceptis non ignorarunt Patres Africani. Laudatur Baronius. Epistola Bonifacii Secundi reprobantis illud Concilium à P. Lupi non improbat, commentitia esse ostenditur. auctoritate Baronij. & commentitium auctorum.

**P**roximæ responsiones auferunt omnes difficultates, quas aduersarij conantur opponere. Super est ad ueritatem nostræ sententiæ confirmandam validum, & idoneum argumentum ab euentu, & usu secuto post illam, quæcunque tandem sit, controuersiam. Constat ex historijs Ecclesiasticis continuatum fuisse appellandi ad Sedem Romanam usum ab illo tempore Concilij Sexti Africani. Compertum est apud Augustinum, qui in eo Concilio secundum Aurelium præcipua pars fuit, istius continuationis testimonium in appellatione Antonij Fusalensis toties à nobis laudatum in Epistola 262. eiusdem Augustini, in qua fit mentio illius modi, quem maximè visi sunt illi Patres abhorrere, mittendi Legatos à latere; qui exprimitur ab Augustino, cum potestate armata, & turba militari, quam & si Augustinus excludat, excludendo significat eundem Romanum Pontificem Celestinum à sua consuetudine non recessisse, quemadmodum te-

stimo-



Simonia ante adducta demonstrant, quæ non oportet repetere. Illud autem est obseruandum, quod idem Pontifex, quo cum susceptam aiunt aduersarij contentionem, quam *miserabilem* vocant etiam post litteras Synodales, quas appellant refractarias, nihilominus, quàm si concordia, & consensus esset, suum ius, & morem retinuisse, & Patres Africanos agnouisse. Unde? Nisi quia non iam Canonum priuilegio, sed potestate Clauum utebatur, cui refragari nemo Catholicus ausus fuisset. Nam nullam deinceps super eo nouam Synodum habitam fuisse legimus, ac proinde exercuit suæ iurisdictionis gladium Romanus Pontifex, eo que difficultatem nodos Alexandræo more præcidit Diuino oraculo usus: *Dabo tibi clauis regni Cæ-*

Paulò post Leo Magnus causam Lupicini Episcopi ad se appellantis suscepit, iubens in Africa de mandato suo audiri, & terminari: quemadmodum testatur ad Episcopos Africanos per Mauritaniam Cæsarenses constitutos. 91. siue 87. apud Biniurn, Causam quoque Lupicini Episcopi illic iubemus audiri, cui multum, & sapius postulanti communionem, hac ratione reddidimus, quoniam cum ad nostrum iudicium prouocasset immerito eum pendente negotio à communionem videbamus fuisse sapensum. Similia exempla suppeditant in Epistola Gelasij. 11. ad Dardanos lectu dignissima. Hormisdæ ad Iustinianum Augustum 25. & Pelagij 2. Epist. 2. *Fatibus vniuersis Episcopis*. quæ omnino rem continent. Legendum item Commonitorium Gelasij ad Faustum Magistrum.

Atque his confutantur scripta aduersariorum: tum Heterodoxorum, qui malignè hanc Synodum opponunt Sedi Apostolicæ tum Orthodoxorum, qui in-

cautè



cautè illis assentiuntur, in quibus est Pater Lupi, qui non debuit pro sua singulari & Religione, & eruditione tam facile sibi persuadere Patres Africanos à Romano Pontifice dissensisse. Non item probo modum loquendi Patris Noris lib. 1. Hist. Pelag. c. 17. in fine dum ait *Africani iura extendere conantur*, quod est indignum sanctis illis Patribus, qui non ambitionis cupiditate, sed pacis studio ducebantur. In quo etiam illud improbo, quòd dicat Africanos Patres non solum Sardicenses, verum etiam ipsosmet Nicenos Canones diu ignorasse. Cum in hoc Concilio sexto Carthaginiensi Patres dicant num. 9. *exemplaria fidei, & statuta Nicene Synodi, quæ ad nostrum Concilium per Beate recordationis olim predecessorem tuæ sanctitatis* (loquuntur cum Aurelio) *qui interfuit, Cæcilianum Episcopum allata sunt*. Erant ergo Nicena statuta, siue Canones noti Patribus Africanis. Quod autem obijcit Noris ignotum vnum Canonem fuisse de non ordinandis duobus Episcopis in eadem Ecclesia accipimus, & respondemus potuisse fieri, ut inter alios iste ignoraretur; nisi fortè ignorantia istius, & aliorum fuit priuata Valerij, & Megalij, non autem omnium Patrum Africanorum: quemadmodum etiam significatur in eo loco Concilij, & Epist. Synodali, Nemo sanè cordatus existimavit illos Patres, quos acceperant à Cæciliano Episcopo Codices Nicenorum Canonum, eos non legisse. Nisi fortè hic Canon eos latuit, quòd non erat scriptus in exemplis Africanis: nam diuersa fuisse illius Concilij exemplaria, quorum alia plures, alia pauciores Canones continebant, postea ostendemus. Præterea ille Canō erat de re quæ rarò cōtingere

Kk

poterat,



poterat, ac proinde minus ad Ecclesiasticam administrationem necessarius.

Palmarium illud esse volo in hac mea responsione, quod ex ea deducitur ius appellandi non fundari in ullis Canonibus, sed fortiori niti fundamento, videlicet iure diuino cum Clauibus Petro Apostolo tradito; unde ii, quales, quales sunt, Canones emanarunt, cum Patres Africani etiam citra auctoritatem Canonum ius, imo & vsum appellandi, ratum habuerint & seruauerint. Falluntur ergo auctores qui putant appellationes factas in Ecclesia his Canonibus Sardicentibus fulciri, minus enim dignè sentiunt de fonte, & origine illius iuris, & vsus. Sciant non tantum momenti esse in ijs Canonibus, quantum ij inesse arbitrantur. Desinant ita loqui, vt videantur sentire illis remotis cadere totum ædificium appellationis, & propterea reprehendunt Patres Africanos de ignorantia illorum Canonum, quasi ius & vsum appellandi ignorarent. Constat ex dictis, Sanctissimos illos Patres cum Augustino altius spectasse, & certius vidisse ius illud appellationis super Canones esse. Quod si de Canonibus tractarunt, eò fecerunt, quod Legati Romani eos Canones obtulerunt; quos ego sanè miror tantam vim fecisse in ijs Canonibus, cum tamen possent supra Canones ire, & respiciendo ius Clauium ad illud controuersiam reuocare. Verùm ne hos quidem ego reprehendo, quia de modo tantum appellandi agebatur, quod hic ante me obseruarunt Baronius, Spondanus, & Binius, qui mecum penitus sentiunt, & nullam dissensionem, ne dum contentionem cum Sede Apostolica in hoc Concilio inuenerunt. Deleat ergo P. Lupus illam vocem *miserabilem contentionem*. Miseren-

dum



dum potius est homini erudito, qui ab scopo veritatis aberravit.

Animaduerto, nequis scrupulus supersit; illas difficultates, quas in suis Epistolis Synodalibus Africani Patres Romano Pontifici proponunt, ne pèrgat illos modos qui videntur alieni, & violenti sectari in appellationibus exequendis, & alias quas repræsentant ex parte testium, qui vel non possint Roman se conferre, & vel testimonia aptè & couenienter dicere, nihil huic doctrinæ obstare; omnes enim sumuntur ex parte obiecti, non autem ex parte potentiæ, vt scholastico more dicam, vnde apparet eos nunquam dubitasse de potentia, & iure Romani Pontificis, sed de obiectis, & actibus istius potentiæ, & iuris, in quibus poterant difficultates & abusus inueniri; quod quidem pertinet ad modum, non vero ad ius appellandi: quod etiam egregiè ad notauit Baronius, & Spondanus ad annum 419. nu. 12. Binius tom. 1. in not. ad hoc VI. Carthag. Concilium pag. 629. qui distinguunt interius, & modum, & affirmant istam controuersiam de modo tantum fuisse. Verum quidem est ab iis huiusmodi quæstionem minus esse latè tractatam, quàm est à nobis, qui conati sumus omnem prorsus dubitationem tollere, & vtranque inter se Ecclesiam conciliare, vt Augustini honori, consuleremus, eumque à macula ei à P. Lupo afficta vindicaremus: reddimus tamen debitam gloriam Baronio, & socijs, nequem sua laude fraudemus; in quò certe P. Lupus, & Noris aliquando peccant, Baronium, vel prætereundo, vel deserendo, vel reprehendendo.

Obijcies textum Epistolæ Bonifacij Secundi Papæ ad Eulaliū Antistitem Alexandrinum; *Aurelius*, in-

K k 2 quit,



quit, prefate Carthaginiensis Ecclesiae olim Episcopus cum Collegis, suis instigante Diabolo, superbiere temporibus praedecessorum tuorum Bonifacii, atque Celestini contra Romanam Ecclesiam cepit. Quia Epistola nituntur Haeretici ad inducendam dissensionem Africanæ Ecclesiae à Romana, & ij qui ex Catholicis miserabilem contentionem ingerunt: inter quos est P. Lupi qui videtur hanc Epistolam probare dum ait in prologo eam contentionem tempore Bonifacii secundi extinctam fuisse: quod quidem miserandum est in homine tam pio, & crudito. Respondeo igitur hanc Epistolam esse suppositam, & prorsus commentitiam, quemadmodum ostendit Baronius tum in Notis ad Martyrologium Romanum, 16. Octobris, tum in Annalibus ad ann. 419. & Spondanus ibi. num. 14. & Severinus Binius in Notis tomo 1. pag. 619. & tomo 2. idque pag. 396. multis argumentis probatur tum ab ijs, tum à P. Noris lib. 1. Hist. Pelag. cap. 17. nec à me quidquam addi oportet, cum omnia sint ab his auctoribus occupata. Tantum dico non fore locum [quod impudenter dicit epistola,] *instigante diabolo*, in eo Concilio, ubi erant duo Aurelij prorsus aurei Carthaginiensis, & Hipponensis. Credant fabulae plumbæ ingenia, digna quæ plumbatis cædantur. Nihil ibi nisi Angelicum ubi Cherubinus Augustinus aderat, qui Angelum discipulum D. Thomam habuit, & Magni Consilij Angelus appellari potuit. Hic prope metam profiteor me in hac tota de appellationibus tractatione non tam generatim, quam speciatim de Africanis locutum, quæ meæ partes erant. Qui generalem notitiam cupit eam quærat apud iuris Canonici Prudentes: atque ut aliquem

nomi-



nominatim proferam ; agit de eo luculentissime in-  
 r. tom. suae Iuris prudentiae Sacrae, & Ecclesiasticae,  
 quod opus propediem lucem videbit, Illustrissimus  
 ac Reuerendissimus Dominus D. Abbas Antonius  
 Paulucius Patavinæ Vniuersitatis Lector Primarius :  
 nunc Auditor Rotæ Romanæ à Sanctissimo Domi-  
 no nostro Papa Clemente X. creatus ; vir eru-  
 ditione summa, doctrina singulari, mo-  
 ribus probatissimis, qui eximijs suis  
 virtutibus, præclarisque meritis  
 eam dignitatem obtinuit,  
 ad maiores, vti  
 sperandum  
 est, ex

eo  
 gradu deinceps

ascensu-  
 rus.





## Caput X.

*Canones illi duo de appellationibus, vulgò dicti Sardicenses, Niceni sunt; idque idoneis argumentis ostenditur. Eiusque rei Innocentius primus, Zosimus, Bonifacius, Celestinus, Leo primus: Gelasius auctores sunt. Nulla Sardicensium Canonum mentio in antiquis Pontificum Epistolis usque ad Gregorium magnum. Concilij Florentini idem confirmat auctoritas. Niceni Concilij Canones siue fuerint viginti, siue plures, hos duos Canones de Appellationibus omnino expresserunt. Proponitur Paris Lupi aduersa magno auctori Baronio sententia. Ac eiusdem Baronij doctrina de numero Canonum Nicenorum proferatur.*

**E**T si minus iam de his Canonibus asserendis laborandum sit à nobis præsertim, qui altius repetiuimus originem appellationum, cum eam Euangelicæ veritati assignauimus, non ideo tamen omittenda quæstio, quæ ad institutam disputationem facit, de verisimilitudine sententiæ negantis cum Augustino Sardicense Catholicorum vniuersale Concilium. Equidem fateor commune placitum auctorum esse illos Canones Sardicenses in Nicena synodo conditos non fuisse, sed & pro Nicenis haberi, quod Concilium Sardicense, & Nicenum pro vno, & eodem habeantur, & acta amborum in vnum corpus in Vaticana bibliotheca coniecta & vna coniuncta inueniri. Itaque & mentem vnâ in sentiendo, & vnum corpus in scribendo fuisse, atque adeo ambo vna, & eadem anima, vno &



eodem corpore constare. Agnosco rationem, & accipio: verum ei omnino aquiescere non sinunt huiusmodi rationes.

Prima quia: ista responsio non satisfacit, cum magna sit diuersitas vtriusque Concilij: nam in Niceno est Symbolum quod nullum est in Sardicensi. In Niceno alia quæstiones propositæ fuerunt de Homousio, de Schismate Melatiano, de tempore Paschatis, quarum mentio nulla in Sardicensi. In Niceno damnatus Arius, & sequaces. In Sardicensi de ijs altum silentium. Tandem Canones sunt diuersi: in quibus consistit anima Conciliorum: non est igitur anima vna. Quod attinet corpus minime persuadet. Quid enim refert esse coniuncta volumina, cum etiam in sacris Biblijs sint libri Canonici cum apocryphis coniuncti, & in Hieronymo, & Augustino, & alij Patribus multa opuscula notha & adulterina compaginentur?

Secunda, ipsimet Pontifices Romani, qui eos Canones producerant, & tanquam rem suam continentes in Africam miserant *Nicenos* eos appellarunt, & hoc nomine Legati Apostolici coram Synodo Africana protulerunt, & eorum auctoritate, quæ summa erat in Ecclesia, ius, & vsum appellandi suum roborarunt. Quod minime facerent si Sardicenses essent; cum præsertim eos non lateret, Patribus Africanis ignotum esse Sardicense Concilium, imo, & Hæreticum ab ijs haberi. Putarunt ergo eos Canones esse Nicenos, non Sardicenses. Vnde formo dilemma vel Zosimus, Bonifacius, & Cælestinus nouerunt eos Canones esse Nicenos, vel non? si nouerunt, Niceni erant. Si secus: imposuerunt Patribus Africanis obtrudendo Sardicenses pro Nicenis, ac perinde eos ipsi habebant. Hoc tamen non

fatis



satis erat ad fidem: sciebant quippe ijs non credere Africanos, & refutatos si scirent esse Sardicenses. Igitur si pro Nicenis miserunt, neque fidei, neque estimationi consuluerunt.

Tertia: nisi essent crediti Romæ Niceni, idque sibi Legati persuaderent, non permitterent ut fieret inquisitio de illis Canonibus in Ecclesia Orientalis, sanè imprudentes fuisse videntur dum permiserunt inquiri de ijs tanquam Nicenis. Et verò fiducia qua inquisitionē acceptarunt, monstrat credidisse eos Canones germanos Nicenos esse, nam si aliter existimarent, non se exponerent periculo prodendifalsitatem.

Quarta; quia oportebat cum primū comperissent eos Canones non inueniri in exemplaribus Orientis purgare se excusando Concilium Sardicense, & occupando Romæ illud haberi pro Niceno. Quare nihil mirum videri debere, quod Canones Sardicenses pro Nicenis item Romæ haberentur: ne in dubium vocaretur Romani exemplaris fides. Equidem quempiam prudentem Legatum ita fuisse facturum existimo, ut fidem dictis præstaret, & ego ita facerem si Legatus fuisset. Verum quidem est in quibusdam editionibus cap. 6. Concilij Sexti Africani poni Canonem *ost* ex Sardicensi Concilio qui est 17. in Sardicensi. Verum illud glossemma est, nam in reliquis capitibus, vno excepto, semper fit mentio Niceni Concilij: nulla verò de Sardicensi. Vnde patet illam particulam esse suppositam.

Quinta; sinceritas, & fides, & candor Romanæ Ecclesiæ non ferebat illam speciem, & fucum offerendi Canones Sardicenses pro Nicenis. Id que tandū sustineri sub Zosimo, sub Bonifacio, sub Celestino; præ-

bere-



beretur quippe ansa querelæ Patribus Africanis ; qui candidè , & ingenuè credebant Canones , qui afferebantur esse Nicenos , ac idcirco eos sunt venerati , & ob eorum reuerentiam supersederunt ab omni controuersia interim dum inquirebantur . Nota est fides Ecclesiæ Romanæ in seruandis legitimis exemplis , & Chartis , quas virgines seruabant in Chartophylacijs nec corrumpi sinebant , contra quam fieri consuevit in Ecclesiâ Græca , in qua codices fallabantur ; quod Ioannes à Monte Nigro Prouincialis Dominicanus in Concilio Florentino Marco Ephesio obiecit ses. 20. initio ; neque id ausus est inficiari Marcus Ephesius eius antagonista , qui assensus est his verbis : *Non minus , inquit , inficias codices multos in terris nostris ab Hereticis sapissime corruptos fuisse .* Non decebat ergo in re tam graui vti testimonio Canonum Sardicensium pro Nicenis , sed omnino fateri eos Canones magnæ auctoritatis esse , quamuis Niceni non essent : qua ratione Romanus in citando Candor integer permanebat . Haftenus de rationibus .

Nunc de momentis auctoritatis . Iis ductus affirmo hos duos Canones , qui Sardicenses dicuntur , esse prorsus Nicenos germanos , non Sardicenses . Rem magnam ordior , sed non despero à me perfectum iri . Primum iam dudum obseruam in Epistolis Pontificijs eius sæculi ; & sequentis nullam fieri mentionem Canonum Sardicensium , cum tamen ea plena fuerint euentibus euocationum , appellationum , damnationum , absolutionum , Ecclesiasticarum Romani Pontificis auctoritate & opera gestarum . Legat qui

Ll

volet



voler, Epistolas Innocentij primi, & sequentium vsque ad Gregorium Magnum: altam in ijs est de Canonibus Sardicensibus silentium. Niceni soli nominantur, hi soli producuntur, & origo eorum ad Claues refertur, quemadmodum superius animaduerti, quod ego accuratissimè lectis omnibus Epistolis obseruaui: cum tamen ijs temporibus multa occurrerint exempla vsus huius auctoritatis, & potestatis cum Patriarchis Orientalibus, ac in primis Constantinopolitanis Anatolio, Acatio, Timotheo, Ioanne, Epiphanio, Anthimo, Eutychio, & causæ multiplices agerentur maximam partem controuersiosæ, ad quas decidendas oportebat præsidia Canonum aduocare. Commemorare iuuat aliquot exempla, vt nostram sententiam adstruamus, & roboremus.

Innocentius primus Epist. 1. ad Victricium Rothomagensem Episcopum disertè exprimit Canones istos duos, quos Sardicenses vocant, esse Nicenos, atque à Nicena Synodo statutos. De Zosimo, Bonifacio, Cælestino non opus est dicere, cum ab ijs missi fuerint Canones eo nomine, quod Niceni essent, ad Patres Africanos. Ecce quatuor Pontifices eius rei auctores sunt. Adstipulatur Leo primus Epist. ad Theodos. 9. & 26. & 27. Fauet Epist. 56. ad Anatolium, & 58. ad Pulcheriam Augustam, & Epist. 88. ad Anastasium Episcopum Thessalonicensem. Nec non Felix, & Gelasius in Commonitorio ad Faustum ante Epist. 9. eiusdem: quamuis enim non exprimat nomen, Canones tamen Nicenos significat. Ac obiter id obseruo: cum sæpe de quatuor Concilijs vniuersalibus mentio fiat in his Epistolis, imo & aliorum Pontificum nil prorsus de Sardicensi Synodo commemorari. Atque

vt.



ut aliquid certi afferamus verbis expressis. Innocentius 1. Epist. 1. ad Victorium sic. *Si quæ autem causæ, vel contentiones inter Clericos tam superioris Ordinis, quàm etiam inferioris fuerint exortæ, ut secundum Synodum Nicenam congregatis eiusdem provincie Episcopis iurgium terminetur, nec alicui liceat sine præiudicio tamen Romanæ Ecclesiæ, cuius in omnibus causis debet reuerentia custodiri, relictis his Sacerdotibus, qui in eadem Provincia Dei Ecclesiæ nutu diuino gubernant ad alias conuolare provincias. Quod si quis forte presumpseritis ab officio Clericatus submotus, & iniuriarum reus ab omnibus iudicetur. Si autem maiores causæ in medium fuerint deuolutæ ad Sedem Apostolicam sicut Synodus statuit, & beata consuetudo exigit post iudicium Episcopale referantur.*

Leo primus Epist. 9. ad Theodos. Augustum: Quid autem, inquit, in Constantinopoli tana Ecclesiæ perturbacionis acciderit, quod ita fratres & Coepiscopum nostrum Flavianum potuerit commouere, ut Eutychium presbyterum communionem priuaret, non dum potuimus euidenter cognoscere. Quamuis enim prædictus presbyter ad Sedem Apostolicam per libellum doloris sui querimoniam miserit breuiter aliqua prælibauit asserens se Nicenæ Synodi constituta seruantem frustra in fidei diuersitate culpatum.

Gelasij Commonitorium ad Faustum Magistrum thesaurus est huiusce doctrinæ: excerpo gemmam. Quid tamen ab ijs iudicium quid præcendunt, ubi nam possit agitari: an apud ipsos, ut idem sint inimici, & testes, & iudices? sed tali iudicio nec humana debent committi negotia, ne dum diuina legis integritas. Si quantum ad religionem pertinet non nisi Apostolicæ Sedi iuxta Canones debetur summa iudicij totius, si quantum ad seculi potestatem illi a Pontificibus, & præcipue a Beati Petri Vicario, debet cognoscere quæ diuina sunt, non eadem ipse iudicare, nec sibi hoc potentissimas quiquam seculi, qui ita



men Christianus est vindicare præsunt nisi religionem fortasse persequens. **Vox** iuxta Canones Nicenos significare videtur. Hoc ipsum copiosius & validius confirmat Gelasius Epist. 13. ad Episcopos Dardaniæ.

Accedit auctoritas Concilij Florentini sess. 20. ubi tum Græci, tum Latini Canones illos Nicenos esse testantur. Primum Marcus Ephesus id tanquam certum, & indubitatum ponit his verbis: *verum ea vos non ignorare existimo, quæ Zosimi summi Pontificis tempore acta fuerunt: qui cum ad Carthaginiense Concilium scripsisset, Nicenæque Synodi decretum misisset Romanum Pontificem Oecumenicum appellandum, Concilium illud respondit, se prius velle ipsius Synodi acta, quæ vel Alexandria apud Cyrillum, vel Constantinopoli apud Proculum essent, diligenter inspicere, quandoquidem apud acta ipsius Niceni Concilij decretum non extabat &c. & tertio vocat Nicenum.* Cui Ioannes Theologus in hac narratione facti, & nomine Canonum Nicenorum consensit, cum calumniam corrupti textus à Zosimo, quam eidem Marcus intenderet, refutasset, asserens veros fuisse Canones Niceni Concilij, quos Zosimus ad Concilium miserat. Affero locum, qui rem omnino continet. Debebas, inquit, Ioannes ad Marcum, *vetustissimas ac humanissimas Iulij, Liberique summorum Pontificum litteras bene memoria tenere, quas Iulianus præstantissimus Sanctæ Sabine Cardinalis nobis ostendit, quibus patet Athanasium, cum ab Antiocheno Concilio damnatus fuisset, ac eundem Concilium ipsum vehementer persequeretur, ad Felicem, Marcum, Iulianum, Liberium scripsisse, ac eosdem obsecrassse, ut acta Synodi Nicenæ, quæ perfecta, & non mendosa Romæ in bibliotheca extarent, ad ipsam mitteret, quandoquidem omnia quæ in*

Orien-



Orientali Ecclesia extabant ab Arianis corrupta fuerant. Cui qui-  
 dem Athanasio summi Pontifices ipsi responderunt, se acta illa  
 quæ Græce Latineque scripta, ipsorumque met Patrum manibus  
 subscripta, & eorandem sigillis obsignata à summis Pontificibus  
 summa veneratione seruarentur nolle mittere, se tamen ipsi  
 Athanasio nonnullos exscriptos Canones duros, qui ad eius rem  
 facere viderentur. Deinde cum Athanasius ab ipso Antiocheno  
 Concilio ad Romanam Sedem prouocasset, Hæreticis ipsæ obij-  
 cientibus id non iure fieri potuisse, Liberius ipse ad Athanasium  
 Nicenum decretum de prouocando ad Romanam Ecclesiam exscri-  
 ptum misit, quo deinceps Athanasius acerrimè se contra Hæreticos  
 defendit. Et laudato Iulij testimonio alterius decreti Ni-  
 ceni vetantis in consilio Pontifice cogi Concilium  
 concludit. Cur ergo Zosimum immerito accusas ipsum ad Cartha-  
 ginense Concilium falsam Nicenæ Synodi Canonem misisse?  
 Nulla hic est mentio Canonis Sardicensis, sed solius Ni-  
 ceni. Non me fallit Patrem Lupum sæpe negare has  
 Epistolas germanas esse. Scio id etiam affirmare Ba-  
 ronium, Bellarminum, Spöndanum & Binius. Verum ut-  
 cunque sit de veritate Epistolarum, satis  
 mihi est quod in Concilio Florentino cum fiat mentio  
 illarum Epistolarum nulla sit Concilii Sardicensis, sed  
 tantum Niceni, & in eo conuenire Marcum Ephe-  
 sium, & Ioannem Theologum, quibus haud scio  
 an fuerint doctiores in eo Concilio. Itaque  
 non multum interest vtrum illæ Epistolæ veræ sint  
 an falsæ? Satis est quod in eo Concilio vniuersali  
 Niceni Canones nominentur. Non omitam tamen  
 dicere difficile mihi videri deceptos fuisse illos

duos



duos antagonistas nec solum eos, sed & Iulianum Cardinalem, imò ceteros in Concilio assistentes; maior certè est apud me tacita vniuersalis Concilij consensus dum audiendo dicta visum est ea probare, quàm contradicentium, vel loquacissima argumenta. Nec verò Baronius, Bellarminus, & sequaces omnes illas Epistolas negant, vti facit P. Lupus qui eas omnes stramineas appellare solet. De qua mihi cum eo quondam Romæ acris, ac vehemēs publica disputatio fuit in Collegio de Propaganda fide, me illas Epistolas cum Florentino Concilio sustinente, & Lupo impugnante, & stramineas esse clamante. Cui ego non ineptè, opinor, reposui; nos Romæ esse, vbi straminea Romuli Regia fuit, de qua Virgilius lib. 8.

*Romuleoque recens horrebat Regia culmo.*

Vbi pastores erant, stramina inueniri, quibus cum ipsi, tum oues incubarent. Malle me credere Concilio, quàm Hincmaro amari et oris & animi viro. Scribat ille ad caput 8. disert. super Concilio Sardicensi Epistolas illas tanquam suppositas tam à doctis passim reijci ego non reijcio, & indoctum me fateor, qui scio inter Canones etiam Paleas recipi, & gratiosas Gratiano videri. Rurum scribat idem Lupus cap. 6. neque Marcum Ephesum, neque Ioannem Theologum fundum huius rei vidisse, & à Mercatore deceptos. Id minus probo nam non ij tantum eas Epistolas, sed etiam alij in eo Concilio receperunt; nec opus est videre fundum, sed tenere, & hærere infundo, qui veritatis locus est. Magnum fundamentum est in ea sententia, cui Concilium Florentinum fundus fuit. Mercator ille optimum ijs fundum tradidit, & qui-

dem



dem cum fanore, nec sefellit fidem. Malo ei quàm Lupo credere: Non ignoro quantum *distent ara Lupinis*. Conabor tamen cum sim prope Timauum, Laneum, siue lanatum reddere. Certè Theodoretus lib. 11. c. 4. tradit Iulium primum Pontificem Athanasium, eiusque iudices iure Niceni Concilij Romam euocasse præterito Sardicensi. Quoquo tamen modo sit, nemo antiquorum vsque ad Gregorium Papam, nemo recentiorum in Florentino Concilio Sardicenses illos Canones dixit; sed Nicenos.

Obijcit tandem Lupus hac ratione augeri Canones Nicenos, quos constat esse solos viginti. Latè hac de re & copiosè disputat in Notis ad Nicenum Concilium; & ante illum nos eodem Lupo præsentè annos ab hinc ferme duodecim disputauimus, & postea accuratè scripsimus in Syntagmate de Concilijs manuscripto, & propediem in lucem edendo adhaerentes sententiæ quæ affirmat plures esse Canones quam viginti, ibi ue laudauimus Isidorum Episcopum Hispalensem, Baronium, Spondanum, Bellarminum, Binius, qui contra Lupum sentiunt, & vsuimus auctoritate Concilij Florentini, quam etiam adhibuit Bellarminus lib. 1. de Romano Pontifice cap. 25. Exclusimus tamen Canones Arabicos, de quo longa fuit nobis cum Abrahamo Ecchelenfi super eo disputatio; qui eos mordicus sustinebat. Verùm non est opus hanc quæstionem excitare. Vtunque sit, hi Canones includuntur in alijs viginti, qui erant auctores, & ab Hæreticis sunt mutilati, & apparet in Canone 6. qui est Acephalus in eo textu Niceni Concilij. Incipit enim sic *Antiqua consuetudo est* cuius tamen caput inuenitur in Chalcedonenfi Concilio ex Codice Romano vbi ponitur

*Quod*



Quod Romana Ecclesia semper habuit Primatum, & hoc ipsum significavit Marcus Ephesus in illis verbis superius allegatis. Similiter dico addendos esse hos duos Canones, qui vulgo dicuntur Sardicenses, alijs Canonibus Nicenis videlicet 5. & 7. qui certe videntur mutilati; nec enim credendum est rem tantam, tam necessariam, tam utilem qualis erat materia appellationum neglectam fuisse à Concilio Niceno, eo præsertim tempore quo Ariani Catholicos Pastores Calumnijs & iniurijs passim afficiebant, à quibus necesse erat ad superiores appellare: Credendum verò Hæreticos utranque partem am putasse, & caput Canonis 6. & partes Canonis 5. & 7. qui continebant doctrinam Primatus Romani, & appellationum ad Pontificem Romanum. Itaque recte Glossa decretorum in c. *viginti tantum*, sic habet: *Sardicensis plura capitula sunt ex Nicena Synodo accepta. Iuvat Gratianus: viginti tantum*, inquit, *capitula Nicena Synodi in Sancta Romana Ecclesia habemus. Sed quo neglecta alia defecerunt ambiguum est: quæ verba manifeste supponunt ultra illa viginti capitula, uti hodie sunt, & olim in illis exemplaribus Orientalibus fuerunt, aliqua capitula fuisse. Summa est etiam retentis viginti Canonibus Nicenis, uti vult P. Lupus, stare nostram sententiam quæ tenet Canones appellationum, qui Sardicenses, in primis & castigatis exemplaribus fuisse, vel saltem esse potuisse, ne ad eam questionem redigamur; utrum fuerint plures, aut pauciores quam viginti, de quo tamen volo Baronij sententiam adscribere, ea quæ P. Lupi fidentiam refutare.*



Baronius Anno 325. Christi pag.

301. & 302. tom. 3.

edit. Rom.

**C**eterum Nicænos Canones aliquot passos esse naufragium, tabulæ quæ hinc inde dispersæ reperiuntur, manifeste significant. Quis neget, immo quis auctoritate Sancti Hieronymi non affirmet, atque tuto confirmet, in eadem Magna Synodo de Divinis scripturis authenticis editum esse Canonem? ipse enim sic præfatur in Iudith. Apud Hebræos liber Iudith inter Hagiographa legitur; cuius auctoritas ad roboranda illa, quæ in contentionem veniunt, minus idonea iudicatur; Chaldæo autem sermone conscriptus, inter historias computatur. Sed quia hunc librum Synodus Nicæna in numero Sanctarum scripturarum legitur computasse; æquæque postulationi vestræ. Nemo igitur inficias ire poterit, eiusmodi Canonem, quo libri canonici numerati erant (nescio quo casu) penitus excidisse.

Rursum vero de bigamis non ordinandis Nicænum Canonem citat Sanctus Ambrosius, qui pariter desideratur: ait enim: Sed prius cognoscamus, non solum hoc Apostolum de Episcopo, & presbytero statuisse, sed etiam Patres in Concilio Nicæno tractatus addidisse: neque Clericum quemquam debere esse, qui secunda coniugia sortitus sit. Hæc ipse. At quis, rogo, tam perfrictæ frontis homo tot tantisque Patres

Mm

men-



mendacij adeo impudenter redarguerit, & affirma-  
 re ausit eos esse mentitos, quod hi duo canones  
 extra numerum illorum viginti positi videantur?  
 Qua pariter ratione falsarius haud dicendus est san-  
 ctissimus ille Zosimus Papa, quod citauerit Nicæ-  
 num canonem de appellatione ad Apostolicam sedem,  
 qui tamen inter viginti illos nequaquam numeratus  
 habetur, neque apud Græcos inuenitur, sicut nec duo  
 alij superius recensiti; cum tamen Theodoretus illum  
 ipsum digito signet, dum scribit Athanasium Ariano-  
 rum calumnijs circumuentum, & illorum iudicijs exa-  
 gitatum in Occidentem venisse, & Arianos litteris con-  
 tra eundem causam prosequutos esse; quando, inquit,  
 de Iulio; Ille Ecclesie canonem sequutus, & eos iussit  
 Romam venire, & diuinum Athanasium, quod pro se  
 in iudicio ipse responderet, vocauit. Sed quisnam iste  
 Ecclesie Canon? non certe Sardicensis Concilij, quod  
 [ut idem demonstrat auctor sequenti capite] non dum  
 fuerat celebratum. Compelleris ergo fateri, per Ec-  
 clesie canonem non alium significatum esse, quam ei-  
 tatum Nicæni Concilij canonem de appellando ad Ro-  
 man Pontificem, quem Athanasius (ut suo loco plu-  
 ribus declarabimus) aduersus Arianorum iudicia con-  
 tra se lata legitime appellauerat. Cum vero constet  
 longe grauiori ex Aræna hæresi tempestate iactatam  
 esse Orientalem, quam Occidentalem Ecclesiam, haud  
 mirum sit, Hieronymum, Ambrosium, & Zosimum  
 Papam, ex Romanæ Ecclesie archiuis, atque aliunde  
 petitos, præter viginti illos nouisse Nicænos canones;  
 quod intelligentes Patres Catholici, qui Sardicam ad  
 Occumenicum Concilium conuocare, complures ex



canonibus Nicææ in Magno Concilio editis, tanquam in recentiori theca recondentes, decretis Sardinensibus, additis quibusdam alijs, intexuere. Rursus autem Episcopi ipsi Africani in tertio Concilio Carthaginensi sub Siricio Papa, quod constituerunt Canone vigesimo nono, ut non nisi à ieiuno sacrificium offeratur, in Nicæno Concilio statutum fuisse, inferius Canone quadragesimo octauo profitentur, cum in hac sic aiunt: De fide enim Nicæna tractatus audiuius. Verum & de sacrificijs inhibendis post prandium, ut à ieiunijs, sicut dignum est, offeratur, & tunc, & nunc confirmatum est. Hæc ibi Baronius,

Super est vnum scrupulum remouere; videlicet laudatas à me esse Epistolas quorundam Pontificum, quæ vulgo apocryphæ existimantur, quod mihi posset Lupus obijcere. Respondeo: propterea id à me factum, quod vidi ab eodem P. Lupo viro eruditissimo adhiberi Epistolam Bonifacij secundi ad Eulalium prorsus commentitiam. Itaque non poterit mihi opponere, quod ipse commisit. Vnum animaduerto me in utilitatem Romanæ Ecclesiæ illas Epistolas protulisse, cum ille secus fecerit producta illa Epistola Bonifacij, qua inducta Heterodoxi schisma illud Africanum introducunt: quibus errandi occasio adimenda est, quemadmodum magus ille parens Historiæ Ecclesiasticæ Baronius fecisse comperitur.

Tandem moneo; me in tribus, quas hoc anno cum tribus doctissimis, & eruditissimis viris de Traditione Azyri, de recta doctrina Sanctorum Lirinenfium, de



consensione Africanæ Ecclesiæ cum Romana contentionibus suscepi, rem Sedis Apostolicæ egisse, & omnem meum studium, industriam, doctrinam ad Sanctæ Ecclesiæ Romanæ utilitatem, & gloriam contulisse.

Equidem, ni me mea fallit opinio spero fore, ut hi duo nobilissimi auctores Lupus, & Noris lectis meis hisce commentationibus, quæ illorum ingenuitas est, cognita doctrinæ huius veritate, à sua sententia recedant, & ad meam accedant, ac, pro sua eruditione, nova fundamenta inuestigent, quibus eadem hactenus à nobis tradita doctrina confirmetur: quemadmodum mihi feliciter contigit in prima de Azymo contentione: quam cum absoluissem, rogavi suppliciter Eminentissimum Cardinalem Bonam, uti haberetur in meo Commentario in fine capitis quinti, ut pro suæ religionis, & pietatis, Patres alios præter eos, quos ipse collegeram in Vaticana Bibliotheca, in qua eruditè habitat indagaret, quorum testimonijs traditio Azymi stabiliretur, Quod ille studiosè, ac feliciter præstitit: inuenit quippe opusculum manu scriptum Sancti Ildephonsi Episcopi Tolerani, qui septimo sæculo floruit, quod rem Azymi continebat, & doctrinam à me traditam firmabat. Quod ille tamen, cum mihi posset homini Hispano, quod esset Hispani Scriptoris, tribuere, maluit tamen homini sui instituti Gallo assignare. Fortè quod in Gallia facilior est, & frequentior usus edendi libros, & publicandi. Illud autem nos propediem expectamus: quod idcirco animaduertimus, ut homines docti norint tanto viro istud Ildephonsi testimonium.



deberi. & si non dubitem, quin auctor, quicumque ille demum sit, Eminentissimum Cardinalem Bonam honorificè appeller, & ipse illo nominato candidè fateatur per quem profecerit.

In calce operis mei satisfacere operæ pretium erit P. Henrico Noris mihi, vt aiunt, subirato quòd aduersus illum scripserim, nam eum ego prius monueram, nec inopinantem laceffiui: ac eius me quidem exemplo defendam. Siquidem ille P. Ioannem Garnerium virum doctrina eximia eruditione multiplici, ac recondita eloquentia summa, virtute singulari, de republica Ecclesiastica benemeritum, senectute venerabilem, quietè & aliud agentem in Gallia, audacter prouocauit, & aculeatis dictis acerbe impetiuit, tanta fiducia vt existimet eum à se prorsus esse conuictum. Quod tamen secus est: idque ego multis argumentis palàm facere possem, si otio abundarem, & ille aliquo alio præter se defensore indigeret: ac ne temere loqui videar specimen aliquod huius mei iudicij afferre volo. Initio opusculi sui aduersus Baronium, & Garnerium affirmat S. Ambrosium fuisse in viuis, cum Augustinus expeditionem Cirtensem inaugurandi Episcopi causa suscepit, quod est omnino à veritate alienum: cuius ego rei eundem Baronium auctorem habeo. Fefellit cum illa particula Epistolæ Augustini 163: vbi dicit *Quæsiuit ab eo, vtrum iustum, & Christianum putaret Mediolanensis Ecclesiæ Episcopum Ambrosium &c.* quasi verò de viuo Ambrosio sermo sit cum de illo mortuo illa verba possint, debeantque intelligi, quod mihi in Augustino habitanti compertum est. Norit P. Noris cum à

prin-



principe Ecclesiasticæ historiæ recedit<sup>1</sup>, à vero  
recedere, & ex hoc argumento

discat, quæ scribit contra

Garnerium, ea non

tam esse

indu-


bitata, ut refutari non

possint


**F I N I S.**













# INDEX

## R E R V M.

- A** Appellatio ad Romanum Pō-  
 Bbates Litinenses re-  
 cententur. Laudan-  
 tur. 134. 135.  
**A** Aloysius Torellus Au-  
 gustinianus Historicus. Lau-  
 datur. 97. 136.  
 Amor res plena timoris 231.  
 Anachoretarum Lirinentium  
 elogium 11. 2.  
 S. Antonius Lusitanus transit ad  
 Ordinem Minorum 178.  
 Antonius Paulucius Primarius  
 Canonum Patani Lector  
 creatur Auditor Rotæ Ro-  
 mance. Commendatur. 271.  
 Antonius Maghiabecus Biblio-  
 thecarius Serenissimi Magni  
 Ducis Etruriæ laudatur. 9.  
 Appelandi ius ad Sedem Ro-  
 manam est diuini iuris 277.  
 Appellatio famosa Apiani  
 237.  
 Appellatio Antonii Fustalensis  
 Episcopi celeberrima  
 238.  
 Appellationis contentio in sex-  
 to Africano Concilio non  
 fuit de iure, sed de modo ib.  
 Appellatio ad Romanum Pō-  
 tificem semper fuit rece-  
 pta, & continuata a Patri-  
 bus Africanis. 251.  
 Arianæ Heretici vtrum Conci-  
 lium Sardicense simul cum  
 Catholicis celebrarint; 189.  
 an Philippopoli ibid. &  
 sequen.  
 Arianæ superbi & fraudulentæ  
 201. 210. Fa. iosi 229.  
 Ariminiani, & Remonstrantes  
 noui Pelagiani. 9.  
 Augustini laudes 44. 205. 208.  
 211.  
 Augustinus à P. Lupi male ac-  
 cipitur: defenditur ac Au-  
 tore 161. 163. 170.  
 Augustinus quando sit ab Au-  
 ctore ibi 161. 163. 170.  
 206. 243. 164. 270.  
 Augustini Consecratio præter  
 Concilium Nicenum licita  
 & utilis. 173. & seq.  
 Augustini humilitas & mode-  
 stia 179. 213.  
 Augustini libri de Prædest.  
 Sancti. & de Don. Perseuer.  
 quando scripti. 106. ad 112.

S

Augu-



Augustinus in libris Retractationum contra opinionem vulgi vix quidquam momenti retractavit. 180. 183. vide. Retractationum libri. &c.  
 Augustinus Sedis Apostolicae studiosissimus. 167. 254. 264. 272.  
 Augustinus ius, & vsum Appel-landi ad Sedem Apostolicam semper agnovit, & frequentavit. 238. 248. 255. 264. 270.  
**B** Arbarorum irruptio in Africam 108. devastant illam provinciam 109.  
 Baroni Auctor studiosus 4. 105. 282. & seq.  
 Baronius Ecclesiasticae Historiae Pater & Princeps. 93. 233.  
 Barralii elogium de Insula Lirinensi. 140.  
 Basilus reprehensus a Patre Lupi 189. Laudatur ab Auctore.  
 Bellarminus fauet sententia Augustini de Concilio Sardiceni 186. & 212.  
 Benedictini Monachi continent Lirinense Monasterium suum esse. 142.  
 Bonifacius Secundus contra non s. successorem sibi eligi. 169. rescidit male factum ibid.  
 Eius Epistola commentitia ad Eulalinum. 270.  
**C**æsarius laudat Lirinen- ses. 136.  
 Calvinista sunt Prædestinariani.  
 Canones Sardicenses de appellationibus examinantur sunt Niceni. 228.  
 Idque late probatur ab auctore 272. & sequent.  
 Canones Concilii Niceni an sint plures quam viginti 282. & sequent.  
 Calsia u opinio Hæretica 28.  
 Cassianus colitur vii Sanctus in Gallia 121. sed vii correctus, non vii Semipelagianus. ibi.  
 Calsianus quo tempore Collationes scripsit 130.  
 Catholici medi inter Pelagianos, & Semipelagianos 29.  
 Catalogus Abbatum & Sanctorum Lirinensium 134.  
 Caullatio Noris in Vincetium Lirinensem. 72.  
 Cælestius Romam appellat. 237.

Cale-



Caelestini Epistola detorquetur  
a P. Noris & Volsio 56. &  
sequent. & 67. & sequent.

Caelestini Epistola ad Episcopos  
Galliae proponitur, & expo-  
nitur recte ab auctore. 62.  
ad 67.

Chrysostomus utrum faueat Se-  
mipelagianis? 75

Chymicorum exemplum a  
Noris aductum refellitur. 8

Chorepiscopi Episcoporum Vica-  
rii An fuerint verè Episcopis  
Coadiutores Episcopis videnti-  
bus dari soliti. 176

coadiutor Valerii fuit Augu-  
stinus ibid.

Coadiutores habuit Petrus.  
176.

Commonitorium Vincentii Li-  
rinensis opus nobilissimum  
7. editur sub nomine Pere-  
grini 13. cur editum a Vin-  
centio? 13. laudatur ab au-  
ctore ibid. Commonitorij  
laudes congestae ab eodem  
ibid. ad 23. 92. ad 96. impe-  
ditur a Noris 7.

Concilij Niceni Canones varii  
citantur. 172. 273. Niceni  
Canones de appellationibus  
proponantur, 273. ad 282.  
Nicenos Canones non igno-  
rarunt Patres Africani. 267.  
vix tantum illorum eos la-  
uit. ibid. Concilium Floren-  
tinum Canones de appella-

tionibus Nicenos existi-  
mauit. 278. & sequent.  
Concilium Sardicense  
vulgo dictum Catholico-  
rum, multum cum Augustino  
Haereticorum esse puta-  
runt? utrum probabiliter  
206 & sequent.

Concordia Augustini liber edi-  
tus ab auctore Parisiis 257  
probata ibi.

## D

Descriptio amena Insu-  
larum Leri, & Lirinæ  
10. Descriptio Monasterij  
Lirinensis. 140

Disputandi, & opinandi li-  
centia Scholasticorum  
reprehenditur a P. Lupo  
162 & sequent. iure ne  
an injuria? examinatur.

Donatistae fraudulentis fin-  
gunt se catholicos 202.

Donatistae quid senserint  
de Concilio Sardicensi?  
ibid.

## E

Ecclesia Orientalis quæ, &  
quos Episcopos habue-  
rit? 213. Ecclesia Africana  
nunquam auulsa fuit a  
Romana. 238. semper ad  
Sedem Romanam appel-



lationes permittit. ib. & sequent.

Ecclesia Romana in seruandis scripturis fidelissima. 275

Ecclesia Græca falsa est corruptiones scripturæ suarum ibid.

Epitichæ usus licitus 174

Episcopus Montis Albani Parisiis laudatur 257. commendat doctrinam auctoris de Sancto Augustino ib.

Episcopi Concilii Sardicensis numerantur 211. Episcopi Concilii Sardicensis an fuerint catholici, vel Heretici 213. an fuerint mixti ex Orientalibus & Occidentalibus ibid. Episcopi duo in eadem ciuitate vtrum fuerint permitti 176. 178.

Epistola Marci Papæ, Iulij, & Liberij an sint Apocryphæ 279. 280. Epistola Bonifacij secundi commentitia. 270.

Eucherius auctor latinus elegans 106. eius testimonium de Lirinesi Insula præclarum 138. fuit Monachus Lirinentis ibid. 27

Euchologicus liber editus ab auctore, 57

Faustus Semipelagianus Augustino aduersus 12.

Patria fuit Anglus ibid.

Episcopus Reiensis. ibi ex principibus Semipelagianorum 3. Faustus vulpecula dicitur à Baronio 67. non fuit Abbas Viuentii Liriacensis. 83. 84. colitur vt sanctus in Gallia, sed vt correctus 124.

Faustinus Legatus Pontificis Romani in sexto Concilio Carthaginensi 259. non queritur de patribus Africanis quia nihil videtur dissentire ab Ecclesia Romana ib.

Fidei confessio an facta fuerit in Concilio Sardicensi 227. fides Concilii Niceni an fuerit approbata in Concilio Sardicensi 216. 218.

Finis Concilii Niceni triplex, & qualis 216. finis Concilii Sardicensis qui, & qualis ibid.

Forma Concilii Sardicensis quænam fuerit 216. 218. & sequent. Forma Concilii Niceni qualis ibi, formata litteræ quæ 202. formata litteras fingunt Donatista 02. 203.

For-



Fortunius Episcopus Donati-  
sta 109. disputat cum Au-  
gustino, & conuincitur  
ibi.

**G**allia a infecta Semipe-  
lagianismo 70

Gallia laudatur 177

P. Gargarius S.I. 182

Gerardus Vossius Heterodoxus  
p. 4. Intensus Vincentio. ib.

Gennadius Semipelagianus. 37.

Damnatus fuit ab Ecclesia

Lugdunensi. 39. Gennadius

qualis indole, ingenio 441

Glossa Concilij Sardicensis.

215.

Goneus Dominicanus Com-

mendatur. 95. stat pro Vin-

centio ib,

Gratianus expenditur, commen-

datur, arguitur. 241

Gratus Primas Carthaginien-

sis. 214. An inter fuerit Con-

cilio Sardicensi: 214. 215

Grotius laudat Vincentium p.

24.

Gregorius P. vocat Euangelia

4. Concilia vn. uersalia. 227

H

**H**eresis Pelagianorum. 28.

47

Semipelagianorum. 34. 18.

Prædestinarianorum. 77.

Hæreson Parentes Magni Ho-  
mines. 122

Hæreti i nulli se errare putant.

204.

Hæretici vtuntur exemplo Bo-

nifacii contra Romanam

Sedem. 270. Epistola illa

commentitia. ib.

Hilarius a P. Noris Semipela-

gianismi insimulatur. 6.

Hilarius laudatur a Cælestino.

60. A Nori arguitur Se-

mipelagianismi 97. Semipe-

lagianorum Coryphæū prædicat. ib.

Hilarius vnicus asseritur Ab Au-

ctore contra Norim p. 99.

Defenditur a nota Semipe-

lagianismi 114. 118.

Historia Consecrationis Augu-

stini. 171

Homouision confirmatum

217.

Honoratus Gallus Lirinen pri-

mus incolit p. 10. primus

Abbatum Lirinenfium.

134

Hymnus in S. Honoratum, &

Santos Lirinenfes. 142

la-



**I**acobus Monterius Soc. res.  
consideratur. 132

Lusitanus Magister Nouitio-  
rum. prælegit Collationes  
Cassiani Nouitiis. 16

lactantia P. Noris. p. 4.

Imperitia Augustini felix. 17.

Inauguratio præpostera Au-  
gustini ex P. Lupo. 170

Ius appellandi ad Sedem Ro-  
manam. 227

Iuris Diuini est. ib. Contentio  
nulla fuit de iure appella-  
di inter Episcopos Africa-  
nos & R. Sedem 230 232.

Contentio fuit de modo ap-  
pellandi, non de iure. 232.

Exercetur & hodie inter  
Canonistas, & Legisperi-  
tos. ib. Ius appellandi ad  
R. Sedem probatur ex Cy-  
priano 234. ex Augustino  
236.

**L** Abbe Soc. I. pro Vincen-  
tio. 92

Legati Concilii Sardie. 222.

mittebantur cum potestate  
armata 265. aliquando a Se-  
de Romana 251. 273.

Leros, & Lirine insule. . 1

Leros. S. Margarita : Lirinæ ,  
S. Honoratus hodie dicitur.  
p. 10. Earum descrip-  
tio. ib. Leros , & Lirine  
Galliarum Thebaides. 1.  
Ambæ superum colonie .  
p. 11.

Libelli accusatorij Primi  
254.

Liber vitarum. Patrum vtilis  
79.

Lucillus Veronensis interfuit  
Concil. Sardicensi. 220

P. Lupus Noris Am. issimus.  
145. male sentit de Vin-  
centio Lirin. 146. Notas  
edidit in Concilia. ib. Ac-  
cusat Sulpitium , & Vin-  
centium Semipelag. 147.

Arguitur simultatis in Vin-  
centium. 148. male appro-  
bat Canones Antiochenos.  
149. Immerito insinuat  
Semipelagianismi Sixum  
Papam. 152. Arguitur In-  
considerantia. Accusatur  
lapsus multiplicis . 164.

Perperam sentit de Conuo-  
catione Concilii Constanti-  
nop. 165. sibi contradicit  
ibid. Temere imperitiæ  
arguit Augustinum. 168

Scholasticos reprehendit .  
169. Tria ponit errata im-  
peritiæ Canonum . 170

Impudenter appellat Au-  
gustinum nescientem. Con-



tra P. Lupum de Theodo- summis laudibus. 17  
60 Imperat. 227 Fauet Monasterium in figne S. crucis  
Heterodoxis 2. 17. Conimbriae. 178

Reiicit Epistolas fauentes  
Ecclesie quorundam pon-  
tificum 280. recipit vnam. de  
Bonifacii secundi fauentē.  
Hæreticis 19. ibid. negat. 1. 6.  
contra Baronium Canones T. Noris scribit Historiā Pe-  
Nicanos esse plusquam vi- lagianam p. 3.  
ginti 281. & seq. Amicus Auctoris ibid.  
Ponit Vincentium in Cata-  
logo Semipelagianorum.  
ib. Noris iactantia. 4. 6.

**M**acarij in figne factum  
89. Marcus Antonius de Domi-  
nis. 231. fouet schism. Ec-  
clesie Africane sed falso.  
ibid. ei fauet Lupi. & No-  
ris. ibid. sed minus Noris.  
ib. Monachi Lirinenfes ex  
Noris Semipelagiani 129.  
Defenduntur ab impostura  
134.  
Masilienses. non Lirinenfes  
Semipelagiani 134.  
Martyrologium de Vincentio  
Lirinenf. p. 16.  
Merita nostra non ex viribus  
solius nature.  
Monasterium Lirinenfe semi-  
narium Episcoporum 12.  
Ex Nori Seminarium Se-  
mipelagianorum 129. Au-  
gustinianū creditum a qui-  
busdam. 136. Extollitur

Temere in Vincentium  
scribit. 14. 16. Accusat  
Semipelagianismi Vincen-  
tium. Hilarium. Cæterol-  
que. 96. 129. Lirinenfes  
Monachos. 131. Arguitur  
confessionis cum Volsio  
Heterodoxo homine 24.  
40. Perperam intelligit  
Vincentium. 31. Noris fa-  
uet Auctori 36. & seqq.  
Inepte producit Vincen-  
tium in Augustinum. 47.  
Noris non attingit mentem  
Pelagij de Adiutorio Gra-  
tiz. Imperitiz Grammati-  
cz arguitur. 51. Immerito  
detorquet Vincentium in  
Cælestinum. 58. Noris in-  
fensus nimis Vincentio ib.  
Arguitur iterum Volsianæ  
confessionis. 75. Nugatur.  
Commonitorium scriptum

in



in gratiam Faustii. 83. Eius furda. il  
 Contradictio manifesta 54. Indignæ responsione. 83  
 Immerito facit Vincentium 85  
 Auctorem obiectionum. 85. Opiniones tres de petendo,  
 & seqq. orando &c. 28. Pelagii,  
 Noris studiosus augendi nume- no castiani, & semipelagia-  
 rum Semipelagian. 96. norum, & Augustini cum  
 Noris Coniectura in Hilarium. Catholicis. ib.  
 97. Hilarios geminos cadit. Op nionem probabilioru  
 99. Refutatur 167. & seqq. In nemo sequi tenetur  
 firma ratione Semipelagianis- 181.  
 mi Hilarium accusat. p. 115. Opiniones variaz de nume-  
 Modeste reprehenditur. 119 ro Patrum Concilii Sar-  
 Perniciosè excusat Semipela- dicen- sis. 312  
 gianos ab Hæresi. 121. Incau- Orationis necessitas. p. 29.  
 tus præbet arma contra se ip- 34  
 sum. 121. 267 Im. lorat opem Origenes fauet Semipela-  
 Lupi. 145 Frustra. ib. & seq. gians. 75  
 Male sentit de Patribus Afri- Osius in Concilio Sardicen-  
 canis Fluxè impugnat Mar- si: 220  
 cum. Antonium de Dominis Octobonus Cardinalis com-  
 167. 231 mendatur. 226  
 Actner impetit Garnerium. 87.  
 Noris laudatur. r. 39 56. 84  
 Niceni Concilij Canones. vide  
 Canones.  
 Nonatus Hæreticus factiosus. 234  
 Obiectiones Vincentianæ non sunt Vincentii Liri-  
 nensis. 85. & seqq. quam ab Prosper confutat Faustum.



p. 12. Laudatur à Caestino. 60.  
 Paulucius Patavinus Lector. 271. Fit Rota Romanæ auditor. ib. Editurns est opus iuris Prudentiæ sacræ, & Ecclesiæ. ib. commendatur. ib.  
 Pelagius negat necessitatem orandi, viribus naturalibus attribuens. 28. Tres status habuit errandi. 49. Non agnouit gratiam efficacem. 51.  
 Pelagius Musca Moritura dictus. 74  
 Peregrinus cur vocatus Vincentius. p. 13. 151.  
 Petronius Episcopus Bononiensis. p. 105.  
 Petrus Coadiutores habuit Linum, & Cletum. 176  
 Philippopolitanum Concilium fictum à P. Lupi 189 &c.  
 Probatur validissime. 203  
 Poenæ congruere debent delictis. 221  
 Porcarius Martyr Liriaensis p. 12.  
 Positui Theologi reprehenduntur. 241. Baiuli eruditio- num. 249  
 Prædestinatiani à Vincentio damnati. 77  
 Eorum Hæresis. ib. quando floruerint. 78. excitatur in  
 Hollandia, & Frisia. Est propria Calumnistarum. 78.  
 Q Væstiones de factis quædam de fide: Mix- ta. 226. Hac de Re tractatum edidit Auctor. ib.  
 R Emonstrantes, & Arminiani Semipelagianismi 9.  
 Retractationes Augustini ipsum arguunt delicatæ conscientiæ. 179. Errores non continent. Recognoscunt potius quædam 180.  
 Retractat. vocabula Fati Fortunæ, Musarum. ib.  
 Retractationes Augustinianæ quo sensu accipienda. 183. Nihil Augustinus retractat eorum quæ scripsit aduersus Pelagianos. 184.  
 Restitutus Primas Carthag. 207.  
 Riuetus Calvinianus audacissimus. p. 41. Scripsit Criti-



con Sacrum  
Rosneydus  
tissimus.

92.  
Auctor elegan-  
150

Store.

147

Secundus Episcopus Suffetulae.  
259.

S

Sancti vocabulum, & usus.  
122. 123.

Sancti cum merentur de suo  
ponunt. 30

Laborant, fatigantur orando  
&c. 35.

Sardicense Concilium quale  
fuerit 185. ad 223. commu-  
niter habetur pro Catholi-  
co & vniuersali 224. & seq.  
hanc sententiam sequitur  
auctor 206. 207. vtrum sit  
probabile illud fuisse Hære-  
ticorum, quæ est Augustini  
sententia 206. ad 23. An  
fuerint distinctum a Conci-  
lio Philippopolitano 185  
ad 205.

Sardicenses Canones de ap-  
pellationibus fuerunt vere  
Niceni, idque accurate pro-  
batur 272. & sequen. Nice-  
nos ipsi Pontifices & Patres  
antiqui appellati 275. &  
f. q.

Scholastici commendantur, in  
7 rol. & 241.

Sebastianus Pisanus Episcopus  
Veronensis audatur ab Au-

Semipelagiani excludunt gra-  
tiam antecedentem, con-  
comitantem &c. 31. In quo  
sentirent cum Pelagio 48.  
Semipelagiani mulcæ mo-  
rientes. 64. Semipelagiani  
Malsilienies, & similes Hæ-  
retici non erant ex Noris.

121. Semipelagiani Sancti  
esse non poterant. 122

Qui sanctos alserunt vendi-  
cant ab Hæresi. 124

Semipelagiani defendi non  
possunt ab errore post lit-  
teras Cælestini. p. 123

Semipelagianismi aut expun-  
gendi ex albo Semipelagia-  
norum, aut delendi de li-  
bro Sanctorum ib.

Sixtus Pontifex non fuit Semi-  
pelagianismi suspectus, vt  
vult P. Lupus. 152.

Suspicioforum natura. 57  
Suarez pro Vincentio. 420

25. 94.

Sulpitius Seuerus P. Lupo ac-  
cusatur Semipelagianismi.  
147.

Testi-



**T**estimonia honorifica de  
 Vincentio p. 16. Mar-  
 tyrologij Romani. 16. Eu-  
 cherij. 17. Gennadij ibid.  
 Adonis. ib. Honorij Presb.  
 ib. Petri de Natalibus 18.  
 Trithemij ib. Sixti Senenf.  
 ib. Posseuini 29. Bellarmi-  
 ni. ib. Pethæci. ib. Hasselij  
 ib. Peresij 20. Carbonis ib.  
 Costerii 26. Raunaydi. ibi.  
 Suaris ib. Gonet 25. Baro-  
 nii ib. Peronii Card. 22. Ca-  
 ni. ib. Spondani ib. Vasquis.  
 ib. Aliorum seqq. Hetero-  
 doxi quoque Callistus, Ge-  
 rardus, & alii laudant. 23  
 Theodosius maior non con-  
 uocauit Concilium con-  
 stantinopolitanum Primum  
 sine interuentu Papæ. 218  
 Theologi positui taxantur.  
 241  
 Theologi morales perperam  
 reprehensi. 242  
 Thomas Aquinas commen-  
 datus. 270. Doctrina Au-  
 gustinianus. ib.  
 Thomas Sanchez Commenda-  
 tur. 242  
 Torellus, vide Aloysius.  
 Trauers de que Honibus de

Facto, de F. de, Mixtis &c  
 editus ab Auctore. 226

Tridentinum Concilium vbi-  
 que quoad Dogma rece-  
 ptum: non sic quod ad Ec-  
 clesiasticam disciplinam.  
 174.

## V

Valerius Episcopus Hip-  
 ponensis sibi substituit  
 Augustinum 171. 174

Vasquis, & Suaris studiofus  
 Auctor p. 4.

Vasquez pro Vincentio. 22  
 sentit cum auctore contra  
 Norim. 56

Vicarii Episcoporum olim  
 Episcopi ordinati. 178

Vigi us Tridentinus. 218

Vincentius si Semipelagianus  
 non colendus, vt Sanctus.  
 10.


Vincentius Zirinensis à Noris  
 inter Semipelagianos rela-  
 tus p. 3. Floret inter Liri-  
 nenses 12. Gessit varias ci-  
 uiles, & Militares Træfe-  
 cturas. p. 3. Fit Monachus.  
 ib. Peregrinus cur vocatus.  
 ib. Edit Commonitorium, &  
 cur. 14. moritur. 15. Inter  
 sanctos relatus. ib. Deceffit  
 Theodosio, & Valentiniano  
 Imp. 16. A solis H. erodo




xis damnatur. 39. Libera-  
 tur ipso Noris Patrono. 40.  
 Vincentius de Epistola Caele-  
 stini. Monachus non erat  
 cum Commonitorium scrip-  
 sit. 83. Absolvitur Pela-  
 gianismo ab ipso Noris 84.  
 Non est Auctor obiectio-  
 num Vincentianarum. 85.  
 Vincentius alius à Lirinensi  
 qui obiectiones scripsit 85.  
 & seqq. 90. quo tempore  
 floruerit Vincentius iste. 90.  
 Vossius Heterodoxus Calui-  
 nianus. 24. Hostis Augusti-  
 ni. ib. Fallitur de Auctore  
 obiectio num Vincentiana-  
 rum. 91. Dux Noris contra  
 Vincentium Lirinensem 4.  
 56. opponitur ei Grotius  
 24.  
**Z**  
**Z** Acharias Metropolita  
 Chalcedonensis. 212













005647 317